

1804







XXVIII. 1. 30

K. 2.

# RESPONSE

A LA DECLARATION

DE JEAN DE SPONDE, TOU-  
chant les causes & raisons de  
sa pretendue con-  
uersion.

Par M. Bernard Sonis, Pasteur  
de l'Eglise de Letoure.

De la Bibliotheque D. D. Cavalieri  
De Laval episcopi Montpe



BIBLIOTECA NAZ.  
ROMA  
VITTORIO EMANUELE.

A LA ROCHELLE,

Par Hierosime Haultin.

1596.





# A MADAME,

SOEVR VNIQUE  
DV ROY.

MADAME,

**C**ombien que la vérité en se manifestant descouvre aussi le faux, selon cette maxime, que la ligne droite est la regle de son contraire: Toutesfois puis qu'il est commandé non seulement d'instruire en la vraye pieté les ignorans, mais aussi de conuaincre les contredisans, desquels l'Eglise reçoit mal-gré eux ce profit, d'estre occasion que la doctrine celeste soit rendue plus cōmune & plus claire, par la pluralité des liures qui sont escrits sur vn mesme sujet, non differens en foy, mais di-

Tite 1. v. 9.

Aug. liure  
1. de la Tri-  
nité cha 5.

4 A MADAME, SOEUR  
uers en style: le triomphe que les  
ennemis de la vraye religion ont  
fait de la declaration de Sponde  
sur les causes de sa reuolte, &  
l'applaudissement que quelques  
vns mal asseurez y ont donné,  
m'ont fait fueilleter & examiner  
son escrit, descouurir les faussetez  
& impostures desquelles il  
est plein: & respondre aux sophi-  
steries & captiōs qu'il employe:  
à fin qu'un chacun voye & iuge  
clairement, qu'il s'en faut beau-  
coup que tout ce qui luit soit de  
l'or. L'espere que par cy apres au-  
tres ne se payeront de telle ap-  
parence de raison, que ceux qui  
font ou du tout sans raison, ou de  
gayeré de cœur voudrōt submer-  
ger leur foy dans les opinions er-  
ronees des seducteurs, contre les-  
quels il y a deux remedes à ceux  
qui desirent perseuerer. L'un,  
qu'en renonçant à toute sagesse  
& doctrine humaine, ils suivent  
les Escritures diuinement inspi-

Aug. liu. 3.  
de la doctri-  
ne Chrest  
c. 27. & 28.

rees, par lesquelles on marche  
 seurement & à couuert, contre  
 les vents des mensonges & illu-  
 sions. L'autre, qu'ayans bonne  
 conscience ( sans laquelle on ne  
 peut bien esperer ) ils interro-  
 guent souuent le Seigneur par  
 prieres ardentes, qu'il leur four-  
 nisse en Iesus Christ, qui est no-  
 stre lumiere, nostre frere, & no-  
 stre douceur, prudence contre  
 l'esprit derreur, patience contre  
 l'ennuy des afflictions, & at-  
 trempance contre la gloire du  
 monde, & autres affections de la  
 chair. Or Madame, m'estant per-  
 suadé que ceste foy non feinte,  
 qui a iadis habité en ce cœur  
 magnanime & bouillant de zele,  
 au seruice du Seigneur, feu de  
 tresloüable memoire, Madame  
 Ieanne d'Albret, Royne de Na-  
 uarre vostre mere, Princeesse tres-  
 accomplie & tres-regrettee des  
 bons, est aussi en vous, qui n'ou-  
 blierez iamais quelle a esté l'is-

Aug. sur le  
Psea. 3.

1. Corin. 1.  
& 2.

Bernar. au  
Serm. 20.  
sur les Can-  
tiques.

sue de sa vie & conuersation, honoree icy bas du martyre, & couronnee là haut au ciel de gloire, où elle vist en repos, attendant la bien-heureuse resurrection, & l'apparition de la gloire de nostre grand Dieu & Sauueur Iesus Christ. Je me suis enhardy offrir à vostre excellence ce traité deffensif, à fin qu'il voye le iour, l'vtilité en soit communiquée au public, sous le nom & faueur de vostre grandeur : laquelle n'aura plus de honte de se ranger du costé de ceux qui s'opposent par raison aux idolatries & fausses doctrines de l'Antechrist, qu'elle a de confesser le Fils de Dieu deuant la face de tout le monde, pour son seul Redempteur, & de faire profession en tous lieux du pur seruice d'iceluy, à la grande confusion de Satan, que vous menez desia en triomphe, & foulez aux pieds, par la force du Tout-puissant, le-



quel estant fidele, vous confer-  
 mera iusqu'à la fin, & parfera en  
 vous ceste bonne œuvre qu'il y  
 a commencee. Je le supplie de  
 tout mon cœur, Madame, qu'il  
 vous enrichisse de plus en plus  
 en toutes benedictions spirituel-  
 les és choses celestes, conserue  
 la personne du Roy nostre Sire,  
 & la vostre, de tout mal: face  
 ployer sous sa Maiesté ses suiets,  
 deliure son Royaume des inua-  
 sions & brigandages des enne-  
 mis de cest estat & couronne, à  
 fin qu'il puisse conduire son peu-  
 ple sans aucun destourbier, en e-  
 quité & iustice, à l'aduancement  
 du regne de Dieu, qui me sera  
 tesmoin que ie suis

Madame,

Vostre tref-humble & tref-  
 obeissant seruiteur

BERNARD DE SONIS.

A iij



## P R E F A C E   D E L' A U T H E U R.

**D**Eux choses entre plusieurs autres, sont requises à ceux qui doyuent estre iuges des escrits d'autrui, se pouuoir souuenir des raisons proposees, apres les auoir bien digerées & coccuës: item les rappporter à leur propre & vraye fin. A ces deux fonctions si necessaires, il n'y a rien si contraire que le meslinge des matieres; au lieu qu'il n'y a rien si propre que l'ordre, bonne disposition, & suite des raisons & argumens qui seruent à vn mesme propos: si bien que quiconque en vse d'autre façon, laissant & reprenant vn mesme sujet maintesfois, declare ou la grande foiblesse, de son esprit, ou la malice de son ame, taschant par ses bigarrures troubler la raison, & peruertir le iugement. Or qui ne blasmera de l'un & de l'autre vice ce

*nouveau champion Iean Sponde en sa declaration, autant improprement diuisee en trois parties, qu'il traite confusément les poincts qui sont aujourdhuy en controuuerse, & sur lesquels s'estant resolu, il s'est departi de la vraye Eglise, qui est l'espouse du fils de Dieu Iesus Christ: parquoy mettant en usage celle sentence du Comique fondee en iustice, Que chacun recoiue ce qu'il a donne, non calomnies pour calomnies, iniures pour iniures: mais bonnes raisons pour apparentes histoires, & tesmoignages certains, entiers, & fidellement rapportez, pour de supposés, pretendus, & falsifiez. Brief, declaration pour declaration, pour respondre par bon ordre, & entasser tout ce qui fait & a esté dit par luy en diuers endroits de son liure sur vne mesme question. I'ay distingué ce contredit par chapitres, disposez non tant selon le rang & dignité des matieres, qu'en esgard à ce surquoy il insiste le plus. Et pour ce qu'il fait resonner ce nom d'Eglise, & n'a autre but que de s'en couvrir, pour faire valloir toutes les impietez qui ont aujourdhuy la vogue en l'Eglise Romaine: aussi commencerons-nous par ce poinct. Il y a deux*

preceptes couchez par *Æschines*, la pratique desquels nous est aujour d'huy autant utile & necessaire, que le monde est rempli d'hommes hypocrites & dissimulez. Le premier porte, de nous garder de ceux qui n'ont autre chose en la bouche, que le nom de Republique : le second nous enseigne, qu'il conuient prendre ceux-là pour brigands & pirates, qui nauigent en vne mer de paroles. Ce qui a peu estre tresbien adapté en son uiuant audit *Sponde*: & conuient tresbien encore aujour d'huy à son Docteur, & trois fois tresgrand Maistre, du Perron, Euesque d'Eureux, au coing Papal: qui fondent en discours, n'escriuent ne couchent que mots recerchez, vsent de façons de parler bien mesurees, employët tout ce qui se peust d'art: n'espargnent ce que Dieu a donné à leur nature pour combattre la verité, & y resister de paroles: & qui plus est, ne crient que l'Eglise, à l'exemple des faux Israëlités, qui à tous propos auoyent en la bouche, le Temple, le Temple du Seigneur, *Ierem. 7.* Mais quoy qu'ils taschent par leur beau langage (à la façon des Sirenes) endormir les amis simples, & les destourner du chemin &

*tracq salutaire, pour les ietter dans des precipices, ou faire eschoüer sur des bancs : i'espere que ceste beauté fardee sera d'elle-mesme suspecte à tous hommes amateurs de ce qui est naïf & vray, qui ne s'arrestans à l'escorce sucee de mots, & belle robe dont ils reueüent leur captions & sophisteries, perceront iusqu'à la mouëlle, & iusqu'au vif de leurs argumens & raisons. Sponde respond, que ce n'est sans cause qu'ils crient l'Eglise, car c'est ce que nous attaquons, & surquoy noz premiers Docteurs se ruèrent. Si l'Eglise n'est qu'ignorance de Iesus Christ, corruption de la saine doctrine, idolatrie contre Dieu, & tyrannie sur les ames, nous l'accordôs. Mais quel si brutal n'apperçoit, que le Medecin qui combat la fièvre qui est au corps, n'en veut point au corps ; pour la santé duquel il traueille ? c'est donc tres-mal cômencé, & ainsi chacun peut iuger quel en sera le bâtiment, puis qu'il est fondé sur ces non colomnes, mais calomnies & mensonges, à sçauoir, que nous voulons façonner vne Eglise à nostre poste. C'est bien fait de preuenir le reproche, si cela ne compete pas mieux à ceux qui en toutes ses parties l'ont vilai-*

nement desfiguree. Item, que nous creuons le ventre à nostre mere, & ne scaurions viure sans la faire mourir. l'employeray le dire d'un de leurs Papes: Vita Caroli, mors Conradini. La mort de l'Eglise, c'est la vie de vostre Babylone : & la vie de celle-la, la mort de ceste-cy à quoy nous tendons, pour faire viure celle, de qui vous-vous dites à fausses enseignes, enfans. Car ceux-là qui n'ont Dieu pour Pere, & Iesus Christ pour frere, ne peuuent auoir l'Eglise pour mere, qui n'habite point avec autre, qu'avec son espoux. La chose étant donc ainsi, comme il apperra, Dieu aidant, par la preuue: & cependant appoinctez contraires, c'est precipitement que nostre nouveau aduersaire a chanté le triomphe deuant la victoire, & mal à propos appliqué à nous, ce que iadis fust dit aux Donatistes par saint Augustin De verbis Domini serm. 46. cap. 8. Car que faisons-nous en preschant un seul Iesus Christ, que ce que luy-mesme nous commande, & ensuyuant l'exemple de ses Apostres, nous monstrent vrais successeurs de leur doctrine? 1. Corinth. 2. vers. 1. & 2. Gal. 6. Philip. 3. Nous enseignons celuy en qui gist

*la vie eternelle, & salut des hommes, Math. 1. Iean 2. & chap. 17. vers. 3. 1. Corinth. 1. Et l'esleuons haut par la predication de l'Euāgile, non pour l'opposer à l'Eglise de laquelle il est le chef. Mais à l'Antechrist, qui a bandé tous ses nerfs dès pieça, pour degrader le fils de Dieu de ses charges, & nous priver de ses fruiets. Mais il sera tantost temps de ioindre & faire choquer cause contre cause, raison contre raison, dont i'espere avec l'assistance & adresse de cest Esprit de verité, qui promet à ses seruiteurs bouche & parole, à laquelle les ennemis ne pourront resister, faire cognoistre à chacun qui prendra le loisir de lire ceste briefue & petite responce, Sponde auoir esté micux enseigné, qu'il n'a profité, puis que quelque apparence de raisons luy ont si fort esblouy la veüe, & fait perdre toute cognoissance du droit chemin où il estoit, qu'il ne l'a plus reconnu: n'y ayant rien cependant si aisé, que de faire esuanouir ces fumees captieuses, qui luy en ont desrobé la veüe. Que s'il s'est fainct pour auoir esté ou du nombre des Academiques, qui mettent tout en dispute, & iouent plusieurs personages, pour monstrier la viuaci-*



té de leur esprit, ou du rang de ceux à qui  
viuans sans religion, toutes religions sont  
indifferentes, desquelles ils prennent le mas-  
que, maintenant d'une, maintenant d'autre,  
autant qu'elles seruent (ainsi que quelque  
Philosophe disoit des sermens) à pescher  
leurs commoditez. Il experimente à ceste  
heure comment il s'en trouue, & s'il faut se  
iouër de Dieu & de son seruice, & employer  
tant d'imprecations pour mieux se cacher.  
Ce que ie ne dy sans subiect: car plusieurs  
scauent, quel exercice de pieté il faisoit à  
Basle, & l'occasion pour laquelle il s'estoit  
retranché de l'Eglise Françoisse, pour viure  
en toute licence. Or quand mesme par igno-  
rance il auroit esté prins és filez des abu-  
seurs, il n'est pourtant excusable, tant pour  
s'y estre luy-mesme à son escient ietté, & a-  
uoir cerché le danger sans mesurer ses for-  
ces, étant versé si peu que rien és mysteres  
de la foy, ainsi qu'il monstre bien par son es-  
crit: que pour auoir donné scandale & oc-  
casion de choper aux infirmes, & à ceste rai-  
son fait digne d'une telle & si grande peine,  
qu'il luy eust mieux valu auoir, selon la sen-  
tence de Iesus Christ, vne meule de mou-



lin attachee au col, & estre precipité au profond de la mer. Je sçay bien que les fautes qui procedent d'ignorance, sont moindres & plus supportables que celles qu'on commet par malice, principalement en ce que le remede d'instruction est pour celles-là, & non pour celles-cy. C'est ce que ledict Sponde fait semblant de demander en plusieurs endroits de son liure, sommant vn chacun, ou de ne blasmer ses actions, ou d'informer & rabatre ses raisons par de meilleures & plus fortes pag. 54. C'est aussi pourquoy ne pouuant faire le premier, qui est de ne condamner sa cheute sans consentir à son peché, & estre avec luy coupable d'une mesme reuolte, ie me suis mis en deuoir selon ma petite capacité, d'examiner tous ses argumens à l'esquierre des Escritures saintes, & monstrier par icelles leur obliquité & foiblesse: non que ce ne soyent les mesmes obiections que les Docteurs Papistiques ont tousiours en la bouche, desguisees par autres termes, ausquelles a esté respondu par plusieurs sçauans Theologiens de ce temps, si clairement & si solidement, que ie confesse n'apporter rien ou fort peu de mon industrie en ceste

response. Mais puis que ce qui est dit ou en general, ou aux autres, ne nous esmeut pas tant, & ne refuse point nos sens si viue-ment, comme ce qui nous est adressé en particulier, & se rapporte à nos conceptions: ie tascheray de faire voir & comprendre à ses semblables, c'est à sçauoir à ceux qui l'ont desia, ou le voudroyent imiter, fondez sur ses pretendues raisons: Ce qu'il n'a peu lire ne trouuer (par sa faute) és doctes escrits de ces excellens personnages, dont nous venons de parler. Or pour la fin, ie prie les Lecteurs ne trouuer estrange, si ie parle à Sponde és premiers chapitres tout ainsi que s'il viuoit, car aussi n'estoit-il adonc decedé: & Dieu m'est tesmoin, qu'une de mes fins, entreprenant à luy contredire, regardoit à son salut, & à le redresser de son des-uoement, s'il eust plu à Dieu benir mon labcur. On m'excusera aussi, si i'accumule beaucoup de passages, & les couche bien au long (voire iusqu'à estre ennuyeux des docteurs anciens tant Latins que Grecs) ce que ie fay, non par ostentation aucune, mais pour (s'il faut dire ainsi) pocher les yeux des tesmoignages de l'antiquité, ceux qui re-  
fusent

fusent la lumiere qui leur est offerte en la parole de Dieu, aiment mieux bastir leur foy sur les hommes, que sur le Seigneur. Et par mesme moyen i'ay voulu monstrier le contraire des calomnies dont ils nous chargent, que nous n'auons nul consentement de doctrine avec les Anciens: que nous sommes leurs ennemis: que nous tronquons leurs sentences & dicts, & autres tels reproches qui sont tresfaux, & pour lesquels faire encore mieux esuanouir, i'ay produict les authoritez pour la plus part en la langue de laquelle l'Auteur s'est serui en escriuant: ce qui rend trescertain à un chacun, qu'il n'y a icy rien de supposé. Or neantmoins ceux qui n'ont la cognoissance des langues n'y perdent rien: car ou mot à mot, ou sommairement & en substance, le vray sens leur est présenté. Dieu fasce la grace à ceux qui desirent le seruir selon sa sainte volonté, & euites les morsures veneneuses des faux Docteurs, & se desuelopper de toutes doutes, pouuoir profiter autant en la lecture de cest escrit, & s'eschauffer si ardemment au Zele de la gloire de Dieu, & ainct desir de persueuer en la foy de son

*Fils nostre Seigneur Iesus Christ iusqu'à la fin : que les enfans de ce siecle se sont endurcis en leurs idolatries & faux seruites, & les supposés de l'Antechrist resioüis au renuersement & naufrage de celuy duquel nous parlons.*





# RESPONSE

## A LA DECLARATION

DE JEAN DE SPONDE,  
touchant les causes & rai-  
sons de sa pretendue  
conuersion.

### CHAPITRE I.

*De la subsistence & generalité de l'Eglise en la ter-  
re, où est monsté qu'il y a Eglise au monde, & n'est  
qu'une.*



L'Usage de l'Eglise est ne-  
cessaire à tous les hommes,  
voire sans cōparaison plus  
grád quē de l'amitié ou du  
Soleil : car pour elle tout a  
esté fait, & à cause d'icelle  
le monde est conserué &  
maintenu en son estat. Ce  
que nous accordōs, qu'il y a Eglise au monde, &  
sur la terre, qui n'est que l'assemblée dōs vrais fi-  
deles & Chrestiens, sous la conduite de Christ leur

Roy: avec lequel il nous faut auoir communion, & estre trouuez de ce peuple peculier & esleu, pour participer au salut, que Iesus Christ donne seulement à son corps. Ceste conionction des membres entr'eux, & d'iceux avec leur chef estant spirituelle, les liens sont de semblable nature, & sont ces trois, le consentement en la foy & saine doctrine, & verité qui est selon pieté: Item la charité de cœur pur, & dilection seruente que nous deuons porter en general à tout ce regne, que S. Pierre à ces fins appelle fraternité & mutuellement les vns enuers les autres: le troisieme regard de l'obeissance qu'un chacun doit rendre à l'ordre establi sur ceste gent sainte, selon les reigles generales couchees en la parole de Dieu. Nous disons donc, que s'il y a assemblée & multitude en la terre, en laquelle Iesus Christ preside, à laquelle il assiste, & avec laquelle il soit, il y a Eglise icy bas. Or la premiere partie est vraye, si nous ne voulons contredire à Iesus Christ mesme, & reietter le tesmoignage de saint Matthieu, chap. 18. & 28. Parquoy nul ne peut douter de ce que nous auons dit au commencement & dès l'entree de ce chapitre, s'il y a Eglise militante, il faut qu'elle soit en la terre, car celle qui est au ciel est triomphante. Or il y a Eglise militante & qui guerroye Eph. 6. Rom. 16. 1. Pier. 5. ceste Eglise est doncques sur la terre. Nous confessons aussi & aduouons, que ceste Eglise n'est qu'une. Car Iesus Christ n'est point diuisé, il n'y a qu'une foy, vn Dieu, vn Mediateur, vn Baptême, vne esperance dit saint Paul Eph. 4. Ce que le Fils de

Dieu nous enseigne d'un Pasteur & d'une bergerie Jean 10. ne doit estre mis en doute, ains tenu pour certain. En fin puis qu'il n'y a qu'un chemin pour nous conduire au Royaume des cieux Matthieu 7. il n'y peut auoir qu'une Eglise, qui marche certainement & chemine sous la conduite de son espoux Jean 14. Parquoy iulqu'icy il n'y a point de different au poinct de l'Eglise, auquel deuant qu'entrer, que Sponde se souuiene de ce qu'il dit, pag. 57. qu'en l'Eglise les brebis de Iesus Christ n'entendent que sa voix, & ne mangent que sa pasture: ce qu'estant tres-vray, car c'est le Souuerain Pasteur qui l'a prononcé Jean 10. Il s'ensuit que l'Eglise Papistique n'est point la vraye Eglise, où on y oit & reçoit la voix & paroles d'autres, que du souuerain Pasteur & Euesque de nos ames. l'aduerti aussi Sponde, d'estre plus constant en ses negatiues ou affirmatiues, touchant l'Eglise & autres poincts, qu'il n'est en son escrit, où il confesse franchement de quel esprit il est mené, luy qui presse tant la diuersité d'opinions, qui est en ceux qui combattent la Papauté, pour s'en preualoir cōtre nous: & que ne s'accorde-il avec soy-mesme? que ne range-il son entendement à conceuoir choses semblables? ou pourquoy n'vse-il d'une mesme reigle & pierre de touche à fin que tout ce qu'il nous donne soit esgal & de pareil prix? En la pag. 16. il cōdamne Jean Calvin & Jean Hus, d'auoir dit que l'Eglise que nous croyons au Symbole est cognue à un seul Dieu, que ce n'est que l'assemblée des predestinez, que elle a son fondement sur la secrette election de



Dieu, & qu'autres ne sont receus en ceste Eglise que ceux qui par la grace d'adoption sont enfans de Dieu, & vrais membres de Christ, par la sanctification du saint Esprit, & comment la diffinit-il luy-mesme en la pag. 57? C'est la cōpagnie où Dieu se plaist, la compagnie liee de l'vnion de la charité, toute entiere, toute d'accord depuis vn bout du monde iusqu'à l'autre : Et plus haut, Que c'est nostre rendez-vous, nostre retraite, nostre s'entretē, où Dieu est luy-mesme avec nous, où il veut que nous soyons avec luy iusqu'à nostre mort : Cela peust-il estre dit d'autres que des vrais fideles viuans icy, & ceux qui sont ordonnez à salut?

Mais nous reseruons à vn autre lieu la resolution de ceste question. l'adiouste encore, comment l'appelle-il? la cōpagnie de ceux que Dieu trie particulierement pour soy : car il accorde que de ceux que Dieu appelle generalement, il en choisit & s'en reserue quelques vns specialement. Il faut qu'il confesse de ses propres paroles bon-gré mal-gré, que l'Eglise se prend en deux sortes, & que ce nom à bon droit & proprement, est donné à ceux là seuls qui ont la foy, qui ne sont autres que les esleus, Tit. 1. ver. 1. 2. Car c'est à cause d'eux que les hypocrites meslez parmy, participent à ce nom & à ce tiltre. *Propter quod autem unumquodque tale, & illud magis tale.* Si on replique, que le Symbole parle de ceste Eglise comparee au champ, où il y a de l'yuroye parmy la bonne semence, Matth. 13. comparee à l'aire, où la paille est parmy le froment, Matth. 3. Luc 3.



à l'assemblée des nopces où toutes sortes d'hommes sont receus bons & mauuais, bien vestus & deschirez, Matth. 22. C'est donc errer de restreindre cest article aux seuls vrais Chrestiens, & Iean Hus s'est foruoyé de refuser ce nom d'Eglise à telle congregation. Le respon, que puis qu'il est parlé en ceste cōfession de foy, de l'Eglise consideree en son tout & en sa generalité, qui s'estend & s'espond & au ciel & en la terre, qu'il est commandé de la croire, & qu'il nous y est monstté le fruct & efficace de la mort de Iesus Christ: nous ne pouons entendre principalement & proprement ces paroles ( Je croy la sainte Eglise vniuerselle, ) que de ceux qui sont les vrais heritiers de Dieu, & coheritiers de son vniue Fils: soustenant au reste, que ce dessus est vne pure calomnie improperee à ce saint martyr & bon seruiteur de Dieu, laquelle il est aisé de purger de ses propres paroles, prinſes de son liure qu'il a fait de l'Eglise, chap. 1. *Ecclesia secundum Græcos, dicitur congregatio sub uno regimine contenta, ut 2. Politic. cap. 7. docet Aristoteles, ideo secundum istam significationem, congregatio omnium hominum dicitur Ecclesia, iuxta illud Matth. 25. Quum venerit filius hominis, &c. & au cha. 4. Aliquid est in corpore Christi mystico, quod est Ecclesia, & tamen non est de Ecclesia, quum non sit pars eius. Quomodo est omnis Christianus præscitus de ipso corpore tanquam stercus finaliter egerendus, & sic aliud est esse de Ecclesia, aliud est esse in Ecclesia: & patet quòd non sequitur, si quicumque viantes sunt in Ecclesia, tunc sunt de Ecclesia, se dè contra: Nam scimus Zizaneam cresce-*

*re inter frumenta, coruum pasci in eadem arca cum columba, & paleam in horreari inter grana, & tamen est incommunicans distinctio inter ea. Et plus bas, Adhuc est notandum, quod, ut multi dicunt, quadruplex est habitudo viatorum ad sanctam matrem Ecclesiam.*

*Quidam enim sunt in Ecclesia nomine & re, ut predestinati obedientes Christo, Catholici: Quidam nec re, nec nomine, ut presciti Pagani: Quidam nomine tantum, ut presciti hypocrita: & quidam re, licet videantur nomine esse foras, ut predestinati Christiani, quos Antichristi satrapa videtur in facie Ecclesia condemnare.*

Celuy qui dit que l'assemblée de tous hommes, à sçauoir de ceux qui comparoistront quelque iour deuant Iesus Christ, où il y aura brebis & boucs, se peut appeller l'Eglise, restraint-il ce nom d'Eglise aux seuls esleus? Celuy qui enseigne que les reprouuez qu'il appelle precognus sont en l'Eglise, comme le crachat ou saliuë, l'vrine, la fiente, l'apostume est au corps, se forge-il en ce monde vne Eglise composee des seuls vrais fideles? Celuy qui s'accorde avec les Peres anciens, que les hypocrites ont habitude & relation de nom à l'Eglise sainte, dit-il qu'ils en soyent du tout separez? & qu'ils ne prennent le nom de Chrestiens, & d'enfans & membres de l'Eglise? Huez donc contre Iean Hus tant que vous voudrez, & l'appellez heretique dix mille fois, ses escrits se leueront en iugement contre vous, & contre ses boutefeux & meurtriers au dernier iour. Il me semble que ie ne doý passer à Iean Spõde ce que ie ly en la marge de la pag. 57. Que le chemin du salut est vn, à sçauoir celuy de l'E-

glise. Ces mots signifient, ou que l'Eglise est le chemin, & que c'est elle qui sauue, ce qui est vn blaspheme : Car Iesus Christ seul est la voye, la verité, & la vie Iean 14. Ou que le chemin de salut, est le chemin que tient l'Eglise: qui est parler fort obscurément, & en tresmauvais dialecticien, car selon les reigles de bien enseigner, les demonstrations ne se font iamais par les genres, ou causes externes & esloignees, mais par les causes essentielles & immediates de l'effect. Il falloit donc dire ( & c'eust esté parler comme l'esprit de Dieu ) que la voye à salut, est vn Iesus Christ apprehendé par vraye & viue foy, & enseigné en la vraye Eglise. Remarquons au demeurant que l'Eglise est tellement dispersee par tout, qu'il ne faut pas penser qu'en chasque region & païs, en tout temps, on trouue des Eglises particulieres : il nous doit suffire pour croire l'Eglise vniuerselle, que la difference des lieux & personnes est ostee par la venue de Iesus Christ, qui a abatu ceste paroy moitoyenne qui estoit entre les Iuifs & Gētils, & a rompu la closture de la paroy d'entre-deux Eph. 4. verset 14. Iean 10. Item qu'en l'Eglise vniuerselle, il n'y a pas plus pour la forme essentielle qu'és Eglises particulieres, & que ce n'est pas vn tout-composé d'especes & parties contraires, ou membres diuers, & de diuers nature, quant à certains officiers dont l'vn soit, & s'exerce en vn Royaume & coing du monde, & l'autre en vn autre: Car les vocations & charges ecclesiastiques sont pareilles, & de pareille dignité en tous lieux, & sont encloses dans le de-

etroit des assemblees particulieres des villes, villages, & prouinces. La poinme de grenade composée & bastie de plusieurs grains de mesme substance & forme, distinguez neantmoins par certains entre-deux, & qu'une mesme escorce contient, dequoy il est parlé 2. Chroniques 4. verset 13. Item vn chandelier aussi fait de plusieurs branches appuyees sur mesme base, n'expriment point mal ce que nous disons: non plus que les rameaux qui se tiennent à vn tronc d'arbre, les ruisseaux qui decoulent d'une mesme source, les lignes tirees d'un point à une mesme circonference, qui sont les similitudes de saint Cyprian: parquoy Hierosime Prestre Romain a bien dit, qu'en quelque part où il y aura Euesque, l'Euesque de ce lieu-là est en pareil degré & d'une mesme dignité & prestrise que celui de tout autre lieu, soit à Rome, soit à Gobio, soit à Constantinople, soit à Rhege, ou en Alexandrie. Et là mesme, encor il tranche court, qu'il ne faut point penser que l'Eglise qui est à Rome, soit autre que celle qui est par tout le monde: & les Gaules, & l'Angleterre, & l'Afrique, & la Perse, & l'Orient, & les Indes, & toutes les nations Barbares, dit-il, adorent vn Christ, obseruent & gardent une mesme reigle de verité.

Nous disons neantmoins & accordons audit Sponde, que plusieurs assemblees & societiez prennent le nom d'Eglise, qui ne sont point la vraie ny vrais membres de ceste vnique: car si Satan se transfigure en Ange de lumiere, ce n'est point de merueille, si ses Apostres, qui sont faux

Apostres, se desguisent en Apostres de Iesus Christ 2. Corinthiens, 2. verset 13. 14. Ce n'est point, dy-ie, estrange, si Babylone, ceste grande paillardie effrontee, de la quelle il est parlé au 17. de l'Apocalypse, se vante & crie tout haut, que c'est elle qui est l'Espouse de Iesus Christ. Et ceste vierge chaste & pure de laquelle saint Paul & les autres Apostres ont esté les paranymphe 2. Corinthiens, 2. verset 1. Je dy donc, que tous les heretiques qui ont fait schisme en l'Eglise, ont asseuré qu'ils estoient l'Eglise, la maison de Dieu, & la porte du Ciel. Mais ie nie que les estats, Republiques, païs, Royaumes, qui ont receu la reformation & pureté du seruice de Dieu en ce dernier temps, doyent estre mis en ce rang, qui est toutesfois là où Sponde vise en la page 58. & n'apperçoit point que l'Eglise Romaine & Papistique qui fait resonner à pleine bouche ce tiltre de Catholique, n'en a guere autre chose que le nom & l'ombre. Pour la fin de ce chapitre. cecy est considerable, que Dieu (dont gloire luy en soit rendue) a tiré du cœur de Sponde pour le pēser, & de sa main pour l'escrire en la page 55. & 56. que nul ne peut entrer en ceste Eglise vraye, & en estre membre, si Dieu ne le conduit d'une colonne de feu, & d'une nuee : si Dieu ne le trouue deuant qu'il le puisse chercher, si la lumiere qui est toute dans le Ciel, ne luy est aportee par le saint Esprit, à fin qu'il ne s'esgare du droit chemin, parmy tant de diuerses routes, & qu'il ne bronche en vn chemin si pierreux. Où est donc le franc-arbitre, qu'il maintient & approuue avec

son Eglise Papistique & Romaine? pag. 48. Voila le iuste salaire de ceux qui tournēt le dos à Dieu, & combattent la verité, d'estre trouuez & surprins se desmentir manifestement eux-mesmes.

### CHAP. II.

*De la cognoissanc: & venue passiee de l'Eglise, où est debatū, si l'Eglise est tousiours visible.*



E n'est sans cause que l'Apostre nous a predict de l'Antechrist 2. Theſſalon. 2. qu'il seroit assis au Temple de Dieu : signifiant par ces propos, que non seulement il y exerceroit sa tyrannie, mais aussi il se seruiroit de ses masures & ruines, pour forteresse & boulevard, tant à fin de se cacher derriere (lors qu'il seroit affailli) que pour de là faire la guerre aux Saints, avec toute assurance & sans crainte d'estre reprins. L'experience nous œuure ce passage: qui est telle, que les ennemis n'ayans dequoy tenir autrement, par leurs responses fondees ou sur ceste vaine iactance qu'ils font l'Eglise, aux ordonnances de laquelle (bien que contraires à l'Escripture sainte) ceux qui contredisent, sont coupables du feu temporel & eternal: ou sur cest inconuenient, que sera deuenue l'Eglise, si le Pape est l'Antechrist, & autres semblables? ont donné occasion à plusieurs questions qui s'agissent au iourd'huy, dont entr'autres ceste-cy en est vne, si l'Eglise est tousiours visible, & peut estre, cognue de tous. Sponde veut enseigner que l'Eglise se void, mais que ce n'est point d'elle-mesme:

& cōfirme le dernier par la cōparaïson & diffimilitude du soleil, lequel esclaire en tenebres, & les chasse. Si doncques l'Eglise se voyoit d'elle-mesmes, chacun, dit-il, la verroit & cognoistroit: mais à quoy cecy? Il faut parler plus clairement, si tu veux estre entendu: ie iuge par l'entree qu'il sera plus difficile de cōprendre les conceptiōs, que de vaincre ses raisons. Il y a plusieurs choses qui se voyent d'elles-mesmes & font voir les autres, cōme la lumiere, qui neātmoins ne peut estre apperceuë que de ceux qui ont des yeux: ce qui n'est point donné à tous, tesmoin les aueugles. Tous aussi ne peuuent voir & cognoistre l'Eglise, ny Iesus Christ, car tous n'ont point des yeux à tel visage. Or oyōs les raisons amenees pour cōfirmation que l'Eglise est visible. Pour trouuer l'Eglise, dit-il à la marge de son liure pag. 58. il faut qu'elle soit visible, ouy! Il faut que tout ce qu'on trouue soit visible: tu es dōc encore en cerche de Dieu, & ne l'as point trouué, car il est inuisible. O que c'est bien argumenté pour vn commencement! & les lecteurs en iugeront. Que dit-il apres? Que l'Eglise est vne assemblee d'hommes qui se voyent, & font estat de seruir Dieu, où les vns enseignent, & les autres sont enseïgnez, & par-ainsi qu'elle est visible. Nous accordous que quand l'Eglise est assemblee, & a le ministere, c'est à dire, la predication de la parole de Dieu, l'administration des Sacremens, & l'exercice de la discipline, elle est visible: mais nous nions que elle ait tousiours moyen de s'assembler, ou qu'elle iouisse en toutes saisons du ministere. Il presse,



respondant à ce que nous disons, que Dieu seul void l'Eglise, à sçauoir, que puis que Dieu a daigné se rendre visible comme nous, en prenant à soy la nature humaine, pour se monstrier à nous: qu'il n'est point si enuieux pour nous desrober la veüe de son Eglise, & qu'il n'est si peu charitable de nous cacher vn tel thresor. Nous disons voirement apres le sainct Apostre, que Dieu seul cognoist ceux qui sont siens 2. Tim. 2. mais nous ne rapportons point ceste sentence à l'Eglise, composee de tous ceux qui sont appelez par le ministere & voix des hommes, mais à l'Eglise des esleuz & vrais fideles appelez au dedans par le sainct Esprit, & n'attribuons point à defaut de charité, enuie & larcin, qui sont termes pleins de blaspheme: Si l'Eglise n'est tousiours visible, c'est à dire, si elle n'exerce point le ministere: mais à vn iuste iugement de Dieu, qui punit ainsi l'ingratitude des hommes Amos chap. 8. Apoc. cha. 2. La raison aueugle de l'homme replique, où chercherons-nous Dieu, s'il ne nous mōstre où il se tient? O blaspheme! Dieu est donc à ton conte & selon ton langage, tenu de t'enseigner, & faire voir son Eglise: & ne le faisant, tu en seras quitte de ne l'auoir point serui? Que Dieu respōde, s'il luy plaist, luy-mesme, qu'il ne s'est iamais, & ne se laisse sans tēmoignage de sa presence & volonté, suffisans pour rendre l'homme inexcusable: mais que de sa grace & liberalité, il se manifeste en Iesus Christ par sa parole en l'Eglise, à ceux que bon luy semble Matth. 11. ver. 25. Qu'adiouste-il? Que l'Eglise n'est point toute inuisible. Toute l'Eglise



Catholique & vniuerselle en corps, est inuisible, c'est à dire, nul ne l'a iamais veüe assemblee en vn, ny n'a veu tous les membres d'icelle. Quoy donc? Plusieurs parties de ce tout ont esté veües, soit par vn, soit par plusieurs, en diuers temps & lieux. Nous ne disons donc point que l'Eglise Catholique soit inuisible, consideree séparément en ses membres, mais bien en son tout: parquoy ce n'est point nostre langage qu'elle soit toute inuisible. Mais que dit-il, luy? Que Dieu ne se iouë point de nous avec des fantosmes, & que ses biens sont tous essentiels & solides. Et qu'est-ce que i'oy? il n'y a rien d'essentiel & solide que ce qui se void, c'est l'escole des Sadduceens qui produit telles maximes: Dieu donc, les Anges, & esprits des hommes qui ne se voyent point, sont des fantosmes? Fy, que ce propos sent son Atheel peut estre l'argument qui suit est de plus grand poids en la pag. 59. Que les Chrestiens ne sont de pire condition que les Iuifs, entre lesquels ont esté le Temple & l'Arche. Comme ainsi soit donc que la venue de Iesus Christ n'empire point l'estat de l'Eglise, ains l'a-meliore de beaucoup, la raison veut, que l'Eglise soit visible entre les Chrestiens. S'il se prouue que l'Arche ait esté tousiours entre les Iuifs, & qu'ils ayent eu tousiours le Temple visible deuant leurs yeux, pour y rendre à Dieu le seruice externe, ie me rends: & comme disent les Clercs, *Submitto fasces*, & me recognoy vaincu. Mais il est ainsi que l'Arche a esté prinse, & leur a esté rauie par plusieurs fois, & l'alliance de Dieu demeurât encore avec ce peu-

ple, ils ont esté chassiez du Temple, & priuez de la veuë & présence d'iceluy, estans menez captifs en Babylone. Partant que s'ensuit-il ? sinon que comme le Temple fust en partie demoly & brulé & rendu inuisible à la pluspart du peuple, qui n'abitoit point au pays: qu'ainsi Dieu courroucé iustement contre les hommes, leur a osté la face de son Eglise, à sçauoir, le sainct ministration & culte exterieur de religion conforme à sa Parole, le seruant de l'Antechrist, qui n'a laissé en tout cest edifice, que quelques vieilles mesures. Sponde afferme à l'opposite, qu'il y a eu tousiours & y aura assemblees certaines & indubitables des hommes qui seruent Dieu. Je modifie ceste proposition en ceste sorte, qu'il y a eu, & y aura des hommes, iusqu'à la fin, qui serviront Dieu: mais non assemblees d'hommes fideles, ou biē que ces assemblees n'ont point esté tousiours visibles à tous. Elie se plaint qu'il est seul, les familles de Noé & d'Abraham, qui estoit le logis de la vraye Eglise, n'ont esté cognues à tout le monde. Daniel prie seul chap. 7. Les Apostres s'assemblent en secret & de nuict, pour la persecution, ainsi que saint Luc l'enseigne es Actes cha. 1. & 2. & 12. & l'Eglise primitiue n'ose paroistre de iour. Tertulian en son apologetique, & Plin à Traian le testifient. No<sup>s</sup> disons dōc, que l'estat de l'Eglise est tel, que quelque elle fois est cognue de Dieu seul, quelque fois des fideles seulement, & non encore de tous: aucunesfois ceste mesme Eglise apparoit en la face de tout le monde, & des plus meschans mesmes. Sponde estime autrement, car, dit-il, si  
cela

cela estoit, le diable auroit plus de prerogative que Dieu, qui seroit contraint pour garentir ses troupeaux du loup, de les cōduire en cachette, de peur qu'on ne les luy rauisse d'entre les mains, s'ils paroissent tant soit peu. En ce faisant c'est se recognoistre inferieur en puissance à l'ennemy, & n'auoir que de ruses & quelque industrie pour faire euader son Eglise, & desrober quelques hommes pour les sauuer. Ceste repliche sort & à esté bastie aussi bien que le reste de semblable estoffe, en la boutique de celuy qui est le pere de mensonge, auteur de calomnies, & qui n'vse luy-mesme que de captions & ruses pour seduire les hommes. En voici bien ! Disons-nous que c'est l'impuissance de Dieu, qui fasse que l'Eglise ne soit tousiours visible ? Comme s'il ne la pouuoit sauuer qu'en la cachant. N'attribuons-nous point cecy plustost à sa iustice, qui vange ainsi les pechez des hommes, & l'ingratitude d'iceux, en lachant la bride au diable, pour esmouuoir des persecutions, qui apportent des horribles dissipations en l'Eglise ? Parquoy raisonner en ceste façon, c'est estre Sophiste. Mais les seuls Elenches d'Aristote descouurent ces subtilitez, & ostent ces masques. Il n'y a non plus de solidité en la raison que s'ensuit, prinse du 16. de S. Matthieu : là Christ promet de bastir si bien & si solidement son Eglise, que les portes ou puissances d'enfer ne pourront rien contr'elle. L'illation de ce propos tend à dire, que l'Eglise est tousiours visible : car Iesus Christ parle de l'estat & de la pierre sur laquelle il bastiroit ; qui sont tout termes de for-

ceplustost que de subtilité, dit de Sponde. En l'escole pour bien faire voir la consequence & suite de ce propos, on bastiroit ainsi l'argumēt: Ce qui est ferme, immobile, & solide & ne peut estre jamais ruiné, est tousiours visible: or l'Eglise qui est vn bastiment, & bastiment fondé sur la pierre & sur la roche, est de duree eternelle, doncques elle est tousiours visible. Si ces propos sont bien liez, & que ces consequences soyent trouuees bien & necessairemēt dependātes du precedent: il faudra dire que Dieu est tousiours visible, parce qu'il est Eternel & Tout-puissant, qui repousse toute force & violence qu'on luy voudroit faire. Si on demande, à quoy se rapporte ceste subsistance & duree que Dieu a promise à son Eglise? Je respon, non à ce qui est accidental à ladite Eglise, comme est d'estre mise en la veüe de tous, mais à ce qui luy est essentiel, à sçauoir à la foy & doctrine: parquoy apporter de telles raisons pour prouuer que l'Eglise est tousiours haut eleuee, exposée aux yeux d'vn chacun, est estre fort grossier & biē visible, ou il n'y a rien de subtilité ny d'esprit. Ceci a plus d'apparence, que Iesus Christ, qui est le chef principal de l'Eglise estant visible, doit aussi auoir vn corps visible & non inuisible, autrement il seroit vn monstre: il n'est point icy question de sçauoir si l'Eglise de sa nature est visible, & peut estre veüe, mais si elle est de fait & actuellement veüe & cognue. Iesus Christ à vn vray corps visible, & neantmoins il ne se void point à present: le defaut n'est point au corps de Christ, mais à la distance des lieux, & à

ce voile des cieux qui est entre-deux. La lune est tousiours visible, mais sa veuë nous est quelque-fois ostee, maintenant par la conoinction du Soleil, maintenant par l'ombre de la terre. Ainsi en l'Eglise il y a quelque chose visible, car elle est composee d'hommes: mais pour plusieurs empeschemens qui se mettēt entr'elle & les hommes, on ne la peut appercevoir. Or quand mesme l'Eglise de sa nature seroit simplement de substance spirituelle, Iesus Christ en seroit-il pourtant chef mōstrueux? L'est-il des Anges qui sont'esprits & partie de l'Eglise triomphante? C'est disputer avec les petis enfans par argumens de foin. Sponde pense auoir iusqu'ici suffisamment prouué ses pretentions. A ceste cause il se iette aux responses de nos argumens, mais non avec plus de rondeur, solidité & verité, qu'en ces impugnations. Il allegue ce qui est vray, & que nous maintenons, que l'apostasie vniuerselle est aduenue en l'Eglise par l'œuure du diable, & le ministere de l'Antechrist, selon la prophetie de saint Paul, 2. Thessalon. 2. & que neantmoins Dieu a conseruē quelque poignée ou petit nombre, & pour parler avec l'Esprit de Dieu restes Ies. 7. & 10. & Rom. 11. de gens de bien & fideles, & ce dedans ceste tyrannie & parmy les idolatres: Car comme vrais Israēlites ils demeuroyent enclos & cachez dans les murs de Babylone, où ils ne faisoient point vn corps d'Eglise visible & ministeriale, iusqu'à tant qu'il a pleu à Dieu les retirer de là, & les assembler de ceste miserable dispersion. Que dit-il? il s'escrie, ô miserable condition

de gens de bien, qui n'ont que les ordures pour refuge en ce monde! Quelle occasion de s'esmerveiller? Quelle doctrine nouuelle? quel paradoxe pour en faire ces vaccarmes? Sainct Paul enseigne, qu'il nous faudroit sortir du monde, si nous voulions fuir du tout la conuersation des meschans, 1. Corinth. 5. & 10. Noé a esté enuëloppé & circuy d'un grâd nombre d'impies: Loth auoit sa demeure dans Sodome, Abraham parmy les Chananeens, Jacob & ses enfans ont eu la terre d'Egypte vn fort long tēps pour loge. N'est-il pas dit que Dieu a tiré son Fils d'Egypte, où il a esté à sauueté contre la persecution d'Herodes? Daud n'est-il point contraint de s'enfuir entre les Philistins, & l'Arche n'y est-elle point demeurée captiue quelque temps? Or tous ces peuples estoient idolatres: Parquoy si l'Eglise a esté traitée de mesme apres la venue de Iesus Christ, & a experimenté vne semblable condition, pour demeurer entre les idolatres souz l'Antechrist, & dans l'ordure & lie du monde, quel inconueniēt? mais plustost quelle sagesse en cela & puissance de Dieu, de conseruer miraculeusement son Eglise, c'est à dire les brebis parmy les loups, la santé au milieu de la maladie, la foy parmi l'infidelité & idolatrie? Mais nostre aduersaire reuolté est plaisant, en demandant où sont ces gens de bien, & qui ils sont? Je puis respōdre, que si Dieu ne le change, ce n'est pas luy qui est vn de ceux-là: Dieu en a de plus fermes, & qui ont mieux profité, & vivent plus iustement & religieusement que luy. Si ce ne sont que de restes, dit-il, & quel-

que certain & petit nombre, ils sont morts depuis la tyrannie de l'Antechrist, qui est monté en son siege depuis Phocas, & qui auparauant œuroit aussi avec grâde efficace. Je vous prie quelle bestise est-ce de nous vouloir attacher à certains indiuidus, cōme si ce mot de reliques n'emportoit autant qu'un petit nombre, que Dieu a suscité les vns apres les autres, sans s'attacher ny aux lieux, ny aux personnes? Parquoy pour neant demande-il, si tous ceux qui sont de ceste bonne lignee, ou charnelle, ou spirituelle, estoient l'Eglise. Dieu en a pris de ceux que bon luy a semblé, quelquefois des enfans sortis de peres fideles, quelquefois d'autres: car il aduient que de bons peres ont des enfans idolatres, & qui sortent de l'Eglise. Les exemples en sont en Ismael, Esau, & autres, tel qu'il pourroit estre luy-mesme. C'est en boufonant qu'il fait ces predites demandes, & mesmes ceste-cy, Où sont auiourd'huy ces restes, & où sont ces gens de bien, esquels l'Eglise a esté conseruee? ce sont ceux qui ont succédé à leur doctrine, qui en font profession, & l'enseignent & preschent, en Angleterre, en Allemagne Danemarck, Polongne, France, Bearn, Nauarre, & ailleurs. Il poursuit en demãdant si tous ceux-là sont des Anges? que s'ils ne le sont, pourquoy les bons ne se separent des meschans? Je respon, qu'aussi chasse-on les scandaleux par l'ordre & discipline Ecclesiastique: & quant aux hypocrites, on attéd que Dieu les descouure, ou en ceste vie, ou au dernier iour, Matthieu 13. Et cependant cela n'empesche, que les fideles seruiteurs de



Dieu & bons Docteurs de l'Eglise, ne crient contre les vices & fautes qui se trouuent en leurs troupeaux. Et à l'exemple des Prophetes, n'agruent leurs pechez par la cōparaison des peuples estrangers. Ainsi Iesus Christ disoit, Ceux de Ninieue se leueront en iugemēt quelque iour, ceux de Tyr & Sidon, ceux de Sodome & Gomorre: parquoy Esaie appelle les Israelites peuple de Sodome, & leurs Magistrats Princes de Gomorre, Esaie chap. i. Ainsi aussi Calvin parlāt à ceux qui faisoient profession de la Religion, & neantmoins viuoyent tresmal, dit que les Papistes ne sont pas si corrompus. Sponde conclud de là, qu'il faut se separer de telles compagnies, & que les gens de bien ne doyuent cōuerser parmi ces hommes mal viuans. Il semble qu'il vueille excuser sa reuolte & apostasie, comme si le desplaisir & regret qu'il a eu de se voir en la compagnie & religion de gens vicieux, & la crainte de la contagion l'eust fait sortir dehors: mais il fera croire ce zeile à ceux qui ne le cognoissent point, & ne sauēt quelle vie il a menee en Suisse à Tholose, à la Cour, & ailleurs. Il se persuade qu'on est marry de ce qu'il s'est separé de nous, mais excepté l'outrage qu'il fait à Dieu, luy tournāt le dos, & regimbāt cōtre sa Majesté par ingratitude, voire pechant contre sa propre conscience: excepté, di-je, le scādale qu'il donne au prochain infirme, & le tort qu'il fait à sa propre ame, nous n'enuiōs pas le gain que l'Eglise Papale y fait. Oyōs comme il se iustifie, Ne vouloir point, dit-il, qu'on rōpe vostre vnitē, c'est vne volōté iniuste. De vostre



part faut prouuer où vous auez bien fait, dit-il, en rompant celle des Catholiques, ou non? Si le premier, la mesme raison qui vous a meu pour la rompre, doit esnouuoir les gens de bien qui sont parmy vous à rompre la vostre. Ouy, si l'Eglise reformee degenerate en Mosquee Turquelque, & Mahometique, & en Synagogue idolatrique, Payenne, Iudaïque, & Papale; autrement ce ne sera iamais la mesme raison: car qui a meu nos deuanciers à sortir de Babylone, & à diuorcer de ceste non-Espouse de Iesus Christ, mais de l'Antechrist, que les doctrines blasphematoires contre Dieu, les idolatries execrables des creatures, les superstitions infernales des choses sacrees, le renuersement de tout bon ordre, & les tenebres plus qu'Egyptiennes qui y ont regné & y regnent? Sponde flaire la verité en distinguant entre la pure doctrine & les mœurs: mais se meslant de ce qu'il n'entend point, ou malicieusement taisant ce qu'il falloit dire, puis qu'il se mesle d'alleguer nos responses, demeure là tout court, & entre en vn autre suiet, sur lequel nous ne le suiurons point pour ceste heure, ains examinerons ce qu'il dit par cy par là en son liure de l'Eglise visible & inuisible. Et premiere-ment en la page 66. Comment est-ce qu'il parle de l'Eglise? qu'il y a vne sainte Eglise, laquelle se void en partie, & se croit en partie: nous y voyons la compagnie visible des hommes: mais que ce soit la vraye Eglise de Dieu, nous ne le voyons point, & nous suffit de le croire. Pourquoi? Pource qu'elle fait profession d'vne mes-

me foy, laquelle nous ne voyōs point, mais nous la croyons. Il se faut arrester icy, & remarquer plusieurs fautes en ces mots : Premièrement, quand il veut que l'Eglise se voye en partie & ce tousiours, car c'est ainsi qu'il l'entend, c'est à dire, qu'il y ait en tout temps compagnie d'hommes visible, & exposée à la veüe de tout le monde; & que ceste assemblée soit vne partie integrante de l'Eglise : & ainsi qu'il a dit en la marge, le corps d'icelle qui est tout visible : il s'ensuyura de cela mesme, que l'Eglise ne sera point tousiours visible, car elle n'est point à toute heure en vn corps, & ce corps se separant, il est fait invisible en son tout : mais parlant serieusement, est-ce ce que nous debattons, Si les hommes desquels l'Eglise est bastie sont visibles ? qui est celuy qui mette cela en doubte ? Nostre controuersie gist-elle à sca- uoir si l'Eglise peut estre veüe ? rien moins. Car si vn hōme se void, à plus forte raison plusieurs hommes asēblez, car l'obiet de la veüe en sera plus grand. Mais voicy nostre different, si ceste Eglise, qui est composée des seuls fideles, est cognue par hōme viuant en son tout, si ceux qui font professiō de la pure doctrine Euāgelique ont esté cognus de tous, ou recognus pour vrais mēbres de l'Eglise lors qu'ils viuoient : si en toutes assembles qui ont porté le nom d'Eglise, la predication de l'Euangile en sa pureté, y a esté escrete & maintenue par continuelle succesiō de temps, dont on puisse inferer que ces assembles, en ministere, enseignement, & conduite, sont semblables à celles qui ont esté du temps des Apostres, & conformees à leur institutiō & rei-

gles. Tu l'affermes, nous le nions. C'estoit ce qu'il falloit prouver, & non point nous alleguer que les hommes sont visibles, & qu'ainsi l'Eglise est visible en partie. C'est merueille que les Apostres ne nous ayent enseigné ceste distinction en leur Symbole, qui veulent qu'en iceluy nous croyons seulement l'Eglise. Aussi, dit Sponde, qu'on void bien la compagnie visible des hommes : mais que ce soit la vraye Eglise de Dieu, on ne la void point, mais suffit de le croire. Et quoy ? croiray-ie que toutes compagnies d'hommes faits ou en public ou en particulier, sont la vraye Eglise de Dieu ? Il adioust ceste marque, pourueu qu'elles facent profession d'une mesme foy que celle que nous croyons. Ceste marque est fort obscure & cachee, & ne peut estre marque : car il veut qu'un chacun examine la doctrine de l'Eglise à sa foy, & non aux saintes escritures. Mais de cecy il en sera parlé en son lieu, au bon plaisir du Seigneur. Or il rend la raison pourquoy l'Eglise ne se void point en partie, ains est inuisible, par ce que la foy, de laquelle elle fait profession, ne se void point, car on la croit. Mais ceste allegation est defectueuse : & de faict, ce n'est pour cela seulement que les Apostres veulent que nous croyons l'Eglise, c'est à dire, à cause de la foy inuisible, qui autrement se manifeste par confession & œuvres, ains aussi (& pour plusieurs autres raisons lesquelles ie me deporte d'alleguer pour le present) à cause des hommes qui ont ceste foy, sont vrais membres de l'Eglise, & appartenent à l'election de Dieu, lesquels ne sont cognus en tout temps ny de tous : autrement, ie vous prie, pourquoy defend

Iesus Christ d'arracher l'yuroye du champ iusques au temps de la moisson, sinon de peur qu'en arrachant l'yuroye, on n'enleue aussi le bon bled ? Et pourquoy cela ? sinon d'autant qu'il ne se peut point encore discerner, Matthieu 13. Augustin sur S. Iean serm. 45. Il y a beaucoup de brebis hors l'Eglise, & beaucoup de loups dedans: Combien y en a-il qui diront, Seigneur, Seigneur, qui n'entreront point ou Royaume de Dieu ? Matthieu 7. en quelle estime ont esté les bons Prophetes tels qu'estoyent Elie, Esaie, Ieremie, Michee, entre ceux qui auoyent la face d'Eglise, & se disoyent le peuple de Dieu ? il faut voir ce que leurs escrits & l'histoire sainte en disent, premier des Rois, chap. 19. & 22. Quel iugement ont fait les Iuifs de Iesus Christ & de ses Apostres ? qu'ils estoyent seducteurs & faux Prophetes, & que leur doctrine estoit heresie, Matth. 27. verset 63. Actes 24. verset 5. Ce passage est memorable en la Sapience, chapitre 5. où il est dit, que les meschans se plaindront en ceste derniere iournée: Ce sont ceux que nous auons eu autrefois en derision & en opprobre. Nous insenssez, estimions leur vie folie, & leur fin deuoir estre sans honneur, & voicy comme ils sont comptez entre les enfans de Dieu, & leur condition est entre les saints. voyez 1. Corinth. 4. 13. Par ces tesmoignages il est plus clair que le beau iour, que ce n'est point la seule foy inuisible, qui rend l'Eglise inuisible, selon les pretensions de Sponde, qui tout d'un fil sentant les precedens argumens foibles & morfondus, par tesmoignages de l'Ecriture veut prouuer, que l'Eglise est exposee aux yeux de tout le

Monde:& allegue premierement le Pſeume 18.5. qui eſt ſelon la verité Hebraïque le 19.verſ.5. qu'y a-il là? Dieu a mis ſon tabernacle au ſoleil. le texte Hebraïque ſ'expoſe autrement:Dieu a poſé en eux, à ſçauoir és cieux, vn pauillon ou tabernacle pour le Soleil. Le voila donc deceu de ceſte preuue: Puis eſt produit le 2. chap. d'Eſaie verſet 2. & de Michee 4. chapitre verſet 1. que nous accordons parler de l'Egliſe, & qu'icelle par la predication de l'Euangile deuoit eſtre miſe en la veuë de tous: puis que tous, & luifs & Gentils eſtoient indifferemment appelez en icelle.& que commadement deuoit eſtre fait aux Apoſtres, d'aller par tout le monde. Mais puis qu'une reuolte generale eſt ſuruenue depuis en Orient par Mahomet, & en Occident par l'Antechriſt Romain, quel propos y a-il de nous figurer vne Egliſe, telle qu'elle eſtoit au temps des Apoſtres, & quelques centaines d'annees apres? il faut donc diſtinguer les temps, pour bien entendre & accorder les Eſcritures. Le paſſage de Daniel 2. verſet 35. ſ'entend ouuertement de Chriſt. Et quand on le voudra prendre de l'Egliſe, nous diſons que ceſte veuë vniuerſelle a eſté eclipſee, & que neantmoins l'Egliſe eſt touſiours vniuerſelle, & ſa duree eternelle, Daniel 2. verſet 4.4. il n'y a rien de plus inepte que l'allegation du chap. 5. de ſainct Matthieu, verſet 15. 16. Car il eſt bien certain que ceux qui ſont vrais diſciples de Ieſus Chriſt, & ſes vrais Miniſtres, ont touſiours ſauueur & lumiere en leur doctrine & vie, en leur profeſſion & action. Mais noſtre diſpute eſt d'un eſtat publique, & viſible d'Egliſe dreſſé entre les hom-

mes qui s'y assuie ttiffēt, où la pureté de la doctrine ait esté tousiours preschee & entretenue sans interruption quelconque depuis les Apostres, & continue encóres auourd'huy : & en outre, si tous ceux qui se disent Chrestiens sont vrayement tels, & ceux qui se disent Euesques, le sont en verité: c'est à dire, comme l'expose saint Hierosme contre les Luciferiens, s'ils sont la lumiere de l'Eglise, & qui chassent, & repoussēt les tenebres du cœur de tous, en preschant la vraye foy. Mais il aduient souuent que le disciple de l'Antechrist, gouuerne l'Eglise de Christ. *Proh dolor! Antichristi discipulus Ecclesiam Christi gubernat!* Et que les Euesques sont set sans faueur, chandelle ou lampe sans feu ou lumiere, & œil sans prunelle : & qui plus est, les Prestres de Christ, combattent contre Christ. Nous ne disons pas que ce malheur soit propre à l'Eglise de Dieu pour tout teps. Mais si l'experimente & le sent-elle quelquefois, & l'a senti bien longuement. Toutefois ce propos nous ameneroit à parler de l'eternité de ceste mesme Eglise, ce que nous reseruerons pour le lieu auquel ceste dispute est dedice. Et le lecteur prendra neantmoins garde, s'il luy plaist, que nostre aduersaire se contredisant, en dit & confesse en fin autant que nous en la page 122. duquel voicy les mots. Les Arriés mirent la Chrestienté si à l'estroit du temps de l'Empereur Constant, que toute la foy Catholique ne paroissoit presque plus, qu'en quelques personnes publiques, comme Athanase, Hilaire, Eusebe, Euesque de Verelles, & Libere Pape: lequel entore fust aucunement surprins, mais en fin neantmoins restabli.



Et voicy les mots de saint Hierosime contre les  
luciferiens, allegué par Sponde, duquel il a prins  
son dire. *Ingemuit totus orbis, & Arrianum se esse  
miratus est.* Et doncques où estoit lors l'Eglise visi-  
ble, c'est à dire, avec son regime, sa puissance, & sa  
police? Tu as donc perdu ta cause, Sponde, & la  
grande splendeur de la verité t'a tellement esblouy  
les yeux de ton ame, que quasi la touchât & profe-  
rant, tu ne l'as point aperceue. Mais à fin que tu  
n'ayes du tout perdu ta peine en tout ce premier  
discours, pour conclusion de ce 2. chapitre, ie vueil  
respondre à tes demandes, selon lesquelles tu con-  
damnes Iean Hus & Iean Calvin d'heresie, comme  
s'ils eussent parlé sans tesmoignage d'escriture, qui  
a laissé par escrit, dis-tu, que l'Eglise que nous  
croyons au Symbole, est cognue à vn seul Dieu? Je  
respon, Saint Paul 2. Timothee 2. verset 19. ceux  
qui sont de Dieu, sont l'Eglise. Or Dieu seul co-  
gnoit ceux qui sans siens, &c. Item qui a laissé par  
escrit qu'elle eust son fondemēt sur la secrette ele-  
ction de Dieu? & que l'Eglise n'est que l'assemblee  
des esleuz ou predestinez à salut? Le mesme saint  
Paul Tite 1. verset 1. Romains 8. vers. 29. 30. saint  
Pierre pareillement 1. Pierre 1. vers. 1. 2. & deuant  
eux Iesus Christ nostre Seigneur, Luc 10. vers. 20.  
voy aux Actes chapitre 13. verset 4. 8. En fin il de-  
mande, qui a laissé par escrit qu'autres ne sont re-  
ceuz en ceste Eglise, que ceux qui par la grace d'a-  
doption sont enfans de Dieu, & vrais membres de  
Christ par la sanctification de l'Esprit? c'est S. Iean  
en son Euangile chapitre 1. verset 11. 13. & chap.  
3. verset 5. 6. 7. 8. Saint Paul enseigne aussi ceste

mesme doctrine Rom. 8. verset 9. 14. 15. 16. Si ces passages ne fussient, nous en amenerons, moyennant l'adresse du saint Esprit, en tel nombre, qu'un chacun aura de quoy estre content. Et pour ne perdre cependant temps, nous concludrons, que l'Eglise, en qualité d'Eglise, & Eglise ministeriale, n'est tousiours visible en ce monde: Ce que saint Augustin a enseigné & escrit en l'Epistre 48. tom. 2. *Ipsa est Ecclesia, quæ aliquando obscuratur & tanquam obnubilatur multitudinem scandalorum, quando peccatores intendunt arcum, ut sagittent in obscura luna rectos corde.* L'Eglise est quelquefois obscurcie & comme cachee de nuees par la multitude des scandales, quand les meschans bandent leur arc pour frapper en l'obscurité de la nuit, & lors que la lune ne luit plus, ceux qui sont droits de cœur. Ce mesme Docteur adioute plus bas, *Ecclesia aliquando tranquillitate temporis, quæta & libera apparet: aliquando autem, tribulationum & tentationum fluctibus operitur atque turbatur.* Par fois l'Eglise, la saison estât calme, est apperceuë iouir du repos & liberté: par fois aussi elle est couuerte de flots & vagues de tribulations & tentations: & nonobstant lors qu'elle demeure ainsi cachee, dit le mesme: *& cognoscit semetipsam*, elle se cognoist elle-mesme, *& in suis firmissimis eminet*, est esleuee haut en la constance & fermeté des siens: car Dieu a suscité en tous siecles, & au milieu des plus espesses tenebres, & au temps des plus griefues persecutiōs, qui se sont opposez au mensonge & seductions des faux Prophetes, & ont soustenu la verité Euangelique deuant les plus grands de la terre, & l'ont scellée de leur



propre sang. Oyons ce que dit l'Auteur de l'œuvre imparfait sur saint Matth. en l'Homel. 49. l'Antechrist occupant tout, & dedans & dehors, & en la ville, & au desert, pour lors les fideles demoureront muettes en certains lieux secrets : en telle sorte toutesfois, que ce ne sera pas tât le lieu qui les couvrira & leur seruira de retraite, que le Seigneur luy-mesme. Il y a d'autres tesmoignages des Anciens consermans nostre conclusion, de lesquels nous verrons encore quelques vns cy apres, au bon plaisir de nostre Dieu.

### CHAP. III.

#### *Des marques de l'Eglise.*

**L**E second & principal poinct que Sponde traite & debat, gist à sçauoir, quelles sont les marques de la vraye Eglise. Il en baille de telles que bon luy semble, que nous esplucherons : & nie que ce soyent ces deux, la predication de la parole de Dieu, & l'administration des Sacremens, le tout en pureté. Que dit-il en la pag. 16. que nous n'auons point d'écriture ? en voicy Matth. 28. vers. 19. Ephe. 5. vers. 26. 1. Corinth. 12. vers. 13. Actes 2. vers. 43. Et en la pag. 140. & 141. qu'adiouste-il, que ces marques sont captieuses ? Ces raisons sont, ceste predication & ceste administration sont termes relatifs, qui presupposent vn predicateur, & vn administrateur : voire que sans ceux-cy, ne sçaurions voir celles-là : parquoy à l'aduis de Sponde, c'est captieusement parlé, si on cache & on n'exprime les personnes,

par l'administration desquelles on doit receuoir  
 leſdictes marques. Or ie demande, comment il  
 les faut marquer? Par leurs noms & ſurnoms, ce-  
 la ne ſe doit: car ce priuilege eſt aux ſeuls Apo-  
 ſtres, ny ne ſe peut, car il n'y a point de ſcience  
 des choſes ſingulieres & infinies par leur voca-  
 tion: auſſi Calvin n'obmet point de faire mention  
 de l'ordre, ſelon lequel ces choſes ſe doyuent fai-  
 re, ainſi que ſainct Paul l'enſeigne au 10. des Ro-  
 mains. Que ſi Sponde euſt eſté ſi diligent à ap-  
 prendre, qu'il veut faire du ſubtil à trouuer de-  
 quoy tondre ſur vn œuf, il euſt apperceu ce que  
 ie vien de dire, en la ſect. 10. du 1. chap. du 4. li-  
 ure de l'Inſtitution dudict Calvin. Or ſoit qu'il  
 n'en ait point parlé en ce lieu, mais n'en parle-il  
 point ailleurs? ſi fait: & ne faut que voir ce meſ-  
 me liure. Les paroles de Calvin ſont telles, Tou-  
 te congregation, ſi elle a l'ordre que noſtre Sei-  
 gneur a mis en ſa Parole & en ſes Sacremens, elle  
 ne nous trompera point, que nous ne luy puiſſiõs  
 rendre ſeulement l'honneur qui appartient à l'E-  
 glife. Mais puis que ce ſont des termes relatifs, &  
 que les choſes qui ſe rapportent l'vne à l'autre,  
 ſ'eſtabliffent mutuellement: qui eſt ceſtuy-là  
 qui ne conclud bien, que la predication a beſoin  
 d'vn predicateur, & l'administration des Sacre-  
 mens d'vn adminiſtrateur? Et Calvin parlant du  
 miniſtere, ne parle-il pas auſſi en general des mi-  
 niſtres & de leur vocatiõ? Et puis qu'il ne ſe pro-  
 poſoit que de bailler les vrayes & eſſentielles  
 marques de l'Eglife, & auſquelles toutes les au-  
 tres ſe rapportent: & que telles, ſans la predica-  
 tion

tion de la parole de Dieu & administration des Sacremens, il suffisoit d'en faire mention seulement : la vocatiō & l'enuoy se fait pour la predication, & non au rebours. Et cecy se verra encores mieux, par ce que ledict de Sponde adiouste, que la predication de la parole de Dieu & l'administration des Sacremens, ne sont pas choses qui subsistent d'elles-mesmes : ce. sont effectz, dit-il, & offices de personnes visibles. Je l'accorde, parquoy puis que ce sont effectz, ils monstrent les causes, & sont iugez tres-certains de la qualité & nature d'icelles. Je dy, suyuant ceste raison; qu'il n'y a rien à quoy on puisse mieux cognoistre la vraye Eglise, qu'à la predication pure de la parole de Dieu, qui est vn effect propre & immediatement procedant d'icelle : car elle est la colonne & gardienne de la verité, 1. Tim. 3. vers. 16. & à qui les oracles de Dieu ont esté commis & baillez en depost, Rom. 3. que si le ministere & les Ministres ne sont la bouche de Iesus Christ & de l'Eglise, pour faire preuue & iugement certain de ceux qui sont vrais Ministres: il n'y a qu'à regarder à leur doctrine, qui testifiera de quel esprit ils sont menez, & à qui ils font seruir leur bouche. Disons ce mot, puis que l'Eglise est regenerée de ceste semence incorruptible qui est la parole de Dieu viuant, 1. Pierre 1. Il est certain qu'elle ne proferera rien repugnant à sa nature, & ayant Iesus Christ pour chef, elle se conduira selon ses loix, & parlera selon son cœur, & estant animée de son esprit, elle ne combatra point les Escritures, desquelles il est l'Authéur. Et estant

ceste Eglise nourrie tous les iours de ceste pastu-  
 re, de son abondance, elle alaittera ses enfans:  
 parquoy ie ne voy point que ces marques ne  
 soyent tres-certaines: que si Sponde n'a d'autres  
 raisons pour les esbranler, ie les trouue bien foi-  
 bles, & les marques ne sont point idees sans soli-  
 dité, mais de choses bien reelles. Que dit-il à l'en-  
 contre en la page 62? Que ce n'est point la pure-  
 té de doctrine qui fait l'Eglise, mais l'Eglise qui  
 fait la pureté de doctrine: c'est à dire, que la mai-  
 son fait le fondement, non le fondement la mai-  
 son. Sur quoy est fôdee l'Eglise, que sur la doctri-  
 ne des Prophetes & Apostres? Eph. 2. vers. 20. La  
 forme ne donne-elle point estre à la chose? Or  
 par le dire mesme de Sponde, la doctrine est la  
 forme de l'Eglise: il faut donc inferer & recueillir  
 quand & quâd, que la pure doctrine est vne mar-  
 que essentielle de l'Eglise. Il replique, que l'Egli-  
 se est plustost que la doctrine, & bien quoy? quel-  
 le raison est cela? Les fruiçts sont posterieurs à  
 l'arbre, donc ils ne monstrent point la qualité  
 de l'arbre, *arbor ex fructu cognoscitur*, dit Iesus  
 Christ, Matth. 7. vers. 16. 17. 18. Mais nous  
 monstrerôs qu'il se trompe en sa maxime, disant  
 que l'Eglise est plustost & auât la doctrine, com-  
 me la matiere est plustost que la forme. Et quel  
 Philosophe est-ce cy? vne chose est plustost que  
 sa forme. Et qui à iamais ouy parler de tels axio-  
 mes, vne chose est plustost qu'elle ne soit point.  
 Si la doctrine vraye, & qui est selon pieté, est la  
 forme de l'Eglise, l'Eglise ne peut estre plustost  
 que la doctrine. l'excuse Sponde, il s'est mepris:

par l'Eglise il entend les hommes, qui sont la matiere de l'Eglise : & les hommes, sont-ils plustost que la doctrine ? non. Car Dieu en parlant & disant, a créé toutes choses, & sur tout auant que créer Adam, & plustost que former Eue, ainsi que Moyse l'enseigne : en telle sorte, que le monde & toutes choses ne sont qu'effets de ceste parole de Dieu, Genes. 1. & 2. Rom. 4. Picau. 33. Comme aussi par ceste mesme parole, de sa vertu, toutes choses sont conseruees & maintenues. Toutefois que cecy soit dit en passant. Je maintien donc, que l'Eglise a commencé en Adam, & aussi tost qu'il a esté fait & formé, aussi tost a-il esté au conseil de Dieu, & en son election membre de Iesus Christ : mais bien, dy-ie, que pour l'execution, la cheute a precedé la reparation : & à ce regard il a esté premier homme, & Iesus Christ second. Or regardons si Dieu n'a plustost parlé & n'a fait entendre à Adā & Eue, la promesse du Messie, deuant qu'ils ayent esté, de fait & reallemēt, & selō le sentiment de leur ame, vrais membres de Iesus Christ & vraye Eglise. Ils fuyent la presence & face de Dieu, iusqu'à tant que Dieu les a eus asseurez par sa parole, de ceste semence benite, qui deuoit briser la teste du serpent. Ceste raison est inuincible, que la semence de laquelle quelqu'un est engendré precede l'estre parfait de la conception & naisance, pour le moins symbolisent en temps. Or c'est la parole de Dieu & la saine doctrine qui est la semence de l'Eglise, S. Iaques chap. 1. & 1. S. Pierre chap. 1. Qu'est-ce qu'il oppose à cecy, que les Apostres estoient citoyens du royaume

des cieux, deuant qu'en auoir entiere intelligence? Et sommes-nous en ces termes, si pour estre vrais membres de l'Eglise, il faut auoir vne parfaite intelligence de la doctrine celeste? Nous sommes, Dieu merci, assez aduertis par l'Escripture sainte, que nous auons besoin d'accroistre & augmenter en cognoissance & foy, tandis que nous serons enuironnez de ce corps: mais il faut prouuer que l'Eglise puisse estre sans doctrine, sans foy, & cognoissance. Sponde argumente ainsi: Les Apostres n'auoyent point vne entiere intelligence, donques ils n'en auoyent point du tout. Les Apostres n'auoyent point encore receu toute la doctrine deuant la Pentecoste, donques ils n'auoyent nulle doctrine: qui souscrira à telles conclusions? *Negato genere, negantur quidem omnes species: sed negata una specie, altera minime tollitur.* Nous disons donc, que les Apostres & Disciples, deuant l'enuoy du Saint Esprit sur eux, estoient la vraye Eglise, & membres de l'Vniuerselle & Catholique, & n'estoyent point sans vraye foy & cognoissance de la verité, & sans doctrine salutaire. Mais, dit Sponde, leur vocation a precedé leur instruction, iusqu'à ce qu'ils ont receu le Saint Esprit, pour le moins avec la plenitude qui estoit requise pour ces grands Docteurs. Je demande, les Apostres estoient-ils Payens & Ethniques, deuant qu'ils ayent esté appelez par Iesus Christ? S. Iean nous enseigne, au chapitre premier de son Euangile, que la plupart d'iceux estoient disciples de S. Iean Baptiste: & en outre, n'estoyent-ils point Iuifs, circoncis, appartenans à l'Alliance de

Dieu, & instruits en la Loy ? la fin de laquelle est Iesus Christ, selon S. Paul Rom. 10. Et ie voudroy' bien sçauoir comment Sponde pense, que la vocation se puisse faire sans instruction, quand il y a obeissance de foy, qui presuppose cognoissance, & que celui qui appelle à quelque charge, parle en appellant, & declare sa volonté. Mais i'ay honte de m'arrester à ces petis rudimens. Or apres toutes ces fuites, que conclud Sponde ? qu'on a tousiours plustost cognu le Docteur que la doctrine, comme les ouuriers precedent naturellement les ouurages. Il semble qu'en ceste declaration, il ait voulu non seulement faire la guerre à la vraye religion, mais aussi combattre la nature & toute raison : & par ce que les causes de leur nature, & quelquesfois en distâce de temps precedent leurs effects, s'ensuit-il qu'elles soyent plustost cognues que ceux-cy ? N'est-ce point ce qui se dit ordinairement, qu'on cognoist l'ouurier à l'ouurage ? Et combien que la demonstration par les causes soit plus certaine, toutesfois elle est plus claire par les effects. Quand i'y pense encore de pres, ie me confirme d'auantage en mon ame ! ie dy, qu'il n'est pas possible de cognoistre vn Docteur estre Docteur, sans doctrine : car la doctrine, est ce qui le rend Docteur, & qui monstre aussi, estant enseignee & communiquee, qu'il est tel. Cécy se pourroit esclarcir par les exemples de Iesus Christ, Matth. 13. Iean 7. & des Apostres, Actes chap. 2. & 4. voye les passages qui vouldra. A quoy tend nostre aduersaire, à monstrier qu'il ne faut commencer à cognoistre l'E-



glise, par la cognoissance de la doctrine? C'est son intention, partant que la doctrine & predication d'icelle, n'est marque suffisante à faire cognoistre l'Eglise: car, dit-il, qui nous enseignera la doctrine, si par icelle nous auons à cognoistre l'Eglise? Response, non les inspirations, & ne faut qu'il s'arreste à refuter ceste façon d'enseigner, introduite par Montanus, & renouuelee par les Anabaptistes de ce temps, qui n'ont point de pire ennemi que Calvin, ainsi que ses elcrits en font foy. Mais l'Eglise par les Escritures, que le Sainct Esprit seelle en nos cœurs, & nous fait comprendre ce qui nous y est enseigné: parquoy icelle enseignant la saine doctrine, & verite de Dieu, se manifeste elle-mesme, ne plus ne moins que le Soleil en esclairant & enuoyant ses rayons se fait voir foy-mesme, & declare qu'il est le Soleil. Vne mesme chose peut estre partie d'un tout, & instrumēt d'iceluy: ma main est partie de mon corps, & sert à mon corps: la doctrine est partie de l'Eglise, & si luy sert. Et comment (dit Sponde n'estant encore qu'apprentif) pourray-ie & sçauray-ie iuger de ceste doctrine, c'est à dire, de ce que ie ne sçay point, & par vne cognoissance commune? neantmoins il me seroit aisé de sçauoir & de cognoistre, ceux qui seroyēt gardiens de ceste doctrine, ne fust-ce que par le rapport & consentement, de ceux qui en auroyent fait l'experience deuant moy. Or Spōde se trōpe icy en plusieurs façons: Premièrement, en ce qu'il estime que la discretion des esprits & difference des doctrines pour l'edification de sa propre conscience, & conserua-



riõ de son salut, ne se puisse faire que par les seuls Docteurs & sçauãs, & non aussi par ceux qui s'adonnent à viles occupatiõs & sont idiots, ou qui sont Neophites & ieunes enfans. Mais qu'on oye cẽ que dit Iesus Christ, Matth. 11. ver. 25. & à qui saint Paul adresse ses propos 1. Corinth. 1. & 2. 1. Thessal. 5. Et saint Iean en sa premiere chap. 4. vers. 1. Car encore que tous ne soyent appelez pour enseigner les autres, & leur exposer les Escritures, & pour conuaincre les heretiques, & refuter les heresies: neantmoins il uous faut tenir cecy pour certain, qu'un chacun des fideles ne sera iamais destituẽ autãt, qu'il sera expedient pour confermer sa foy, & se donner garde des fausses doctrines, de l'esprit de prudence & discretion, moyennãt qu'il le demande au Seigneur, Luc 11. 1. Iean 2. Item, qu'il assuiettisse tous ses sens à la parole de Dieu, qui est comme vne pierre de touche: voire nous la deuons beaucoup plus estimer, d'autant qu'il n'y a point de doctrine vraye & legitime, sinon celle qui est prise de ceux-là qui ont l'Esprit de Dieu: & nul ne peut estre à Christ sans iceluy, Rom. 8. & qui ont de luy premierement la gnoissance, Matth. 16. 1. Iean 5. En second lieu, le iugement & discretion des doctrines, 1. Corinth. 2. Tierciement la persuation & assurance, Rom. 8. Galat. 4. 2. Corinth. 1. L'approbation doncques particuliere est necessaire: c'est quand vn chacun acquiesce à ceste doctrine, laquelle il sçait estre procedee de Dieu. Car les consciences ne trouueront point repos ne port assuree en l'autorité des hommes, mais en Dieu seul. S'il est comman-

dé à vn chacun d'examiner s'il a la foy, & s'il est en Iesus Christ, n'est-ce point chose semblable d'aduiser quelle doctrine on reçoit? que si l'un se peut (aux conditions predites) & l'autre aussi sans point de faute, 2. Corint 13. ver. 5. Sponde s'abuse aussi, estimant que la pureté de la doctrine soit attachée à certains lieux, & à certain ordre d'hommes. Or nous sommes aduertis du contraire, que quelquefois & bien souuent les Pasteurs degenerent en loups, Act. 20. & que faux docteurs & heretiques succedent à de bons Docteurs, & qui sentent droictement de la foy, quoy qu'ils viennent vestus en habits de brebis: mais il les faut cognoistre selon le conseil de Iesus Christ à leurs fruiets, c'est à dire, par leur doctrine & vie. Il se trompe aussi en troisieme lieu, quand il veut que ce qui doit estre seulemēt vn preparatif à la foy, vne ouuerture pour entrer en icelle, & vn aide seconde & extérieure, en soit le fondement, & la cause premiere. Donques nous ne nions pas, que l'autorité des Peres & Magistrats Chrestiens, & autres grands personages, dont nous auons encore aujourd'huy les escripts entre mains, ne doyent seruir pour faire ouïr & entēdre la doctrine Chrestienne, & rendre dociles à icelle les enfans, les suiets & autres, dont l'exemple est es Samaritains Iean 4. verset 28. 29. 30. & 31. Actes 16. Mais qu'ils se doyent arrester sur ceste seule autorité, ce seroit bastir sur les hommes: ce qui est defendu, & non sur le Seigneur, ainsi qu'il commande, premiere Pierre prem. Et loué soit Dieu, qui a tiré ce mot de la bouche de nostre nouveau

maistre, qui appelle en la page 64. la cognoissance des Docteurs ecclesiastiques, & des hommes de grand autorité, preiugé de sa croyāce. Mais i'estime puis qu'il s'arreste là, qu'il n'a que faire de foy, se contentant de ce preiugé, & qu'il aduise cōment il s'en trouuera. Or nonobstant ces responses, preuues & tesmoignages ( qu'il deuoit auoir apprins, estant encore hoste & hebergé en l'Eglise de Dieu, selon la reformation de son seruice ) il insiste, que luy, qui est du tout incapable de discerner la doctrine, faut qu'il commence par la cognoissance de l'Eglise, & des Docteurs d'icelle, & qu'il se rende docile & paisible à les ouïr, & depende de leurs enseignemens & conduite. Or ie luy demande, comment il cognoist les Docteurs ? il respond, que la marque pour les cognoistre, ne peut estre la pureté de la doctrine, car iamais il n'y paruiendroit. Pourquoi ? d'autant que ceste pureté de doctrine se doit plustost croire qu'estre entendue. Il allegue deux passages, l'un est d'Esaie chap. 7. verset 9. En la verité Hebraïque se trouuē, Si vous ne croyez, vous ne serez point affermis: & non pas, Si vous ne croyez, vous n'entendrez point. L'autre est de S. Iean chapitre 6. verset 69. Et nous auons creu, & cognu, que tu es le Christ, le fils de Dieu viuant. Où Sponde s'arreste à l'ordre des mots, qui est tel, que croire precede cognoistre: aussi disent les Anabaptistes, que croire precede estre baptisé, aux paroles de Iesus Christ escriptes par S. Marc au chap. 16. Et voicy vn passage de saint Paul, où il met la cognoissance deuant la foy, 2. Timothee 1 vers. 12. I'ay cognu à qui i'ay creu *ἔγω γὰρ ὃ πίστευα*. cest

argument donques prins de l'ordre des paroles est tel, qu'il peut seruir aux deux parties. Venons à des raisons plus proches & plus propres: Il est certain que la nature de la foy gist en cognoissance, car elle est quelquefois prinle pour toute la foy, lean 17. verset 3. & ceste foy est appellee demonstiance. *ἐλεγχος* par l'Apostre aux Hebreux chap. 1. 1. vers. 1. Et à fin qu'on ne replique, qu'elle est ainsi appelée, pource seulement, qu'apres qu'on a creu on cognoit, mais qu'aussi sa nature est d'estre lumiere, & non tenebres. Il conuient lire saint Paul, aux Romains chapitre 10. qui dit, que la foy est de l'ouïe, & par ainsi qu'elle est engendree par la cognoissance: Car l'effect de l'ouye & son propre, est de faire cognoistre. Je demande au surplus, la confession de saint Pierre, est-elle sans foy ou avec foy? L'estime que tous m'accorderons qu'elle est procedee de foy. Or Iesus Christ appelle ceste foy reuelation; c'est à dire, cognoissance qui prouient & est donnee immediatement de Dieu, Matth. 16. veu que ce sont des choses qui se raportent, reueler & cognoistre, ou apprehender par l'esprit, comme parler & ouïr. Neâtmoins i'accorde qu'il y a grande difference, entre simple cognoissance, & intelligence ou science: car la foy n'est point appuyee sur raisons ny sur les sens humains, & ne cherche point les causes des mysteres qu'elle embrasse, mais se repose du tout sur la volonté de Dieu, manifestee en sa parole, de laquelle elle a cognoissance plus ou moins, selon ce degré de mesure que Dieu luy donne par son esprit: autrement si la foy precedoit toute cognoissance des mysteres celestes, en quelle

forte la pourroit-on confesser & manifester, c'est à dire, en rendre raison? 1. Pierre 3. Et comment se pourroit-il faire, qu'on s'assurast en Dieu, sans le cognoistre, estant certain que les affections du cœur suyuent la cognoissance & apprehension de l'Esprit? *Ignoti enim nulla cupido.* Par ainsi n'importe pourueu qu'on distingue la simple cognoissance d'avec l'intelligence ou science, de suyure la version cōmune du passage d'Esaie, qui ne veut dire, qu'il faille croire pour simplement cognoistre, mais seulement pour auoir intelligence. Il passe aux raisons par lesquelles il faut cognoistre les Docteurs deuant que la doctrine. D'autant qu'ils la croient & l'entendent, il la faut croire & entendre de leur bouche: mais c'est la question, si tous ceux qui se disent Docteurs de l'Eglise, Pasteurs & Euesques, le sont. Et cōment les cognoistra-on, que par leur doctrine? par ainsi ceste raison n'est point raison, mais comme l'on dit en l'escole, *petitio principij.* Il adioust, que ces Docteurs estans les dispensateurs & conseruateurs des mysteres celestes, & conducteurs de l'Eglise, & la representans, ceste solennelle promesse de Iesus Christ leur appartient, de ne les abandonner iamais, iusques à la fin du monde, Matthieu 28. verset 20. ce que i'accorde, pourueu qu'ils s'astreignent au commandement qui precede la promesse: c'est qu'ils enseignent les choses que Iesus Christ leur a cōmandees, sans addition, diminution, ou alteration & changement quelconques. Parquoy suiuant ceste condition, il faut venir tousiours à la doctrine: & Sponde voyant bien que tout ce qu'il auoit dit n'estoit que fueillés

de figuier pour se couvrir : maintenant pour parler à bon escient, & nous faire cognoistre à la verité & par de vraye marques quels Docteurs nous deuons escouter, leur en baille deux, la foy, & la charité: lesquelles aussi en la marge, & à bon droit. il attribue à l'Eglise, Actes 4. verset 32. & 2. verset 41. 42. Il entend par la foy, vsant d'une metonymie fort éloignée, amour de Dieu (mais laissons ces digressions) il prend la charité pour l'amour du prochain. Bref exprimant ces marques. par negation, n'estre point heretique ne schismatique : c'est l'indice, dit-il, d'un bon pasteur. Ce n'est pour vray assez dit: mais d'un mauuais payeur, ayons-en ce que nous pourrôs: l'heresie est desloyale enuers Dieu, le schisme deschire l'union, & la cōmunion de l'Eglise: estre desloyal, c'est estre infidele, c'est n'auoir point de foy, ains estre contraire à la foy. Et ne peut estre la foy sans la parole de Dieu, & sans la pure doctrine, ie croy que Sponde ne le voudroit nier: & pour payer tout cōptant, voicy de quoy, Rom. 10. Act. 2. Ephe. 4. Partât si la foy est marque de vrais & bons pasteurs, & l'heresie des mauuais & faux pasteurs: & que les vrais pasteurs sôt les marques de la vraye Eglise qu'ils representent, il s'ensuit de toute necessité, que c'est la pure & vraye doctrine celeste, qui est vne marque essentielle, tant des maîtres ou docteurs, que de l'Eglise. C'est en la pag. 65. où Sponde se prend ainsi par ses propres conclusions, Dieu extorquant la verité de celuy qui la veut nier & degrader: toutesfois faisant de l'empesché en la page 142. où veut-il (parlant de Calvin) que ie trouue ces marques, s'il n'a quelques vns en main-

qui me preschent ceste parole, & m'administrent ces Sacremens? nest-ce pas nous ôster le moyen de les recognoistre, si l'on ne nous dit quand & quand qui est celuy qui les a? ô subtilité incognue! Les marques ont besoin d'autres marques, & ces dernieres d'autres encores: & ainsi, selon ton dire, il ne sera iamais iour, il ne sera iamais fait, à la fin tu nous ameneras à l'infinité & eternité du monde. Les marques ne se peuuent point cognoistre, si l'on ne dit qui les a: Celuy doncques qui a ces marques, sera la marque d'icelle, & ce ne feront plus de marques: parquoy il suffiroit de dire seulement, celuy qui les a, sans autre chose. Mais pourquoy sont-ce enseignes, desquelles nous parlons, que pour te monstrier, non qui est celuy qui les porte: car si tu vois la liuree blanche ou rouge, tu vois aussi celuy où elle est pendue, mais quel il est, & qui il est, à cause d'icelles. Et doute, Sponde, qui sont ceux qui ont ces marques de l'Eglise; ce sont des hommes & assemblees d'hommes: parquoy il ne faut point enseigner, ce dequoy personne ne s'enquiert point, & qui est tres-clair, mais ce qui est en dispute. Il nous faut doncques chercher & voir, si ceux qui se vantent d'estre l'Eglise, ont ces liurees, & si ceux qui se vantent de les auoir les ont, & non point dire simplement, tels les ont: Car il le faudroit prouuer, & ce seroit vne question de faict, ou bien dire, que ces marques ne sont suffisantes pour designer la vraye Eglise. La similitude mise en auant, ne conuient en aucune façon au propos où nous sommes: Car l'Eglise n'est pas le salut, comme les thresors sont les richesses: ou si Sponde



l'estime, c'est vn pur & vray idolatre : mais bien vn des moyens subalternes pour obtenir le salut. Quiconque d'oc enseigne le moyen pour auoir & posseder ce thresor precieux & salutaire Iesus Christ, & quiconque dit que l'Eglise visible, est celle où la parole de Dieu est preschee purement : en la definissant, la distingue de toutes compagnies qui fausement en prendroyent ou prennent le nom, & s'en donneroyent & donnent le tiltre, & par mesme moyen monstre, non le lieu particulier, car c'est vn accident separable de l'Eglise : mais quels hommes il faut tenir pour Eglise, & ce qui est la vraye & essentielle forme & propriété d'icelle. Icy dessus Sponde obiecte, que c'est le renvoyer au mesme doute : car chercher l'Eglise, c'est chercher ceste parole, & ces Sacremens. Je respon, qu'il se trompe, veu que quiconque cherche l'Eglise, ne la cherche pas comme doutât s'il y a Eglise, pour se contenter de quelque signe qui apporte coniecture & vray-semblance en vne grande obscurité, où on ne voye nulle trace d'Eglise : mais comme desirant scauoir quelle est la vraye Eglise parmi tant d'assemblees qui en portent le nom, & ont des semblances & similitudes d'Eglise : parquoy pour éclaircir ceste doute, il n'y a que la seule definition qui y suffise. Quand doncques on cherche quelque chose entre ses contraires, ou choses diuerses : lors vrayement quelques proprietéz, ou mesmes accidens & marques communes, peuuent suffire : mais quand on veut trouuer quelque chose entre ses semblables, c'est à dire, entre ceux qui ont mesmes qualitez externes, il



faut lors auoir recours à la definition & declaration de la nature & essence de la chose. Que si Sponde tergiuerle, que c'est vne mesme chose que la definition & la chose definie, il merite estre renuoyé à sa dialectique, qui luy enseignera qu'il y a difference pour la façon, & de le signifier & de l'entendre. Je nie neantmoins que l'Eglise soit la predication de la parole, & l'administration des Sacremens: mais bien, dy-ie, que c'est vne propriété ou vn effect qui sort immédiatement de la nature de l'Eglise visible: car où ce saint ministère est exercé, comme dit a esté, c'est là où est l'Eglise. Je supplie le lecteur d'estre patient, aux raisons contraires de nostre Antagoniste, qui poursuit son propos en ces termes: Cuidez-vous que ie ne cherche que l'ame? c'est le corps aussi que ie cherche. Or ie le prie de se resouvenir, que c'est qu'il a appelé le corps de l'Eglise en la page 62. n'est-ce pas les hommes desquels elle est composée & conduite? par-aincy s'il ne cherche que le corps de l'Eglise, il ne cherche que des hommes. Mais il s'entend, car il imite ce philosophe Diogenes, qui en plein iour, avec vne lampe, cherchoit des hommes. *Diogen. Laer. in vita Diogen. Cynici.* Toutesfois qu'il parle luy-mesmes, ie recueille de ses propos suiuaus, qu'il veut dire par le corps de l'Eglise, les marques extérieures, lesquelles il cherche, & non les intérieures, la forme visible, & non l'inuisible: bref, les differences externes. Et quoy? prescher la parole de Dieu, est-ce vne marque intérieure? & administrer les Sacremens, est-ce vne chose inuisible? ce

qui s'oit & se void, n'est-ce pas quelque chose corporelle? Et ce qui est corporel, n'est-il pas perceptible par les sens, & pourtant exterieur? Sponde veut dire, qu'il ne cherche point de marques essentielles d'Eglise, mais accidentales: car il en veut selon sa nature, qui est d'estre accident à l'Eglise. *nam abest & affuit citra perniciem rei*, il a esté présent, & est absent presentement, sans que l'estat & essence de l'Eglise en deperisse pour cela. Pourquoy quiert-il plustost les marques exterieures, que les interieures? Quand ie demande vn homme, dit-il, ie scay qu'il faut qu'il aye de la raison pour estre vray homme: mais s'il n'y en auoit qu'un au monde, & que ie le cherchasse, il m'en faudroit bailler d'autres marques que les interieures: il me faudroit depeindre la forme visible, plustost que l'inuisible. La somme de son propos & de sa raison reuiert à cecy, qu'il demande des marques & signes exterieurs: par ce qu'il ny a qu'une Eglise, c'est à dire donques, que l'Eglise est vne espede & nature generale, & non vn indiuidu. Or ie luy demande aussi, comment est-ce que les especes sont distinguees entr'elles, que par les differences essentielles, qui monstrent tout ensemble, qu'est-ce, & que c'est ceste chose, & ceste nature: au contraire, les indiuidus sont distinguez par collection de plusieurs accidens & qualitez communes, qui toutes ensemble ne peulient conuenir en vn autre indiuidu de ceste espede. Parquoy s'il n'y auoit qu'un homme au monde, comme il n'y a qu'une Eglise Catholique, il se faudroit contenter de la definition d'homme,

ne, pour le separer de toutes autres choses : tout ainsi qu'il n'est besoin de rien plus, pour faire bien cognoistre le Soleil qui n'est qu'un, que de la difference essentielle, qu'il n'a commune avec autre creature. Par cela chacun pourra iuger, combien la raison ancienne est non seulement friuole, mais aussi faisant contre luy : car ce qu'il poursuit ne la fortifie pas d'auantage, en disant, Il me faut depeindre plustost la forme visible que l'inuisible, à fin que ie sache pour le moins quelles sont les differences externes. Si, comme nous auons dit, les Sacremens sont choses visibles, il s'ensuit que Sponde, a ce qu'il requiert, que s'il veut lineamens externes, tels que pourroit estre la figure du corps de l'homme, pour le distinguer d'avec les bestes brutes : qui ne void qu'une telle description ne peut seruir de rien, pour separer les compagnies qui se disent Eglise, & ne le sont point ? qui se couurent aussi & se parent de ses qualitez ? Mais ie m'estonne que Sponde ne considere, que si la figure de l'homme a ce pouuoir de l'esleuer par dessus les bestes, & les faire voir & cognoistre autre, la raison le fera encore beaucoup plus, si quelques accidens distinguent l'Eglise, combien à plus forte raison les vraies differences ? Il me dira, On doit commencer par les premiers. Responce, selon les personnes à qui on a affaire, & c'est l'ordre de prudence, neantmoins la vraye & commune methode veut, qu'on commence la declaration de quelque chose, par ce qui est le plus essentiel : qui est aussi le plus general, le plus aisé à cognoistre, & que de là on viene

à ce qui est accidental, qui est d'ordinaire, particulier, & moins connu de sa nature & intelligible à nostre esprit : quoy que peut-estre, plus familier à nos sens Cicer.liure 1. des Offic. toutesfois laissons là l'ordre & façon d'enseigner, & que ces disputes soyent pour les Dialecticiens : parlons de la verité, & examinons en quelle sorte Sponde nous marque l'Eglise, & s'il est meilleur Theologien, que ceux qu'il a entrepris de reprendre. Et deuant qu'aller plus auant, remarquons combien de fois il se contredit, sur ce suiet des vrayes & essentielles marques de l'Eglise : tantost il aduouë que la parole de Dieu & les Sacremens sont de ces marques, tantost il le nie, comme en la page septantiesme, disant que hors l'Eglise, il peut trouuer la parole de Dieu & les Sacremens : & ne se souuient-il point auoir escrit, qu'il cherchoit l'Eglise pour trouuer ces choses? Si le salut n'est point hors l'Eglise, ny la parole de Dieu : si ceste-cy en est dehors, & l'autre aussi quand & quand. Pour faire valloir son dire, il cote en la marge sainct Augustin, *Tom. 7. serm. super gestis de Emerito*, lequel il nous est fort aisé d'exposer par soy-mesme, si Sponde se souuient de ce qu'il a escrit. Nous ne disons pas simplement, que la parole de Dieu & les saincts Sacremens soyent les marques de l'Eglise, mais la parole de Dieu purement preschee, c'est à dire, à laquelle on n'adiouste, on ne diminue & on n'altere & change rien, Deuteron. 4. Apocalypse. 22. Ezechiel. 3. & 33. Les Sacremens aussi administrez & receus selon l'institution de Iesus Christ, c'est à dire, & au lieu

& en la façon, & par ordre & personnes appellez à cela de Dieu:voila ce que nous disons.Or S.Augustin parle, au lieu allegué,en general, de la doctrine de l'Euangile, des Sacremens,de la priere, du chant : brief de ce que les heretiques & schismatiques peuuent auoir de commun avec les Orthodoxes & vraye Eglise en ces marques-là, & non pas de ce qu'il les separe & distingue en icelles-mesmes. Et qu'ainfi-soit, qu'on lise le mesme sainct Augustin au liure 2. contre les lettres de Parmenian, au chap. 13. & 14. où il dit, que le Baptisme voire le vray Baptisme en son essence hors la vraye Eglise, est donné illicitement & receu pernicieusement, ou avec dommage.L'argument donc de Sponde est captieux,qui veut conclurre, de ce qui est dit simplement & generale-ment par sainct Augustin, ce que nous disons avec certaines restrictions & pour certain regard: que si ceste responce ne le contente,ie dy apres le mesme Docteur S. Augustin, que lesdits heretiques,autant qu'ils ont de la parole de Dieu & des Sacremens, sont autant dedans l'Eglise, & pour ce regard n'en sont point dehors, encore que ceux qui les ont sortent d'icelle. Les paroles dudit sainct augustin sont telles, liure 1. chap 1. du Baptisme contre les Donatistes, *Quibus rebus ostenditur, nos rectè facere, qui Dei Sacramenta improbare nec in ipso schismate audemus, in quo enim nobiscū sentiunt, in eo etiam nobiscum sunt: in eo autem à nobis recesserunt, in quo à nobis dissentiunt. non enim accessus iste atque discessus corporalibus motibus, sed spiritalibus est metiendus: sicut enim coniunctio corporum fit per*

*continuationem locorum, sic animorum quidam contactus, est consensio voluntatum: si ergo qui recessit ab unitate, aliquid aliud agere voluerit, quam quòd in unitate percepit, in eo recedit atque disiungitur: quòd autem ita vult agere, sicut in unitate agitur, ubi hoc accepit & didicit, in eo manet atque coniungitur.* Qui ne receura ce payement, se monstrea fort chagrin. Et à quel propos adiousté-il, que l'Eglise est plus ancienne que les Escritures? qui debat ceste sentéce? Nous disons, que la parole de Dieu est vne marque essentielle d'icelle Eglise: & par ainsi qu'il n'en y a eu iamais sans parole de Dieu. Et il se iette sur la façon, en laquelle ceste parole nous a esté communiquée & conseruée de toute corruptiõ. Nous sçauons que Dieu a parlé aux Patriarches & Prophetes en plusieurs sortes & manieres, Heb. i. ver. 1. & par visions, & par songes, & bouche à bouche, & par autres tesmoignages celestes: & ne s'est pas contenté de parler vne fois, ains a daigné ouurir sa bouche plusieurs fois, voire il a commencé de l'ouurir pour faire son Eglise, & releuer de leur cheute ceux qu'il auoit esleus, ainsi qu'il a fait à Adam, Genes. 3. & les retirer des idolatries, cõme il a fait Abraham, Iosué 24. vers. 2. & ceste repetition de visions & de songes, a esté au lieu d'Escriture, laquelle puis apres Dieu a voulu mettre en vsage, à fin que sa verité ne perist point par oubli, ou ne s'esuanoüist par erreur, ou ne fust corrompue par l'audace des hommes: par ainsi Dieu ne parlant point auiourd'huy du ciel, il n'y a que les seules Escritures qu'il nous faille recognoistre pour parole de Dieu, qui seules ont

pleine certitude enuers les fideles: non à autre titre, sinon qu'ils tiennent pour arresté, qu'elles sont venues du ciel. Parquoy ces Escritures receuës, creuës, entenduës, & preschees, sont auourd'huy le fondemēt de la vraye Eglise, diuers, non en substance de celuy des Patriarches, car c'est tousiours vne mesme doctrine: mais seulement en la façon de la proposer, & faire entendre aux hommes. Cela fait que Iesus Christ commande de sonder les Escritures aux Iuifs de son temps, Iean 5. Sainct Paul aussi nous enseigne, nostre esperance estre fondee sur les Escritures, Rom. 15. vers. 5. Je dy donques, que si nostre esperance est fondee sur lesdites Escritures, aussi sera l'Eglise: car il y a mesme raison. Ce que Spode abbaye contre icelles, pour les mettre bas, est de neant: car accordons qu'elles ayent esté toutes escrites, c'est à dire, celles du Nouueau Testament, par occasion (combien que saint Luc & saint Iean y resistent. Le premier au 1. chap. de son Euangile, vers. 3. 4. l'autre au chap. 20. aussi de son Euangile vers. 31. où il met les Escritures pour fondement de la creance, & au chap. 21. vers. 24.) Nous dirons que cela est vray, au regard des instrumens qui ont escrit, & nō à raison de Dieu, auteur des Escritures qui les a inspirees, 2. Timot. 3. vers. 16. 1. Pier. 1. vers. 11. 2. Pier. 1. vers. 21. & qui a cōmandé les escrire, Apocal. 1. vers. 3. 11. & s'est serui de ces occasions-là: ce qu'il dit de plus, taschant d'affirmer leur autorité, & les debouter du rang qu'elles tiennent, est presque indigne de response, que nous n'auons pas tout ce qui a esté escrit,



mais nous en auons pour le fondement & edification de l'Eglise. Et n'eussions-nous point eu d'Eglise, dit-il, si les Escritures se fussent perduës? Je dy, qu'en la Theologie, il ne faut fonder argument sur presuppositiōs, & cas qui n'aduiendront iamais: car Dieu ne lairra en aucun temps son Eglise, sans ses escrits sacrez & diuins. Où est la promesse? au liure tant de celuy qui a escrit le premier, Deuteron. 4. verset 2. que de celuy qui est le dernier Apocalypse 22. verset 18. 19. dont c'en est vn tesmoignage, que les tables de la Loy ont esté de pierre: qui est vn indice & enseignement de duree & perpetuité, Exode 34. verset 1. Deuteron. 10. verset 1. autant donc que durera l'Eglise en ceste vie, aussi long temps demeurerōt les Escritures. Mais, dit Sponde, quelque piece de ces liures s'est perdue, car nous n'auons point tout ce qui a esté escrit. I'accorde aussi, que tous les liures sont perissables d'eux-mesmes: mais il est necessaire, à cause que Dieu l'a ainsi promis & ordonné, que les Escritures demeurent iusqu'à la fin (*non necessitate consequentis, sed necessitate consequentie*) & quand Dieu ne nous lairroit qu'un seul liure, la verité de sa promesse sera tousiours verifiée en cela, & quand (comme dit Irenee, mal à propos allegué par Sponde, & contre luy-mesme) les Apostres ne nous eussent point laissé les Escritures, il nous eust falu suiure leurs traditions, laquelle ils ont baillee à ceux, à qui ils commettoient les Eglises: lesquelles paroles d'Irenee sont preuue, qu'il n'y a plus de lieu d'alleguer les traditions des Apostres, veu que nous a-

uons les Eſcritures : Car il parle de l'vſage des traditions, c'eſt à dire, doctrine des Apoſtres, conditionnellement. Voici ſes propres mots, leſquels Sponde corrompt, *Quid ſi neque Apoſtoli quidem Scripturas reliquiſſent nobis, nonne oportebat ordinem ſequi traditionis, quam tradiderunt ijs, quibus cōmūtēbant Eccleſias?* Le meſme Irenee par meſme moyen enſeigne, qu'il n'y a que la ſeule doctrine Apoſtolique qui ait lieu en l'Egliſe, & y ſoit receuë conformément à ce qui eſt eſcrit aux Actes chapitre 2. verſet 42. 43. Et à fin qu'on n'eſtime point que ie face dire à ce ſainct perſonnage, ce à quoy il n'a iamais penſé, c'eſt ici le commencement du quatrieſme chapitre du troiſieſme liure, contre les hereſies: *Tanta igitur oſtēſiones quum ſint hæc, non oportebat adhuc querere apud alios veritatem, quam facile eſt ab Eccleſia ſumere, quum Apoſtoli quaſi in depositorium diues pleniffime in ea contulerint omnia que ſint veritatis, ut omnis quicumque velit, ſumat ex ea potum vite.* C'eſt à dire, Les Apoſtres ont mis en l'Egliſe, comme en vn garde-manger & deſpence riche, toutes les choſes qui ſont de la verité : & qu'eſt-il donc beſoin des traditions & commandemens d'hommes ? mais il en ſera parlé en autre lieu plus amplement, ſi le Seigneur le permet. Le dernier argument pour monſtrer que la doctrine, ou parole de Dieu & les Eſcritures ne ſont point la marque de l'Egliſe, eſt, qu'il faut cognoiſtre l'Egliſe deuāt que cognoiſtre les Eſcritures ſainctes, car c'eſt à l'Egliſe à ouurir ces liures, deſiller les yeux, & a en tirer la mouëlle du ſens: laquelle a les liures de ceux qui ont tiré ceſte

moüelle par vne assistance continuelle de Dieu: qui de la premiere source qu'il a ouuert aux premiers, en fait ruisleler les fleuves iusques aux derniers. Il a esté desia respõdu à ceste apparence de raison, à sçauoir que l'Eglise Chrestienne & Apostolique, qui enseigne les Escritures & la doctrine contenue en icelles, se declare aussi & se manifeste par elles. Ceste Eglise donques & l'Escriture, ne sont point separees ou esloignees de temps, ains qui a l'une a l'autre à mesme heure: que si on regarde la priorité de nature les Escritures saintes, où si on aime mieux, la doctrine Apostolique precede l'Eglise, comme la cause va deuant l'effect: mais c'est (dit Sponde) à l'Eglise d'exposer les Escritures, à en tirer la moüelle, c'est à dire, puis que le sens des Escritures est de l'Eglise, icelle qui est l'instrumēt, par lequel nous receuons l'intelligence, & par lequel nos yeux sont desfillez: (ie pense que Sponde ne l'entend point d'autre façon que ie le dy: car ayant autre intention, il blasphemeroit meschamment) doit estre plustost cognue de nous que les Escritures: veu qu'elles nous seroyent autrement inutiles. Il n'y a personne ie m'en asseure, mesme entre ceux de l'Eglise Papistique & Romaine, qui ne confesse, que la vocation à salut est de Dieu, laquelle pour estre salutaire & accompagnee d'efficace, doit estre non seulement exterieure, mais interieure. Or ce mouuement du saint Esprit nous ameine quelquefois immediatement & du premier vol aux Escritures, & à certains passages d'icelles, ainsi qu'il se void en saint Luc chapit. 4.

vers. 17. & 18. Actes 8. vers. 28. 32. Act 17. vers. 11. & par cesdicts passages des Escritures que Dieu leurs a ouuerts, comme il le peut immédiatement, Luc 24. Act 16. sont venus à la cognoissance de Iesus Christ & de l'Eglise : quelquefois Dieu a amenez & dressez par sa secrette prouidence, ou volontairement & de propos deliberé, ou par occasion en assemblees Ecclesiastiques, ou à certains personnages qu'ils ne recognoissoient estre l'Eglise ny membres d'icelle à ouïr la parole de Dieu, & ce qui estoit de leur propre salut, lequel Dieu ouurant & benissant le traüail de ses seruiteurs, ils ont embrassé, & finalement reconnu ceste assemblee pour vraye Eglise, Act. 2. vers. 37. 38. 39. 40. & chap. 4. vers. 4. quelquefois Dieu s'estant manifesté, renuoye ceux qu'il appelle tout droit à l'Eglise & Ministres d'icelle, à ce que par eux ils oyent entendant les Escritures, c'est à dire, sa volonté contenue en icelles, Act. 8. vers. 28. & 9. vers. 6. 11. 12. 13. & 10. vers. 4. 5. 6. 27. 28. 29. 30. 44. parquoy Sponde se trompe, pronõçant que l'entree au royaume de Dieu, commence plustost par ceste cognoissance, qui sont ceux qui sont l'Eglise, que par l'intelligence & ouïe des Escritures. Que s'il replique, que c'est la voye ordinaire de commencer par la cognoissance de l'Eglise, l'experience nous enseigne le contraire : car les petis enfans des Chrestiens ne cognoissent pas si tost l'Eglise, qu'ils commencent d'en estre membres : ce qui se fait non seulement par la vertu du saint Esprit, qui les sanctifie, voire dès le ventre de leur mere,

& les conioint avec Iesus Christ : mais aussi à cause de la promesse contenue és saintes Escritures, faites aux peres Chrestiens & fideles, au profit de leurs enfans : Je suis ton Dieu & de ta semence apres toy, Genese 12. & 15. & 17. & 22. Act. 2. de là ie conclu, que les Chrestiens cognoissent plustost d'une cognoissance utile, reelle, ou effectuelle & sensible, qu'on appelle cognoissance d'experience, la doctrine & les Escritures, que l'Eglise: tout ainsi que le petit enfant sent plustost la nourriture de la mere, & cognoist le tetin & le lait qui luy est donné, qu'il ne la cognoit & ne la peut discerner d'une cognoissance visible, qui respond à la speculatiue & theorique, d'avec les autres femmes. Et ce qui l'incite à la recognoistre & remarquer aux traits de visage, & façon exterieure d'habits & vesture, croissant en aage, entre les autres femmes, c'est le profit qu'il en reçoit & en sent: par ainsi l'Eglise commence à se faire cognoistre, & preuient les hommes; principalement les nourrissons, par la doctrine & les Escritures, où ce qui en depend, & en est le seau, à sçauoir, les Sacremens: ce qui renuerse du tout le dire & propositiō de Sponde, comme vn chacun pourra iuger. Tout ainsi dōc que la bōne mere n'attēd point à nourrir ses enfans iusqu'à ce qu'elle soit cognue pour telle, ains anticipe leur cognoissance: ainsi l'Eglise n'attēd pas d'estre cognue de ceux qu'elle a conceus & enfantez, ny mesme des autres: ains elle se deuance & exerce deuoir, ou de pieté enuers les siens, ou de charité enuers les estrangers. Mais c'est suffisammēt monsté que la parole de Dieu & les Sacremens &

discipline, sont les trois marques de l'Eglise visible. Venons à celles qu'il nous donne pour cognoistre l'Eglise, c'est en la page 34. où il en fait le denombrement, & voicy ces mots: Nul ne la cognoit, à sçauoir l'Eglise, que par ses vrayes marques, dont la plus signalee est celle de l'antiquité, au regard de celles qui sont seulement d'un iour: & puis celle d'une perpetuelle succession, de ceux qui en ont eu tousiours la conduite, avec le consentement vniuersel, & de tout temps: Esquelles trois marques ensemble, comprises par ces trois mots, antiquité, perpetuité, & vniuersalité, consiste visiblement la promesse que Dieu luy a faite, de ne l'abandonner iamais. En ce lieu-là il ne prouue rien, parquoy tournons le feuillet, & cerchons s'il en a parlé auparavant. le ne trouue autre chose, que ce qu'il en dit prochainement en confus en la page 67. que l'Eglise ne fust iamais esteinte, n'y ne s'esteindra. Mais qui de nous le met seulement en doute? quel liure des nostres a-il leu autrement? c'est en vain qu'il entasse passages de l'Escripture & des Peres: ie croy pour se faire valoir en vne chose bien claire, laquelle toutesfois il obscurcit puis apres, car que veut dire cecy? que combien que tous les membres du corps ne soyent pas tousiours viuans, que le cœur de la foy ne meurt pas pourtant: ceux qui sont vrais membres de l'Eglise, ne peuuent iamais perir, & ceux qui se sechent, n'ont iamais participé au suc de la racine & du tronc, qui les a portez pour quelque temps. La vraye foy n'est point temporelle, Matth. 13. & 16. Luc 22. Rom. 11. Matth. 7. laquelle ne subsiste point en l'air, comme il semble nous vou-

loir faire à croix, ny seulement és Escritures à cause de la doctrine : mais és esleus de Dieu, qui conuerfent encore en la terre : que si quelques vns de ceux-là perissent, quelle assurance me donne Sponde de l'eternité & duree de l'Eglise? car le tout ne peut estre eternal, si ses parties & membres sont perissables: parquoy en disant ce qu'il dit, il se contredit. Mais posons le cas que tout soit bié couché, s'ensuit-il que si l'Eglise est eternelle, qu'elle soit tousiours visible? c'est à dire, qu'elle aye tousiours le ministere de la parole, ou ce ministere en telle pureté qu'il doit estre, & qu'il n'y ait des nuages qui la couurét, & semblét l'auoir abyfmee du tout. Les tenebres de la nuit nous cachent les montagnes, & neantmoins bougent-elles de leur place? le Soleil se cache tous les iours vers les Antipodes, & se perd-il? Les arbres semblét morts en hyuer, sans fruiét, sans fleurs, sans fueilles, & neantmoins c'est lors que la racine est plus viue & vigoureuse. Sponde veut que l'Eglise luise tousiours, & qu'elle aye lumiere pour esclairer tout le monde. Or soit, mais le monde ferme les yeux pour ne la voir point, qu'aduiét-il? que ceste Eglise est inuisible au monde, toutesfois tout cela ne fait encores rien, pour monstrier que la duree ou eternité d'icelle en soit vne marque pour la faire cognoistre: car dire que la duree conuiert à l'Eglise, aussi fait-elle à plusieurs autres choses: & ce qui est commun à ce qu'il faut distinguer, n'est iamais difference. Je le confesse, dira Sponde, & ie scay que la seule longueur du temps n'est pas vn argument inuincible en toutes matieres, ny peut estre en ceste-cy. Quand il n'y



en auroit point d'autres, quels sont-ils? oyons-les. Sponde ne les veut pas encore mettre aux champs, ains il insiste sur la succession & duree, cōtinuation & anciēneté de l'Eglise. Qu'en dit-il? que ceux qui ont succédé aux Apostres, & qui ont puisé la doctrine du premier poinct de l'antiquité, & encore depuis ceux qui ont suivi ces derniers, & ainsi consecutiuelement, ont plus de cognoissance en ceste doctrine, & la peuuent plus raisonnablement auoir conseruee, que ceux qui n'en ont ouï parler, & n'en parlent que depuis trois iours. Formons l'argument: Si la succession & anciēneté de la doctrine est vne marque pour cognoistre l'Eglise, la succession des personnes l'est aussi. pourquoy? pour ce que ceux qui voyent de plus pres, cognoissent plus distinctement & clairement. Or les Anciens & ceux qui ont succédé aux Anciens, ont veu de plus pres en vne doctrine ancienne: car ce qui est ancien est prochain des Anciēs: il faut donc dire, que là où est la succession & antiquité de personnes (par ce que l'antiquité de la doctrine y est aussi) là est l'Eglise. Je respondray à ces propositions & maximes generales, premieremēt qu'il les faut presupposer pour entēdre son dire, & les digerer ainsi que j'ay fait, & puis nous passerons à l'application d'icelles. Ceci n'est point vray en toutes sortes de cognoissance, que tous ceux qui voyent de plus pres, & sont plus voisins de la chose qu'il faut cognoistre, l'apperçoient plus clairement & plus d'istinctement: mais bien quelque fois es cognoissances qui procedent des sens, & sont de choses naturelles & historiques, & non en la cognoissance qui s'acquiert par

L'Esprit de Dieu, & est des choses supernaturelles. L'exēple est és Iuifs, qui ont vescu du temps de Iesus Christ & des Apostres, ayans le salut plus pres, Rom. 13. versēt 11. lesquels ont eu moins de cognoissance, & ont esté en moindre nombre, non seulement que ceux qui ont precedé sa venue, & viuoyent du temps des Prophetes : mais aussi que ceux qui seront appelez à la fin des siecles, Rom. 11. Et encore l'experience nous enseigne, qu'és cognoissances sensuelles, quand l'obieēt est trop pres de l'organe de son sens, il n'est pas si bien apprehēdé, que quand il y a distance mediocre & bien proportionnée. L'adiouste, que la proposition susdite se doit entendre, quand ceux qui voyent & cognoissent, sont pareils en force de veuë, & vsent de semblables instrumens : car si de deux qui ont les yeux foible l'un vsē de lunettes, & l'autre n'en vueille point, quoy que cestuy-cy soit plus pres de la chose qu'il faut voir, neātmoins il ne la verra ny cognoistra si clairement, que celuy qui employe & se sert de verrieres, encore mesme qu'il soit plus esloigné en espace & lieu : ainsi en est-il de ceux qui anciennemēt ont negligé les Escritures, moyen tres-propre & ordonné de Dieu, pour paruenir à vne vraye solide & salutaire cognoissance d'iceluy : lesquels se trouuent en fin surpassés en cognoissance par leurs successeurs, qui ont fueilleté lesdites Escritures, & les recognoissent pour seule parole de Dieu, où tout cé qui est necessaire, tant pour le seruir interieurement & exterieurement est contenu, que pour paruenir au vray salut. Et quoy ? les anciens Peres ont-ils ignoré ceste parole ? Ia ne m'auienne

de le dire, mais ils ne s'y sont pas tous soumis ainsi qu'il falloit, pour dependre entierement d'icelle, & es mœurs & en la doctrine: & de là procede en partie l'empeschement de leur claire & pleine cognoissance: ce qui se trouuera estre ainsi, si nous regardons en quels erreurs sont tombez les plus anciens & plus excellens Peres, condamnez aujourdhuy, & à bon droit, de tous, en leursdits erreurs. En ce rang sont Tertullien. Cyprian, Lactance, & autres. Mais qui a dit à Sponde, que la doctrine de verité, ait esté plus pres de ceux qui ont vescu du temps des Apostres, que de nous? ont-ils enseigné vne chose de viue voix, & vne autre en leurs écrits? le saint Esprit qui est promis à l'Eglise, ne se communique-il point aussi bien aux derniers, comme il eust fait aux premiers, s'ils ne l'eussent tenté? Et encore pour dire vray, l'Eglise a promesse d'une plus grande clarté, souz la dernière venue du Fils de Dieu, pour desconfire l'Antechrist, que celle qui a vescu tout aussi tost apres les Apostres, 2. Thess. 2. vers. 8. Rom. 11. vers. 25. 26. sur ce dernier passage, est fondé ce qui est tres-bien dit par S. Gregoire *lib. 19. Moral in 29. cap. Job. cap. 9. quāvis post eosdem dies, quibus deprimitur Ecclesia, iam tamen circa ipsum finem temporum, grandi predicationis virtute roboretur: nam susceptis ad plenum Gentibus, omnem Israheliticum populum qui tunc inuentus fuerit, in fidei sinum trahet. Scriptum quippe est, donec plenitudo Gentium introiret, & sic omnis Israel saluus fieret: sed ante illa tempora erunt dies, in quibus ab aduersariis paululum videbitur oppressa, &c.* Or comment est-ce qu'on conseruera pour les autres, & transmettra-on

à la posterité en pureté, ce qu'on n'a peu garder pour soy pur, sain, & entier ? & ce qu'en le prenant, on a quand & quand sonillé de beaucoup d'inventions, additions, changemens & diminutions ? Ce que les Apostres & Euangelistes bailloyent, estoit trespur, mais les mains qui receuoyēt ceste doctrine n'estoyent si nettes & pures qu'il eust fallu: parquoy du temps mesme des Apostres, le ministere d'iniquité commençoit à s'ouurer, 2. Thess. 2. plusieurs heretiques se sont esleuez de leurs temps, qui ont taché de corrompre leur doctrine, les vns en vne façon, les autres en vne autre. Et pour s'en asseurer, qu'on lise saint Luc és Actes, S. Paul en la 2. Timoth. chap. 2. vers. 17. 18. & saint Iean en sa prem. chap. 2. & 4. & en sa seconde vers. 7. & autres passages: & qu'on cōsidere ce qui est aduenū à l'Eglise de Corinthe bastie par les Apostres & de leur viuāt: quelles fautes s'y commettoient contre les mœurs ? quels abus s'estoyent glissez en l'vsage & pratique des Sacreimens ? quels erreurs auoyent desia occupé les esprits des hommes contre la vraye doctrine ? quels schismes desia demembroyent tout ce corps ? combien de façons indecentes estoyēt receuēs és assemblees Ecclesiastiques ? de toutes lesquelles corruptions ils sont reprins par S. Paul, en la premiere Epistre, qu'il leur adresse: aussi tost que la bonne semence a esté iettée au champ, l'homme ennemi est venu, & y a semé aussi l'yuroye, Matth. 13. 24. non seulement és cœurs & entendemens de ceux qui ont fait sectes à part: mais de ceux mesme qui ont gardé ceste vnitē, & n'ont esté poussez d'aucune

d'aucune mauuaife affection:ains, ou pour s'estre trop voulu accommoder ou aux Philosophes & Payens d'où ils sortoyent, ou aux façons de faire auxquels ils succedoyent, ou auoir voulu tirer toutes choses à imitation, ou auoir esté trop hardis en inuentions de ceremonies, sans se tenir dans les bornes de la parole de Dieu. Ils ont mis de tres-mauuais fondemens, & ouuert la porte à ceux qui sont venus apres eux, d'adiouster sans cesse, & difformer l'Eglise par fausses doctrines & traditions humaines, en la façon qu'il se void en la Papauré, l'Eglise estant allee tousiours de mal en pis, & les hōmes s'esloignant d'autant de la verité & pureté des Apostres & anciēs, qu'ils s'esloignoient de leur temps: d'où ie conclu premiere-ment, que la succession de doctrine ne se peut recueillir en bonne consequence, de la succession personnelle: & que les plus anciens, voire ceux qui ont prochainement succédé aux Apostres & Euangelistes, ont failli & erré. Secondement, que le chemin est aussi bien ouuert, voire mieux à nous, qui sommes en ce dernier temps, & depuis trois iours, comme dit Spōde, à cognoistre la verité & doctrine Apostolique, & la vendiquer des tenebres, & reietans les seruices controuuez par les hommes, reestabli le pur seruice de Dieu: qu'à ceux qui estoient il y a mille ou quinze cens ans, d'autant que nous auons les mesmes Escritures saintes communes, & maintenant anciennes. En troisieme lieu, que quoy que la verité soit de sa nature plus ancienne que le mensonge, contraire à ceste verité: toutesfois ceste ancien-

neté n'empesche, que les erreurs ne soyent de long temps : & s'il le faut dire, pareils en temps, qui se puisse discerner à la vraye doctrine. Bail-  
 ler donc l'ancienneté pour marque, ou de la ve-  
 rité, ou de l'Eglise, sans dire autre chose, est ex-  
 poser les hommes à tromperie & deception, &  
 leur bailler vne reigle difficile à estre appliquee  
 de tous, pour pouuoir iuger par icelle, le vray d'a-  
 uec le faux: car elle requiert cognoissâce particu-  
 liere de ce qui a esté fait en tous aages & siecles,  
 voire presque en chasque iour depuis les Apo-  
 stres. Que si on ne se veut departir de ces termes,  
 ie ne m'en tormenteray pas beaucoup, pourueu  
 qu'on parle ainsi, que ceste antiquité est la mar-  
 que de la verité & de l'Eglise, qui prend son com-  
 mencement de Dieu, de Iesus Christ, des Prophe-  
 tes & Apostres : & ne restera par ce moyen que  
 venir à l'application & assomption, comme on  
 parle és escoles. Or ceste doctrine reuiet à ce  
 que nous auons dit des Escritures, & des ensei-  
 gnemens contenus en icelles, ceste doctrine est  
 veritable qui est la plus ancienne. Or la doctrine  
 des Escritures est telle, comme ainsi soit qu'entre  
 tous les escriuains, Moyse soit le premier, & qui a  
 precedé tous autres: il s'ensuit donc que la do-  
 ctrine tiree des Escritures, est l'enseigne de l'E-  
 glise. On s'escrie, il faudra donc sçauoir toute l'E-  
 scriture, deuant qu'estre assure de la verité & de  
 l'Eglise. Je respon, que nous auons le sommaire  
 de ceste Escriture, & les maximes & articles prin-  
 cipaux, tant de ce qu'il nous faut croire au Sym-  
 bole des Apostres, & de ce qu'il nous faut esperer

& demander à Dieu en l'oraison Dominicale, que deſce qu'il nous faut faire és dix Cōmandemēs: à quoy ſi nous cōpaſſons toutes doct̃rines, il nous ſera à l'inſtant aisé, aſſiſtez de l'Eſprit de Dieu, de iuger où eſt la verité, laquelle puis apres nous ſera rendue plus claire, & nous plus fermes & aſſeurez en icelle, par la lecture des Eſcritures, contre l'authorité & antiquité deſquelles Sponde demande, que nous monſtrions par quelque ferme demonſtration, que ces ſainct̃s liures ſoyent ceſte parole de Dieu, laquelle nous ſommes obligez d'entendre: & que nous diſions qui nous fait croire qu'iceux le ſont, & non autres. Ce qui eſt demandé a eſté deſia fait, toutesſois pour luy donner ce contentement, reſpondons encores: Ces Eſcritures ſont la parole de Dieu, qui ont eſté inſpirees par luy-meſme, & auſquelles il a rendu & rend teſmoignage, tant viſible & exterieur en general, qu'inuiſible en l'ame d'un chacun. Or ces choſes competent aux Eſcritures, que nous pellons la ſaincte Bible, 2. Tim. 3. ve. 16. 1. Pier. 1. ver. 23. 2. Corint. 1. ver. 17. Ephes. 1. ver. Par-ainſi ceſte demōſtration eſt plus certaine & plus claire qu'aucune qui ſoit dans Euclide. De là ſ'enſuit, qu'il faut de neceſſité entēdre ces Eſcritures, puis qu'elles ſeules nous rendent ſages à ſalut: & que qui eſt de Dieu, prend plaſiſr à ouïr la parole de Dieu, Iean 8. 2. Pier. 1. 1. Tim. 3. v. 15. 2. Tim. 3. mais qui nous a dit que ces liures ſoyent la parole de Dieu, & les nous a premierement mis en main? L'aſſurance & demonſtration certaine, comme il a eſté touché, vient de l'Eſprit de Dieu,



l'organe & cause instrumentale, pour le nous dire & le nous bailler : le tesmoin exterieur pour le nous faire croire, sont certaines Eglises particulieres, qui auoyent en depost ces escrits, & les tenoyent de la main mesme des Prophetes & Apostres: à quoy est interuenue le consentement vniuersel de toute l'Eglise. Voila ce que nous pouuons & deuons respondre à ces demandes, qui ne peuuent suffire à Sponde, pour en faire les triomphes qu'il fait, à sçauoir que l'Eglise, qui a conserué les Escritures & ces saincts cayers, & les a maintenus contre tant de sortes d'ennemis, les a aussi entendus : & de ce font foy les labeurs de tant de saincts persónages qui ont trauaillé: parquoy c'est faullement que nous disons, que nul ne les a iamais compris, ny en tout, ny en partie, iusqu'au premier presche que Luther fit contre les indulgences : que nous sommes arrogans de dire, que nos nouueaux Docteurs sont tous pleins de lumiere, & que l'antiquité n'a que des obscuritez. I'oy icy maintes calomnies, pour fortifier la foiblesse de ses cōsequēces. Nous ne mesprisons pas les escrits de ceux, qui ont anciennement trauaillé en l'interpretation de l'Escriture faincte, mais nous les lisons avec iugemēt & discretion, & en la façon qu'ils le veulēt & demandent. Nous ne disons aussi, qu'ils n'ayent rien entendu és Escritures, & ceste imposture & calomnie sera aisément descouuerte, par ceux qui liront nos Docteurs. Nous honorons l'antiquité, nous y recognoissons de belles & grandes lumieres, que Dieu a allumees de temps en temps, & par

lesquelles en partie nous combatōs l'Antechrist,  
 & le desconfirons avec sa fausse doctrine : mais  
 bien montrons-nous appliquans l'esquierre , à  
 sçauoir, ceste mesme Escriture, par collation des  
 passages des plus clairs aux plus obscurs , & les  
 maximes generales tirees desdites Escritures: voi-  
 re par les mesmes Docteurs anciens, à quelqu'v-  
 ne de leur doctrine plus speciale & particuliere,  
 qu'ils se sont foruoyez du vray sens, & n'ont pra-  
 tiqué ce qu'ils ont dit eux-mesmes: ains ont mes-  
 lé de l'yuroye parmy le bon grain, ou faute de n'y  
 auoir apporté ceste diligence, emportez par la  
 multitude & erreur desia receu, & ne voir encore  
 les effects & fruiçts mauuais d'iceluy (*nam dato v-*  
*no absurdo alii facile sequitur : & parn<sup>o</sup> error in princi-*  
*pio est maxime in fine. Arist. lib. 1. de cælo & mundo. &*  
*uno principio illicito dato, plurima mala sequuntur*) qui  
 les leur eussent descouuert : ou pour n'auoir pas  
 les aides necessaires à l'interpretation desdites  
 Escritures, à sçauoir, la cognoissance des lāgues,  
 & autres choses semblables, que de Beze a fort  
 bien remarquees en son epistre, qui est deuāt l'ex-  
 position Latine & methode du nouueau Testa-  
 ment : laquelle si Sponde eust bien leuë, il ne par-  
 leroit comme il fait. Si la seule malice ne luy ou-  
 ure maintenant la bouche, ces consequences se  
 trouueront non moins fausses du premier abord,  
 qu'il s'est declaré grand calomniateur. Et pre-  
 mierement qui a iamais ouy dire, que tous ceux  
 qui gardent quelques liures & papiers, soit  
 pour eux, soit pour ceux qui viendront apres  
 eux, les entendent quand & quand, ou les lisent

& les font entendre & cognoistre aux autres? L'exemple s'en void aux Iuifs , qui ont esté les libraires des Chrestiens . L'accorde que c'est du deuoir de l'Eglise : mais les guettes ordinaires ont esté auégles, ou se sont endormies. L'ambition, l'auarice, les richesses, le luxe, les honneurs, les affaires terriennes, ou les rendent paresseux & negligens, ou les destournét du principal de leur deuoir : mais Dieu a suscité en tout temps quelques vns, pour conseruer ceste verité & la manifester à ceux à qui il a fait la grace de la cōprendre. La pluspart des Euesques, Prelats & autres Ministres, se contentans de retenir les papiers, & non la doctrine, d'en lire quelques picces & mots en langue estrangere, & non de les exposer & faire entendre pour l'edification de l'Eglise : en fin n'ont eu autre soin, que d'en faire adorer, par vne idolatrie execrable la couverture, ou de conuertir les mots, lettres & syllabes, en pure sorcellerie. Passons outre, & voyons les autres consequences que l'antiquité de l'Eglise ne peut estre cōbatue par l'Ecriture, puis que c'est ceste Eglise mesme qui la nous rend certaine. Il a esté desia respōdu, que nostre foy qui préd son object des Escritures, n'est point fōdee sur l'Eglise, mais sur le Seigneur, qui les autorise par son Esprit au cœur des fideles, se seruant neantmoins & employant comme vne aide seconde, le consentement des fideles. Et quand nous accorderions, que la certitude des Escritures depend de l'Eglise, s'ensuit-il que l'antiquité d'icelle, ne se doyue & puisse prouuer par les Escritures, qui nous enseignent les premiers

fideles, qui iamais ont esté au monde, & les premières Eglises recueillies par les Apostres? Dieu est plus ancien que les Escritures, plus ancien aussi que le monde: car il est eternal, & est l'auteur de toutes choses, donques par icelles la diuinité, la creation du monde, la sagesse & puissance de Dieu ne se manifestent & ne se declarent point? Il en faut croire l'Apostre, Hebreux 11. & Rom. 1. mais d'autant que quand nous parlons de l'antiquité de l'Eglise, nous n'entendons point ces lieux, ny ces hōmes, mais la doctrine & police ou estat de l'Eglise: nous disons que ceste antiquité ne se doit ny ne se peut prouuer que par les Escritures, d'autant qu'elles contiennent le recit, non seulement des choses qui ont esté du temps qu'elles ont esté écrites, & de la doctrine qui estoit receüe & enseignée pour lors, mais aussi des choses qui estoient long temps auparauant passées. Somme, tout ainsi que par les Escritures nous sommes rendus certains de la creation du monde, ainsi aussi nous aduertit-elle de la vraye doctrine, qui a esté preschée & enseignée de Dieu, & creüe des fideles depuis le commencement du monde. Je suis contraint de m'estendre sur ce sujet des Escritures: car Sponde qui voltige de toutes parts, me tire quelquefois hors du chemin, comme il fait en ceste page 70. où dès le commencement, il parle de l'interpretation de l'Ecriture, le sens de laquelle n'a point esté ignoré, dit-il, si grossièrement, que nous disons, par l'Eglise: par quelle Eglise? par celle qui a eu vne si sainte discretion de n'y mesler rien d'estrange; &

le contraire , par ceste Eglise qui l'a approuue: ce qu'elle n'eust fait sans l'entendre. Sponde allegue ceci, pour nous faire recevoir tout ce qui aura esté escrit par les anciens, sans iugement quelconque : & de là inferer, que l'Eglise Romaine & Papistique a l'antiquité de la doctrine. Or nous respondons, que ce sont deux cognoissances bien differentes en degré, que de cognoistre les qualitez externes de quelque chose, & de cognoistre la nature, substance, forme, & proprieté essentielles d'icelle. Chacun qui a des yeux, iuge de l'excellence, beauté, & vtilité du Soleil: mais tous n'entendent tous ses mouuemens & periodes, toute sa grâdeur, toutes ses vertus, & tous ses effets: ainsi la majesté de l'Escriture a esté cognue & l'est, de tous ceux qui ont l'Esprit de Dieu, qui leur rend ce tesmoignage, qu'elle est diuine & celeste. Mais il n'y a homme, ny assemblée sainte, quoy que grande & qualifiée, qui puisse venir à vne parfaite intelligence d'icelle, & qui n'ignore beaucoup de choses qu'elle contiét, & ne se trompe en l'expositiō de plusieurs passages. Les Peres anciens donques, & les saints Conciles, ont iugé droictement en general, que ces liures seuls estoient la reigle de nostre foy, que nous appelons la sainte Bible: mais ils ont meslé beaucoup de choses estranges, & contraires en l'exposition de plusieurs lieux d'icelle : & ce à la verité pour ne les auoir examinez, quoy que Sponde dic. Toutesfois nous n'accusons pas tous les Conciles, mesmes ceux sur lesquels l'Antechrist a exercé sa tyrannie, & par lesquels il est venu au feste

d'icelle, de les auoir malicieusement combatues, mais bien ouuertement negligees, & orgueilleusement reiettees, en la resolution des poinçts principaux de la foy, avec vne conspiration vniuerselle; Et nions que d'un consentement vniuersel, & sans contradiction d'aucun, les dogmes faux ayent esté receuz: car l'histoire de l'Eglise nous enseigne, les combats qu'il y a eu, la violence dont on a vsé à l'encontre des contredisans, pour faire receuoir ce qui sembloit bon aux precurseurs, fussent Euesques ou Empereurs, Conciles generaux, ou prouinciaux, de l'Antechrist. Parquoy disons, Si par les Escritures saintes on monstre, que l'Eglise mesme qui a succédé prochainement aux Apostres, n'a point esté pure de tous erreurs, & que l'Eglise Papale n'en a que la face seulement: il s'ensuit que les Conciles anciens n'ont pas bien examiné lesdites Escritures en tous les poinçts de doctrine. Or le premier est vray, qui doutera donc maintenant du second & dernier? si l'ancienneté & durée de siecle en siecle est vne marque essentielle & propre de l'Eglise visible, il y aura vne compagnie visible recueillie en certains lieux, remarquables, notoires, & connue, qui aura esté ferme par beaucoup de cétaines d'années, & qui aura serui & sert à Dieu en toute pureté, sans idolatrie & superstition: qui resiste & aura résisté à tous faux Prophetes, seducteurs & ministres de l'Antechrist, en maintenât la vraye & salutaire doctrine de Iesus Christ, & la seellant de son propre sang, & qui en fin aura conserué iusqu'à maintenant l'ynité des cœurs & consen-

rement de doctrine, & ordre institué de Dieu, avec tous ses membres. Or au dernier, Sponde se mesprend, & ne peut estre adapté à l'Eglise Romaine, qui a esté voirement ferme, & a continué longuement, mais en apostasie & reuolte: qui a gagné sur l'idolatre, mais en surpassant en toutes sortes d'idolatries & superstitions les plus Payens & infideles qui iamais furent au monde: & est venue iusqu'à ce poinct, de faire adorer le diable en ses idoles & peintures: qui a voirement toutes les heresies estéduës à ses pieds: mais pour marcher sur elles, & luy seruir de chemin & adresse: qui au lieu de couvrir de honte le schismatique, est la mesme confusion & desordre. C'est ceste grande Babel, dont est parlé en l'Apocalypse avec toute sa belle Hierarchie, qui se nourrit en fin, & s'est esleuee en ceste grandeur mondaine, par schismes & diuisions, que l'Antechrist son chef a semées au monde: parquoy Chrysost. en l'homel. 4. sur le 6. chap. d'Esaië parle ainsi, contre la succession des lieux, & mesmes contre Rome: Le desert estoit habité par Iean, & la cité par Herode: & à ceste cause le desert estoit plus noble que la ville. Pourquoi? parce que la prophetie ne gist point & ne consiste és bastimens & edifices. Et vn peu deuant, ne me dy point, & ne me raconte, que la ville des Romains est grande & spacieuse: mais monstre-moy que le peuple soit là aussi desireux d'ouïr. Chrysost. donc prefere sa ville à Rome. Et pour respondre au passage du mesme Chrysostome en l'homelie prediète, où parlant de l'Eglise, ceste sentence & comparaison demeure écrite, *facilis est solem ex-*



*tingui, quàm Ecclesiam obscurari*: Elle ne tend ailleurs, qu'à monstrier la duree de l'Eglise, & non si l'Eglise est tousiours lumineuse, & eclairer par le ministere: ce que les propos precedens enseignent, *Iactatur nauis, ac non mergitur: à quàm multis oppugnata est Ecclesia, sed nunquam tamen victa: neque illud mihi spectato, quòd in terris sita est Ecclesia, sed quòd in cœlis versatur: Ecclesia, radices in cœlo fixas habet, potius quàm in terra, &c.* Et nous accordons aussi, que par la malice & force des hommes meschans, le ministere sainct, qui est la lumiere de l'Eglise, ne peut estre ny alteré ou abastardy, ny osté, sans vn iuste iugement de Dieu, qui donne ceste efficace aux tyrans & à l'Antechrist: tout ainsi que ce mesme ministere ne peut estre ny dressé ny conserué & maintenu, selon l'institution de Iesus Christ, que par vn œuure de Dieu extraordinaire, *nam quæ rectè geruntur, non accidunt iuxta nostrarum actionum tenorem, sed præter naturam, præterque rerum tenorem.* Chrysost. *ibidem*. Vne seule distinction pourra suffire, pour soudre tous les argumens tendans à verifier, que la duree & continuation ferme & stable est vne marque de l'Eglise, quoy qu'il s'efforce de venir à bout de son entreprise: c'est ici vne de ses raisons, qu'un des grands tesmoignages de l'assistance de Dieu, est la subsistence. Formons ainsi son argument pag. 154. Ce qui subsiste, & a subsisté, & doit durer fort longuement, est de Dieu, qui luy est favorable, Act. 5. vers. 34. Or l'Eglise subsistera iusqu'à la fin, & a eu estre depuis le commencement. Response, Autre chose est parler de l'Eglise, autre chose du ministere public d'icelle, qui n'a promesse de

durer tousiours en mesme lieu: comme aussi le seruice legal, n'a esté continué que iusqu'à la venue de Iesus Christ, c'est à dire, autant que Dieu l'auoit ordonné, qui est ce qui rendoit l'Eglise visible. Item, puis que le mensonge continue bien long temps, & le peché est fort ancien, & nous sommes enseignés l'Antechrist deuoir longuement tyranniser l'Eglise, & que Sponde accorde aussi, que les meschans participent à ceste duree & longue espace, il s'ensuit que la continuation de beaucoup de iours & d'annees, ne peut estre vn signe certain de la vraye Eglise: non pas que l'eternité ne soit propre aux enfans de Dieu, mais elle ne se peut cognoistre iusqu'à la fin, & lors que tous leurs ennemis, le diable, le monde, le peché, l'Antechrist, seront descōfīts. Et combien que la victoire demeure à l'Eglise, contre tous ceux qui l'assaillent: toutesfois elle ne gist pas tousiours en la desconfiture de l'ennemy. *Victoria militis, non est semper peremptio hostis: nam in stadio Christi, non eum qui percutit, sed qui percutitur coronari decretum est.* Chry. hom. 22. in epist. ad Rom. cap. 12. adeò vincet Euangelij potestas, ut (homines) non solum prius habebant familiares contemnere, verum etiam suam animam exponere cunctaque sustinere ac perpeti, ne pietatem abs se repellant: Idem in orat. 2. contra Iudeos tom. 5. Mais bien à conuaincre par raison & iustice les meschans, en leur conscience & inaugré eux, & leur effort, obtenir ce qui est iuste, & pour la gloire de Dieu, & salut des ames d'où ils soyēt confus. Les benedictions temporelles, pour la contre-respōse, ne sont pas moins propres aux bons, c'est à dire, à l'Eglise, qu'aux mes

chans. Or la subsistance & longue vie, est vne de ces benedictions temporelles, c'est bien dit : mais ceste sorte de biens & prosperité exterieure est promise à l'Eglise & à vn chacun membre d'icelle, avec condition, que Dieu y soit honoré, & qu'il soit expedient & salutaire. Nous ne debatons donc point de l'estre & perseuerance de l'Eglise, mais de la façon de subsister, qui est quelquefois plus claire & plus manifeste, quelquefois plus obscure & moins connue. Nous parlons, dy-ie, du ministere de l'Eglise, qui change en qualité & bonté, estant quelquefois pur, quelquefois corrompu, & autrefois presque du tout aboly, excepté quelques traces que Dieu conserue & a conserué iusqu'à present. Que si on dit que Dieu a promis l'eternité à son Eglise, il a entendu celle des hommes, tandis qu'ils seroyent au monde. cela est vray : & nous ne parlons point en tout avec Sponde de l'Eglise qui est au ciel, du regne de Iesus Christ plein de gloire, apres ceste vie : ains de ce Royaume où il faut combattre, contre lequel les portes d'enfer, les fureurs & violences des meschans, les sophisteries & impostures des faux prophètes hurtent : car au ciel & en cest estat qui attend les fideles, tous les ennemis seront destruits, 1. Corin 15. veu que le triomphe & couronne ne peut estre, qu'avec la victoire & apres le combat. Mais quoy? pour ceste concession, quelle conclusion en reüssit-il au profit de Sponde? & d'où il ait dequoy se glorifier, & faire haut sonner ces mots, puis que par tant de temps la police sainte de l'Eglise a subsisté? c'est le doigt de Dieu qui a puissamment ouuré dans le Paganis-

me, dans le schisme, dans l'heresie. Et quelle vantage est-ce ? La mesme police & discipline qui estoit du temps des Apostres, qui estoit du temps de Tertullian, & Cypriā, qui estoit il y a mille ans, qui estoit il y a cincens ans en l'Eglise, a duré avec la sainte Escriture. L'histoire ecclesiastique, les Canons des Cōciles anciens, demētiront vn mēsonge si impudent: car au lieu de la verité du corps & substance, de ce qui se faisoit au temps iadis en l'Eglise, l'ombre & le masque seul est demeuré au Papisme & en l'Eglise Romaine. Et deuant que mettre fin à ce chapitre, il conuient examiner le passage de S. Augustin, allegué en la pag. 2. qui sert d'auancoureur à ces belles raisons & discours bien fondez, à fin que par l'ongle, le lecteur fust iugement du lion, & qu'il cognust toute la piece par l'eschâtillon. Par l'autorité de ce grand personnage, nostre Apostat veut enseigner, qu'il y a quatre marques, qui designent la vraye Eglise: à fin que ceux qui en sont dehors s'y retirent, & ceux qui sont dedans s'y retiennent & y demeurent. Premièrement, ces marques sont, le consentement vniuersel: Secondement, l'autorité: Tiercement, la succession: & Quartement, le nom de Catholique. Espluchons la premiere marque, touchant le consentement des peuples. Il est plus que certain, que la multitude d'hommes & de peuples, quoy qu'ils s'accordeut & consentent entr'eux, ne fait point l'Eglise. Il faut adiouster quelque difference, qui distingue les assemblees d'hommes, & ce ne peut estre le grand nombre: car le petit l'emportera, auquel il semble que Dieu s'attache en ce suiet, & que par le susdict

nombre, il qualifie son Eglise, en la nommant petit troupeau, Luc 12. verlet 32. & l'opposant au monde, c'est à dire, à la multitude, ainsi que le mot d'élection & de choix le declare, Jean 15. ver. 19. Iesus Christ en outre recognoist pour son troupeau, la compagnie de deux ou trois hommes, qui a son Nom, c'est à dire, sa doctrine, pour fondement & adresse, & luy promet son assistance, Matth. 18. Ce n'est aussi la diuersité des peuples & nations qui puisse distinguer l'Eglise, ou soit de l'essence d'icelle. S'il estoit ainsi, les Iuifs qui n'estoyent qu'une sorte d'hommes, n'eussent point eu l'Eglise, & nul royaume, pais, ou ville, ne pourroit se glorifier de l'estre, ou de l'auoir. Ce qui est essentiel dure, & a lieu en tout temps: ce n'est en fin le consentement & accord lequel se trouue entre les plus meschans, qui conuiennent entr'eux, cōplotent & conspirent, parquoy c'est de la verité & de la vertu qu'il prend sa nature, & qu'il est louable, autrement ce ne sera que conspiration. Que si le consentement en la verité qui est selon pieté, est vn indice pour cognoistre l'Eglise, combien plus la verité mesme, & la doctrine celeste suffira-elle à la marquer? Et pource que Spode ne combat que de l'autorité de S. Augustin, comme s'il estoit du tout de son parti, & qu'il ne fust licite d'examiner à la reigle de la parole de Dieu les escrits des Anciens: ie respon que ledict S. Augustin pour refuter tant les Manicheens que les Donatistes, prend principalement cest argument, qu'ils mettoient en auant vn Euangile non ouï, & incognu à toutes les Eglises. Et à bon droit certes; non que la verité de l'E-

uangile depēde de l'approbation des hommes, ou qu'il doyue estre receu avec applaudissement de la plus part d'iceux, & de maints peuples, en tous siècles & aages: tellement que s'il est reietté, l'autorité d'iceluy chancelle: mais d'autant qu'apres l'Apostre saint Paul, Coloss. 1. vers. 23. il a regardé à ce mandement de Christ: Allez, preschez l'Euangile à toute creature. Lequel mandement depend d'une infinité de Propheties, par lesquelles les Prophetes predisoient, que le Royaume de Christ auroit son estendue par tout le monde: car si c'est vn vray Euangile, celuy qui n'a esté presché entre tous peuple par l'ordonnance du Seigneur, & lequel n'a esté receu de toutes les Eglises qui ont esté du tēps des Apostres, & en la profession duquel tous fideles de tout temps n'ayent vescu, & ne vivent, & ne soyent morts: il s'ensuit que tant de promesses sont fausses, par lesquelles il est predit, que la predication de l'Euangile doit estre portee par tout le monde, & lesquelles afferment, que les enfans de Dieu doyuent estre recueillis de tous peuples & contrees. Mais il faut remarquer trois choses, la premiere, que ce consentement a pour appuy, la doctrine preschee par les Apostres, & prend son origine de ceste predication. La secōde, que ceste doctrine ne doit estre receuë en obeissance par tout, & par toutes personnes en tous temps: car S. Paul nous aduertit d'une reuolte vniuerselle qui se feroit, 2. The. 2. & neātmoins tous les fideles qui seront iusqu'à la fin du monde, garderont vnitè de foy avec les Apostres, & autres Saints qui ont esté dès le cōmencement, & ne seront sans ce consentement. La troisieme,

me, que ceste probatiō vniuerselle de tous peuples, & d'un grand nombre d'hommes, quoy que pour le iourd'huy quant à la quantité & grande multitude & diuersité de nations ait cessé: car aussi l'E-uangile n'est point presché par tout: n'est toutefois sans seruir à la confirmation de l'Euangile: car ceste vocation & obeissance des Gentils, est contee entre les miracles du nouveau Testamēt, 1. Tim. 3. vers. 16. dont le fruit en reuiet à toute l'Eglise iusqu'à la fin du monde, laquelle specialemēt remarque en ceste-dicte vocation, la verité des promesses de Dieu: & les infirmes en tirent vne aide à fortifier leur foy, quand ils oyent & sont apprins qu'ils ont l'Eglise vniuerselle accordante avec eux, & qu'ils ne suyuent point autre doctrine, que celle que les Apostres auoyent enseignee, & qui estoit receuë par tout. Parquoy ce passage de saint Augustin ne fait rien pour Sponde, qui impugne nostre doctrine par cest argument, qu'elle n'est point preschee par tout avec fruit, d'autāt qu'il y en a bien peu qui consentent à icelle: car nous n'enseignons auourd'huy, que ce que les Apostres ont iadis presché, & qui a esté reçu en obeissance de toute la compagnie des Saints. Mais Sponde ne tenant conte de l'Eglise ancienne, veut que ce reuoltement vniuersel de l'Euangile, que nous voyons en la Papauté, soit réputé pour consentement de l'Eglise vniuerselle. Or pour le sçauoir, il n'y a autre moyen ny remede, que de venir aux Escritures, qui nous enseignent, quelle a esté la doctrine de l'Eglise primitiue, visible, & esparse par tout le



monde : à laquelle doctrine, tout consentement, quoy qu'universel, doit ceder, selon le tesmoignage mesme de saint Augustin: au lieu que nostre aduersaire a cité qui est au tom. 6. au traitté contre l'epistre de Manichee, appelée l'epistre fondamentale au chap. 4. *apud vos, ubi nihil horum est quod me inuitet ac teneat, sola personat veritatis pollicitatio : qua quidem si tam manifesta monstratur, ut in dubium venire non possit, praponenda est omnibus illis rebus, quibus in Catholica teneor.* L'autre marque, dont ce mesme Docteur fait mention, est l'autorité, à laquelle il rapporte les miracles, l'esperance, la charité, & l'antiquité. Nous reconnissons pour qualitez, ou pour mieux dire, proprieté interieures des esleus, l'esperance, la foy, & la charité : mais nous traittôs maintenant, & nostre dispute est touchant les marques essentielles de l'Eglise. Quant aux miracles, leur vsage regarde plustost les infideles, qui sont preparez par iceux, à ouïr & receuoir l'Euangile, 1. Cor. 14. vers. 22. que les fideles qui ont la prophetie à laquelle ils examinent les miracles mesmes qu'ils ont veus deuant leur conuersion, & ceux aussi qui se font apres, Deuter. 13. vers. 1. 2. dont il infere, que lesdicts miracles ne sont pas marques essentielles, soit de la foy, soit de l'Eglise visible : mais seulement aides exterieures, aides extraordinaires, & plus esloignées & reculees, que ne sont la predication de la parole de Dieu, & l'administration des saints Sacrements, & qui seruent seulement à donner poids & autorité aux premiers auteurs & administrateurs. Bref, ce ne sont que

aides des aides, & qui font à la predication de l'Euangile, ce que les eschalas au sep de la vigne. Et c'est en ceste sorte qu'il nous faut entendre S. Augustin au lieu allegué, qui parle sans doute par cōparaison, à sçauoir, que ceste assemblée qui a les miracles, & autres telles choses, est à preferer à celle qui n'a vnevraye doctrine ne miracles. Car voicy comme il parle de cest aide, au liure de *utilitate credendi*, cap. 16. *sola est autoritas, quæ commouet stultos ut ad Sapientiam festinent, quandiu intelligere sincera non possumus, autoritate quidem decipi miserum est: sed certè miserius non moueri.* Et plus bas, *Non est desperandum ab eodem ipso Deo auctoritatem aliquam constitutam, quo velut gradu certo innitentes attollamur in Deum: hac autem seposita ratione, quam sincerā intelligere, ut saepe diximus, difficillimū stultis est, dupliciter nos mouet, partim miraculis, partim sequentium multitudine. Nihil horum necessarium sapiētis. quis negat? sed id nunc agitur, ut sapientes esse possimus, id est, inherere veritati, quod profectō sordidus animus non potest.* Et homini ergo non valēti verum intueri, ut ad id fiat idoneus, purgarique se sinat auctoritas præsto est, quā ut paulō ante dixi, partim miraculis, partim multitudine valere nemo ambigit. Et plus bas, *Sic animas errantes mortalium commouebat auctoritas.* Cur, inquis, ista modō non fiunt? quia non mouere, nisi mira essent, ac si solita essent, mira non essent. Ces paroles nous enseignent, en quel rang il nous faut tenir les miracles. S. Paul, dit Chrysostome, a conuerti tout le monde, non pas tant par le moyen des signes, que par la force & efficace de la doctrine, de laquelle le bon Pasteur vse continuellement

pour garder ses brebis, & renuerfer les ennemis. parquoy, *non fastuosis verbis, sed summa illi opus est peritia scripturarum, ut absconditos sensus intelligentiâsque rimetur.* Il n'est point requis qu'il ait de paroles enflees, mais il a besoin d'estre expert es Escritures, pour en tirer le sens & intelligence. Chrysostme sur le premier chapit. à Tite, Quant à l'antiquité, elle n'est aussi alleguee que pour vn prejudgé à l'encontre de ceux qui n'ont la verité & ont la nouueauté : car autrement, que dit ce mesme Augustin de la coustume ? c'est à dire, de la longueur de temps: *qui contempta veritate, presumit consuetudinem sequi, aut circa fratres inuidus est & malignus, quibus veritas reuelatur, aut circa Deum ingratus est, cuius inspiratione Ecclesia eius instruitur:* & plus bas, *In Euangelio, Dominus, Ego sum, inquit, veritas: non dixit, Ego sum consuetudo. Itaque veritate manifestata, cedat consuetudo veritati.* Ces sentences sont prises du Concile de Chartage, & alleguees par saint Augustin, au troisieme liure du Baptisme contre les Donatistes, chap. 1. & 6. Bref, il ne parle que de ceste coustume, laquelle se trouue auâcee & fortifiee par la verité, *qua & à veritate propagata, & à veritate roborata reperitur, lib. 6. de Baptismo contra Donatistas cap. 35.* & non de ceste coustume, quoy qu'vniuerselle & confirmée par vn concile Chrestien, par laquelle on mesprise la verité : dont ce mesme autheur escriuant à Casulan Prestre, ainsi qu'il se list en la distinction 11. *canone, Consuetudinem. Consuetudinem laudamus, qua tamen contra fidem catholicam nihil usurpare dignoscitur :* nous louons ceste coustume, laquelle

toutesfois n'est point trouuee enjamber sur la foy Catholique. Ceste sentence de Cyprian est notable en son traicté *ad Pompeium contra epistolam Stephani*: *Cōsuetudo impedire non debet, quominus veritas praualeat & vincat: nam consuetudo sine veritate, vetustas erroris est: propter quod relicto errore, sequamur veritatem, scientes quia veritas valet, & inualescit in eternū, & viuit, & obtinet in secula*. La coustume ne doit point empescher, que la verité ne vainque, & n'obtienne le dessus: car coustume sans verité, est ancienneté d'erreur: à cause dequoy ayans delaissé l'erreur, suyons la verité, sachans qu'icelle a vigueur, & se renforce à iamais, & vit victorieuse eternellemēt. Et deuant que faire fin, i'ay bien voulu ici transcrire, ce beau & excellent passage de Tertullien, au liure qu'il a fait *De virginibus velādis*, *Veritati praescribere nemo potest, non spacium temporum, non patrocinia personarum, non privilegium regionum: ex his enim erē consuetudo initium ab aliqua ignorantia vel simplicitate sortita in usum per successionem corroboratur, & ita aduersus veritatem vindicatur: sed Dominus noster Christus veritatem se, non consuetudinem cognominauit. Si semper Christus & prior omnibus, aequē veritas sempiterna & antiqua res. Viderint ergo quibus nouum est, quod sibi vetus est hæresis. non iam nouitas quā veritas reuincit; quodcumque aduersus veritatem sapit, hoc erit hæresis, etiam vetus consuetudo*. C'est à dire en vn mot, qu'il n'y a aucun qui puisse prescrire à la verité, ny le long temps, ny l'excellence & autorité des personnes, ny le priuilege des regions: car c'est de ces choses à peu pres que la coustume qui a pris

son commencement d'ignorance ou simplicité, se fortifie, pour estre continuellement mise en vſance, à cause de la continuation : mais nostre Seigneur Iesus Christ ne se nôme point, & ne prend point le titre de coustume, mais de verité. Si Christ est de tout temps, & deuant toutes choses, la verité sera aussi coeternelle & vne chose ancienne. Donques que ceux-là y regardent, ausquels ce qui est ancien de sa nature, est chose nouuelle : ce n'est pas tant la nouueauté que la verité, qui conuainc les heresies : tout ce qui est & sent contre la verité, ce sera vne heresie, encore que ce fust vne ancienne coustume. La succession des Prestres & Euesques en quelque ville ou region, est ce qui suit en troisieme lieu, qui n'est aussi vne marque essentielle : ains de mesme nature que les precedentes, c'est à dire, elle est trop esloignee de la chose, en la cognoissance de laquelle nous desirons estre conduits, à sçauoir de l'Eglise, elle est aussi trop commune & generale : car elle ne comprend que le temps & longue duree, les titres, le lieu, & les personnes, de maniere que les Donatistes se vantoyent aussi de la succession de leurs Euesques. *Donati ordo, tibi exponitur in epistola Episcopi tue ciuitatis. August. epistola 165.* & les mesmes disoyent, que l'Eglise de Christ estoit demeuree en Affrique de la partie de Donat. *August. epist. 166.* Bref, ces marques & tesmoignages sont humains, & non diuins. Or tels doiuent estre les tesmoins, quelle est la chose à laquelle on porte tesmoignage. Est-elle humaine & terrestre? qu'ils soyent de la terre. Est-elle celeste? qu'ils soyent du

ciel. Sainct Augustin a dit, que la parole soit adioustee à l'element, & il sera Sacremēt: & disons-nous aussi, que la doctrine celeste & la predicatiō d'icelle soit adioustee à la succession des temps, des lieux, des personnes, des titres & dignitez Ecclesiastiques, & il y aura Eglise. Il faut obeir à ces Prestres, dit Irenee lib. 4. chap. 43. qui sont en l'Eglise, lesquels ont leur succession des Apostres, & lesquels avec la succession de l'Episcopat, ont receu le don certain de verité, selon le bon plaisir du Pere. *August. lib. 3. contra literas Petilian, cap. 28. dicit Dei seruus & bonus fidelis, vel fidem in baptismo percepturus, nonne Deo subijcietur anima mea? Deo utique non homini, ab ipso enim salutare meum, non ab homine.* Pourquoy donques, dit ce mesme Docteur, *tenet me in Ecclesia gremio sacerdotum successio, ab ipsa sede Petri Apostoli usque ad presentem Episcopatum?* La succession des Prestres depuis le siege de Pierre Apostre, iusqu'au present Euesché, me retient au giron de l'Eglise. Je respon, qu'il parle comparant l'estat de l'Eglise Orthodoxe de son temps, avec celle des Manicheens, qui n'auoyent ny verité, ny antiquité, ny tesmoignage de Dieu, ny tesmoignage des hommes: car, comme desia nous auons dit ailleurs, ce mesme auteur conclud son propos en ces mots: Que si ladite verité est rendue si manifeste, qu'on n'en puisse point douter, il la faut preferer à toutes ces choses, qui me retiennent en l'Eglise Catholique. Voila qui creue le ventre à tous ceux qui sont enflés de ce vent de succession. Et encore lisons-nous en ce mesme Euesque, en l'epistre

165. tom. 2. qu'il a esté contraint de mettre en ieu la succession des Euesques, à cause que les Donatistes en faisoient vne grande leuee de bouclier: car ce sont ses paroles: s'il faut confider l'ordre des Euesques qui sont succedez l'un à l'autre, combien plus certainement & vrayement pour nostre profit conterons-nous, depuis saint Pierre mesme, à qui le Seigneur a dit, comme representant toute l'Eglise, sur ceste pierre ie bastirai mon Eglise? Epiphanius en son Panarium contre les heresies, liure second, tom. 2. heres. 66. contre les Manicheens, fait vn denombrement non moins des Euesques de Ierusalem depuis S. Iacques, que des Empereurs & Rois: toutesfois ce n'est pour s'en preualoir simplement pour le nombre des Euesques, antiquité, & autres telles choses, comme font nos Romanistes: ains pour refuter la fausse vantance de cest imposteur qui s'appelloit le saint Esprit. Or Epiphanius monstre, que l'accomplissement de la promesse du Consolateur, que Iesus Christ auoit faite à ses Apostres, n'estoit dilayé iusqu'à deux cens & tant d'ans, que Manes a commencé d'annoncer ses erreurs & heresies depuis l'ascension du Fils de Dieu au ciel: mais se deuoit faire bien tost, & quasi incontinent apres icelle. Epiphanius parle ainsi, *Spiritū paracletū promissit vnigenitus se missurū, non post multos dies illos termino cōstituto, sed statim ubi ascēdisset, sicut dixit: Si ego abiero, ille veniet. Et plus bas, Si enim Spiritus paracletus quem Dominus discipulis promissit, hic circulator fuisset, abissent Apostoli priuati promissione, quum audierint à mēniri nescio Domino, se*



*accepturos donum sancti Spiritus, non post multos hos dies : & comperiretur impostor ille, contra Christum mandata confingere, ut qui non impleuit quæ ab ipso sunt dicta : præterijt enim generatio Apostolorum, à Petro, inquam, usque ad Paulum & Ioannem, qui etiã diu fuit in mundo usque ad tempora Traiani.* En ceste mesme sorte nous seruons-nous du catalogue des pontifes Romains, pour faire voir les cõmencemens & progres de l'Antechrist, & la personne en qui il a cõmencé de se pleinement & à face descouuerte manifester. Reste pour la fin, le nom de Catholique, que ceste seule Eglise, de laquelle saint Augustin estoit membre, a entre tant & si diuerses heresies retenu. Or il faudroit prouuer à Sponde, que l'Eglise Papistique, est celle mesme Eglise en substance & espece, que celle qui estoit du temps dudit S. personnage : parquoy il n'y a que l'examen de la doctrine, qui puisse terminer ce different. Neantmoins ie supplie le lecteur, de peser le peu d'efficace de cest argumẽt, prins du nom, cõme s'il apportoit & tiroit quand & soy la verité & substance de la chose nõmee. C'est ignorer les equiuoques & hominimies, & autres telles reigles de dialectique. L'imposition des noms a diuerses causes, diuerses occasions, & plusieurs fins. Quand Dieu nomme quelque chose, il la faut estimer telle qu'elle est dite & nommee, quand le nom suit vne cognoissance pleine & parfaite de la chose qui est nommee : ainsi qu'il en print à l'impositiõ des noms faits par Adã. Adonc les noms sont definitions abregees, & la vraye nature de celuy qui le porte, se cognoist par son nom, & sont vrayes & parfaites marques des

choses, ainsi qu'Aristote le dit au liure qu'il appelle *μετ' ἐξωνυμίας*. Mais le plus souuent on impose les noms, sans regarder la vraye nature des choses: on se cõtente volõtiers de quelque similitude & qualité exterieure, semblable à quelque autre, pour luy donner vn mesme nom. Il y a ceci, que les plus doctes & scauans, parlent & nōment les choses comme le vulgaire, & les ignorās. Et quand ils ne le feroyēt point, chacū scait que le vice se pare du nom de vertu, la cruauté du nom de iustice, l'audace du nom de magnanimité. la fin est pour mieux tromper & deceuoir. Plusieurs faux prophetes bien tost apres l'ascension du Seigneur, se sont apellez & ont dit qu'ils estoient le Christ, Matth. 24. vers. 23. 24. Simon Magus se disoit & estoit appellé la grande vertu de Dieu, Act. 8. vers. 9. 10. Le saint Esprit a déclaré, que l'Antechrist se diroit soy-mesme estre Dieu, 2. Thess. 2. vers. 4. Et ne nous taist pas que le diable se transfigure en ange de lumiere, 2. Corint. 11. vers. 14. Epiphanius parle ainsi de Manes, pag. 284. *Ausus est hic etiam Spiritum sanctum seipsum appellare*. Voyez aussi Eusebe, liu. 7. de son histoire Eccles. chap. 31. Mais quoy? saint Augustin l'a-il ignoré? non. Aussi ne parle-il que du tesmoignage que les heretiques (quoy qu'ils se disent Catholiques) rēdoiyēt à la vraye Eglise: qui force z de la verité, & cōuaincus en eux-mesmes, qu'ils n'estoyent icelle, ny partie d'icelle: interrogez où l'Eglise Catholique s'assembloit, ne monstroyent leur maison ou basilique. En ceste sorte le diable a confessé Iesus Christ, Marc 1. verset 24. Matth. 8. vers. 28. 29. Act. 19. verset 15. Et Pilate par vne singuliere pro-

uidence de Dieu a escrit sur la croix, Iesus Nazarien, Matth. 27. vers. 37. Luc 23. verset 38. Et l'esprit de Python a rendu tesmoignage à Paul & Timothee, qu'ils estoient seruiteurs de ce haut Dieu, & qu'ils annōçoient la voye de salut, Act. 16. vers. 17. Mais encore ceste marque est fort dangereuse, & qui non seulemēt laisseroit beaucoup de scrupules, & n'apporteroit aucun repos de conscience : car nostre foy doit estre fondee en Dieu. Et de fait s'en vouloir servir, est chose illicite : dont aussi Iesus Christ commande aux diables de se taire. Et saint Paul deliure la Pythōnesse de l'esprit malin, qui la faisoit parler. Nous cerchons donques ces enseignes de l'Eglise, qui non seulement la nous facent voir, & nous déclarent que c'est ceste assemblée ou celle-la, par vne cognoissance theorique & simplement historique, mais celles qui, en les receuant, nous en fassent quand & quand membres, & rendent nos consciences certaines, que nous sommes enfans de Dieu estās vnis en ce corps, dont S. Bernard dit tres-bien sur le Cantique, *serm. 28. aliud est multas diuitias scire, aliud & possidere : nec notitia diuitem facit, sed possessio.* C'est autre chose de sauoir où il y a beaucoup de richesses, & autre chose de les posseder : ce n'est point la cognoissance qui nous fait riche, mais la possessiō & iouissance. Aussi faut-il pratiquer ceste regle de Chrysostome, sur le 2. chapit. de la 1. aux Corinth. *quum spirituale in dubium est, à spiritualibus testimonia adducenda sunt.* Quand quelque chose spirituelle & celeste doit estre prouuee, il faut que les tesmoignages & preuues le soyēt : qui exclud l'autorité des hommes, &

la succession, & la coustume, & l'antiquité, & le nom. Mais sainct Augustin, comme par plusieurs-fois nous auons desia dit, ne parle en ce traitté contre l'Epistre fondamentale de Manichee, qu'en faisant comparaison: ce qui suffira pour response à ceste obiection, concludant qu'on ne trouuera marque plus certaine de la vraye Eglise visible, que la confession & predication de ceste doctrine, qui est contenue és seules Escritures. Sur quoy ie ne refuse pas vn des Aneiens, prest de receuoir leur témoignage: car ie scay & suis assuré, qu'ils n'enseignent autre chose. Augustin au septiesme liure du Baptisme contre les Donatistes chapitre 51. l'Eglise est la maison de Dieu edifiée sur la pierre, I. Cor. 3. vn iardin enclos, fontaine scellée, le puits des eaux viues, Paradis avec le doux fruiet des pomes; laquelle maison, a aussi receu les clefs. Deuant luy S. Ambroise auoit escrit, au liure premier d'Isaac, chapitre 8. où est l'Eglise, sinon où la verge & la grace du Sacrificateur fleurist? C'est chose certaine, dit Pelage, en la distinction 24. question premiere, au canon *Pudenda*. Qu'il n'y a autre Eglise, sinon celle qui est fondée en la racine des Apostres, par lesquels seuls, sans aucune doute, la foy a esté semée par tout l'vniuers. S. Augustin en l'Epistre 166. parle en ceste sorte: Es Escritures, nous auons appris Christ, és Escritures nous auons appris l'Eglise: nous auons ces Escritures communes: pourquoy donc ne retenons-nous en icelles, par indeuis Iesus Christ & l'Eglise? le mesme Augustin, au liure de l'vnité de l'Eglise, chap. 3. ie ne vueil point que la sainte Eglise me soit demonstree & descrite par

enseignemēs humains, mais par les oracles diuins. Tels sont en Latin ses propres mots: *nolo humanis documentis, sed diuinis oraculis sanctam Ecclesiam demonstrari*. Il dit ailleurs, qu'il la faut chercher és paroles de son chef, qui cognoist son corps. Vn autre Pere a dit, que la foy & doctrine des Apostres estoit le fondement de l'Eglise. Vn autre enseigne, que la science est propre à la seule Eglise, laquelle il definit, cognoissance des Escritures, & par lesquelles Dieu nous conduit à ceste dignité, d'estre dieux, & enfans de Dieu. Vn autre compare l'Eglise à Raab, d'autāt que cōme ceste-ci a receu les espies, ceste-là aussi reçoit les Prophetes & Apostres, c'est à dire leurs escrits. Mais pour ne laisser aucū scrupule au lecteur, ie coucheray ici mot à mot & en latin leurs tesmoignages. Aug. ca. 2. de unitate Eccl. *Inter nos & Donatistas quaestio est, ubi sit Ecclesia, quid ergo facturi sumus? in verbis nostris eam quaesituri, an in verbis capituli sui Domini nostri Iesu Christi? puto quod in illius potius verbis eam querere debemus, qui veritas est, & optimè nouit corpus suū. Nouit enim Dominus qui sunt eius.* Clemens lib. 7. *Stromatum, quum sint quidem tres animae affectiones, ignoratio, opinio, scientia, qui in ignorantia quidē versantur, sunt gētes: qui autem in scientia, vera Ecclesia: qui verò in opinione, hi qui sectantur haereses.* Et plus bas, *Quemadmodum si quis in Ischomacho studium posuerit, eum faciet Agricolam: & si Lampidi nautam, Homero poëtam, Demostheni oratorem, Chrysippo dialecticum, Aristoteli physicum, & Platoni philosophum: ita qui paret Domino, & per eum datam sequitur prophetiam, efficitur ad magistri imaginem Deus, qui in carne versatur. Hanc ergo altitu-*

dinem minimè assequuntur, qui non sequuntur Deum  
 eos ducentem: ducit autem per Scripturas diuinitus in-  
 spiratas. Ambrosius tom. 1. de Virginibus, lib. 3. quis  
 igitur te nisi sancta Ecclesia debet docere, quemadmo-  
 dum Christum teneas? imò iam docuit, si quæ legis in-  
 telligas. Ambros. lib. de incarnat. Dominica sacramen-  
 to. cap. 5. Fides ergo est Ecclesie fundamentum, non e-  
 nim de carne Petri, sed de fide dictum est: quia porta  
 mortis ei non praualebunt, sed confessio vicit infernum,  
 & hæc confessio non vnā heresim excludit. nam quum  
 Ecclesia multis tanquam bona nauis fluctibus sæpe tun-  
 datur, aduersus omnes hereses debet valere Ecclesie  
 fundamentū. dies me citius defecerit, quā nomina hæ-  
 reticorum, diuersarūque sectarum: aduersus omnes  
 tamen generalis ista est fides, quia Christus est Dei Fi-  
 lius & sempiternus ex Patre, & natus ex Virgine: Des  
 quelles paroles de ce saint personnage, il est aisé  
 de recueillir, que la foy, la doctrine, & la cōfession  
 de ceste foy & doctrine, sont marques de la vraye  
 Eglise, qui la distinguēt des heresies. Mais ce dire  
 de Chrysostome est singulier, en l'hom. 49. sur S.  
 Matth. en son œuvre imparf. sur le cha. 24. sur ces  
 mots, *Quum videritis abominationē desolationis stan-  
 tem in loco sancto, i. quum videritis heresim impiam,  
 quæ est exercitus Antichristi, stantem in locis sanctis  
 Ecclesie: in illo tempore qui in Iudea sunt, fugiant ad  
 montes, id est, qui sunt in Christianitate, conferant se  
 ad Scripturas: sicut enim verus Iudeus est Christia-  
 nus, dicere apostolo, Non qui in manifesto Iudeus est,  
 sed qui in occulto: sic vera Iudea Christianitas est, cuius  
 nomen intelligitur confessio: mōtes autem, sunt Scripturæ  
 apostolorum aut Prophetarū, de quibus dictum est, Il-*



*Luminas tu mirabiliter à mōtibz eternis. Voyez toute ceste Homelie. Raab suscepit legatos Iesu Naue, & in superiori parte domus abscondit, ne inueniret rex Hiericho: hac est Ecclesia, quæ aliquando meretrix fuit, quæ legatos Iesu Christi, hoc est Apostolos & Prophetas, hoc est, scripta eorum suscepit, & in superiori parte corporis sui abscondit, id est, in sensu, in memoria, & in corde, ut non inueniat eos rex mūdi diabolus.*

CHAP. IIII.

*De la duree & perpetuité de l'Eglise, où est debatū si l'Eglise peut perir, & errer en la doctrine de la foy.*



**O**R à ce traitté des marques de l'Eglise, semblese rapporter la resolution de deux questions: l'une, si l'Eglise peut perir par tout le monde, par les vices des gens d'Eglise, c'est à dire, des ministres d'icelle. Sponde nous calomnie, comme si nous disions qu'elle est perie, sauf quelque poignée de gens de bien: nous faisant compagnons des Donatistes. L'autre, si l'Eglise peut errer. En peu de mots nous respondons au point premier, que l'Eglise (qui n'est autre chose que la compagnie des vrais fideles & esleus) ne peut estre emportee à damnation, Jean 10. vers. 27. 28. 29. Matth. 16. vers. 18. Item, qu'elle durera mesme ici bas iusqu'à la fin, Matth. 28. vers. 19. 20. Je suis avec vous tous les iours, iusqu'à la consommation des sieclés, Genes. 17. vers. 7. Deut. 7. vers. 9. Luc 1. vers. 50. Augustin sur le Pseaume 60. *Non vincetur Ecclesia, non eradicabitur, nec cedet quibuslibet tentationibus, donec veniat huius seculi finis, & nos*



*ab ista temporali, eterna illa habitatio suscipiat, ad quam nos deducet, qui factus est spes nostra. Chrysost. in opere imperfecto super Matthæum cap. 8. homil. 23. quamuis infestatione inimici Ecclesia vel seculi tēpestate laboret, quibusuis tētationum fluctibus pulsetur, naufragium facere nō potest, quia Filium Dei habet gubernatorem? C'est à dire, combien que l'Eglise soit infestee de l'ennemi, & trauaillée de l'orage de ce siecle, & que toutes sortes de flots de tentations heurtēt contr'elle: toutesfois elle ne peut faire naufrage, car elle a le Fils de Dieu pour pilote & gouverneur. C'est ce qui a esté dit par saint Augustin, que l'Eglise ne sera vaincue, ne defracinee, ou emportee par aucunes tentations. Mais nous disons, ce que nous auons dit auparauāt, qu'elle n'est tousiours apparente d'une mesme façon, par le ministère public de la parole de Dieu, Sacremens & discipline, c'est à dire, assemblees visibles & grand nombre d'hommes: ains quelquefois plus ouuertement & sans crainte, quelquefois moins clairement, & avec plus de crainte, quelquefois bien purement, quelque-fois moins purement, quelque fois tresimpuremēt: de telle sorte qu'il n'y reste que quelques traces d'iceluy S. ministère: quelquefois elle subsiste en vn lieu du monde, quelquefois en vn autre: car Dieu n'a promis de la conseruer en vne certaine place. August. lib. de catechizandis rudibus, Non ideo putandus est vicisse diabolus quia secum plures, cum quibus à paucis vinceretur, attraxit cap. 19. tom. 4. Augustinus Hesichio, de supremo mundi die, Epist. 80. quando sol obscurabitur & luna non dabit lumen suum, & stelle cadent de cælo, &*

*virtutes cœlorum commouebuntur*, Ecclesia non apparebit impijs, tunc persecutoribus, ultra modum seuientibus, & remoto timore, tanquam arridente mundi felicitate, dicentibus pax & securitas: tunc stella cadent de cœlo, & virtutes cœlorum commouebuntur: quoniam multi, qui gratia fulgere videbantur, persequentibus cedent, & cadent, & quidam fideles firmissimi turbabuntur. Quand le soleil sera obscurci, & la lune ne donra point sa lumiere, & les estoiles cherront du ciel, & les vertus des cieux seront esbranlees, l'Eglise n'apparoistra point: les meschans lors & persecuteurs faisans des enragez à outrâce, & sans aucune crainte, comme si l'heur du monde leur rioit, se glorifiâs de paix & de seurté: lors, dy-ie, les estoiles cherront du ciel, & les vertus des cieux seront esbranlees: car plusieurs qui sembloient reluisans en la religion, se lairront vaincre aux persecuteurs, & aucuns fideles tres-fermes seront troublez. Le mesme Augustin sur le Pseau. 10. parle ainsi de l'Eglise, *Luna in allegoria significat Ecclesiā: ex parte spirituali lucet Ecclesia, ex parte autē carnali obscura est, & aliquando spiritalis pars in bonis operibus apparet hominibus: aliquando autem in conscientia latet, ac Deo tantummodo nota est, quum solo corpore apparet hominibus, sicut contingit quum oramus in corde, & quasi nihil agere videmur*. La lune par allegorie signifie l'Eglise: du costé de l'esprit elle est luisante & claire, du costé de la chair elle est noire & obscure, & quelquefois ceste partie spirituelle apparoist aux hommes par bonnes œuures, quelquefois elle est cachee en la conscience, & cognue de Dieu seul, lors que le seul corps se void des hommes, comme il ad-

uient quand nous prions au cœur, & qu'il semble que nous ne faisons rien. Et plus bas, *Non uno modo dici obscura luna potest, nam & quum finitur menstruis curribus, & quum eius fulgor nubilo interpolatur, & quum plena deficit, dici potest obscura. Luna potest ergo & de persecutoribus martyrum intelligi, quod sagittare voluerint in obscura luna rectos corde, sine adhuc in Ecclesia nouitate, quia nondum terris maior effulserat, & Gentilium superstitionum tenebras vicerat, sine linguis blasphemorum & Christianorum nomen maius diffamantium, quasi nebulis quum terra obtegeretur, videri perspicua luna non poterat, id est Ecclesia, sine ipsorum martyrum cadibus, & tanta effusione sanguinis, tanquam illo defectu & obscuracione, qua cruentam faciem luna videtur ostendere, à nomine Christiano deterrebantur infirmi.* Ce n'est point, dit ce bon Pere, en vne seule façon que la lune nous est cachee & rendue obscure, car & au bout de chasque mois, quand elle est nouuelle, & lors que le ciel est nubileux, & quand il y a eclipse estant en son plein, on peut dire qu'elle est couuerte & cachee. Ce qui se peut entendre des persecuteurs, soit que l'Eglise fust encore nouuelle, n'ayant ietté ses rayons pour sa petitesse sur la terre, ny vaincu les tenebres superstitieuses des Gentils, soit qu'elle ne peust estre apperceuë, à cause des langues mesdisâtes, & des brouillards des blasmes & mesdisances contre les Chrestiens: qui quasi couuroient toute la terre, & empeschoyēt de voir ceste claire lune, à sçauoir l'Eglise: soit que les infirmes fussent effrayez de se nommer Chrestiens pour les massacres des martyrs, & grande effusion de sang, comme si la lune defaillloit, & par ton

obscurcissement sembloit monstrier vne face rouge & sanglante. Et pour voir vn estat d'Eglise impur, confus, obscur & troublé, & tel que pourroit estre celuy de nostre temps: qu'on lise l'auteur des chapitres derniers, adioustez au traitté de Basile touchant le S. Esprit, au chapitre 30. qui enseigne suffisamment, que l'Eglise n'est tousiours icy bas belle, luisante, claire, & sans beaucoup d'impuretez & souilleures en sa conduite & estat. L'Eglise visible n'est tousiours aussi en mesme lieu: car cōme l'Arche de Noé estoit portee maintenant en vn lieu, maintenant en vn autre, iusqu'à tant qu'elle s'est reposesee sur les montagnes d'Armenie, Genese 8. ver. 4. ainsi l'Eglise visible sera pourmennee d'un lieu à vn autre, iusqu'à tant qu'elle soit recueillie toute au ciel: autrement, à quel propos diroit Iesus Christ aux iuifs de son temps, Le royaume de Dieu vous sera osté, & donné à vne nation qui en rendra le fruiet, Matth. 21. vers. 43? Il est dit aussi, que la femme qui a enfanté vn enfant masle, à sçauoir l'Eglise, s'en est fuie au desert, où elle a lieu appresté de Dieu, à fin que là on la puisse mille deux cens soixante iours, Apocalypse 12. verset 5. 6. L'Eglise visible, n'est tousiours aussi composee de pareil nombre d'hommes: car l'efficace de la vocation n'est en pareil degré en tout temps, & la vocation mesme n'a lieu tousiours enuers tous. Pourquoi S. Paul parleroit-il de ceste apostasie vniuerselle, l'Antechrist estant assis au temple de Dieu, 2. Thess. 2. si le nombre des croyans deuoit estre en tout temps fort grand? Iesus Christ ne dit pas pour neant, que quand il viendra, à grand peine trouuera-il foy sur

la terre. Saint Paul aux Romains 10. chap. ne parle-il point apres Esaie chap. 1. vers. 9. & 10. vers. 22. des restes ou residu, nous amenât iusqu'à l'election de Dieu, qui cognoist les siens, & le nombre qu'il doit auoir en chascun temps, qui est plus grand en vn qu'en l'autre ? à fin que Sponde ne cauille rien comme si ces propos estoient peculiers aux Iuifs. Mais quelle calomnie est ce d'escrire, que nous imputons la dissipation de l'Eglise qui est souz la Papauté, aux vices ou mauuaises mœurs des gens d'Eglise ? Nous remarquons bien en iceux vn grand desbordement en leur vie, & inobseruation de la discipline ancienne, laquelle est toute renuersee: mais c'est contre les fausses doctrines, blasphemés, idolatries, que nous crions principalement, & disons que le diable les a introduites, se seruant de l'ambition & auarice de l'Antechrist & ses supposts, & de l'ignorance & mespris des S. Escriptions, qui s'est trouuee en ceux qui les auoyent receuës pour les dispenser aux autres. Je transcriray ici ce que l'auteur de la preface d'un traitté *de indicio Dei* inseré dans les œuvres de Basile, a escrit sur ce propos, à fin qu'on cognoisse la cause, qui a fait comme disparoître l'Eglise, & l'a mise en desolatiō. *Conspicatus sum ipsos Ecclesia præfatos, tanta contrarietate aduersus Domini nostri Iesu Christi mandata videntes, & immisericorditer Ecclesiam Dei distrahentes, immodicè ouile ipsius conturbantes, ut & in ipsis impleatur nunc, si unquam aliàs, illud: Ex vobis ipsis exurgent viri loquentes peruersa, ut auellant discipulos retrò ipsos.* Act. 20. J'ay prins garde, dit-il, & me suis aduisé, que ceux qui auoyent la conduite de l'Eglise, se sont oppo-

fez avec vne telle resistance aux commãdemens de  
 nostre Seigneur Iesus Christ, & ont tellement sans  
 misericorde deschiré l'Eglise de Dieu, & troublé si  
 fort la bergerie d'iceluy, que maintenant si iamais  
 autresfois en eux est accôply ceste prophetie de S.  
 Paul, Act. 20. D'entre vo<sup>s</sup> s'eleuerôt des hōmes par-  
 lans choses peruerfes, pour destourner les disciples  
 & les faire aller apres eux. Et plus bas, *Quum diutius*  
*hac paterer, & causam tanti mali perscrutarer, reputa-*  
*bam apud me ipsum, nunquid & nunc ob contemptum*  
*unius & solius vniuersorum regis ac Dei, talis dissensio*  
*ac pugna in Ecclesia existit, unoquoque à Domini nostri*  
*Iesu Christi doctrina discedente, & ratiocinationes ac*  
*terminos, ac summas propria ex autoritate constituen-*  
*te, & magis imperare aduersus Dominum, quam regi à*  
*Domino volentes?* C'est à dire, Estât en peine lōgue-  
 ment pour ces choses, & sondant la cause d'un si  
 grand mal, ie pensoy'à part moy, ceste dissension &  
 debat qui est en l'Eglise maintenant, n'est-ce point  
 pour le mespris d'un seul & souverain Roy de tou-  
 tes choses, qui est Dieu? car vn chacun se depart de  
 la doctrine de nostre Seigneur Iesus Christ, & ose  
 bien de sa propre autorité se faire des reigles, &  
 sommaires de doctrine peculiere, fōdee sur ses rai-  
 sons & discours: de telle sorte, qu'on aime mieux  
 commander & s'eleuer contre le Seigneur, que se  
 laisser conduire à son bon plaisir. Et plus bas, *Ad*  
*mādata Domini dissensio, & mutua discordia qua in no-*  
*bis reperitur, declaratio fuit: aut secessus à vero Rege,*  
*iuxta illud: Solum qui detinet, nunc detineat, donec è*  
*medio secedat, 2. Thessal. 2. aut abnegationis ipsius: iux-*  
*ta hoc, Dixit insipiens in corde suo, non est Deus. Par-*

quoy, dit-il, ce different & mutuelle discorde contre les comandemens de Iesus Christ qui se trouue en nous, a esté vne declaratiõ ou d'une reuolte & retraite du vray Roy, selõ ce qui est dit en la 2. aux Theff. chap. 2. seulement celuy qui empesche maintenant, qu'il l'empesche iusqu'à tant qu'il se departe ou d'une abnegation & renõcemēt. En suiuant ce propos, le fol a dit en sō cœur, Il n'y a point de Dieu. Bref, & pour n'estre plus long, nous affermons, que l'Eglise ne sera iamais arrachee de la terre, tant qu'il y aura soleil & lune au ciel, Psal. 89. laquelle toutesfois a des membres, desquels aucuns, comme dit saint Augustin, lib. 4. de Baptismo contra Donatistas, cap. 27. *Adhuc nequiter viuunt, aut etiam in heresibus, vel in Gentilium superstitionibus iacent: & tamen etiam illic nouit Dominus qui sunt. eius: namque in illa ineffabili prescientia Dei, multi qui foris videntur, intus sunt: & multi qui intus videntur, foris sunt: ex illis ergo omnibus, qui, vt ita dicam, intrinsecus, & in occulto, intus sunt, constat, ille hortus conclusus, fons signatus, puteus aque viue, paradysus cum fructu pomorum: c'est à dire, viuent encore meschamment, ou sont gisans les vns entre les heresies, les autres entre les superstitions des Gentils: & toutesfois le Seigneur cognoist aussi là ceux qui sont à luy: car en ceste prescience de Dieu ineffable, plusieurs qui semblent estre dehors, sont dedans: & plusieurs qui semblent estre dedans, sont dehors. De tous ceux donques lesquels, pour parler ainsi, d'une façon interieure & occulte, sont dedans ce iardin enclos, ceste fontaine seellée, ce puits d'eau viue, ce Paradis avec*



le fruiet de pommes est composé. Or c'est ceste Eglise, qui ne peut iamais perir : laquelle neantmoins, comme il a esté desia maintesfois dit, se change selon son estat & forme visible. Parquoy saint Bernard au sermon 28. sur les Cantiques, en parle ainsi : *Nolite me considerare quòd fust a sum, quia decolorauit me sol : hoc est, Nolite me notare quasi deformem, qui cernitis, pro ingruente persecutione, minus florentem, minus secundum seculi gloriam coloratam : quid exprobratis nigredinem, quam feruor persecutionis non conuersationis pudor inuexit?* Ne me regardez point de ce que ie suis brune, c'est le soleil qui m'a fait perdre ma couleur : c'est à dire, Ne me blasmez point d'estre laide, vous qui me voyez, & moins fleurissante, & moins belle & vermeille en la gloire du monde, selon que i'ay plus ou moins enduré des ennemis : pourquoy me reprochez-vous ma noirceur, qui m'est aduenue de l'ardeur de la persecution, & non de la hôte de ma conuersation? La secõde question de ce chapitre, n'est moins difficile & scabreuse que la precedente, laquelle Spõde resout en ces mots, en la p. 102. q̃ par la bouche de l'Eglise, l'Esprit de Dieu parle en telle sorte, qu'õ ne la verra iamais faillir, en ce qui concerne nostre foy & sa cõduite : la preuve de ce dire & definition, est fondee sur ces raisons : la premiere, que la parole de Dieu, ny escrite ny nõ escrite, n'a dit iamais que son Eglise peut faillir. Nous respõdons, qu'il no<sup>e</sup> est aisé de prouuer du cõtraire, par ceste parole escrite. La resurrectiõ des morts est vn article de foy : l'Eglise de Corinthe a erré en la doctrine de la resurrectiõ

des morts, 1. Cor. 15. donques elle a failli en ce qui concerne la foy. Autant en pourrons-nous dire de l'usage du saint Sacrement de la Cene, qui commençoit à s'abastardir en ladite Eglise: il y auoit plusieurs autres choses à reprendre, qui regardent la charité, police & discipline: & qui en doutera, lise saint Paul en la premiere epistre qu'il luy adresse. La iustification & doctrine de la remission des pechez, est vn poinct qui concerne la foy. Or les Galatiens ont esté seduits en cest article, il s'ensuit donc que l'Eglise est suiette à estre impure en la doctrine de la foy, & quelques chefs d'icelle. Plusieurs Eglises sont reprises par saint Iean en son Apocalypse, chap. 2. & 3. non seulement pour le defaut de charité & bonnes œuvres, mais aussi pour les erreurs de doctrine, & fautes commises contre le seruice de Dieu en la premiere table: & ne faut point dire, que tous n'estoyent entachez de ses fausses doctrines, car ils ne faisoient qu'un mesme corps avec ces abusez, & ils estoyent en grand nombre: voila quant aux Eglises d'Asie. Celles d'Afrique n'ont esté plus pures, pour le moins elles ont erré au fait du Baptisme, qui est vn poinct de doctrine, ainsi que le Concile de Chartage, où estoit present Cyprian, en fait foy: & toute ceste multitude s'accorde à rebaptizer ceux qui auoyent receu le Baptisme entre les heretiques, & par leurs ministres. En ce Concile y auoit grand nombre d'Euesques, Prestres & Diacres, & la plus grande partie du peuple y estoit presente. Les Eglises de l'Europe n'ont esté aussi sans leurs taches

en la doctrine. Et puis qu'entre vous c'est vn article de foy de croire la puissance du Pape, ou les Cōciles de Constāce & de Basle ont erré, ou ceux de Florence & de Trente, qui ont vn autre aduis, quoy que ce dernier le dissimule & touche seulement en passant & par occasiō: car il n'a esté inspiré d'autre esprit, que de celui de Thomas Caietan: & pour sçauoir ce qu'il en pense, qu'on lise son *traicté de comparatione autoritatis Papæ & Concilij*. Et ne faut point obiecter, que ie n'ameine qu'Eglises particulieres, & que ce n'est l'Eglise Catholique & vniuerselle: car le tout se fait de ses membres & de ses parties, & participe à leur nature & qualité. Toutesfois oyons S. Paul 1. Cor. 13. vers. 12. maintenant nous cognoissons, dit-il, par obscurité, & en vn miroir, & cognoissons en partie. Si nostre cognoissance est obscure & imparfaite en ceste vie, ie dy la cognoissance de l'Eglise & des principaux membres d'icelle, il y a de l'ignorance, & par consequent de l'erreur. Que si on replique, que c'est autre chose d'estre ignorāt, autre chose d'estre mal sentant, autre chose est priuation de saine & bonne doctrine, autre chose position & affirmation de mauuaise doctrine. Ie respon, qu'il est ainsi: mais nous debattons si l'Eglise peut errer. Or il est certain que cestui-la qui est ignorāt peut errer. Et le disons, par ce que les Conciles & œcumeniques & prouinciaux ont de faict erré en plusieurs cōstitutiōs & Decrets: car ce qui est corrigé a erré, *Aug. lib 2. de Baptism. contra Donat. cap. 3.* Sponde allegue, Quel appuy auray-ie donc, en ce que ladite Eglise me dira? Ie dy, que c'est du deuoir d'vn chacun d'examiner

les doctrines des Pasteurs, mesmes par la parole de Dieu escrite, sur laquelle seule il nous faut appuyer, Ieā 5. Act. 17. v. 11. Apoc. 2. v. 2. L'autre raison alleguee, est prinse du 3. c. v. 15. de la 1. à Tim. où il est escrit, q̄ l'Eglise est la colōne & firmamēt de verité: ce qu'elle ne pourroit estre, dit-il, si elle pouuoit faillir. Nous respōdōs, que l'Eglise est dite la colōne & firmamēt de verité, non que la verité s'appuye sur elle, ou soit cōceue & engēdree par elle, mais d'autant qu'elle est tefinoin, & presche, nourrit & conserue ceste verité: & en vn mot, par ce qu'elle est gardienne des Escritures. Il y a deux sortes d'appuis & soustiens, les vns qui sont parties principales de l'edifice, & sans lesquels le bastimēt n'auroit point d'estre, car ils luy en dōnēt: auquel sens l'Eglise n'est point colōne de verité, car c'est ceste verité qui dōne estre à l'Eglise, & sur laquelle elle est fondee, Matth. 16. sur ceste pierre, dit Iesus Christ, c'est à dire, sur ceste foy, sur ceste confession, sur ceste doctrine, ainsi que S. Augustin l'expose, ie bastiray mon Eglise. L'autre sorte d'appuis & estançons, sont ceux qui conseruent l'edifice parfait, à fin qu'il ne tombe, qui le plus souuent ne sont pas mesme partie dudit edifice, comme on void en ceux qui sont ruineux. Le fondement & nourriture de la lumiere, qui est en la lampe, c'est la meche & l'huile: & nonobstant celuy qui verse l'huile, qu'il ne fait pas, & qu'il prend d'ailleurs, est le soustien de la lumiere mesme: aussi le chandelier, & celuy qui le porte avec la chandelle, se pourra appeller le soustien de la lumiere. Nous auons de nostre costé en ce-

ste exposition, l'autorité des Anciens. car Chrysostome sur ce passage, L'Eglise, dit-il, est la colonne & firmament de verité, non pas comme le temple Iudaïque: car c'est cestui-ci qui contiēt la foy & la predication, veu que la verité de l'Eglise est, & colonne, & firmament. Parquoy si on demande à Chrysostome, Cōment est l'Eglise Chrestienne colonne & firmament de verité? il respondra, que c'est à raisō de la verité, qui seule est la vraye colonne: que ce n'est pour l'auoir trouuee & forgee en son esprit, mais pour l'auoir receuë, creuë & preschee. A cecy nous ameine (quand il n'auroit parlé si ouuertemēt) l'exposition de ce mot de verité, qu'il rapporte aux ombres & figures de la Loy Iudaïque: ainsi qu'il fait le temple à l'Eglise Chrestienne, d'où ie tire ceste conclusiō, Si l'Eglise Iudaïque qui n'auroit point trouuē les ceremonies qui estoient en vſage de ce temps-là, est neantmoins la colonne & firmamēt d'icelles, pour s'y estre exercee, & le tēple pour estre le domicile principal d'icelles, & tēmoin certain de leur duree & abolition l'Eglise Chrestienne ne fera en autre façon appui de verité, cōparée à ces figures: car les choses semblables ont mesme raison, & d'icelles ont fait mesme & semblable consequence. Son expositeur Theophylacte parle ainsi, *Paulus. hic ad Iudicum alludit templum, Ecclesiāque ei confert, siquidem illud habebat figuras & umbras veluti tintinabula seu nolas & mala punica, & Pontificem, cum victimis & sacris: Ecclesia autem veritatis est constitutio, omnia namque quae in ea peraguntur, vera sunt, & nihil in ea est opacum & umbrōsum, qualia*

*sunt quæ lege sanciantur : pro nobis enim verbum & prædicatio est splendida, pro malis pumicis vita est coronata contractior & castigata, intus fructum habens: Porro Pontifex & princeps Sacerdos nobis, Filius Dei, ingens autem sacrum summumque sacrificium, diuinum ipsius corpus.* S. Ambroise sur ce mesme passage n'ameine point d'autre interpretation : Il est necessaire, dit-il, qu'on die que la maison de Dieu & la verité, est là où il est craint selon sa volonté, ses seruiteurs faisans profession & confessans cela de luy, qu'il leur a daigné enseigner : & à fin qu'on ne niaist point que ce fussent ses paroles, il les a sceellées de vertus, qui ne peuuent estre faites par aucun autre, à fin que par cesdites vertus, l'infidélité accusée perisse inexcusable : car le firmement de ceste verité, sont les signes & prodiges. Quand nous eussions dicté les mots à ce Docteur, eult-il peu mieux parler en nostre faueur, au renuersement de ce faux dogme, reçu en l'Eglise Romaine, source & nourrice de tous erreurs qu'il fait ? Parquoy ceste exposition ne doit sembler plus nouuelle, ny mesme que l'Eglise soit gardienne des Escritures, & que ce soit l'intention de l'Apostre escriuant à Timothee: car Irénée enseigne que, *Apostoli quasi in depositarium diues plenissime in eam contulerunt, omnia quæ sunt veritatis, ut omnis quicumque vellet, sumat ex ea potum vite, lib. 3. cap. 4.* & l'Apostre enseigne, que l'aduantage des Iuifs par dessus tous les autres peuples, a esté d'estre gardiens des oracles de Dieu, qui leur ont esté commis, Rom. 3. vers. 2. Thomas d'Aquin sur le passage de Timothee parle ainsi, *In Ecclesia est fir-*

ma cognitio & veritas, unde dicitur columna & fir-  
 mentum, / cūciet quantum ad alios, quia non possunt fir-  
 mari in veritate, nisi per Ecclesie Sacramenta, Luc 22.  
 tu aliquando conuersus, confirma fratres tuos. C'est à  
 dire en vn mot, c'est au regard des autres hom-  
 mes, & non de la verité, que l'Eglise est appellee  
 firmanent, d'autant qu'elle les fortifie & confir-  
 me en ceste verité, par l'administration des Sacre-  
 mens. Tout ainsi donques que Chrysostome rap-  
 porte ce titre donné à l'Eglise, à la predication de  
 la verité, & sainct Ambroise à l'operation des  
 miracles, ainsi maintenant Thomas à l'admini-  
 stration des Sacremens. Mais oyons encore Ire-  
 nee, lib. 3. cap. 9. *Quoniam quatuor regiones mundi  
 sunt in quo sumus, & quatuor principales spiritus, &  
 disseminata est Ecclesia super omnem terram, columna  
 autem & firmanentum Ecclesia est Euangelium, &  
 spiritus vite: consequens est, quatuor habere eam colum-  
 nas undique stantes incorruptibilitatem, & viuificantes  
 homines: ex quibus manifestū est quoniam qui est om-  
 nium artifex verbum qui sedet super cherubin, & con-  
 tinet omnia, declaratus hominibus, dedit nobis quadri-  
 forme Euangelium, quod in vno spiritu continetur.* Je le  
 dirai briefuement en Frāçois, pour ceux qui n'en-  
 tendent le Latin, Que l'Eūāgile est non seulemēt  
 la colomne, mais l'Esprit d'icelle, & d'oū procede  
 le souffle, qui la viuifie & cōserue sans se corrom-  
 pre. Sponde crie, que tout le passage de S. Paul ne  
 parle nullement des Esritures. Mais il parle de  
 la verité, qui est la parole de Dieu, laquelle est  
 contenue esdites Esritures: car Dieu ne veut  
 point que l'Eglise soit gardienne de la verité, que



par icelles. C'est beaucoup plus d'estre colomne, dit encore Sponde, que gardienne : ie le nie, au sens que l'Apostre l'entend, & que nous l'auons exposé cy deuant. La maison tombe, quand la colomne, sur laquelle elle s'appuye, tombe : aussi disons-nous, que Dieu ostant le saint miniftre, & le chandelier d'entre les hommes, ils cheent en tenebres, ignorance, idolatrie, & famine de la verité, Amos 8. dont l'Eglise se plaint. Là! nous n'auons nul signe accoustumé de ta faueur, Prophetes nous defaillent. Et Irenee ne fait que venir de le dire : car si les quatre Euangiles seuls soufflent l'incorruption & la vie, il s'ensuit qu'ou ils ne soufflent point, c'est à dire, ne sont point preschez, il n'y a que mort & corruption. Mais nous ne faisons pas ces conclusions: Premieremēt, que d'autant que l'Eglise est colomne, la verité de nostre foy s'appuye sur l'autorité de l'Eglise : car elle est fondee sur la seule parole de Dieu: & pour s'y fonder, la cause instrumentale en est l'Eglise, qui enseigne ceste parole, & luy rend tesmoignage. La foy donc est aidee par l'Eglise, soit en sa cognoissance, soit en sa certitude & assurance: mais n'est, ny l'obiet de la foy, ny la cause premiere & principale d'icelle. Secondement, nous ne disons, que tout ce que l'Eglise approuue soit vray, & tout ce qu'elle reprouue soit faux : car nous auons monsté le contraire : & quand il seroit autrement, encore Sponde parle ambiguement, voire mesmes en blasphemant, veu qu'on ne sçait s'il veut dire, que la doctrine est vraye, ou par ce que l'Eglise l'approuue, ou par ce qu'el-

le ne peut voir ny approuuer que la verité. Au premier sens, c'est mettre l'Eglise en la place de Dieu, voire l'esleuer par dessus: car ce qui reigle, est plus que ce qui est reiglé, comme si la volonté de l'Eglise estoit la pierre de touche, à laquelle il falust examiner la verité, la iustice des promesses de Dieu & de son seruice: & en ceste sorte il ne fera plus serui à son plaisir, mais au plaisir des autres: chose neantmoins qu'il deteste en sa parole, 1. Samuel 15. & Esaie 39. & Matth. 15. Je reuien aux raisons qui font fixer Sponde, comme il dit, en son opinion: ceste-cy est la troisieme, que l'Eglise estoit inefine la colonne de la verité, deuant que les Escritures fussent. Response, Elle auoit les reuelatiōs de la doctrine celeste au lieu des Escritures, qui ont maintenāt prins fin, Dieu ayant mis & substitué en leur place lesdites' Escritures. L'Eglise donc a esté iadis colōne de la verité, en conseruant les apparitions & reuelations diuines, cōme elle l'est auourd'huy, en conseruant les Escritures & doctrine contenue en icelles. Or pour se porter en braue guerrier, il ne veut point seulement assaillir & combattre la verité, mais veut defendre aussi le mensonge, & respondre aussi à nos argumens, p. 112. dont vn entr'autres est, Que si l'Eglise Iudaique a peu faillir en la foy, & de vray a failli, reiettant le Redempteur, & le faisant mourir, faute d'entendre les Escritures; l'Eglise Chrestienne pourra aussi faillir en la foy, & en la doctrine, & ignorer les Escritures: or le p̄mier est vray, le second le sera donc, Que respōd-il à cela? qu'on monstre, & qu'on prouue, que l'Eglise Chrestien-

ne ait crucifié Iesus Christ, & que la mesme chose soit aduenüe. Or que chacun iuge, si ceste response est pertinente, comme si pour verifïer que quelqu'un est homme, il fust de besoin d'enseigner qu'il est ou Socrates ou Platon. on peut faillir en la doctrine en plus d'un poinct, car les articles de nostre foy, sont pour le moins douze, & quand nous dirions que l'Eglise qui se dit Catholique a crucifié Iesus Christ, & le crucifie tous les iours, & en ses membres, & en ce blasphemaire sacrifice de la Messe, selon la propre confession de ses Docteurs, non moins que la Iudaïque: que seroit-ce, que fermer la bouche à nostre aduersaire, & conclurre que ceste Eglise a failly & erré es dogmes & poincts contenus es Escritures? mais puis qu'il ne se veut seruir de ceste response, ains en cuide alleguer vne meilleure, examinons-la apres l'auoir leuë & conceuë. Que dit-il? Que l'Eglise Iudaïque n'estoit toute l'Eglise, & que c'est l'Eglise de Dieu prinse en general ou vniuerselle, qui a ceste vertu propre, de ne quitter iamais Dieu, cōme aussi Dieu ne la quitte iamais. Il y a ici presque autant de fautes que de mots. Qui ne void que c'est le propre de l'Eglise, soit vniuerselle, soit particuliere, d'auoir & sentir la presence & assistance de Dieu, de le croire & inuoyer par vn Iesus Christ: car sans cela, ce ne seroit plus Eglise, ains vne charongne: tout ainsi qu'un homme ne seroit point homme, s'il n'auoit l'ame. Et c'est ce que ledit Sponde allegue vn peu plus bas d'Irenee, libro 3. chap. 40. *ubi enim Ecclesia, ibi & Spiritus: & ubi Spiritus Dei, illic Ecclesia*

*eleſia, & omnis gratia, Spiritus autem veritas eſt.* Où eſt l'Egliſe, là eſt l'Eſprit : & où eſt l'Eſprit de Dieu, là eſt l'Egliſe, & toute grace: or l'Eſprit eſt verité. Parquoy ces aſſemblées & compagnies, ſoit vniuerſelles, ſoit particulières, où Dieu n'eſt point par ſon Eſprit, & par ſa doctrine & verité, ne ſont point Eglises, mais il faut que l'eſprit d'eſtourdiffe-  
ment ſe monſtre en ceux qui tournent le dos à la verité. Et ie demande, Ieſus Chriſt ne promet-il pas ſa preſence auſſi bien à deux ou trois aſſemblez en ſon nom, comme à dix mille? Matthieu 18. Or ceux que Dieu aſſiſte par ſon Eſprit, & qui ſont ſes vrais temples, ne le quittent jamais: parquoy ceſte diſtinction, qui eſt ſans diſ-  
ference, eſt vaine, qui regarde ſeulement les paroles, & non la choſe. Je ſçay bien que les dons de Dieu ſont diuiſez, & que tous les fideles, qui ne ſont qu'un corps, ſont auſſi membres diſtincts, & tous ne ſont l'œil, ny tous la main: par ainſi, quand tous ces membres ſe pourroyent trouuer enſem-  
ble, la beauté de ce corps apparoitroit d'auanta-  
ge, & la clarté & vtilité en ſeroit plus grande: mais il n'eſt pas poſſible d'auoir de telles aſſem-  
blées, tous les fideles ne viuans en meſme temps, & eſtans eſloignez de diſtances des lieux. Et pour ce regard les Conciles, quoy qu'oecumeniques & generaux, ne pouuans ſupplier à cela: & quand ils le feroyēt, les gens de bien, & les mieux ſentās n'y ſont touſiours appelez ni ouïs, ou ſont ſur-  
montez par le grand nōbre. Bref, pour trencher court la forme eſſentielle de l'Egliſe viſible, ſe trou-  
ue auſſi biē en vn petit nōbre, & en vne petite vil-

le qu'en vne grande, & qu'en tout le monde: & le profit desdictes assemblees n'est autre, que la declaration & manifestation du consentement & foy commune, & moyen de la faire entendre & enseigner aux ignorans, & de conuaincre les contredisans par les Escriures: ce qui n'est donné à tous, i'enten mesme à ceux qui ont vne droite & saine cognoissance. Parquoy à ces fins la conference desmēbres est nécessaire, à fin que chacun apporte en commun les dons qu'il a receus du Seigneur. Venons à l'application de ceste distinction & maxime reprouee. L'Eglise des Iuifs, n'estoit point toute l'Eglise. Quand ? lors qu'elle a liuré Iesus Christ à la mort. Tous les membres voirement n'ont point cōsenti à la mort de Iesus Christ, il y en auoit quelques vns qui en estoient bien marris: cepēdant ils ne faisoient tous qu'un mesme corps d'Eglise visible, & ainsi toute l'Eglise a crucifié Iesus Christ: car ce qui se fait par la plus grand part, est estimé, estre fait & dit de tous. Je maintien aussi que l'Eglise Iudaïque estoit toute l'Eglise: & combien que l'estat & gouuernement de ladite Eglise commençast à se changer, par la predication & administration du Baptesme de Iean, toutesfois les ceremonies estoient encore en leur force & vigueur, & n'ont commencé à estre indifferentes en elles, iusqu'apres l'ascension de Iesus Christ au ciel: & en fin l'Euangile ayant esté presché par tout, & le temple destruit, ont prins fin, & ont esté abolies. Mais que dira Sponde, & comment persuadera-il du contraire ? Si nous disons, que les Pharisiens & Sacrificateurs,

qui ont fait la guerre à Iesus Christ, ont esté baptizez: car ils venoyent au baptisme de Iean, Matth. 3. Marc 1. Luc 3. ce n'est point donc de merueille si ceux qui ont aussi receu le baptisme, se bandent aujourdhuy, & l'ont fait de long temps contre le Fils de Dieu, mesmes ceux qui se disent souverains Pontifes. La Synagogue des Juifs n'a jamais esté appelée l'Eglise vniuerselle; ie l'accorde, tant à raison de la vocation, difference des nations, & grand nombre d'hommes, où il n'y auoit que les Juifs que fussent proprement appelez: qu'à cause du lieu, où le seruice externe se faisoit, à sçauoir Ierusalem: & non à raison de Dieu, de Iesus Christ, de la doctrine, de la foy, qui sont choses vniuerselles & communes à la vraye Eglise de Dieu, en quelque temps qu'elle ait esté, & sont aussi de la verité d'icelle. Je d'y d'auantage, que les sacrifices & Sacremens estoient aussi communs & vniuersels, que ceux du nouveau Testament; car nul ne pouuoit estre reputé entre le peuple de Dieu, qui ne fust circoncis, Genèse 17, & ne vint pour adorer en Ierusalem, au temps ordonné de Dieu. Ce qui se peut recueillir du 2. chap. des Actes, & de l'exemple de l'Eunuque de la Roine de Candace en Ethiopie; qui estoit venu pour sacrifier en Ierusalem, & lisoit le Prophete Esaie. Il n'estoit donc point fidele sans estre Proselyte, & entré en ce corps, & toutesfois Sponde afferme en la page 123. que les hommes de l'ancien Testament ne laissoient pas d'estre fideles, encore qu'ils ne fussent point membres de l'Eglise recueillie des enfans d'Abraham, & conjoincts

avec icelle en doctrine. ce qui est allegué de Melchisedech auroit plus de difficulté, si l'Escripture ne nous tesmoignoît qu'il a benit Abrahâ, & qu'Abrahâ luy a baillé la dîme de toutes choses: dont ie di après S. Cyprian, que comme l'Eglise est au Pasteur, que le Pasteur est aussi en l'Eglise, tel qu'a esté ledict Melchisedec. Sponde fait aussi tort à ce saint personnage Iob, de l'accuser de schisme, cōme s'il n'auoit point gardé vnitè de foy, de doctrine, de charité, & ordre avec les autres mēbres: ou il faut dire que l'Eglise de l'ancien Testament, n'estoit point vn corps, n'ayāt point ceste vnitè & liaison qui est requise en tout corps, & par-ainſi que Iesus Christ a esté chef sans corps, ou qu'il en a eu plusieurs. Bref, c'est dire que le schisme & le vice n'est pas vice en tout tēps. Ce sont les beaux fruiets qu'on peut recueillir des quinte-essences de ce nouveau Theologien. Pour Corneille, il est clair qu'estant fidele, il n'estoit sans confession & profession externe de sa foy, c'est à dire, sans religion, & cōuersant en la Iudee. Quelle vraye semblance y a-il, qu'il ne se soit exercé es ceremonies legales, puis que pour ce faire, les autres y venoyēt de si loin? Or il semble que Sponde vueille excuser & defendre le parricide, ou pour mieux dire après S. Bernard, le decide des Iuifs, meurtriers du Seigneur, pour faire voir à vn chacun, que Dieu luy a osté le sens & l'esprit: car, dit-il, encore que l'Eglise (à sçauoir des Iuifs) se blaſt failir, elle ne defailloit pas pourtāt, mais se chāgeoit en vn meilleur estat. Nous ne sōmes point sur ces termes, si l'Eglise a defailli au tēps de Ies<sup>us</sup> Christ,



mais si c'est l'Eglise visible & ministeriale, qui a erré & peché, en rejetant son Sauueur, & si pour se changer en mieux, elle deuoit ensanglanter ses mains au sang de son Espoux, comme si elle l'eust fait à ceste fin, & s'il falloit mal faire à fin que bien s'en ensuiuist. Mais c'est trop remué ces ordures pour la iustification de ce forfait. Nostre Aduocat dit, que les Prestres de l'ancienne Loy n'eurent iamais ce priuilege, ny ceste promesse de Dieu, de n'errer iamais: ils ont eu les mesmes promesses que les Euesques & Pasteurs & Docteurs de l'Euangile. Iesus Christ declare & assure ses Apostres, qu'estans menez deuant les Rois & Princes, il leur sera baillé dequoy parler: car le saint Esprit parlera en eux, Matth. 10. vers. 19. ce mesme Esprit est promis, non seulement pour defendre la verité contre les ennemis, mais aussi pour l'enseigner & déclarer aux ignorans, Luc 24. vers. 49. Or ces promesses se trouuent adreesées mesme par pacte aux Ministres de l'ancienne Loy, non seulement pour eux, mais pour les leurs: & qu'on en croye à Esaie chap. 59. vers. 21. Ceste-ci est mon alliance avec eux, dit le Seigneur, mon Esprit qui est en toy, & mes paroles que i'ay mises en ta bouche, ne bougeront point de ta bouche, & de la bouche de ta semence, & de la bouche de la semence de ta semence, dit le Seigneur, dès maintenant, & à tousiours-mais: parquoy disons, que si les Prestres de l'ancienne Loy n'eurent iamais ceste promesse de n'errer point, que ceux de l'Euangile ne l'ont point aussi. Or le premier est vray, comme Sponde le confesse, le second le sera pa-

reillement: ne laissons rien en arriere, dont il se puisse preualoir. Ce n'est sans cause, dit-il, que Iesus est dit Emanuël, qui ne se peut entendre, que par vne perpetuelle assistance de sa vertu avec son Eglise. C'est tresmal conclu, que l'Eglise n'erre point, ny ne peut errer en la doctrine: car le mesme faudroit-il dire des incœurs, veu que Iesus Christ ne nous est pas moins donné pour sanctification, que pour sapiëce, 1. Cor. 1. vers. 30. Tout ainsi donques, qu'encorès qu'un homme ait la foy & par consequent possede Iesus Christ, Eph. 3. vers. 17. cela n'empesche point qu'il ne tombe en plusieurs fautes, tant contre Dieu, que contre le prochain: ainsi la foy peut estre parmy non seulement beaucoup d'ignorâces, mais aussi erreurs, que S. Paul appelle bois, foin, chaume, 1. Cor. 3. vers. 12. d'autant que tandis que nous sommes ici bas, elle n'est point pleine ny parfaite. Cela se void és Apostres, qui imaginoyent que le regne de Iesus Christ seroit terrien & temporel, c'est à dire, croyent en la façon d'iceluy, & ignoroyent le moyen de la redëption, Mat. 17. vers. 20. 21. 22. 23. En S. Pierre qui ignoroit la vocatiō des Gentils, pour le moins n'en auoit qu'une cognoissance bien obscure, Actes 10. J'ay desia parlé de l'Eglise de Corinthe, entachee de beaucoup d'erreurs, & neantmoins elle est appelée Eglise de Dieu, Eglise des sanctifiez & appelez, 1. Cor. 1. vers. 2. 3. Le mesme faut-il dire de celle des Galatiens, lesquels mettoyent vne partie de leur iustice & salut, en l'observation des ceremonies & obeissance de la Loy, par les œuvres, Gal. 3. vers. 1.

& toutesfois ils sont appellez Eglise, Gal. x. vers. 2.3. Il est parlé aux Actes chap. 19. de douze Ephesiens disciples, .c'est à dire, fideles, qui ignoroient mesme s'il y auoit vn saint-Esprit. Bref, S. Paul escriuant aux Philippiens ne rejette point comme infideles, ceux qui erroÿent en l'abolition de la Loy; exhortant les Philippiens de n'esnouÿr troubles & schismes entr'eux: ains attendre qu'il pleust à Dieu leur faire cognoistre & manifester la verité de la doctrine, en laquelle ils se troÿoyent. Mais l'Eglise, dit Spode, ne s'allie iamais avec autre qu'avec son espoux, & ne se souille iamais dans les adulteres. Il faut donc mettre difference entre fautes, qui sont adulteres & paillardises spirituelles, & qui rompent le mariage sacré, qui est entre Iesus Christ & son espouse: où les erreurs & fausses doctrines, qui renuersent & arrachent les poincts principaux & fondamentaux de la foy, & les pechez qui sont moindres, & opinions erronees, qui ne passent si auant. Nous disons donc, que l'Eglise se foruoÿe souuent, demeurant mesme Eglise & vraye Eglise de Iesus Christ en ces fautes dernieres: & quant à la premiere sorte d'icelles que ceste assemblee qui y tombe, desiste & cesse de fait d'estre vraye Eglise pour son regard, esquels abysses nous disons que l'Eglise visible & ministeriale, qu'on considere es charges & fonctions publiques, es successiōs personnelles & locales, peut tomber: & neantmoins retiendra encore le nom de Christ, duquel elle fera parade, & à raison dequoy se vantera d'estre l'Eglise. La pratique y est en l'Eglise Romaine, non-

obstant qu'elle retienne quelques marques visibles d'Eglise. Or pour ceste Eglise qui est composee des seuls & vrais fideles, nous asserinons, qu'elle n'est sujette à telles cheutes & fautes, car les dons & la vocation de Dieu sont sans repentance, Rom. 11. & Iesus Christ prie pour la foy de ses esleus, à fin qu'elle ne defaille, Luc 22. Dieu aussi se reserve tousiours quelques-vns, qui ne sont emportez si auant que les autres, par la communẽ corruptions. Or c'est encore vn tesmoignage de la faueur de Dieu, quãd l'effect de la promesse faite à son Eglise, n'est du tout empesché pour la desloyauté & infidelité des hommes, ains qu'en faueur de ses enfans, en quelques endroits, il laisse quelque estincelle & lampe du ministere: ce qui se void encore souz la tyrannie de l'Antechrist: dequoy neantmoins les hommes & successeurs de nom, (sans presque auoir autre chose) de la vraye Eglise, esloyent indignes: car Dieu ne promet son Esprit & continuation de ceste grace, à sçauoir, que ses paroles ne se departiront point de la bouche de nostre semence, & que la Loy ne perira point du Sacrificateur, ny le conseil du Sage, ny la parole du Prophete, que moyennât deux conditions qui n'ont esté gardees par l'Eglise, qui s'est dite tousiours Catholique & Chrestienne. La premiere, que nous soyõs assemblez en son nom, Matth. 18. c'est à dire, que la gloire de Dieu & de Iesus Christ soit le but & fin de nos assemblees, exhortations & presches, Matth. 6. vers. 33. Iean 5. vers. 30. Iean 4. vers. 32. 34. Iean 5. vers. 44. Iean 12. vers. 42. 43. 1. Corinth. 3. vers. 11. 1. Corin. 10.

vers. 31.1. Corinth.14.vers.12.26.2. Cor.2.vers. 17.& 4.verset 2. & 5. vers. 2. & 5. verset 19. 20. 1. Thessal.2.vers.3.4.5. La seconde, que nous suivions la clarté qui reluit en la Loy & és saintes Escritures. A ces fins disoit Iesus Christ, le 4.10. Mes brebis oyét ma voix & la suivét, & Esaie crie, ch. 8. v.15. Lie le tesmoignage, signe la loy entre mes disciples. Et pl<sup>r</sup> bas v.20. à la loy & au tesmoignage: que s'ils ne disent suiviat ceste parole, la lumiere du matin ne se leuera point sur eux, 2. Pier. 1. vers. 19. 2. Tim. 3. vers. 16. Parquoy ceux qui pressent ces promesses deuroient se souuenir, qu'ils sont semblables à ceux dont parle Ierem. 18.vers. 18.& cha. 7. disans le Temple, le Temple, qu'ils auoyent conuertit en caverne de brigans, estant neantmoins la maison d'oraison. Mais qu'adiouste Sponde ? que l'Eglise est sainte en son tout: non pas que tous ceux qui en sont les membres visibles, soyent saints, mais tant par ce qu'elle a les saints avec soy, qui se sont vouez & consacrez à Dieu, & le nom se donne, & le tout est honoré de ses parties les plus honorables: que d'autant que son chef Iesus Christ est le saint des saints, & qu'aussi ce dont il est composé, ou pour mieux dire, la forme est sainte, à sçauoir, le Baptême, la profession Chrestienne de la foy, l'vniõ des membres entr'eux & avec leur chef, au moins exterieure, & en ce qui concerne la religion. Il infere de ces choses, que ceste Eglise ne peut faillir en la doctrine, la sainteté de laquelle se trouuera en icelle, prononcée par la bouche de ceux qui l'enseignent. Nous disons, que l'Eglise est sainte, i'enten mesme la compagnie des vrais fideles, non

pas tant à cause de quelque sainteté inherente en eux, laquelle est imparfaite, quelques aduâcemens qu'ils puissent auoir faits en l'estude de la pieté, Philip. 3. vers. 11. 12. 13. qu'à raison de la iustice & sainteté de Iesus Christ qui leur est imputee, Phil. 3. vers. 9. Et pourquoy diroit ceste Eglise tous les iours. Je croy la remission des pechez? laquelle aussi elle a appris de son espoux de demander tous les iours à Dieu, si elle estoit en tout & par tout sainte, & qu'elle ne tombast iamais en des fautes, & de doctrine & de vie? neantmoins nous recognoissons ceste Eglise sainte, non pas celle simplement qui a le Baptême, mais qui a la pureté du Baptême: ny celle qui a simplement la profession de foy & de doctrine, mais qui a la vraye foy & la doctrine Apostolique, cōtenue és Escritures, à laquelle elle se submet & y obeit, sans s'en destourner ny à dextre ny à gauche. En ceste-là, disons-nous, qu'où trouuera la sainteté de doctrine, si ce n'est en toute perfectiō, pour le moins iusqu'à estre conduits au Royaume des cieux. Le dernier choc que donne Sponde sur ce subiect, & en ceste matiere, est cestui-ci pag. 146. Que si l'Eglise à fini, si l'Eglise s'est perdue, qui est la fidele gardienne de la verité: si l'Eglise s'est toute abastardie & corrompue, la verité se sera aussi perdue, Dieu aussi aura mal gardé ceste gardienne, qui n'estoit qu'en sa garde. Bref, ceste gardienne n'aura guere esté fidele, de s'estre laissée perdre ceste verité, ou pour le moins soubstraire d'entre ses mains: bref, il faudra aussi confesser, que la verité aura prins fin, pour le moins en la cognoissance des hommes. Ce n'est point de merueille si Sponde s'es-

blouit luy-mesme les yeux: car il presuppõe beaucoup de choses fausses, à sçauoir, que nous disons l'Eglise auoir fini, l'Eglise s'estre perduë, mais il seroit en peine de le prouuer: bien disons-nous, que l'Eglise visible sous l'Antechrist s'est corrompuë, abastardie, conuertie en Eglise d'idolâtres & Papistique. Ses consequences sont aussi mal liees, que ses premisses & propositions se trouuent fausses: car encore que l'Eglise finist, & se perdist, c'est à dire, la predication de la parole & ministere publique, duquel nous parlons à present, la verité pourtant ne s'esuanoüiroit: car ce n'est qu'un moyen duquel Dieu se sert pour enseigner. Il y a les Anges, lesquels il employe pour instruire, il y a le ministere particulier de quelque petite reste de fideles, suiuant la promesse qu'on fait faire aux peres & parrins au Baptisme: somme aussi, il y a d'autres façons, par lesquelles Dieu se manifeste, & fait cognoistre sa verité, cõme la lecture des Escritures, qui contiennent la vraye & pure doctrine. Ce qu'il dit de Dieu, est trop hardi: car cẽ n'est la faute de bien garder en Dieu, que la verité s'est retiree des hõmes: mais vn sien iuste iugement, duquel parle saint Paul, 2. Thess. 2. le reste qu'il dit est vray, que l'Eglise a fait pauvre garde, n'a veillé comme il falloit, n'a distingué les loups, vestus en habits de brebis, d'avec les bons pasteurs: ne s'est donnee garde du leuain des Pharisiẽs, n'a esprouuë les esprits. Les pasteurs aussi, qui estoient les guettes, se sont rendus negligens, ont mis en leur place des idoles muettes, se sont seruis de mercenaires, n'ont point souuent repeu leur troupeau de bõne pasture. Les troupeaux



aussi ont voulu auoir des pasteurs selon leur desir, en ont choisi & appellé d'ignorans, ou mal sentans en la foy. L'ambition & l'auarice en a fait errer plusieurs: & voila comment le chemin s'est preparé au diable & à son Antechrist, pour semer l'yuroye (le pere de famille dormant, Matth. 13.) & parfaire le mystere de long temps commencé. Ces choses bien remarquées, c'est en vain que Sponde fait mention de l'estroite conionction de Iesus Christ & de son Eglise, comme s'il estoit question de ceste conionction de foy, qui est indissoluble, & non plustost d'un lien de profession de Chrestienté, & succession que les hommes rompent aisément par leurs apostasies & idolatries, & donnent occasion au Seigneur de diuorcier avec eux: dequoy il faut voir Osee chap. 1. & 2. Rom. 10. & 11. 1. Tim. 4. 2. Pier. 2. Si les pasteurs, adiousté Sponde, qui sont les principaux membres de l'Eglise, viennent à de-faillir, comment peut subsister la verité parmy les hommes? nous l'auons declaré cy deuant, & encore disons-nous, qu'au Papisme, Dieu a suscité de temps en tēps quelques pasteurs & docteurs, pour s'opposer au mensonge, & maintenir la verité. Or ie m'estōne qu'il ose parler de la Metēpsychose & trāsport d'ames de Pythagoras: car qui fauorise plus à ceste refuerie, que ceux qui veulent que la verité & S. Esprit se communique & passe d'un homme en autre, ou par generation, ou par onction de ie ne scay quelle huile, & respiration, & soufflement, ou infusion d'haleine sur celuy qui se presentera, & qu'il plaira à monsieur le mitré. Nous accordons que Dieu a fait son alliance perpetuelle non seule-

ment avec les Peres, mais aussi avec les enfans en leurs generations: car Dieu veut estre Dieu des peres & de leur semence apres eux, Genes. 17. vers. 7. Act. 2. vers. 39. dont Dieu declare aussi, qu'il veut que sa misericorde salutaire s'estende sur mille generations, voire de generation en generation, ainsi qu'il est declaré en l'Exode 20. chap. vers. 6. & en S. Luc chap. 1. vers. 49. mais ceste promesse a double condition: l'une, que les enfans ne degenerent de la foy & saincteté des peres fideles, & soyent heritiers de leurs vertus en craignant Dieu, l'aimant & servant, car *actus actiuorum, sunt in subiecto disposito*. Combien qu'il faut noter que, *eius est materiam preparare, cuius est formam inducere*. L'autre, que quand les enfans receus en l'alliance seront ingrats des benefices de Dieu, & se destournans de luy, ne chemineront point en sa Loy, ains marcheront à l'estourdie avec le Seigneur, il vengera leurs fautes & reuoltes, non seulement de peines corporelles, Deut. 27. Psal. 89. Psal. 130. mais aussi en retirant sa grace d'eux, les liurera à la dureté de leurs cœurs, & donnant efficace d'erreur au diable, permettra qu'ils soyent seduits, 2. Thess. 2. Exode 20. verset 6. Psalm. 81. Nous deuons adiouster encore ceste troisieme condition: & ce, si, que tant les promesses faites aux enfans à l'occasion des peres, que les menaces qui passent des peres aux enfans, & à la posterité, ne lient Dieu, qu'en ses iugemens & en son courroux, il ne se souuienne de sa misericorde, & ne se declare constant & veritable en l'effect de son pacte & accord iuré aux peres, nonobstant l'infidelité des enfans: qui fait qu'il a tousiours quel-

que semence: & n'est ny ne sera iamais sans Eglise, c'est à dire, sans quelque nombre de vrais fideles, qui le serviront ici bas, lesquels il poursuit de son amour & bien-vueillance gratuite. Ses promesses aussi generales ne derogent nullement à son election particuliere, selon laquelle il fut dit à Rebecca qui portoit deux iumeaux en son ventre, d'Isaac, le plus grand servira au moindre. Et depuis le Prophete Malachie, exposant cest oracle, introduit Dieu parlant: J'ay aimé Iacob, & ay haï Esau, Malachie 1. vers. 1. Rom. 9. Genese 25. J'espere que cecy suffira à ceux qui voudrôt se payer de raison: nonobstant laquelle nostre Apostat insiste, que le corps visible de l'Eglise est necessairement perpetuel. Quoy pourtant? accordons-luy pour ceste heure, donques ce corps est la sinagogue Papistique & Romaine. Ouy, dit-il, car à ce corps qui a commencé dès le temps des Apostres, les siecles ensuiuans ont contribué des membres visibles sans interualle, sans aucun vuide, sans entre-deux quelcōque: mais tout cela n'est que repasser le filet par l'aiguille, & dire cent mille fois vne mesme chose: car no<sup>s</sup> cerchōs de vrāis mēbres de ce corps, dressé par les Apostres, qui ayent cōserué la pureté de doctrine à eux laissée, n'ayēt rien alteré au seruice de Dieu, ne se soyent point departis du chef qui est Iesus Christ. Or le cōtraire apparōist en ceux de l'Eglise Romaine, encore qu'ils ayent gardé & gardēt quelque vnitē externe entr'eux, & avec leur portenseigne qu'ils ont esleué, qui est l'Antechrist. Non fait, dit Sponde, car ce corps indiuisible en la suite des temps, a tousiours senti de coups de di-

uision en ses membres, & n'a pas moins subsisté  
 pour tout cela. Tous les siècles esquels l'Eglise a  
 manifestement esté sans aucune interruption, ont  
 veu des ennemis qui ont abbayé apres ce rocher  
 immobile. Ceste preuue est fort infirme, pour  
 monstrier la saincteté de ce corps, car si la duree &  
 immobilité pour vn long temps, n'en est pas vne  
 marque essentielle, comme il a esté iustificié cy de-  
 uant, moins encore la contradiçtiō, ou separation  
 de quelques vns. Toute vnion n'est pas louable,  
 qui à proprement parler n'estant pas telle, à sca-  
 uoir, digne de louange, est plustost coniuration &  
 conspiration contre Dieu, *Melior est talis pugna*, a  
 dit Nazianzene en son Apologetique, *que Deo,*  
*proximum facit, quam pax illa, quae separat à Deo.* Ce  
 combat qui nous fait approcher de Dieu, est beau-  
 coup meilleur, que ceste paix qui nous en esloigne.  
 Et ce mesme Nazianzene *εἰς τὸν κρείττον ἐμπαδόν*  
*ὁ μισθός, ὃν ἔσται ἐν οὐρανοῖς διὰ τὴν μάχην.* Il resulte dōc que tou-  
 te separation & dissentemēt n'est pas à blasmer. Ie-  
 sus Christ & sa doctrine est bien le signal & la bute  
 à laquelle tout le monde se doit opposer & contre-  
 dire, S. Luc chap. 2. L'Eglise aussi est subiecte aux  
 persecutiōs: Vous aurez, dit Iesus Christ, affliction  
 au monde, Iean. 16. Tous ceux qui veulent viure en  
 la crainte de Dieu en Iesus Christ, souffriront per-  
 secution. Mais il ne s'ensuit, que quelqu'un soit à  
 ceste cause plus iuste, d'autant qu'il endure perse-  
 cution: combien que souuent les plus gens de bien  
 soyent traittez en ceste façon-là. *Non est consequēs,*  
*ut ideo sit quisque iustior, quia persecutionem patitur,*  
*quamuis id plerumque iustiori cōtingat.* *August. epist.*

163. Quelle difference donques? il faut venir à la cause qui fait le martyr, & non le supplice, dit Tertullian. La paillarde assise sur les sept montagnes, a persecuté les enfans de Dieu, les a meurtris, & s'est toute teinte de rouge du sang d'iceux qu'elle a espendu. Pourquoi? pource qu'ils maintenoient la gloire de Iesus Christ, qu'ils recognoissoient pour leur seul Sauueur. Il y a eu aussi de tout temps de gens de biẽ, qui se sont opposez aux fausses doctrines controuuées par les hommes, se sont separez des idolatries, dont le monde estoit rempli, ont detesté la tyrannie, violence, excès & luxe de l'Antechrist Romain, & ceux-ci à bon droit par leur doctrine, par leur vie, par leurs actions, par leurs souffrances, par leurs tesmoignages & par leur sang, se sont opposez au mēlōge, & ont cōbatu & expugné le Diable, dont ils attēdēt la pleine & parfaite couronne, la-quelle leur sera renduë en ceste iourne-là, 1. Tim. 4. Mais en tout ceci Spōde s'esgare du principal que nous traittons, à sçauoir, si l'Eglise peut errer en la doctrine: ce qui est défini par S. August. au liu. de la vraye religion chap. 30. *Mens humana mutabilitatem pati potest erroris, unde satis apparet supra mentem nostram esse legem, qua veritas dicitur.* Et au chap. 31. *Spiritualis homo iudicat omnia ipse autem à nemine indicatur: id est, à nullo homine, 1. Cor. 2. sed à sola ipsa lege, secundum quam iudicat omnia, quoniam & illud verissimè dictum est, oportet nos exhiberi ante tribunal Christi, Rom. 14. omnia ergo iudicat, quia super omnia est, quando cum Deo est: cum illò autem est, quando purissimè intelligit, & tota charitate, quod intelligit diligit, ita etiam quantum potest lex ipsa, etiam ipse*

*ipse fit secundum quam iudicat omnia, & de qua iudicare nullus potest.* Il dit en ces passages deux choses, l'une que l'esprit de l'homme peut tomber & se destourner, par vn mauuais changement de verité en mensonge: l'autre, que le remede à ce mal est, de suyure la Loy de Dieu, qui est par dessus nostre esprit, estant la verité mesme. L'homme, dit-il, spirituel iuge toutes choses, mais il n'est iugé de personne, c'est à dire de nul hōme, mais de ceste seule loy selon laquelle il iuge toutes choses: il est par dessus tout, quand il est avec Dieu, c'est lors qu'il est avec iceluy, qnād il entēd trespurement & aine de toute affection ce qu'il entend, donc il est luy-mesme fait loy. Si les Eglises visibles estoient composees & regies de ces seuls hōmes dont parle S. Augustin, qui eussent tousiours la Loy & doctrine celeste deuant leurs yeux, laquelle seule les conduisist & fust leur superieur & docteur, elles seroyent hors de danger d'erreur, & cheute mortelle: mais il est impossible de trouuer de tels hommes, encore bien qu'ils ayent la charité: car ce corps qui se corrompt & aggrauē l'ame, fait qu'ils voyent & entendent moins clairement, & sentent autrement qu'il ne faudroit: ce que ie ne di de moy-mesme, ains apres & suiuant pas à pas en ce poinct les traces du susdit Autheur, au liure 6. du Baptisme contre les Donatistes chap. 1. *homo spiritualis habens finem precepti, id est, charitatem de corde puro, & conscientia bona, & fide non ficta, potest aliquid ex corpore, quod adhuc corrumpitur & aggrauat animam, minus liquide cernere & aliter sapere, quod in eadem charitate permanēti, Deus quūm voluerit, reuelabit.* Toutesfois ce



n'estoit pas encore ce que nous cerchions, ains comme il a esté dit auparauant, si l'estat, le seruice de Dieu, la doctrine, les Sacreimens, la discipline & mœurs de l'Eglise se peuuent tellement corrompre & abastardir, qu'en fin non tout d'un coup & promptement, mais avec un long traict de temps & par degrez, allât tousiours de mal en pis, il vienne presque à se perdre, & l'Eglise se rende si difforme & de telle façon qu'il n'y reste que le nom, & quelques traces d'Eglise. Nous auons desia dit ce qui estoit aduenü à l'Eglise du temps de Basile, & on peut lire ses plaintes en l'epistre 61. Qu'on lise aussi celles de saint Bernard au serm. 34. sur les Cantiques.

*Serpit hodie putida tabes per omne corpus Ecclesia, & quò latinus, cò desperatius, còque periculosius, quò interiorius: nam si insurgeret apertus inimicus, mitteretur foras & arefceret; si violentus inimicus, absconderet se forsitan ab eo. Nunc verò quem eijciat, aut à quo abscondet, omnes amici & omnes inimici ministri Christi sunt, & seruiunt Antichristo. Inde is, quem quotidie vides, metreticius nitor, histrionicus habitus, regius apparatus. Inde aurum in franis, inde splendida mensa, inde redundantia torcularia & pròptuaria plena, inde dolia pigmentaria, referta marsupia. pro huiusmodi volunt esse, & sunt Ecclesiarum prepositi, decani, Archidiaconi, Episcopi, Archiepiscopi. Je scay q̃ ce nouuel aduocat repliquera, que S. Bernard se prèd aux mœurs: mais si ne scauroit-il par ses subtilitez tellement eluder ce passage, qu'il ne còste tousiours que la discipline de l'Eglise n'auoit nulle force: car puis q̃ la corruptiõ estoit si generale, qu'elle auoit saisi tout le corps, & toutes les parties interieures, c'est à dire, tous les principaux*



mēbres qui auoyēt charge en icelle, il faut dire que la discipline estoit du tout descheuē. Oū les canons Apostoliques faits specialemēt pour les prelatz, Euesques, Diacres, & autres, sont violez impunément & generalemēt: quel ordre S. y peut-on remarquer? mais est-il possible, que s'il n'y auoit que les mœurs deprauēz, que ceux desquels parle S. Bernard, fussent pires, comme il dit, que les heretiques ouuerts & les ennemis violens, qui l'esmeut à les appeller Ministres de l'Antechrist? que reprend-il? non seulement le luxe és habits, tables, liēts, cheuaux, qui estoient és maisons & familles particulieres de ceux qu'il nomme Archeuesques, Euesques: mais aussi ceste pompe qui auoit esté introduite dans les temples, és autels, és parois, és personnes des Ministres seruans, qu'il appelle beauté de paillardie, & paremens de bastleurs. Ce personnage reprēd-il seulement vne auarice secreta & intention mauuaise d'estre Prelat, Doyen, Euesque, pour le gain? c'est à Dieu seul à cognoistre les cœurs & affectiōs. n'est-ce pas plustost vne profession quuerte & de bouche & par effect, de n'aspirer à ces charges, non qu'il ne faille les exercer & seruir à Dieu & à l'Eglise: le defaut de volōté estant accōpagné de defaut des graces requises, mais pour aller braues, faire bōne chere & auoir la table bien couuerte, iōuir des greniers & celiers pleins, & auoir les bourses bien remplies? Chacun considerera maintenant, s'il ne parle de quelque chose de plus que les vices, qui se trouuent és actions particulieres. De ce mesme temps la saincte liberte & autorité de l'Eglise estoit supprimee du tout. car voicy, ce qu'il adioust, faisant par-

1<sup>er</sup> l'Eglise, *Ecce in pace amaritudo mea amarissima, amara prius in necē martyrum, amarior post in conflictu hereticorum, amarissima nūc in moribus domesticorum non fugare, non fugere eos potest, ita inualuerunt & multiplicati sunt super numerum, intestina & insanibilis est plaga Ecclesia.* Ils se sont, dit-il, renforcez & multipliez en tel nombre innombrable, que la pauvre Eglise ne les peut ne fuir, ne chasser: si bien que la playe d'icelle est incurable: parce, qu'elle est intestinale & au dedans. C'est vne partie de l'autorité & liberté de l'Eglise de deposer les Euesques & prestres mal-viuans, mal-sentans en la foy, desfreiglez & indisciplinez: elle ne le pouuoit desia de ce temps, tant à cause du grand nombre de ces garnemens, que pour estre ioustenuz par leur chef, ass. l'Antechrist Romain. Il n'y auoit donc plus d'autorité & liberté. Il declare ceste maladie encore plus expressément, au ferm. premier de la conuersion de saint Paul. *Deus, coniurasse videtur contra te, vniuersitas populi Christiani, à minimo usque ad maximum, à planta pedis usque ad verticem non est sanitas vlla: egressa est iniquitas à senioribus, iudicibus, vicarijs tuis, qui videntur regere populum tuum, heu, heu, Domine Deus! quia ipsi sunt in persecutione tua primi, qui videntur in Ecclesia tua primatum diligere, gerere principatum, arcem Sion occupauerunt, apprehenderunt munitiones & vniuersam deinceps libere & potestatiue tradunt incendio ciuitatem.* Ceux-là sont tyrans, qui se sont saisis de la tour de Sion, ont enuahi ses forteresses & rempars, & puis hardiment sans crainte aucune, & tyranniquement, exposent la cité à feu: n'estoit-ce point contre la liberté de l'Eglise, que de tout le

monde, les ambitieux, les auaricieux, les simoniaques, les paillards, les incestueux, & tous meschans obtiffnent les honneurs de l'Eglise par l'autorité du Pape, ou bien y fussent maintenus en possession? Et c'est neantmoins de quoy le susdict docteur se plaint au 1. & 4. liu. des considerations à Eugene & luy en fait reproche. Au 3. liu. de ce mesme œuvre, il l'accuse encore, d'iniustice & tyrânie. Voici, dit-il, le murmure & la querimonie des Eglises, elles criët qu'elles sont coupees & desmembrees. Qu'on iuge donc sans passion, quelle pouuoit estre la face de l'Eglise du temps de ce bon personnage, qui est cōtraint de dire, que tous les Chrestëis vniuersellement auoyent coniuré contre Iesus Christ, qu'il n'y auoit aucune santé en tout ce corps, depuis le plus grād iusqu'au plus petit; depuis la plante du pied iusqu'au sommet de la teste, & que les principaux & qui deuoyent estre les conducteurs du peuple de Dieu, estoient les premiers à persecuter. Ce qu'il adiouste encore au serm. susdit sur les Cantiq. qui est le 34. n'est-ce pas & contre les bōnes mœurs & cōtre les reigles & discipline des Apostres, & contre l'autorité de l'Eglise? *filijs spreuerunt & maculauerunt me à turpi vita, à turpi quæstus, à turpi commercio, à negotio denique perambulante in tenebris.* Le gain & traffique deshoneste qui se fait en l'Eglise, que est-ce que simonie? soit qu'on y vende les choses sacrees, ou que les charges ecclesiastiques y soyent conferees par argent, ou faueur ouuertement: & quelle plus grande enormité en l'Eglise, que ses ministres, ou qui s'en disent, facēt seulement les affaires de celuy qui chemine en tenebres? Or il ne

parle de quelques vns, mais de tous: & son intention est de nous depeindre vn estat d'Eglise du tout corrompu. Il se plaint aussi de la doctrine en termes couuers, & confesse que l'Antechrist estoit venu, mais non encore manifesté ouuértement: Or où l'Antechrist est, il y a fausse doctrine. Je pourroy' aussi me seruir de ce qu'il a dit, Ils sont Ministres de Christ, & seruent à l'Antechrist: car le principal instrument pour proumouuoir le regne de ce fils d'iniquité, est la fausse doctrine, suyuant le tesmoignage de l'Apostre 2. Thess. 2. mais ceci conclud necessairemēt l'un & l'autre, *Superest ut iam de medio fiat demonium meridianum, ad seducendos si qui in Christo residui sunt adhuc permanentes in simplicitate sua: siquidem absorbuunt fluuios sapientium, & torrentes potentium, & habet fiduciam ut Iordanis influat in os eius, id est, simplices & humiles, qui sunt in Ecclesia.* Il dit, que de son temps, il y auoit fort peu de Chrestiens, & que l'Antechrist auoit deuoré & englouti les sages & les puissans: où il y a seduction, n'y a-il point fausse doctrine? Or le diable meridional estoit tout prest à se manifester pour seduire. Du temps de ce bon personnage, y peut-il y auoir peu de Chrestiens & vrais fideles dans l'Eglise & dans la Chrestienté, sans que la foy, c'est à dire la doctrine ait esté blessée à la mort? que veut dire que les sages sont engloutis comme fleuves, sinon que la sagesse, & vraye sagesse, qui n'est autre chose que la verité du Seigneur, est perie des hommes par les faux enseignemens de l'Antechrist, qu'il a mis en sa place? & au susdict premier sermon de la conuersion de saint Paul, que pour-

roit-il dire plus manifestement contre la corruption de doctrine, & pour monstrier qu'elle estoit tresgrande de son temps, que quand il dit, que les Anciens & les Vicaires de Iesus Christ, & ceux qui font semblant de vouloir conduire le peuple de Dieu, & qui aiment la primauté en l'Eglise, ne nuisent point seulement par leur miserable conuerfation, qui est la subuersion du peuple Chrestien, mais aussi en d'autres façons de telle sorte qu'on ne peut dire d'eux, ce que disoit Iesus Christ des Scribes, qui estoient assis en la chaire de Moyse: Faites ce qu'ils vous diront, mais ne faites point selon leurs œuvres. Il n'y a personne qui puisse ny ensuiure & imiter leurs exemples, ny garder leurs preceptes: ie transferiray icy les propres mots. *Misera eorum conuersatio; plebis tue miserabilis subuersio est: atque utinam sola hac parte nocerent, esset forte qui dominica pramonitus & pramunitus exhortatione daret operam ipsorum non exempla imitari, sed obseruare precepta, iuxta illud, Quæ dicunt, facite, & ad opera eorum nolite respicere: nunc autem dati sunt sacri gradus in occasionem turpis lucri, & questum æstimant pietatem.* Les saints ordres, dit-il, ne sont qu'en occasion de gain deshonneste, & le gain est estimé pieté: que veut dire cela, sinon que de ce temps, ceux qui auoyent charge en l'Eglise, ne se soucioient que de gagner, & non d'enseigner, ou bien d'enseigner & prescher leur gain? Plus bas il adioust, *iniquè agunt & ceteri contra Christum, multique sunt nostris temporibus Antichristi.* Puis que de son temps il y auoit plusieurs Antechrists, & que S. Ieã appelle tels les faux docteurs, qui combatoyent & s'en prenoient aux

natures, personne & offices de Iesus Christ, 1. Iean 2. & 4. vers. 1. S. Bernard veut sans doute, dire le mesme. Parquoy que Sponde s'aille maintenant cacher, ou qu'il confesse franchement, que le corps de l'Eglise, comme il parle, ou pour mieux dire, la face d'icelle visible, a esté desfiguree & l'est encore souz l'Antechrist, en toutes ses parties, & n'est plus ceste vraye Eglise, le corps & Espouse de Iesus Christ. Que si le tesmoignage de ce Docteur semble trop passionné, qu'on lise S. Basile en l'epist. 72. qui parle ainsi en general sur ce sujet, *Re vera difficile est & valde rarum; videre Ecclesiam sinceram, nihil ex temporum difficultate detrimen- ti passam, sed integram & infractam conseruantem Apostolicam doctrinam: qualem vestram ostendit in presentibus temporibus, is qui in singulis nationibus ac generationibus sua vocatione dignos ostendere solet: C'est vne chose, dit-il, certainement fort difficile & tres-que-rate, de voir vne Eglise saine & sans corruption, qui n'a receu aucun dommage par la difficulté du temps, alns conserue la doctrine Apostolique pure & parfaite. Or celui qui en chasque peuple & en tous aages a accoustumé de mon- strer & faire voir ceux qui sont dignes de sa vocation, declare aussi que vostre Eglise (il parle aux Euaisenois) est telle au temps présent. Theophi- lacte sur le 4. chap. de l'Epist. aux Philip. s'escrie, *Nunc heu! quam nos longè aliter gerimus, eoque & à pristina illa & optima sumus Ecclesia alieni*: Helas! combien maintenant nous sommes esloignez de ce qui estoit receu & pratiqué du temps de saint Paul! & pour ceste raison sommes-nous aussi*

bien differens de ceste anciēne & tref-parfaite Eglise. Gregoire aussi liure 19. de ses Morales sur Iob ch.9. nous enseigne, que l'aage de la sainte Eglise est descrit, comme l'aage d'un chacū homme: veu qu'elle estoit lors petite fille, quand naissant recētemēt elle ne pouuoit prescher la parole de vie. Or elle est dite adolescente, quand coniointe & accouplée à la parole de Dieu, & remplie du S. Esprit, elle est renduē fertile en la conception des enfans, par le mystere de la predication: & t'est alors qu'elle est affoiblie & debilitée comme de quelque vieillesse, quand elle ne peut enfanter par la parole. Quiconque remarquera ce propos, verra aisément, que l'Eglise visible & militante, se deteriore par succession de temps, en son estat, conduite, doctrine, & autres telles choses, non moins qu'un homme, qui d'adolescent, ieune & fort, deuiet ancien, cassé & maladif. Parquoy nous disons, ainsi que nous l'auons déclaré auparauant, l'Eglise deuoit estre cherchée & reconnuē estre vraye Eglise par la predication & doctrine, suiuant le tesmoignage des susdits Basile & Gregoire, comme par la marque la plus principale qui soit. L'enten ceste predication & ceste doctrine, qui n'est que la parole de Dieu, dont le suiet premier & fondamental est Iesus Christ, & ce qui la contient sont les escrits des Prophetes, & Apostres, lesquels pour conclusion, quiconque suiura, n'errera iamais.



## CHAP. V.

*Des ordres de l'Eglise, & charges en icelle, & vocation ou election pour y paruenir.*

**L**E nous faut commencer ce chapitre par la negatiue d'une vilaine & impudente calomnie, dont Sponde charge l'Eglise reformee, à sçauoir, qu'elle confond les ordres de l'Eglise, comme les Pepuziens & Marcionites. Mais outre qu'il sçait en son ame du contraire; veu que tous les fideles ne sont pas Pasteurs, Docteurs, Anciens. ou Prestres ny Diacres: & combien que ceux-là ne soyent pas distinguez par marques externes qu'ils portent, ou en leur poil, à la façon des rasez, ou en leurs habits: toutesfois l'exercice de leur charge qui est le principal, & le lieu où ils sont assis és assemblees publiques & Ecclesiastiques, les distinguent assez: outre, di-ie, la calomnie qui est euidente, il declare son ignorance, se voulant mesler de parler des Pepuziens & Marcionites, qui ne confondoyent point les ordres Ecclesiastiques, mais bien les sexes, entant qu'en eux estoit, receuans au ministere Ecclesiastique, contre le commandemēt. exprez de Dieu, 1. Tim. 2. vers. 12. 1. Cor. 14. vers. 34. les femmes pour estre Prestresses & Eueschesses, enseignans & administrans les Sacremens, August. chap. 27. de hæresibus. Or qui a veu iamais en nos Eglises les femmes exercer les offices, non pas mesmes de Diaconesses, pour seruir & auoir soin des pauures? quoy qu'il soit permis par la parole de Dieu, 1.

1. Tim. 5. Que si quelqu'un repliche, que nous leur accordons, de chanter en l'assemblée de l'Eglise : nous respondons, que le saint Esprit leur permet aussi, de prier & chanter les louanges de Dieu, avec le reste de la multitude, 1. Cor. 11. vers. 13. Ephes. 5. vers. 19. Et aussi du temps de saint Basile, ceste coustume estoit receüe, que le peuple récitast & châtast les Pseaumes és assemblees sacrees & Ecclesiastiques. Le peuple n'est point composé des seuls hommes, mais aussi des femmes. Il dit donc en l'epist. 63. adressée aux clerics de Neocesaree, racontant ce qui se faisoit: *Omnes surgentes ab orationibus, ad psalmodiam perveniunt.* Et plus bas, *uni permittentes auspicari tantum, reliqui subsonant.* Il auoit dit auparauant, *Nos optamus & virorum & mulierum congregationes habere, quorum os non loquitur opera hominum, sed psallunt hymnum Deo nostro.* Si on repliche, qu'elles lisent les Escritures; nous disons qu'oui, en priué & en leurs maisons: & ne se trouuera que Dieu leur ait iamais interdit, ou que l'Eglise primitive & ancienne ait exercé telle tyrannie de conscience sur elles, que de leur defendre la lecture de tels & si saints liures. S. Hierosime escriuant à Paule, & la consolant sur le trespas de Blesille, louë ceste fille, de ce qu'elle portoit tousiours avec soy les Pseaumes en Hebreu. Vos propres Docteurs enseignent, selon leur hardiesse & temerité accoustumée à deuiner les choses incertaines, que la Vierge Marie lisoit le Prophete Esaie lors que l'Ange vint à elle. Cyrille liu. 6 fueil. 215. *contra Iulianum*, recite que ce meschant Empereur reprochoit aux

Chresttiens, que toutes les fēmes entr'eux estoÿent appellees à la doctrine. Quelle louāge dōne Nazianzēne à sa sœur Gorgoniā, en l'oraison funebre qu'il lui a faite ? *Ἰς μᾶλλον τοῖς θείοις λόγοις ἀνέωξε θυράς; ἴς μὲρ ἐγνωτὰ ὅτι θεῶ μᾶλλον ἐκτε τῶν θείων λόγων καὶ τῆς οἰκείας συνέσεως;* ? qui ouuroit mieux la porte à l'ouïe de la parole de Dieu, qu'elle ? Qui cognoissoit mieux les mysteres celestes prins des oracles diuins, dont elle auoit intelligence, qu'elle ? Mais ne rougist-on point de nous faire tels reproches ? ie vous prie, qui sont ceux qui ressemblent plus les Pepuziēs en cest endroit, que vous faites ? Vos Nonains n'ont-elles pas leurs temples, où elles president, & tiēnent le haut bout ? ne font-elles point le mesme seruice que vos moines, horsmis ie ne sçay quoy de vostre Messe ? n'y a-il point de nouices & professes ? si des hommes vont à leurs Vespres ou Matines, se tairont-elles pourtant ? ne tiendront-elles point seules le caquet ? & qu'est-cela, qu'estre Pepuzien ou Marcionite ? parquoi laissans ces mensonges, voyons si Sponde parle avec plus de simplicité, verité & rondeur ailleurs, qu'en ceste page 49. en la page 150. En l'estat exterieur, dit-il, qui a esté durant les 500. premieres anneés de l'Eglise Chresttienne, ie ne voy que des Primats, des Archeuesques, des Euesques, des Prestres, des Archidiares, des Diares, des Sousdiares, des Acolytes, des Exorcistes, des Lecteurs, des Chantres, des Portiers. Or loué soit le Seigneur, que par le diré & confession de Sponde, durāt ces anneés & temps qu'il cite en la marge, il n'y void point de Pape, ou

Euesque des Euesques. Et ie croy aussi que s'il eust bien chauffé ses lunettes de droit, qu'au commencement de ces cinq cens anneés, & bien auant, il n'y eust point apperceu des Primats, des Archeuesques, des Archidiaques. Et c'est merueille qu'il omette les Archiprestres. mais ceux qui sont louches, pour vn soleil qu'il y a, il leur sêble qu'ils en voyent deux. Au nouueau Testament n'est faite mention de ces charges-là, ny n'ont esté introduites de long temps après en l'Eglise: non pas mesme la distinction de Prestre, trauaillant en la parole de Dieu & d'Euesque: car Euesque, Prestre, Pasteur & Ministre, sont termes confondus en l'Escripture; 1. Tim. 3. vers. 2. & 5. vers. 17. Tit. 1. vers. 5. 7. 8. 9. Actes 20. vers. 17. 28. 1. Pier. 5. vers. 1. 2. 4. 1. Corinth. 3. vers. 5. & 4. vers. 1. Que dit-on là dessus? que les premiers Peres ont esté bien aueuglez, de n'auoir point veu ce meslinge: ce n'est point meslinge; c'est à parler proprement, synonymie, & diuersité de noms, signifiâns vne mesme chose, & n'a esté ignoré par les premiers Peres: ce que Sponde scauroit, s'il les auoit aussi bien leus qu'il faut, & si attentiuemēt & avec tel iugement qu'il veut sêber estre seul amateur de l'antiquité, & zelateur des Peres. Qu'il lise S. Hierosime, sur le premier chap. de S. Paul à Tite, & l'Epistre dudit S. Hierosime à Euagrius Prestre, & il verra que l'âcien, qui trauaille en la parole, est le mesme en l'intention & sens de saint Paul, que l'Euesque: & qu'au commencement, & deuant que par l'instinct du diable les schisines fûsēt en la religion, les Eglises estoient conduites par le commun

conseil des Ministres : toutesfois que pour aller au deuant des diuisions, il fust arresté, qu'en chasque lieu où il y a multitude de Pasteurs, on en choisiroit vn qui seroit sur les autres, & qui auroit tout le soin de la conduite de l'Eglise: dont il conclud, qu'il faut que les Euesques recognoissent, que s'ils sont plus grands que les Anciens, c'est plustost par coustume, que par verité d'institution du Seigneur, & qu'ils doiuent par ensemble, avec les autres leurs compagnons, conduire l'Eglise. Voici les propres mots de Maximus, sur le 1. ch. de la hierarchie celeste de Denis, & sur ce mot ὁ πρεσβύτερος, σημείωσαι, ὡς τὸ τῶν πρεσβυτέρων ὄνομα καὶ τὸν ἐπίσκοπον δηλοῖ, ἐπειδὴ πρεσβύτερος ἐστὶ καὶ ὁ ἐπίσκοπος: καὶ τὸτο δηλοῦται καὶ ἐν ταῖς ἐράξεσιν τῶν ἀγίων ἀποστόλων ἐνταῦθα ἐν Ἀσίᾳ συνίσταται ταῖς ἐκκλησίαις αὐτῆς ὁ ἄρχιεπίσκοπος παῶλ: c'est à dire, il est enseigné que le nom de Prestre, signifie & declare celui qui est Euesque, puis que l'Euesque est aussi Prestre ou ancien. Et Chrysostome serm. 11. sur la premiere epistre à Timothée chap. 3. parle ainsi: *Paulus iterum omisso Presbyterorum ordine, ad Diaconos trāsyt, cur id, quæso? quia scilicet inter Episcopum & Presbyterum interest ferme nihil. quippe & Presbyteris Ecclesie cura permissa est: & quæ de Episcopis dixit, ea etiam Presbyteris congruunt. sola quippe ordinatione superiores illi sunt, atque hoc tantum plus habet, quàm presbyteri habere videntur.* Mais, dit Spode, les Primats & les Archeuesques, qu'ont-ils fait pour estre degradez? Je respon, veu que ces Primautez n'ont autre fondement que les ordonnances des hommes, & qu'elles ont engédré la Papauté & tyran-

nie en l'Eglise, dont puis apres est venuë la corruption de la saine doctrine, & aneantissement de la discipline: dequoy S. Bernard se plaint à Eugene au 4. liure des considerations, & luy reproche, qu'il coupoit & desmëbroit les Eglises, en soustrayant les brebis de leurs Euesques, & qu'il y a d'autres & plus propres remedes contre les schismes: c'est bien fait de degrader ces degrez, & remettre les choses, en ce aussi qui concerne la façon de gouverner l'Eglise, selon l'ordonnance & institution du Seigneur, laquelle seule estoit suivie du temps de S. Cyprian, ancien Docteur: & se peut recueillir du 4. liure de ses epistres, en l'epistre 9. *ad Florentium*, où il escrit ainsi: Les Chrestiens, dit-il, sont l'Eglise, & le peuple conjoint à son ministre, & le troupeau qui adhere à son Pasteur: dont tu dois sçauoir, que l'Euesque est en l'Eglise, & l'Eglise en l'Euesque: & si quelques-uns ne se tiennent point avec leur Pasteur, ceux-là ne sont point en l'Eglise, & en vain ceux-là se flattent, qui n'ayans point de paix avec les Ministres de Dieu, croient qu'ils ont communion avec l'Eglise, s'estans glissez & ayans esté receus en cachette par quelques-uns: veu que l'Eglise qui n'est qu'une, à sçauoir, celle qui est vniuerselle, n'est point deschiree & diuisee, ains est certainement adjoustee & liee ensemble, par le glu des Ministres du Seigneur, qui se tiennent & sont conjointés mutuellement l'un à l'autre. Sponde a recours aux Conciles & à l'antiquité. Combien de Conciles, dit-il, & par combien d'aages ont-ils maintenu les prerogatiues, que Calvin leur arra-

che d'un seul trait de plume? Nous auons entendu que S. Hierosime ne parle de ces dignitez, comme d'une chose venante de l'institution des Apostres, & par-ainſi qu'elle n'est fort ancienne, pour le moins l'ordre & regime Aristocratique precede de beaucoup, & la pratique en estoit encore du temps de S. Cyprian: car il parle ainſi au Concile tenu à Carthage, *Superest ut de hac ipsa re quid singuli sentiamus, proferamus: neque enim quisquam nostrum Episcopum se esse Episcoporum constituit, aut tyrannico terrore, ad obsequendi necessitate collegas suos adigit, quando habeat omnis Episcopus pro licentia libertatis & potestatis sue arbitrium proprium, itaquam iudicari ab alio non possit, quum nec ipse possit alterum iudicare.* Vostre Maistre des Sentences au liure. 4. dist. 24. chap. 8. parle ainſi, *Apud veteres idem Episcopi & presbyteri fuerunt, quia illud est nomen dignitatis, non etatis.* Et plus bas il conclud ainſi: *Ecce de septem Ecclesia gradibus breuiter eloquuti, quumque omnes spirituales sint & sacri excellenter, tamen canones duos tantum sacros ordines appellari censent, Diaconatus scilicet, & presbyteratus, quia hos solos primitiua Ecclesia legitur habuisse, & de his solis preceptum Apostoli habemus, 1. Tim. 3. & faut bien noter ce que le mesme dit, parlant des Patriarches, Archeuesques, ou Primats, Metropolitains & Euesques, au chapitre dernier de ceste distinction, *horum discretio a gentilibus introducta videtur, qui suos flamines, alios simpliciter flamines, alios archiflamines, alios protoflamines, appellabant.* c'est la source de ceste belle hierarchie, si on en croit le premier docteur de la Papauté. & que maintenant on nous allegue l'antiquité & les*

Canons



Canons. Or c'est vn grand cas, que Sponde ne sçaueroit ouurir la bouche & escrire contre nous, qu'il ne se monstre ou du tout ignorant, maintenant du droict de la vraye doctrine, maintenant du fait, ou impudent calōniateur & malicieux: car dour toucher cecy en passant, il n'a remarqué la distinction des charges Ecclesiastiques, qui sont de l'institution des Apostres, & laquelle les Eglises reformees ont receuë en France: qui est telle, que ceux qui manient les Escritures & administrent les Sacremens, que la parole de Dieu appelle Ministres, Anciens, Euesques, Pasteurs, Docteurs, tiennent le premier rang: ceux qui ont à veiller sur les mœurs, sont coadiuteurs des Pasteurs, en ce qui concerne la constitution & obseruation de la discipline, tiennent le second rang, & s'appellent en la parole de Dieu gouuerneurs, presidēs, Prestres, Surueillās: au troiesime rang, sont ceux qui ont charge des biens temporels de l'Eglise, pour les dispenser aux pources, & à autres vsages pies, & tels sont appelez specialement, mesme en nostre langue, Diacres. Nous ne mettons donc point ceux-cy au premier lieu, comme Sponde nous accuse, & n'a occasion de faire de l'esbahy & esmerueillé, comme si nous mettions ce qui est sans dessus dessous, & ne sçait ce qu'il barboüille, disant que nous distinguons les Anciens des Surueillans, mais ie sçay que l'ignorance a l'admiration & la confusion pour cōpagnes. Or pour auoir meilleur marché de son combat, il s'attaque & s'en prend à vn mort, quāt au corps, qui est Calvin, & reprouue sa doctrine, par la-

quelle il condamne ces primautez & degrez, tant sur les compagnons en charge, que sur les Eglises d'autrui. Que dit-il? qu'en Allemagne on a retenu les superintendās, qui sont au lieu des Euefques, que Calvin & son successeur de Beze ont conserué leur primauté dans Geneue: ie dy qu'ils n'exercent, & n'ont exercé iamais, aucune superiorité & autorité de contrainte sur leurs compagnōs, au sainct miniftre de la parole de Dieu: ains que leur superintādāce ne regarde que l'ordre & conduite: & est avec cela, ou alternatiue ou electiue, toutesfois & quantes qu'ils s'assemblēt, vn meſme quelquesfois venāt à eſtre nōmé tousiours: & combien qu'elle ne ſoit pas formelle & expreſſe, toutesfois elle ſ'entend aſſez, quand celui qui conduit l'action, depend & ſe ſubmet en fin au iugemēt & censure de toute la compagnie en laquelle il a preſidé: & qu'elle ſe fert d'vn meſme, d'autant que tous, quoy qu'ils ſoyent compagnons en charge, ne ſont eiſgalemēt propres à cela. Le meſme eſt pour la viſite des Eglises, laquelle appartenant à l'vne & à l'autre iuriſdiction, le Magiſtrat peut commettre tel Paſteur, ou autre de ſon coſté, que bon luy ſemblera, pour luy ſeruir d'yeux, & luy continuer auſſi: mais qui a-il de commun en tout cecy avec ceſte hierarchie, ou pour mieux dire, tyrannie Papale, & du tout conuertie en ſeigneurie politique & mondaine? rien certes. Et ie dy le ſemblable de la police des Eglises Angloiſes, laquelle differe auſſi, ſinon en noms, au moins en eſſect, autant que le ciel eſt eſloigné de la terre, de ceſte Babylone, de laquelle

le Sponde a entrepris la deffense. Nous nions  
 donques, que ce soyent des dignitez necessaires  
 propres & vtils, pour bien reigler la maison de  
 Dieu: car si ainsi eust esté, Dieu les eust ordon-  
 nees, & l'experience nous enseigne aussi du con-  
 traire. A cela Sponde respond du dire propre de  
 Calvin, que les Euesques anciens qui ont or-  
 donné des Archeuesques en chacune prouince, &  
 des Patriarches qui fussent par dessus les Arche-  
 uesques en dignité & honneur, n'ont point voulu  
 forger vne forme de gouverner l'Eglise, diuerse  
 de celle que Dieu a ordonnée par sa parole. Or le  
 Docteur s'expose, & ne dit pas, que les anciens E-  
 uesques ayent estimé, que gouverner l'Eglise par  
 Patriarches, & Archeuesques, & Metropolitains,  
 fust vne forme ordonnée de Dieu: mais qu'ils se  
 sont voulus seruir de ces moyes, pour cōseruer la  
 police establie du Seigneur. Leur fin dōques a e-  
 sté bonne, & l'abus n'y a esté quand & quād: mais  
 le diable s'est bien serui & de ces noms, & de ces  
 dignitez, pour enfāter son fils aisné l'Antechrist.  
 Bien, dit Sponde, que ces dignitez soyent indiffe-  
 rentes, Calvin a esté trop impatient pour le bien  
 de paix & d'vnité: falloit-il sans charge, & sans vn  
 bon & meur aduis, renuerser vn ordre, auquel  
 toute l'Eglise d'un general consentement auoit  
 vescu? Il ne falloit donc troubler ceste police,  
 qu'avec les mesmes moyens par lesquels elle a-  
 uoit esté disposée. Je respon, que Calvin n'a fait  
 que le deuoir d'un bon Chrestien & Ministre de  
 Iesus Christ, quand il a enseigné la verité, a pres-  
 ché l'Euangile, crié contre les abus, monsté la

source & origine d'iceux, & en general & en particulier, par escrit, & de viue voix, a communiqué le talent que Dieu luy auoit departy, & procuré la reformation de l'Eglise, tant en la doctrine, qu'en la police & discipline. Quant à l'exécution & pratique de ceste doctrine, il n'a rien entrepris ne fait en son Eglise, en ce qui regarde la police d'icelle, qu'avec le consentement & approbation, tant du Magistrat, que du peuple, apres auoir esté instruit: que s'il eust attendu à faire ceste bonne œuvre iusqu'à la definition d'un Concile œcumenique, la chose seroit encore à faire: car la plus part des Chrestiens, & Magistrats Chrestiens, sont en seruage, & sous la tyrannie & domination de l'Antechrist & de ses supposts, lesquels n'endureront iamais de leur bon gré, qu'on les range: non seulement à ce qui est de la parole de Dieu, mais aussi à la premiere institution de ces dignitez qu'ils ont, desquelles par tous les Conciles anciens ils sont deboutez & degradez: & neantmoins l'auarice & l'ambition les y retiennent, & se seruent de tous les moyens pour s'y maintenir: à quoy les Conciles libres & saintement tenus, ne leur pourroyent que nuire, dont aussi ils n'en poursuiront iamais la conuocation, ains l'empescheront de tout leur pouuoir: & cependant c'est du deuoir, tant du Magistrat fidele, que des Pasteurs, d'oster mesme les choses indifferentes, quand elles se conuertissent en abus de grande conséquence. L'exemple est en Ezechias, touchant le serpent d'airain, & en S. Paul touchant les Agapes. Les Euesques sont distinguez d'avec

les Anciens ou Prestres, dit Sponde, en la parole de Dieu, & allegue saint Paul, 1. Tim. 5. vers. 19. car si l'Euesque n'eust eu ceste iurisdiction, eust. on accusé le Prestre deuant luy? Je respon, que S. Paul parlant à Timothee de ces matieres, le considere non simplement comme Pasteur, mais avec le Senat de l'Eglise, auquel il presidoit. Or il est certain, que les Euesques mesmes, sont suiets aux consistoires, c'est à dire, à la iurisdiction Ecclesiastique, administree non seulement par les Synodes, soit prouinciaux, nationnaux & œcumeniques, mais aussi par les assemblees consistoriales. L'eussé peu respondre suiuant l'interpretation des auteurs Grecs sur ce passage, qui entendent par le Prestre, celuy qui est ancien d'aage, mais ie ne vueil fuir la raison. L'autre lieu de saint Paul, où il est donné charge à Tite, Euesque de Crete, d'establir des Prestres par les villes, semble aussi faire pour ceste distinction des Euesques d'avec les Anciens, Tit. 1. vers. 5. car celuy qui ordonne & constitue en quelque charge, est plus que celuy qui est ordonné & esleué en icelle: mais ce que nous auons dit de Timothee pour l'Eglise d'Ephese, doit auoir aussi lieu en Tite pour l'Eglise de Crete, lequel S. Paul considere tousiours avec tout le presbytere: ioint que l'examen des pasteurs quant à leur doctrine, appartient principalement & proprement aux autres Pasteurs, qui sont plus anciens & premiers receus. En fin ce qui pourroit estre accordé & donné à Timothee & Tite, pour estre non tant Euesques & Pasteurs qu'Euangelistes, ne doit estre tiré en consequence à leurs

successeurs, & aux autres Euesques, lesquels  
 Chrysostome, & apres luy Theophilaëte, enten-  
 dent par les Prestres, sur ce passage de S. Paul à  
 Tite, & sur ces mots, & constituerez: *Per ciuitates*  
*Presbyteros, Episcopos*, *hic intelligi vult, quemadmo-*  
*dum aliàs sapius diximus. Per ciuitates, inquit, neque*  
*enim profecto volebat in sulā totam vni viro permitti, sed*  
*unicuique propriam curā & sollicitudinem indici: ita*  
*enim sibi laborem fore leuiorem sciebat, & subditos ma-*  
*iori diligentia gubernandos, siquidem Doctor non mul-*  
*tarum Ecclesiarū regimine distraheretur, sed vni tan-*  
*tum regendā vacaret, eāque componere moribus, atque*  
*ornare studeret.* Sponde se veut aussi seruir du tes-  
 moignage de Clement & Anacleet; mais où sont  
 leurs œuures? il ne fera iamais à croire qu'aucun  
 disciple des Apostres ait escrit ce liure, appelé  
*Recognitiones*, moins les autres traittez & epistres  
 qu'on publie sous le nom de ce Clement: ce qu'il  
 recite là souz le nom de S. Pierre, ne ressent & re-  
 tire non plus à l'Esprit Apostolique, que font les  
 liures d'Amadis: parquoy l'autheur de ces escrits  
 faussement attribuez à ce Clement, duquel parle  
 saint Paul en l'Epistre aux Philippiens, est quel-  
 que Moine mal habile, qui a voulu ainsi passer le  
 temps & se desennuyer, ne sachant quoy faire d'a-  
 uantage: & ayant ouï dire, & le commun tenant  
 pour certain, que Clement auoit escrit l'histoire  
 & dressé des memoires, de la dispute que saint  
 Pierre auoit eue avec Simon Magus. Les epistres  
 d'Anaclete ne sont moins suspectes & douteuses,  
 n'ayant nullement ny le style ny les sentences  
 conuenables à telle antiquité, & respondantes.

aux escrits des Peres qui ont vescu de ce temps. Et que dit Sponde, qu'il aime mieux croire à ces deux tesmoins en leur affirmatiue, qu'à tout le reste du mode, qui diroyent simplement du contraire ? mais il n'est pas question s'il faut adiouter foy à ce que Clement & Anaclete asserment, ains si ces escrits qu'on cite, sont de Clement & Anaclete. Il n'est point vray-semblable que les Apostres qui estoient enuoyez par toute la terre, repliche Sponde, ayent executé leurs charges avec confusion. Qui dit autrement ? Ils ont certainement enseigné avec cest ordre, qu'ils sont allez où l'Esprit de Dieu les appelloit, & n'ont rien entrepris en leurs voyages, sans vocation speciale, & ont dressé les Eglises en les bié polissant, & reiglant aussi. Mais quelle police & ordre est-ce, qu'il y ait des Prestres & par dessus les Prestres des Euesques, & par dessus les Euesques, des Archeuesques, & en fin les Patriarches ? voire ! le temps auquel les Apostres ont vescu, temps où il ne s'y parloit que des persecutions contre les pauvres Chrestiens, permettoit bien que les Apostres s'arrestassent à dresser ceste hierarchie ! Et c'est merueille que saint Luc es Actes, descriuant les voyages de saint Paul, & les presches qu'il faisoit aux Eglises par où il passoit, ne die rien de cest estat : & que le mesme saint Paul escriuant aux Eglises, ne fasse mention que des Prestres, ou Euesques, & des Diacres, Philipp. i. vers. i. duquel lieu nous recueillons, qu'en vne mesme ville y auoit plusieurs Euesques, comme aussi du passage de Tite, chapitre premier verset 5. qu'en



vne prouince telle qu'estoit Crete, il n'estoit be-  
 soin d'aucun Archeuesque, mais bien d'Euesque.  
 Replique, qu'aumoins le Canon, sixiesme du  
 Concile de Nicee, fait mention de la distinction  
 des Patriarchats, & veut qu'elle soit continuee:  
 parquoy c'est vne ancienne coustume, & qui doit  
 estre rapportee aux Apostres, veu que l'auteur  
 n'est point specialement remarqué, & qu'elle a  
 esté vniuersellement receuë. Nous accordons,  
 que c'est vne coustume ancienne, mais non Apo-  
 stolique: aussi le Concile de Nicee ne l'affirme  
 pas, qui ne l'eust pas moins ignoré que nos Apo-  
 stoliques de ce temps, & Denis en sa hierarchie  
 Ecclesiastique chap. 5. n'en fait nulle mētion, par-  
 lant à bon esciēt des vocations & charges Eccle-  
 siastiques, qui a esté plus prochain du tēps des A-  
 postres, si c'est le vray Denis Areopagite nō plus.  
 les Conciles. La coustume aussi n'a esté vniuersel-  
 le, les mots du Canon sont, *Mos antiquus perdu-  
 ret in Aegypto, vel Lybia & Pentapoli, vt Alexādri-  
 nus Episcopus, horum omnium habeat potestatem, quo-  
 niam quidem & Romano Episcopo parilis mos est: Simi-  
 liter autem & apud Antiochiam ceterasque prouin-  
 cias, honor sans unicuique seruetur Ecclesie.* Ce qui se  
 peut aussi bien recueillir du septiesme liure de  
 l'histoire Ecclesiastique de Sozomene, chapitre  
 19. *Easdem & per omnia similes traditiones in omni-  
 bus etiam concordibus Ecclesijs inuenire non datur,  
 quum multe sint in Scythia ciuitates, vnum tamen om-  
 nes habent Episcopum in alijs gentibus, nōnunquam &  
 vicis ordinantur Episcopi, sicut apud Arabes & Cyprios.*  
 La Scythie donc n'auoit point de Primats ou Me-

trapolitains, & en Antioche deuant le Concile de Nicce: cela n'estoit receu souz ceste police & paisible conduite. L'Eglise a longuemēt fleuri & prospéré, dit Sponde, oui en superbes bastimens, ornemens riches des Temples, musiques melodieuses, vaisseaux soinctueux, grand nombre d'hommes oisfeuz, qui rogorgeoient de richesses: ceste belle hierarchie s'est conuertie en domination temporelle, & n'a excellé ou fleuri ceste Eglise, en cognoissance de la volonté de Dieu, en foy, pieté & autres vertus, en bonne police & discipline. Depuis beaucoup de centaines d'annees, nul des Anciens n'a iamais ouuert la bouche contre cest ordre, pour s'en plaindre & le vouloir aneantir. Responce, les premiers Anciens n'ont veu les abus & les effects de ce bastiment, qui n'a serui que de retraite aux bestes sauuages, & aux loups, & non aux bons & fideles pasteurs, & les derniers n'ont osé: toutefois en se lamentant de la pauvre conduite de l'Eglise, & tyrânie sur les troupeaux & bōs pasteurs, si Dieu par sa misericorde en suscitoit quelqu'un (ce qui aduenoit assez rarement) ils donnoient à entendre, que volontiers ils eussent fait faire le saut à tous ces degrez inuentez par les hommes. Mais puis que par tant de temps, ceste police sainte de l'Eglise a subsisté, n'est-ce pas là le doigt de Dieu? mais desia nous auōs dit, que l'apostasie doit durer longuement, & que l'Antechrist par plusieurs siecles doit estre assis au temple de Dieu, selon le tesmoignage du S. Esprit, qui est soustenu par ceste hierarchie, qui luy sert de scabeau & marchepied. L'Eglise signifiée par Ierusalem, a prins cōmence-

ment par Abel, ainsi que Babylonne par Cain: lesquelles deux citez, ont esté edifiees en certain temps, à fin que la figure des deux citez iadis commencee, & qui iusqu'à la fin du mode demeurerōt, soit declaree, Augustin en la preface du Pseau. 64. On pouuoit, dit Sponde; crier contre les maladies de ce corps, & y appliquer les remedes si besoing estoit, mais de le faire mourir pour le guerir, c'est vne horrible cruauté. Et qu'est-ce que i'oy? le corps de l'Eglise peut estre malade, par la confession de Sponde: & quelle ceste maladie, qu'erreur, fautes & abus? L'Eglise donc, voire vniuerselle & confideree en corps, peut faillir: c'est-ce qu'auparauant il nioit. Au demeurant, oster les humeurs mauuaises & superflues du corps, n'est le faire mourir, ains le bien guerir, & non superficiellemēt pour auoir osté ces primitez & dignitez: on n'a coupé aucun mēbre essentiel à l'Eglise visible, non plus que celuy qui auroit fait perdre le goistre attaché au col, ou tranche vne verruë qui seroit en la main, ou au pied, laquelle ne fait que seruir d'empeschement à bien traualier ou marcher, n'a mutilé l'hōme qui estoit chargé de cest amas superflu de chair. Tout l'Oriēt tout l'Occidēt, tout le Septētriō, tout le Midy, s'est-il dāné pour auoir ses primats, ses Archeuesque, ses Euesques? à quoy faire ce nouueau remuement? iusqu'aujourd'huy on a esté Chrestien sans cela? La n'auiene que nous disions que cela en soy simplement apporte damnation: car mesme nous accordons, que quelque temps l'Eglise s'en est serui, & ne tenons pas pour heretiques ou schismatiques les Eglises qui suyuent ceste façon aujourd'huy,

qui consentent au reste en la pure doctrine : mais nous repetons, qu'il est non seulement necessaire & commandé d'oster le mal, mais toutes occasions de mal, & tout ce qui en a quelque apparence: & maintenons que l'Eglise de Dieu, s'est en sa plus grande splendeur passée de ces primautez, & n'en sera de rien amoindrie, quand elle se contentera de l'ordre & conduite ordonnee par les Apostres. De la forme du gouvernement de l'Eglise, Sponde passe à la vocation des Euesques, & agite ceste question, si c'est au peuple d'eslire ses Pasteurs, & ne trouuant que mordre sur les plaintes de cest excellent seruiteur de Dieu Iean Calvin, touchant les personnes qu'on eslit, & eslisoit-on de son temps pour Euesques, qui sont ignorans és saintes Escriptures, & la plus part en toutes bonnes sciences, vicieux, yurôgnes, paillards, iouëurs, & quelques vns maquereaux : plusieurs d'entr'eux enfans de dix ans, & puis esleuz ou par les seuls chanoines, ou par les princes. Il se ruë sur des calomnies & fausses accusations, comme s'il auoit emblé la place au vray Euesque de Geneue, comme s'il n'estoit pas venu en vn lieu vuide & delaisé, & comme s'il desiroit és Pasteurs la cognoissance seule de son institution. Or cela est si grossier, & si euidément faux, qu'il n'est ia besoin de perdre le temps, & employer l'autre à iustifier celuy, duquel la memoire sera tousiours heureuse, & de tresbonne odeur envers tous hommes Chrestiens, qui en iugeront bien autrement par ses propres escrits, & mieux que luy, qui a la teste aussi legere que les pieds (estant Basque) car aussi s'esbat-il avec les ombres:

& n'y a nul propos de dire, qu'enseignant que l'election & approbation du Pasteur, doit dependre du peuple: il a taché de se rendre agreable à ceux de qui il espere de la faueur, & l'animer cōtre ceux qui la luy ont tyranniquement rauie: car s'il eust eu ceste fin, il en eust eu quelque autre plus esloignee, fondee sur ambition ou auarice: mais ses deportemens & sa fin ont monstté, combien il a esté esloigné de ces deux vices, & si estant Ministre de Geneue, il a emblé les reuenus de celuy qui se disoit Euesque. Oyons dōques si Calvin, enseignant que l'election ou approbatiō du Pasteur appartient au peuple, il est fondé en autorité de l'Escripture & en raison. Non, dit Sponde, il allegue seulement le Pape Leon, & saint Cyprian, qui trouuent violente & contre Dieu l'election qui se fait sans les vœuz, le consentement & subscription du peuple. Luy, dit-il, qui parle tant de la parole de Dieu, il n'allegue vn seul texte pour prouuer son dire. Icy dessus Sponde fait ses triumphes, & dit, que si Calvin eust sçeu quelque texte decisif de ce faict, il ne l'eust pas caché: qu'il n'est point tenu de croire Calvin si legerement, & si promptement, parlant si nuëment, & n'ayant recours qu'à Leon & Cyprian qui estoient bien esloignez du siecle des Apostres. Mais voicy la cōdition que Sponde appose à la dispute, qu'il veut auoir avec Calvin, que si Iesus Christ ou les Apostres disent, que le peuple a droit d'esslire les Euesques, il le croira. Or nous le prenons au mot, & neantmoins supplions le lecteur, de descouurir la malice accompagnée d'ignorance & legereté tout ensemble de ceste vipere, en disant,

que Calvin ne produit point la parole de Dieu pour decider ceste question: ce qu'il fera quand & quand, en iettant les yeux sur le troisieme chap. sect. 13. 14. 15. & où il parle expressement de l'electiō & office des Docteurs & Ministres de l'Eglise: & c'eust esté vne chose superflue & hors de propos & du but de l'auteur, d'alleguer passages de l'Ecriture au chap. 5. car c'est la somme & inscriptiō du chap. que toute la forme ancienne du regime ecclesiastique, a esté renuersee par la tyrannie de la Papauté: & à fin qu'ō sache de quelle antiquité il parle, faut lire le chap. precedēt, où l'inscriptiō est telle, de la façon de gouverner l'Eglise, laquelle a esté devant la Papauté: c'est à dire, du temps de Cyprian, Hierosme, & autres, qui ont vescu trois quatre, & cinq cēs ans apres Iesus Christ: & ce sont les mots de Calvin. Iusqu'icy nous auons parlé de gouverner l'Eglise, selon qu'il nous a esté laissé par la seule parole de Dieu, qui sont pour faire rougir ce menteur impudent: toutesfois debatons du principal, & laissons là ces accessoiress. Quelle raison a nostre aduersaire, pour nier que l'approbatiō & consentemēt du Pasteur n'appartient au peuple? Iesus Christ, dit-il, chef de son Eglise, a fait electiō de ses Apostres, sans consentement du peuple. Responſe, Iesus Christ seul a ceste puissance & autorité & non autre. En apres, on ne peut prédre vne certaine reigle de la vocatiō commune des ministres, en l'institution ou electiō des Apostres, d'autant que leur office (qui estoit extraordinaire) à fin que ils eussent quelque preeminēce par dessus les autres Docteurs de l'Eglise, requeroit qu'ils fussent

eleus de la propre bouche du Seigneur. Replique, Iesus Christ a baillé à ses mesmes Apostres, le mesme pouuoir qu'il auoit, ô blasphemel Iesus Christ a toute puissance au ciel & en terre, & les Apostres l'auront aussi? l'accorde q Iesus Christ a dit, Côme le Pere m'a enuoyé, ainsi ie vous enuoye, Iean 20. vers. 21. mais il n'a pas dit, Comme ie vous enuoye ainsi vous enuoyerez les autres qui viendront apres vous. Si quelqu'un obiecte, que comme Iesus Christ est venu avec puissance & autorité, que les Apostres n'ont peu estre enuoyez sans en recevoir, & que tout enuoy presuppose autorisation: le l'accorde, mais non egale de celuy qui est enuoyé, à celuy qui enuoye: quand cestui-ci l'a naturellement & originellement, & est la cause d'où elle procede. Et les Grammariens enseignent, que ceste particule, comme, ou ainsi, est pour enseigner la similitude, & non la quantité: ioinct que ie dy, l'intention de Iesus Christ en ces paroles, n'estre tant de monstrier l'autorité & puissance qu'il donnoit à ses Apostres, que l'autorité qu'il auoit, & d'où il l'auoit, pour les enuoyer. Chrysost. sur ce passage homel. 85. *Sicut misit me Pater. Quare hoc dicit? eorum animos erigit, & suam proponit auctoritatem: siquidem suum eis relicturus erat ministerium, & quum nondum rogasset Patrem, sua eis auctoritate potestatem prebet.* Il leur laisse donc son ministere, & non l'office & autorité de mediateur: & ne les enuoye à ces fins, ny avec ceste auctorité. Gregoire Pape expose ainsi ce lieu. *Pater quidem Filium misit, qui hunc pro redemptione generis humani incarnari constituit: itaque dicitur, Sicut misit me Pater, & ego*



*mitto vos, id est, ea charitate vos diligo, quā inter scandalum persecutorum mitto, qua me charitate Pater diligit, quem venire ad tolerādas passiones fecit.* Parquoy ce passage ne fait rien à confirmer l'equalité d'autorité de Iesus Christ à celle des Apostres : toutesfois se sont les Apostres qui presentēt Matthias & Ioseph, qui s'appelloit Barsabas, & iettēt le sort sur eux, & non le peuple, Act. 1. vers. 23. Je dy que de cest exēple se recueille, que les Apostres n'ont eu ce droit d'en appeller d'autres, de semblable vocation & ministere que le leur, ains a fallu que Iesus Christ ait déclaré sa volōté, & manifesté celuy qu'il choisistoit pour son ambassadeur & heraut, en faisant tomber le sort sur iceluy : qui est vne espee de vocation immediate, & telle que la charge d'Apostre requeroit, & non legale, ou propre aux Sacrificateurs Leuitiques, ainsi que Sponde estime : mais nonobstāt cela, ie di, que comme la presentation appartenoit en partie aux Apostres, duquel droict ils ont vsé, ainsi le consentement de toute l'Eglise assemblee en Ierusalem estoit necessaire, lequel aussi y est interuenu : car il est escrit, que Pierre s'estant leué au milieu des disciples, qui estoient assemblez en vn mesme lieu, & faisoient environ six vingts de nombre, & ayant remonstré ce qu'il falloit faire pour accomplir ce que la parole de Dieu auoit predict auparauant : les Apostres ont produit & présenté deux des disciples (*ἐκ τῶν δύο*) & à qui? à toute l'Eglise assemblee : laquelle aussi donne tesmoignage de son approbation & subscription à l'electiō de Matthias, car d'un commun accord, il fust mis au nombre des vnze A po-

stres συγκατατίθεντες μετὰ τῶν ἑνδεκά : tant s'en faut  
 donc que cest exemple fasse pour Sponde, qu'il  
 n'y a rien qui combatte tant sa mauuaise cause. Et  
 que dit-il? nonobstant que le droict d'election est  
 tout diuin, conserué aux Pasteurs par Iesus Christ.  
 Et qui nie cela? mais la question est de la façon de  
 ceste diuine vocation. Or nous disons, que l'ordi-  
 naire se fait non seulement par les autres Pasteurs,  
 mais aussi par le consentement de l'Eglise, où on est  
 appelé de son bon gré. Sponde confesse, que l'e-  
 lection des 7. Diacres a esté faite par le consente-  
 ment & approbation du peuple, c'est à dire, de tou-  
 te l'Eglise, Act. 6. vers. 1. mais il tache de l'infir-  
 mer par ces trois poincts : le premier, qu'il n'y a  
 point de reigle generale de Dieu & expresse, qui  
 die que l'election des charges Ecclesiastiques ap-  
 partienne au peuple. Response, les exemples des  
 Apostres, & approuuez par le S. Esprit, nous doi-  
 uent seruir de reigle. De plusieurs singuliers se  
 colligent les especes, & de plusieurs especes les  
 genres, & de plusieurs exemples les reigles expres-  
 ses. Le second, que c'est vne particuliere permission  
 des Apostres, qui ont quitté de leur droit, ausquels  
 Iesus Christ auoit baillé la conduite de son E-  
 glise. Mais comment ose Sponde parler ainsi? si  
 c'eust esté quelque chose extraordinaire & parti-  
 culiere au temps des Apostres, cela n'eust esté en-  
 tenuy & pratiqué de siecle en siecle, par plusieurs  
 centaines d'ans apres eux, comme il a esté. Et c'est  
 merueille que S. Luc ne remarque point cest ot-  
 troy de grace, & pourquoy se sont-ils portez en  
 toutes elections, & en toutes les Eglises de mesme  
 sans

sans le sceu & adueu desquelles, ils n'ont point voulu leur ordonner & establir des Pasteurs, ou autres personnes ayans charge en icelles? Si la raison qui a esmeu les Apostres à ne proceder à l'ordination des personnes ecclesiastiques, sans les vœux de toute l'Eglise, dure encore au-iourd'huy, & a lieu en tous siecles : pourquoy les exemples & faictz des Apostres, seront-ils tenus pour priuileges, concessions, & dispenses? Certes s'il faut que le Pasteur entretienne vnion, & correspondance avec son troupeau, en tout l'exercice de sa charge, il est aussi necessaire, que le commencement de cest exercice vienne d'vnion & consentement. Ce que les Apostres ont aussi bien reconnu : & ne faut penser, qu'encore, bien que Iesus Christ leur eust baillé à eux seuls la conduite de son Eglise, qu'il leur fust loisible de faire, sinon ce qu'ils auoyent appris de leur maître, Matth. 28. & ceste conduite leur estoit tellement baillée, que c'estoit pour les reigler toutes, & ietter les fondemens, & non pour les administrer par eux-mesmes toutes, & tousiours : car leur chargé d'Apostolat ne le permettoit. Le troisieme poinct & exception de cest exemple, c'est qu'il n'y alloit lors que de l'election des Diacres, dont la charge ne s'estend, qu'à l'administration des biens communs à toute l'Eglise, & n'estoit question des Euesques. Or ceste raison fait pour moy : car si és charges les plus petites, & qui regardent le corps, les Apostres ont voulu auoir l'aduis & approbation de l'Eglise : combien plus ont-ils iugé cela necessaire, és charges les plus

grandes, & qui sont comme les colonnes de l'Eglise, qui ont la dispensation de la doctrine, où toute l'Eglise a aussi bien interest qu'és biens dediez pour vsages sacrez? Calvin, dit Spōde, trouue si peu de vigueur en cest exemple, qu'il ne s'en est nullement serui: & ie di, que s'il eust bien fueilleté ses écrits, il eust trouué que si. Et qu'on ne m'en croye point, sans lire le 3. chap. du 4. liure de son Institutiō, chacun pourra iuger lors, de quelle rondeur & sciēce cest homme est mené, & quelle foy nous deuōs adiouster à ce qu'il dit: mais quelle bestise est-ce cy? de nous enseigner, que le sort a esté vne maniere de vocation ordinaire entre les Iuifs, laquelle Dieu a cassée peu à peu sous le nouueau Testament, comme aussi ces premieres permissiōs populaires ont esté restraintes: car l'vsage du précédēt sort, a esté ou extraordinaire & religieux, & de certain mouuemēt, & instinct du S. Esprit: comme quand les Apostres ont ietté ledict sort, pour mettre vnen la place de Iudas: & quand les nautonniers du nauire où estoit Ionas, ont voulu scauoir qui estoit cause de la tempeste: ou ledict vsage du sort est simplement politique & seruant à la charité, & à couper broche à tous differēs: ainsi le sort tōba sur Zacharie, pere de Iean Baptiste, pour faire encensemens, quād l'Ange luy fust enuoyé de Dieu. Or les permissiōs populaires, pour demeurer és termes de Spōde, sont non plus abolies & restraintes, q̄ ceste espece de sort a prins fin & est ostée. Spōde poursuiuant son propos, adiouste, que l'electiō populaire, c'est à dire, la subscription & cōsentemēt de toute l'E-

glise, n'est point de l'usage de la premiere Eglise: car S. Pierre y pourueut en Antioche & en Alexandrie: S. Paul constitua Timothee & Tite Euesques, cestui-ci en Crete, l'autre en Ephese. Il ne scauroit confirmer par tesmoignage aucun, digne de foy, ce qu'il met en auant à ceste heure: ains il appert du contraire, c'est que l'Eglise d'Antioche, par vne vocation extraordinaire, de quelques Cypriens & Cyreniës que Dieu a suscitez, & qui ont parlé aux Grecs ou Gentils, & ausquels ils ont euangelizé: Barnabas y a esté enuoyé, non pour pasteur ordinaire, mais pour visiter l'Eglise, & ce par les fideles de Ierusalem. Il y a puis apres amené S. Paul, où ils ont demeuré tout vn an, Act. 11. Au mesme temps S. Pierre y a esté, Galat. 2. mais nous ne lisons pas, que cestui-ci y ait dressé l'Eglise, ou y ait establi des Dócteurs, & est plus vray-semblable que ç'a esté Barnabas. Quand il l'eust fait, c'eust esté tousiours selõ la pratique de l'Eglise de Ierusalem. Ce qu'il dit de l'Eglise d'Alexandrie; ie ne scay d'où il le prend, aussi ne cite-il point les lieux. Quât à Timothee & Tite, ils n'ont point esté iamais Euesques ordinaires d'aucun lieu. Le passage de S. Paul à Tite, ch. 1. ver. 5. a plus d'apparéce, où il veut que Tite constitue & ordonne des Pasteurs & Anciens en chasque lieu. Mais qui ne void qu'il entéd avec ceste cõdition, qu'il garde ce qu'il faut garder, qu'il y appelle ceux qu'il y faut appeller, & qu'il requiere le consentement de ceux à qui la chose touche, & qui y ont interest? car S. Paul n'a point permis à Tite, d'auantage qu'il ne s'est attribué. Or voici ce qui est

dit, Actes 14. v. 23. que Paul & Barnabas s'en sont retournez à Lystre, & Iconie, & Antioche, confirmans les courages des Disciples: & qu'apres que par l'aduis des assembles il eurent creé des Anciens par chacune Eglise avec prieres & iusnes, ils les ont recommandees au Seigneur. Les paroles de S. Luc sont, *καὶ ἐξήλθον αὐτοὶ εἰς οὐρούς καὶ ἐκκλησίαν*. A quel propos l'eleuatiō des mains, que pour monstrier le cōsentement, voyez la 3. aux Corint. 8. vers. 19. & Act. 15. vers. 22. ce n'est donc point vne chose indifferente ou arbitraire, selon les lieux ou les persōnes, & qui puisse estre ou permise, ou restrainte: & l'Eglise mēme, c'est à dire les fideles & Chrestiens ne se peuuent priuer de ce droict que Dieu leur a dōné: car il a ces raisons & causes, qui ne sont vaines & inutiles: & faire autrement, c'est non seulement luy desobeir, mais aussi le tenter. Alleguer que les Apostres ou les Euangelistes, n'ont attendu le consentement de ceux, vers qui ils alloient, ie rēpon, qu'il y a differēce de la vocation premiere des Eglises & cōseruation d'icelles. Dieu les veut conseruer par elles-mēmes, comme il entretient aussi les hommes en ceste vie par eux-mēmes: mais persōne ne s'engēdre point soy-mēme, ce qui n'est point, n'a point d'action: il faut auoir des peres & meres. ainsi ceux qui sont enuoyez les premiers, & qui appellent, rangent & conuertissent à Iesus Christ, sont les peres. Gal. 4. vers. 19. Les Eglises qui enuoyēt telles personnes, sont les mere, Esa. 2. Rom. 15. vers. 25. 26. 27. Et l'enuoy ne se fait point par le consentemēt d'un ou deux: le di quand mēme seulemēt il est question de peupler & plan-

ter de nouvelles Eglises, ains pour le moins de l'assemblée qui represente toute l'Eglise, qui enuoye: laquelle n'est point composee des seuls clerics, ou hommes manciepez tout le temps de leur vie, au seruice de l'Eglise en la predication de l'Euangile, & qui representent comme la personne de Iesus Christ, ou en l'administration des biens d'icelle Eglise, ains d'autres qui representent le peuple, & sont de leurs corps, comme les magistrats fideles & Anciens, qui ne sont perpetuels en ceste charge. Voyez si en l'enuoy de Paul & Silas en l'Eglise d'Antioche, pour l'aduertir de la decision du Cōcile de Ierusalem, le consentement de l'Eglise du lieu n'y est interuenue? Act. 15. Or il faut bien remarquer la confession de Sponde, que ceste façon receüe, que le peuple choisist son pasteur, à fin qu'il n'eust occasion de se repentir, de celuy qu'il auroit choisi a esté alteree. Par qui? non par ceux qui ont esté du temps de Cyprian, ou de Leon premier. Nous auons donc l'antiquité, pourquoy a-elle esté alteree? pource que les peuples n'heritent tousiours de la sincerité de leurs predecesseurs. Et les Pasteurs quoy? qu'on lise S. Paul aux Act. ch. 20. Mais pour cela est-il licite pour l'alteration & degeneration des peuples alterer la Loy de Dieu? ne faut-il point les corriger par ceste mesme loy? Il n'y en a point d'expresse, dit Sponde, car on s'est cōtenté au commencement, de demâder aux peuples leur tesmoignages & approbatiōs de celuy qui leur estoit designé pour Euesque, par le Clergé. Arrestōs-nous ici: encore qu'il n'y eust point loy expresse, l'exemple neantmoins & pratique de l'Eglise primitiue, & A-



postolique, & celle qui a fuiui plus de huiët cens ans apres, doit seruir de loy expresse. Et cela est vray, que les seuls Pasteurs & Anciens où le Senat Ecclesiastique faisoient l'election, designation & nomination, presentation au peuple, & examen de celuy qu'ils presentoyent, 1. Cor. 16. vers. 3. Act. 1. vers. 21. Act. 8. vers. 14. Act. 21. vers. 8. & 11. vers. 30. Philip. 1. vers. 12. Mais il est faux que toute l'Eglise ne fist que rendre tesmoignage des mœurs, & de la doctrine de celuy qui estoit designé: car l'approbation, consentement, & subscription luy estoit deferees. Que si elle reiettoit quelqu'un, il estoit reietté: celuy qu'elle approuuoit, estoit receu & tenu pour legitime Euesque & Pasteur: car autrement, quel aduātage auroit le peuple Chrestien par dessus les estrangers, desquels le Pasteur doit mesme auoir bon tesmoignage? 1. Tim. 3. vers. 7. C'est la raison pourquoy l'election de Paulin a esté reprouuee, par ce qu'elle auoit esté faite *παρὰ πάντων σύνοτον* Herm. Sozom. liure 5. cap. 15. Voyez Socrates liu. 5. de son Histoire Ecclesiast. chap. 5. où il parle de Meletius, que le peuple d'Antioche a fait ordonner & a receu pour Euesque. & liure 2. chapit. 6. où il recite, que l'Eglise de Constantinople a esté troublee, & grand debat s'est leué pour l'ordination de Paulus, à cause que le peuple étant diuisé en doctrine, les vns à sçauoir les Arriens, desiroient Macedonius pour Euesque: mais les Orthodoxes l'emporterent. En Alexandrie d'Egypte le mesme est aduenü, à cause d'un Timothee. *quem populus Alexandrinus, & optimates, & ciues, & naucleri Episcopum sibi permiti petiūt. Euagrius lib. 2. cap.*

9. C'est ici le decret de Nicolas Pape en la distin.  
 23. *can. in nomine. Illa beati Leonis Papæ prædecessoris  
 nostri sententia recolatur. Nulla, inquit, ratio finit, ut in-  
 ter Episcopos habeantur, qui nec à clericis sunt electi, nec  
 à plebibus expetiti, nec à cōprouincialibus Episcopis, cū  
 Metropolitanis iudicio conserati.* Et au Canon suiuant  
 qui commence, *qui Episcopus*, voicy la conclusion:  
*quum in his omnibus examinatus fuerit, inuentus plene  
 instructus, tunc cum omni consensu clericorum, & laico-  
 rum conuētu, totius prouincia episcoporum, maxime Me-  
 tropolitani, vel autoritate vel presentia ordinetur Epi-  
 scopus.* Ces decrets sont venus depuis, dit Spōde: Au  
 commencement on se contentoit du tesmoignage  
 du peuple, sans que son approbatiō & election fust  
 requise avec le Clergé: mais depuis par succession  
 de tēps, on en est venu à cela, à fin que les Euesques  
 fussent plus aimez de leurs peuples. La confirma-  
 tion de son dire est prinse de Tertullian, en son A-  
 pologetique contre les Gentils, chap. 39. *Præsident  
 probati quique seniores, honorem istum non pretio, sed  
 testimonio adepti.* Mais par qui probati? par qui ap-  
 prouuez? *communi omnium testimonio, nullo ambitu  
 intercedente.* Partous, dit François Zephire, Flo-  
 rētin, qui a escrit sur ce liure de Tertullian. Toutef-  
 fois i'estime que ce n'est l'intention de Tertullian,  
 de parler de la façon de la vocation des Pasteurs,  
 mais simplement quels sont ceux qu'on appeloit  
 de son temps en ceste charge, à sçauoir, qui estoient  
 irreprochables & irreprehensibles. Il y a aussi deux  
 sortes de tesmoignages, l'un de science, c'est à dire,  
 de ce qu'on sçait, qu'on a veu, ouy, & experimenté:  
 l'autre de conscience & de iugement, c'est à dire,

de ce qu'on estime, pense, & desire, 2. Cor. I. vers. 12. & de ce dernier parle non moins Tertullia que du premier: car cestui-ci ne peut estre sans l'autre. Sponde veut eneruer les sentēces de saint Cyrian & de Leon, en disant, que ce consentement n'est point necessaire pour l'essence de la chose: mais pour la bien-scance, & plus grande vtilité de l'episcopat enuers les peuples, qui en aimeront plus leurs Pasteurs. Mais comment destournera-il ce mot de Leon, en la distin. 62. & repeté par Nicolas Pape distin. 23. *nulla ratio finit*. Nulle raison ne permet, il est donc necessaire, & de necessité absoluē. Et que respōdra Sponde à ce passage de saint Cyprian, si clair que le beau iour au 1. liure de ses Epistres en la 4. *Plebs ipsa maximè habet potestatem, vel eligendi dignos sacerdotes, vel indignos recusandi, quod & ipsum videmus de diuina autoritate descendere, ut sacerdos plebe presente, sub omnium oculis deligatur, & dignus atque idoneus publico iudicio atque testimonio comprobetur*. Notons en ce tesmoignage deux choses, l'vne qu'il dit, que le peuple a ceste puissance d'eslire, c'est à dire, approuuer ou de recuser, & non pas seulement de descouurir les fautes des meschans, ou prescher les loüanges & vertus des bons: l'autre, que ceste autorité & puissance luy est donnee par le commandement de Dieu, qui regarde entr'autres choses, qu'aucun indigne ne se glisse au saint ministere, & en la place & lieu ordonné seulemēt pour les vrais seruiteurs. Ce n'est donc point vne chose arbitraire ou indifferente, comme veut Sponde: parquoy Cyprian conclud, comme il est adiousté au meline passa-

ge, *coram omni synagoga iubet Deus constitui sacerdotem, ut sit ordinatio iusta & legitima, que omnium iudicio & suffragio fuerit examinata.* Ce qui rend quelque action iuste & legitime, n'est pas indifférent à icelle, & n'est pas seulement utile, mais aussi nécessaire. Parquoy l'intention & de Leon & de Cyprian, a esté bien autre que ne dit Sponde, s'il faut au moins iuger du sens & de la pensée, & par les paroles & par les escrits. Et ie croy que les hommes n'ont autre moyen, qui ne sont scrutateurs de pensées. Sponde a recours aux effets de ces elections ou approbations populaires, & dit qu'elles ont eu de sinistres evenemens, & ont esté cause de beaucoup de troubles, parquoy à bon droict ont esté abolies: & les demandes qu'on faisoit au peuple de son consentement, ostées. Mais à qui faut-il imputer la cause de ses emotions qu'aux hommes ambitieux & rioteux, & non à cest ordre institué de Dieu? car le faire, c'est blasphemer: & par ainsi ceste primauté humaine, & non encore satanique, dressée desia du temps de S. Augustin, en donnoit les occasions; parquoy l'oster, c'eust esté le vray remede contre ces dissensions. Et ie demande aux anciens qui sentoient ces fâcheries, leur est-il venu en l'esprit d'oster au peuple ce droict de suffrage? c'est à dire, d'vser de ce remede pire que la maladie? non: mais ils ont eu recours aux designations. Les Euesques donc alloient au deuant des tumultes, en designant & nōmant celui qu'ils cognoissoient propre à leur succeder, & demādoient le consentement & suffrage de leur peuple, qui le tesmoignoit en cer-

tains lieux, par acclamations escrites par les Notaires ou Scribes de l'Eglise, *August. Epist. 110. Scio post obitus Episcoporum, per ambitiosos, aut contentiosos, solere Ecclesias perturbari, & quod saepe expertus sum, & dolui, debeo quantum ad me attinet, ne contingat huic prospicere ciuitati. Qu'adiouste-il plus bas, parlant de Seuerus Euosque decedé en l'Eglise Mileuitaine? Nonnulli contristabantur, quia frater Seuerus putauerat sufficere, ut successorem suum apud clericos designaret: apud populum inde non loquutus est: ergo ne aliqui de me querantur voluntatem meam, quam credo Dei esse, in omnium vestrum notitiam profero: Presbyterum Eradiū mihi successorem volo.* Le mesme poursuit, à fin qu'on ne repliche, que c'estoit par honneur seulement qu'il lo faisoit, *Ego voluntatem meam & voluntatem vestram rogestis Ecclesiasticis quantum ad homines attinet, confirmatam volo.* Et au parauant il auoit dit, *A notarijs Ecclesie sicut cernitis excipiuntur quæ dicimus, excipiuntur quæ dicitis.* Il conjoint donc le consentement de son peuple avec son election, separation, nomination, & presentation; separer ces deux choses, ou les attribuer ou au seul peuple, ou au seul Pasteur & Senat de l'Eglise, c'est enfreindre l'ordre que Dieu a ordonné. Ce qui est objecté par Spode du Concile de Laodicee, Canon 13. qui porte, *Non esse populis concedendam electionem, eorum qui ad sacerdotium sunt promouendi,* est facile d'estre solu: car cela se rapporte aux Prestres & Diacres, & non aux Euesques, qui estoient desia distinguez par ordination humaine, du rang commun des autres Ministres, preschans l'Euangile, & ayans charge

en la conduite de l'Eglise: à la reception desquels, le peuple ne soucioit pas fort de donner son suffrage, s'en remettant à l'Euesque. Et de faiët en la distinction 62. où ce Canon du Concile de Laodicee est couché, cest autre suit bien tost apres, qui est prins d'un des Conciles conuocé par le Pape Martin, *Non licet populo electionem facere, Eorum qui ad sacerdotium promonentur, sed in iudicio episcoporum sit, ut Episcopi eum probent, si in sermone & fide & spiritali vita edoctus sit.* En apres, voilace que dit la Glose sur ce mesme Canon, *Tu dicas quòd laici debent interesse non ad eligendum, sed ad consentiendum, vel supple ad dissentiendum.* Et ceste glose est confirmee par le quatriesme Concile de Carthage, Canon 22. qui est en la distinction 24. Can. *Episcopus. Episcopus sine consilio Clericorum suorum clericos non ordinet, ita ut ciuium assensum & continentiam & testimonium querat.* Par ce moyen ie pense que ce sera respondu suffisamment, à la raison que Sponde allegue, pourquoy les elections populaires sont perilleuses: car il est question non de la designation, & premiere election qui appartient au Senat de l'Eglise, composé de personnes de marque & de sçauoir, & qui ont témoignage de pieté: mais de l'approbation, confirmation, & subscriptiõ qui suit: & m'esmerueille, que Sponde condamne maintenant les arrests des grandes & grosses assemblees. Si cela aduient és electiõs des personnes publiques, que les plus turbulents ou les plus ignorans (dont le nombre est tousiours plus grand) l'emportent, pourquoy non aussi bien és decisiõs des poincts qui regar-

dent la doctrine ? & si celà est vray, comme il est, pourquoy ceux lesquels il soustient, & luy-mesme à present enforcelé avec eux, pressent-ils tant leurs Conciles, & grand nombre des assistans, sans faire mention, s'ils ont esté bien instruits és saintes Escritures ? & s'ils ont eu ce but de les ensuiure ? & si leurs Decrets sont confirmez en icelle ? Ceste consequēce n'est pas bonne, que ceste sainte election appartenant proprement à l'Esprit de Dieu, elle est deuë à ceux qui conduisent l'Eglise. Iesus Christ a promis son Esprit à ceux qui seroyent assemblez, en son nom, & ne s'est pas attaché aux vocations: combien que i'accorde, que particuliere assistance est promise de Dieu, à ceux qu'il appelle en ces saintes charges Ecclesiastiques, mais en faisant ce qui est de leur deuoir. Mais quel droit peuuent pretendre les Euesques & Prestres de la Papauté, en ceste promesse, qui n'ont que les noms, & les richesses, & non les occupations & exercices ? & qui vendent leurs estats, les resignent, & les achètent ? Bref, sont des plus simoniaques ? Les peuples, adiousté Sponde, ayans des humeurs bizarres & mouuanres, c'est mettre l'election en repos, & l'oster des dangers qu'elle courroit de la leur auoir ostee; mais qui a ceste puissance, d'oster ce que Dieu dōne ? qui peut separer, ce que Dieu a conjoint ? y a-il mariage sans consentement mutuel, & reciproque des parties ? Si le Pasteur est ioint comme par mariage avec son peuple, n'y faut-il point approbation, consentement, & subscription des vns & des autres ? *Durandus in 4. lib. Sentent. dist. 20.*



*quæst. 5.* Et puis qu'il faut que le Pasteur païsse  
 tous, ne doit-il point estre ouï & cognu & aimé  
 de tous ? & puis qu'il doit estre l'exemplaire du  
 troupeau, *Pier. 5.* doit-il fuir le regard d'aucun,  
 depuis le plus grand iusqu'au plus petit ? puis que  
 par la reigle de S. Paul, il est requis que l'Eues-  
 que soit irreprehensible, ἀνεγκλίθη καὶ ἀνεπίληπτος,  
 deux yeux ne le verront-ils pas mieux qu'un, &  
 quatre, que deux ? S. Bernard ne dit pas que le S.  
 Esprit soit enfermé dans vne sorte d'hommes. *Ec-  
 clesia quod sibi deest in vno, habet in altero secundum  
 mensuram donationis Christi, ac moderationem Spiritus,  
 diuidentis singulis prout vult. super Cantica serm. 13.*  
 Mais oyons les perils desquels il se faut craindre:  
 le peuple qui est suiet à estre seduit & à brasser  
 quelque artifice de nouueauté, voudra auoir vn  
 Euesque à sa fantasie. Responſe, nous auons desia  
 dit, qu'il ne le choisist point, & n'a droit que de  
 s'opposer, ou consentir & souscrire; & quand mes-  
 me l'election seroit en sa main, les Euesques cir-  
 conuoisins, ne sont-ils pas appelez ? & les Syno-  
 des & les Conciles ne sont-ils pas par dessus, pour  
 reigler & conduire les bouillons & fantasies d'un  
 peuple ? Ce danger donques n'est point à crain-  
 dre, non plus qu'il prenne fantasie au peuple de  
 changemēt : car comme il y doit auoir discipline,  
 reigle & peine pour les Pasteurs, ainsi le peuple  
 & le reste du corps de l'Eglise, ne doit estre desrei-  
 glé & indiscipliné. *Notandum*, dit S. Bernard, *pul-  
 chre omnem Ecclesia statum, breui vno versiculo com-  
 prehensum, auctoritatem scilicet pralatorum, cleri de-  
 cus, populi disciplinam, monachorum quietem*, Parquoy

de son temps le peuple n'estoit sans discipline, *Bern. super Cantic. serm. 46.* Il n'est ia besoin de respondre aux derniers argumens apportez par Sponde: le premier, que le droict d'election a esté donné au peuple quelque temps par indulgence, de ceux qui conduisent l'Eglise: (que Sponde appelle Eglise, & mal à propos en ce lieu, à sçauoir, en desdain du reste de tout le corps de l'Eglise) car si c'est par autorité diuine, ce n'est plus par indulgence. Or le premier est vray, ainsi qu'il a esté suffisamment iustificié iusqu'icy: parquoy ceux qui l'ont exclu de ce droict, & l'en ont debouté, sont de vrais brigands, comme tous ceux qui resserrent la liberalité de Dieu. L'autre, que nul des heretiques ou schismatiques effrontez des siècles passez, n'en a dit vn seul mot, c'est à dire, n'a remué ceste pierre de la façon d'esslire des Pasteurs. Et qui en doute? car ils n'auoyent nulle entree ny pretexte, pour la faire mettre entre les mains de quelque petit nombre aisé à corrompre: & appert par là, que l'Antechrist Romain & ses supposts, ont esté plus effrôtez que le diable, & tous les heretiques, qui n'eussent osé penser de faire, ce que les autres imperieusement & tyranniquemēt ont executé, accompagnez de l'efficace de Satan, qui a bandé tous ses nerfs à faire la guerre à l'Eglise par ces tyrans-là. Le troisieme, que l'vsage depuis douze cens ans, qui est tel, que les Prelats ne dependent point du peuple, doit estre authentique enuers toutes personnes de sain iugement. Nous ne disons pas, qu'il faille que les Pasteurs dependent du peuple, mais que leur vocation ou

Election est sujette à l'examen de ceux qu'ils doi-  
 uent paistre, & requiert le consentement de leur  
 troupeau : autrement c'est entrer en la bergerie  
 non par la porte, ains par la fenestre, & estre lar-  
 ron & brigand, & non Pasteur. Le long traict de  
 12. cens ans, ou mille ans, n'aura plus de poids en-  
 uers les gens de bien, & amateurs de tout bon or-  
 dre, que l'ordonnance de Dieu, qui n'est sujette à  
 prescription, & pratique de la primitive & plus  
 pure Eglise, & en laquelle les plus excellens Do-  
 cteurs ont fleuri, qui n'ont iamais mis seulement  
 en question, si le cōsentemēt de l'Eglise en corps  
 estoit necessaire, pour y estre legitime Pasteur.  
 Gelase n'en doute point, qui a esté l'an 492. ainsi  
 qu'on peut voir d'un Canon touchant ceste ma-  
 tiere, *dist. 63. Can. Plebs Diotrensis*. Non plus Pela-  
 gius Pape, qui a vescu l'an 557. *distin. 63. can. Lite-  
 ras charitatis*. Et diray d'auantage, que les Decrets  
 des Conciles que nostre aduersaire cite, ne ten-  
 dent ailleurs qu'à ce que nous auons dit du Ca-  
 non 13. du Concile de Laodicee, & ce qui est dit  
 en la *dist. 63. Can. Nossē tuam. In hoc tuam oportet  
 plurimum adhiberi sollicitudinem, ut conuocato clero &  
 populo, talis ibi eligatur per Dei misericordiam, cui sa-  
 cri non obuiant Canones sacerdotum, quippe est electio &  
 fidelis populi consensus adhibendus, quia docendus est  
 populus, non sequendus*. Bref, par les propres De-  
 crets des Papes recueillis par Gratian, il est aisé de  
 conuaincre Sponde de mensonge, qui se veut pre-  
 ualoir du temps de douze cens ans : car Nicolas  
 Pape, qui a vescu l'an 857. ou 860. parle ainsi en  
 la distinction 63. à Jean Archeuesque de Raouenne,

*Episcopos per Emiliam non consecres, nisi post electionem vel consensum cleri & populi.* Je croy que depuis ceste annee susdite, iusqu'à presēt 1596. si ie sçay mon addition, ne se trouueroit douze cens ans, & estime que ie pourroy' encore accourcir ceste longueur de temps, si ie me vouloy' du tout arrester sur le long vsage : & puis encor affermer, que du temps mesme de sainct Bernard, la façon de promouuoir en l'Episcopat & eslire des Pasteurs, n'estoit telle qu'elle est aujourd'huy, & qu'elle a esté depuis en la Papauté. Ce qui peut conster par vne des Epistres dudit sainct Bernard, qui est la 202. *ad Clerum Senonensem, Grandis res est in manibus, nobili Senonensi Ecclesia instaurare Pastorem, expectandum proinde suffraganeorum consilium Episcoporum, expectandus assensus religiosorum qui sunt in Episcopatu, ai que in commune tractandum commune negotium: ergo indicatur ieiunium: aderit, ut confidimus, Spiritus sanctus votis vestris.* En l'epistre 282. escriuant au Roy Loys, il vse de ces mots: *Ego, ego electioni Alii ssiodorensi interfui, concors fuit, quia clerici qui antea hac in partes desilierant, sine contradictione nunc tandem Deo miserante, conuenerunt.* Et plus bas, *Ita est, Domine mi Rex, non est quod debeat is reprobare factas electiones, quibus ut fierent, semel vos assensisse constiterit.* Voici donc l'election qui se faisoit par les Euesques circouoissins, par le Clergé du lieu, & par les moines qui sont dans l'Euesché, où se fait l'election, & le consentement, & approbation du Roy y estoit requise : & en fin les vœus & prieres du peuple conjointes avec iusne. Je dy donc, qu'en la reception des Pasteurs & Euesques, le peuple y doit

y doit apporter sa volonré, & libre consentemēt, & qu'outre le tesmoignage des saincts Peres, constitutions des Conciles, pratique de l'Eglise: la raison y est, laquelle se list és escrits des Canonistes, *Qualibet congregatio debet sibi de iure commun eligere prælaturum. caus. 16. quæst. 7. Can. Congregatio & caus. 18. quæst. 2. Can. Abbatem.* Or l'Eglise, c'est vne congregation & assemblée, elle doit donc iouir du droict d'elire, & donner tesmoignage & suffrage à celuy qu'elle desire pour son Pasteur. Les Estats assemblez à Orleans l'an. 1560. ont poursuiui & obtenu du Roy, ce que nostre aduersaire veut debatre estre injuste & dommageable, ne se contentant point de s'estre departi de sa vraye religion, & loix contenues en la sacree parole de Dieu, s'il ne fait aussi du tout la guerre aux saincts edicts de son Roy, & constitutions de son pais: (S'il est, au moins comme ie pense, François) car en l'election d'un Euesque, les Chanoines de l'Eglise Episcopale, doiuent appeller avec eux douze gentils-hommes qui seront esleus par la noblesse du Diocese, & douze notables bourgeois, qui seront aussi esleus en l'hostel de ville Archiepiscopale, ou Episcopale. Et ie demande, ceux-là ne representent-ils point le peuple? n'est-ce point s'approcher au moins de plus pres & en quelque façon de l'usage de la primitiue Eglise? Aille donc maintenant Sponde, & confesse qu'il a perdu sa cause, si elle est iugée par les loix diuines & humaines: si l'autorité & des Conciles, & des estats des peuples y entreuient, s'il faut ouir & obeir aux escrits des saincts Peres, & ordonnances

des Rois : bref, s'il se faut conformer aux bons & approuuez exemples:& ne die plus que nous n'a-uons la raison de nostre costé. Mais il seroit marri s'il ne donnoit tousiours quelque coup de pied à Luther, Caluin, & autres pour leur faire perdre, s'il pouuoit, ceste bonne odeur, dont ils ont rempli la terre,&denigrer leur saint ministère,& des autres. Quand Luther,dit-il,se desbanda du conuent,quel estoit le peuple qui l'auoit esleu à l'election? de quel peuple rapportoit Farel sa charge, qui arresta Caluin à Geneue? & adressât son propos à tous les Ministres : Comment vous eussent les peuples contraint de monter en chaire, vous qu'ils ne cognoissoyent pas?vous-mesmes vous y estes presentez,vous y auez induit les peuples de leur propre mouuement : ils ne vous ont point choisis:par ainsi vous n'estes point,ny vos deuan-ciers,vrais Pasteurs de l'Eglise, selon vos propres maximes, n'estant point passez par l'election populaire. Si Sponde auoit ce bon iugement, duquel il presume neantmoins,de mettre difference entre election,nomination,presentation, & entre confirmation, approbation, & reception; peut estre,si malice ne le pousse,ne se porteroit-il pas de la façon qu'il fait,& ne cōdamneroit point la vocation des Ministres comme nulle, ou nostre doctrine contraire : car l'election, ou designation, n'a iamais esté deferee au peuple, qui a eu droit seulement de reception ou reiection, & opposition arrestant l'election. Si donques on fait ce que luy-mesme accorde, & confesse auoir veu en l'installatiō de plusieurs en la charge de Pasteurs,

il n'a nulle occasion de condamner nostre doctrine, comme contraire à nostre propre pratique. On fait prescher, non vne fois, ainsi qu'il dit, mais plusieurs fois, celuy qui est designé. On aduertist le peuple par certains Dimanches, s'il a causes d'oppositiō: on baille mesme charge aux Pasteurs & Anciens de rapporter au Consistoire le iugement que les particuliers font sur la façon d'enseigner, sur sa vie, sur sa doctrine & mœurs. N'est-ce pas deferer à tout le corps de l'Eglise, ce qui se peut & se doit? Si Sponde aussi scauoit discerner entre les premiers approuuez extraordinairement, & ceux qui sont enserrez dedans l'ordre, il ne s'en prendroit ny à Luther, ny à Calvin: mais il ne se soucie, que de prendre occasion de monstrier, qu'il est vray Apostat, & persecuteur de Iesus Christ, de sa doctrine, & de tous ses vrais seruiteurs & membres. Les vocations qui ont quelque chose d'extraordinaire, n'ont pas toutes les formalitez qu'on obserue, l'ordre estant bien establi, ou mesme redressé. En ce rang mettons-nous celle de Luther, combien que mesme du commencement il a eu l'vniuersité de VVitemberg, & puis le Magistrat & Prince de Saxe, & en fin le peuple dudit pais, pour la plupart de son costé. Quant à Calvin, il est tres-certain que par les suffrages du Senat de l'Eglise, & de la ville, & avec le consentement de tout le peuple, il a esté receu Pasteur en l'Eglise, & Docteur en l'escole: & combien que les adiurations & comminations au nom & en l'autorité de Dieu, de ce saint personnage Guillaume Farel, ayent



diuerti le cours de son dessein, luy ayēt fait changer de resolution, & l'ayent empesché de passer plus outre: toutesfois sa vocation és charges qu'il a exercees, a esté telle que nous venons de dire. Il y a encores les actes publics que Sponde demande, qui font foy de ce consentement & vocation legitime, conforme & respondante à celle que jamais ont eu les vrais successeurs des Apostres & bons seruiteurs de Dieu. Parquoy il suffira que ce chapitre nous ait enseigné, non seulement quelles sont les vrayes charges & essentielles à l'Eglise visible de Iesus Christ en terre, mais aussi quel est le vray & legitime moyen d'y paruenir, selon la vocatiō externe & ordinaire: ce que nous auons deduit vn peu au long, d'autant qu'en partie quelque apparence de raisons, en partie les calomnies & triomphes de Sponde nous y ont occasionnez.

### CHAP. VI.

*De la puissance de l'Eglise à pardonner les pechez, & des biens & possessions temporelles d'icelle.*



SPONDE en la page 49. nous fait compagnons des Nouatiens & Vadiens heretiques. Des premiers, parce, dit-il, que nous osons à l'Eglise la puissance de pardonner les pechez. Des derniers, d'autant que nous enseignons, que les possessions Ecclesiastiques sont le regne de Satan. Ce ne sont calomnies, procedantes d'ignorance & malice. Les Eglises reformees de France, par leur Confession de Foy, declarent

l'excommunication estre necessaire, art. 33. & par consequēt aussi, la reconciliation du pecheur avec l'Eglise, & declaration de la remission de son peché, à cause de Iesus Christ, qui se fait par la bouche du Pasteur conditionnellement. Nous n'ostons donc point ceste puissance donnée à l'Eglise, de declarer au pecheur & l'asseurer par la parole de Dieu, ou en general, ou en particulier, que son peché luy est remis, voire de luy remettre en l'autorité du Fils de Dieu, s'il a foy & est repentant : mais nous blasmons & condamnons l'arrogāce du Pape & de ses supposts, qui s'attribuent d'ouurir le ciel à leur appetit, apres quelques paroles dites, & ceremonies faites, & n'vsent point de la vraye clef, à sçauoir, la predication de l'Euangile, qui engendre la foy, & la confirme, par laquelle nous obtenons salut. Or quelle conuenance y a-il de nous avec les Nouatiens ? ils nioyent qu'il y eust lieu de repentāce à ceux, qui mesme par infirmité estoient cheus en reuolte & renoncement de la foy : ils ostoyent aussi par ce moyen les admonitiōs & reparations publiques. *Augustinus ad quod vult Deum, cap. 38. Epiphanius heres. 59. lib. 2. tom. 1.* Mais que Sponde entre en sa conscience, & die deuant Dieu, à qui de nos Docteurs il a ouï tenir tel langage ? & quand a-il veu rejeter les pecheurs publiques à la recognoissance de leurs fautes. Qui a remis ceste discipline sus, & le vray vsage des clefs, qui estoit du tout aneanti, que nous ? C'est le Pape qui fait les pechez, & les a faits irremissibles, & a fermé l'huis à l'attrempance, quand il a fait à croire qu'ils se ra-

chetoyent par argent, & par les peines du Purgatoire. Bref, c'est luy qui a raiui à l'Eglise ceste iurisdiction spirituelle, se l'appropriant par vn damnable sacrilege. Touchât les Andiens, qui sont par vne corruption de mot des Imprimeurs ou escriuains, en sainct Augustin appelez Vadiens. *Augustinus ad quod vult Deum. hares. 50.* ils ne sont dictz ny reputez heretiques, pour condamner le luxe, les pompes, excez, delices, & superfluitez des Euesques, & blasmer l'auarice & affection grande enuers les richesses en iceux: ce que faisoit Andius. *Epiph. hares. 70. lib. 3. tom. 1. Si aliquem videbat pecunia studiosum ex clero, aut Episcopum, aut Presbyterum, aut alium quendam ex regula omnino loquebatur,* c'est à dire, ainsi qu'il est exposé par le mesme Epiphanius, *Non ferebat hic vir, sed verbis reprehēdebat, se talibus opponebat, ac ipsos redarguebat.* Mais par ce que *culpabant Episcopos diuites*, ils blasmoient & condamnoient les Euesques, qui estoient riches, comme dit sainct Augustin, estans vne engeance & nouvelle plante ou prouin des Manicheens, ou plustost, d'autant que pour ces vices qui se trouuoient és Euesques & Prestres qui estoient en Mesopotamie, ils s'estoient separez de la communion de l'Eglise & des Euesques, qui quelques defauts és mœurs qu'il y eust, estoient Orthodoxes, & purs en la foy & en la doctrine. Or blasmons-nous les richesses en elles-mesmes? nenny, mais bien l'abus d'icelles: & principalement des biens Ecclesiastiques, qui se commet par ceux qui se disent Prelats, & en ont l'administration: & disons en outre, qu'en qualité d'Eues-

ques, ils possèdent trop de reuenus: ce qui est cause, & l'a esté, d'un infinité de maux qui sont surueenus en l'Eglise, dont à bon droict fust ouïe ceste voix du ciel, apres tant de donations immenſes de Constantin, *Hodie venenū effusum est in Ecclesiam.* Or qui s'approche plus des Manicheens, Andiens & Nouatiens, que les moines? qui sont neantmoins estimez les piliers de l'Eglise Romaine? car ils mettent vne partie de leur perfection en la poureté, & ainsi blasment les creatures de Dieu, comme mauuaises d'elles-mesmes: ils se sont separez & se separent du reste des hommes fideles, s'estimans plus saincts que les autres, dont aussi ils se nomment seuls religieux: & mesme nous voyons que les Euesques, Prestres, Chanoines, se donnent & s'attribuent seuls ce nom de Clergé, que saint Pierre fait commun à toute l'Eglise de Dieu, 1. Pierre 5. mais que Sponde aduise, qu'il ne soit compagnon d'Andius, qui pour vn despit & dur traitement qu'il auoit receu des Euesques, & autres Orthodoxes, qui le batoyent, & peut estre sans cause, fit schisme, & dressa des assemblees à part; ou pour mieux dire, de Porphyre, qui pour vn soufflet receu d'un Chrestien, abandonna le Christianisme: mais & l'un & l'autre ne sont demeurez impunis de leur legereté & despit cōtre Dieu & Iesus Christ, contre lequel ils se sont voulus venger.

## CHAP. VII.

*De l'Eglise Romaine & Papistique, où est traité  
si c'est la vraye Eglise.*

**L**ABERTIVS recite d'un Philosophe, qu'ayant quelque fois hautement dit, Or ça hommes: & que plusieurs estans venus à luy, il les chassa, disant: l'ay appelé des hommes, & non point des raclures. Ainsi quand il est question de parler de l'Eglise, la Romaine se met en avant, s'estimant la vraye Eglise, mais il luy faut montrer combien elle se trompe. Nous auons traité és chapitres precedens en these, plusieurs questions touchant l'Eglise, & principalement des marques d'icelle, que Sponde en la page 10. de sa Declaration, attribue à la Synagogue Papistique & Romaine, & principalement luy baille ces trois choses, qu'en icelle Iesus Christ est recognu, & qu'elle presche repentance & remission des pechez. Secondement, qu'elle estoit respandue par tout, & occupoit les lieux, que depuis ceux de l'Eglise reformee luy ont saisi: Tiercement, que l'Eglise Romaine, qui est aujourd'huy, est toute pareille en doctrine, à toute celle qui a iamais esté depuis qu'elle commença. Il est fort aisé de dire ce qu'on voudra, mais mal aisé de le persuader, à ceux qui ne voudront estre pippez. Est-ce prescher Iesus Christ, que de faire esuanouïr ou metamorphoser sa nature humaine? Est-ce prescher Iesus Christ, que de le recognoistre Sau-

ueur en partie? Est-ce prescher Iesus Christ, que  
 de luy bailler successeurs en sa royauté, & sacrifi-  
 cature: ne plus ne moins que s'il estoit mortel, im-  
 puissant, & non vray Dieu? Bref, est-ce prescher Je-  
 sus Christ, que d'abolir sa prophetie? Où est la foy  
 entre vous, ie vous prie, qui appelez presumption  
 l'assurance de l'amour paternelle de Dieu, & salut  
 qui en depend en Iesus Christ? Quelle repentance  
 est-ce que contrition, confession, & satisfaction?  
 non de Pierre certes, mais de Iudas? Où est la re-  
 mission des pechez, s'il y a satisfaction du nostre;  
 ou du tout, ou en partie? si la coulpe est quittee &  
 non la peine? & n'a-on point encore honte de dire,  
 que ceste doctrine est pareille à celle de toute l'E-  
 glise qui a esté dès tousiours? Les Apostres ont-ils  
 iamais enseigné telles choses? mais le cōtraire. Où  
 ces registres, où sont ces Conciles anciens, où  
 sont ces Peres qui parlent ainsi? Je remercie Spon-  
 de, quoy que par reproche & à son deceu, il nous  
 accorde ce qu'il pretend renuerser, que l'Eglise vi-  
 sible ne demeure tousiours & par succession en  
 mesme lieu: car puis qu'à son dire l'Eglise Papale  
 est la vraye & Catholique Eglise, & qu'elle est au-  
 iourd'huy exilee de plusieurs villes, prouinces, &  
 Royaumes: où est sa continuation & duree iusqu'à  
 la fin des siecles, en tous lieux & places? Je stay bien  
 qu'en la page 72. il restraint ce priuilege à l'Eglise,  
 qui a son siege en la seule ville de Rome, & dit  
 que toutes les autres fondees, ou par saint Pierre,  
 ou par les autres Apostres, sont toutes aneaties, ou  
 miserablement dissipees. Au dire de Sponde, il n'y  
 a donc plus d'Eglise en Italie, en Espagne, en Fran-

ce, & ailleurs. Et pauvres gens, pauvres Papistes, François, Italiens, Espagnols, quel Aduocat auez-vous trouué en ces derniers iours? qui faisant semblant de vous bien vouloir defendre, & vous promettre le gain de vostre cause, comme celuy qui a veu toutes les pieces de vos aduerses parties: toutesfois conclud, pour la seule Eglise qui est dans la ville de Rome: & dit, que toutes vos Eglises ne sont point Eglises, elles sont aneanties, elles sont dissipées. En ce seul endroit, sçauoir à Rome, est demeuré entier ce bastiment de l'Eglise. Si cela est vray, comme il est, n'exceptât non plus que les autres lieux ladicte Eglise de Rome: pourquoy fait-on mauuais gré à Luther, Calvin, & autres, qui ont procuré le reestablisement? Pourquoy Sponde trouue-il si estrange, qu'on die que les siecles passez ont esté plongez en vn grand gouffre d'ignorance, & qu'une infinité d'hommes ont fait naufrage de leur salut? Je preuoy son exception, qu'il ne parle de ces Eglises, qui ont eu les disciples des Apostres pour architectes & maistres maisons, & quoy? contre le dire de Iesus Christ, le disciple sera plus grand que le maistre? l'efficace & force de cestuy-la sera plus grande que de cestuy-ci? la voix de ceux qui immediatemēt ont receu l'esprit de Dieu, n'aura percé si auant dans la posterité & suite des temps, que celle de leurs disciples? Que chacun iuge s'il y a de la raison. Mais d'où vient la perpétuité & conseruation entiere & eternelle, de l'Eglise Romaine? pource qu'elle n'a apres Iesus Christ que Pierre pour son fondement: car elle a esté honorée du martyre d'iceluy, c'est à dire, que ceste Eglise



qui a esté fondée par saint Pierre, sera éternellement visible. Cela ne compete-il point à plusieurs autres Eglises? Parquoy si la conséquence n'est bonne pour leur regard, quelle raison y a-il de l'en tirer pour l'Eglise de Rome? Par ce, dit Sponde, que saint Pierre y est mort martyr. Et les Apostres n'ont-ils fondé autres Eglises, que celles où ils sont morts? il n'y en aura donc de fondées par eux que douze au plus. Saint Paul accorde-il qu'il n'eust fondé qu'une Eglise? voicy ces mots Rom. 15. vers. 19. 20. Depuis Ierusalem & à l'environ, i'ay fait abonder l'Evangile de Christ, m'efforçant aussi d'annoncer l'Evangile, non point où il auoit esté fait mention de Christ: à fin que ie n'edifiassé sur le fondemēt d'autrui, ains selon qu'il est escrit. Et ie di donc, qu'il ne s'ensuit pas que les Apostres ayent fondé ces Eglises, pour auoir souffert la mort es lieux où elles sont recueillies. Item i'affirme, que chacun des Apostres a ietté les fondemens de plus d'une Eglise; & d'abondant, que ce qui est de la commission generale de toute l'Eglise donnée à saint Pierre, quand il seroit vray, fait contre Sponde, accusant saint Pierre de n'auoir bien pourueu à icelle, puis que tous les membres & parties s'en sont perdus, fors vne: & qu'attribuer cela au sang & martyr de Pierre, est non seulement parler en l'air, sans fondement & promesse de Iesus Christ: mais aussi à ceste raisō faire les hōmes & leurs souffrāces auteurs de salut & perseuerāce, qui est blasphemer cōtre Iesus Christ, & le demētir en ce qu'il a promis à S. Pierre, ne disant pas qu'il ne luy dōne puissance d'empeschet que sa foy ne defaille, effect

de sa seule mort & priere, Luc 22. mais bien qu'il luy cōmet la charge de cōfirmer par remonstiances ses compagnons encore infirmes, dès aussi tost qu'il sera releué, & aura receu plus de force. Leo 1. *Accepere iusti, non dedere coronas : & de fortitudine fidelium, nata sunt exempla patientia, non dona iustitie.* Bref, c'est contre toute verité & l'autorité ia alleguee, restraindre le fruct & vtilité du tesmoignage & constance du S. Apostre à vne seule Rome. Mais Sponde veut, non tant maintenir la verité & duree de ceste Eglise de Rome, que la primauté. Par quelles railons ? pource que c'est l'image perpetuelle de ceste Eglise, que le Fils de Dieu a reiglee, tandis qu'il a esté au monde. Iamais Sponde ne dit mieux, que l'Eglise de Rome est l'image de l'Eglise: car ce n'en est point aujourdhuy la verité, & la vraye nature & essence: ains seulement vn phantosome, vne idee & figure: & y a telle difference entre l'Eglise de Iesus Christ, & la Romaine, qu'entre vn vray hōme & vn homme peint, entre vne boîte d'apothicaire remplie de bonnes senteurs, & vne boîte où il n'y a que le seul escriteau fait en tresgrosses lettres; ce qui est de l'essence & moëlle s'en est presque tout allé. Toutesfois qu'on me responde si les reigles que Iesus Christ a donnees à son Eglise, selon lesquelles il vouloit qu'elle fust conduite & dressée, sont particulieres à vne seule Rome? L'affirmatiue ne se pourroit soustenir par autorité, moins par raison: ce qui est essentiel à quelque chose, conuient à toutes ses especes & indiuidus, qui participēt aussi au nom. *Hieronymus distinct. 93. can. Legimus. Non altera Romana vr-*

*bis Ecclesia, altera totius orbis æstimanda est: nam & Gallie & Britannie & Africa, & Persis, & Oriens, & India, & omnes barbare nationes unum Christum adorant, unam observant regulam veritatis. Si autem auctoritasquereretur, Orbis maior est urbe.* Ce qui est dit puis apres n'a non plus de fermeté. Que deuât VViclef, Iean Hus, Luther, ou Calvin, la primauté de l'Eglise Romaine n'a esté debatue d'vlturpation & de nullité. le respon, qu'elle n'a esté tousiours telle qu'on l'a veüe depuis, on l'a empeschée quelque temps d'y paruenir: car l'histoire Ecclesiastique nous enseigne, que le Concile 6. de Carthage tenu enuiron l'an 457. ou selon autres, l'an 422. defend & prohibe les appellations des causes Ecclesiastiques, se faire outre mer: c'est à sçauoir, à Rome. Ce que Boniface requeroit audiect Concile, par son legat Faustin. Et qu'en outre, nul Concile fust approuué, sinon qu'il y eust enuoyé son Legat à ce faire. Et allegua pour son dire, le decret de Nicee, mais il fust rendu honteux, car on fist venir des copies dudiect Concile, qui estoient gardees à Constantinople, par lesquelles apparust du contraire: parquoy sa requeste fust reiettee, & la defense faite, comme desia a esté dit. C'est en l'epistre du Concile d'Afrique à Boniface I. Et Celestin au I. volume des Conciles. Voila des prouinces entieres, qui n'ont voulu receuoir la domination & tyrannie de l'Eglise de Rome, laquelle lediect Concile ne reconnoit auoir degré ou primauté sur les autres. L'Eglise de Rauenne n'auoit esté assubiectie à la Romaine deuant Theodore Archeuesque, lequel indigné contre son Clergé, alla vers Agathon Pape,

& priua ladicte Eglise de la liberté, où Dieu l'auoit conseruee iusqu'à ce temps, qui estoit l'an 680. Et depuis Leon Pape 2. par l'autorité des Empereurs Constantin & Iustin 2. ordonna que l'election de l'Archeuesque de Rauenne ne seroit valide, si le Pape Romain ne l'auoit approuuee. C'est Nauclerus qui recite cecy, les supplemens des Chroniques, & *fasciculus temporum*. Autant en pouuons-nous dire de l'Eglise de Milan, laquelle depuis le temps des Apostres iusqu'à Estienne Pape 9. de ce nom, c'est à dire, iusqu'à l'an 1057. selon Platine & R. Barus, n'auoit esté sous l'obeissance de ce siege Romain. Il est tres-clair que l'Eglise Greque a demeuré lōg temps, deuant que vouloir recognoistre l'Eglise Romaine pour sa maistresse : & l'ayant fait s'est re-traictée fort souuent, & par ce moyen l'a accusée d'vsurpation, selon Nauclere, & *fasciculus temporum*. L'Eglise de Milan a iugé la nullité du primat de ladicte Eglise Romaine, quand elle demeura pour le moins, selon lesdits auteurs, deux cens ans sans s'y vouloir soumettre. Depuis Theodore, leon aussi Archeuesque, n'a-il point voulu maintenir la liberté de l'Eglise de Rauenne, qui luy auoit esté rauie par Leon 2. à l'aide de Constantin & Iustinian 2. Empereur? parquoy ie dy, que la primauté de l'Eglise Romaine, n'a iamais esté sans qu'on l'ait debattue. Et pour les autres poincts de fausse doctrine, toutes les gardes de ce sacré Capitole ne s'estoyēt point endormies: elles ont crié, voire plus fort que les oyés qui estoient audict Capitole, deuāt VViclef. Huldric Euesque d'Ausbourg a escrit au Pape Nicolas premier, qui fust establi au Pontificat l'an

857. & se plaint des Euesques de son temps, les appelle infideles. Je ne fay, difficulté, dit-il, de les nommer infideles, & ne crain de dire, qu'ils sont ceux desquels parle S. Paul à Timothee, Es derniers iours, aucuns defaudront de la foy, s'amusans aux esprits abuseurs, & aux doctrines des diables par hypocrisie, de ceux qui parlent mensonge, ayans leur conscience cauterisee, defendans le mariier: Mais il n'y a point eu aucun Mâlius qui se soit resueillé & ait repoussé l'effort des ennemis, non estrangers, mais pires: car ils estoient domestiques. Les Rois de la terre, & les Empereurs, enyurez du vin des paillardises de ceste grande Babylone, n'ont point ouï les cris, & paillardans avec elle, ont perdu le iugement & le courage, Appoclyp. 17. vers. 3. Avec quelle asseurance donc peut appeller Sponde tout le monde, à la lecture de l'histoire Ecclesiastique? qui la pourra lire sans l'accuser d'ignorance, ou d'imposture & mensonge? qu'y trouuera-on que de quoy s'estomacher tant contre Rome, & celle qui se dit la mere des autres Eglises, que contre son Antechrist? Pourra-on ietter les yeux sur deux pages, sans y voir les turpitudes & vilenies de ceste impudique, impudente, & son rufien le Pape? Que les plus fauorables escriuains des faits & vie des Papes sortent: Je ne les recuse point, qu'ils soyent iuges de mon dire, & me facent rougir s'il est autrement. De l'histoire, Sponde passe au tefmoignage des Peres, & commence par saint Augustin. *In Psalmo cōtra partem Donati.* Qui appelle, dit-il, le siege de saint Pierre, la pierre sur laquelle est fondee l'Eglise. Moy ie ne li pas ainsi. Commēc

donc ? *Ipsa est petra, quam non vincunt superba inferiorum porta.* Icelle est la pierre laquelle n'est point vaincue par les orgueilleuses portes d'enfer. Et ie croy que i'ay vn bon exemplaire. Cela est dit par le Fils de Dieu de l'Eglise, en quelque part qu'elle soit, la verité de ceste sentence n'est pas propre à la seule Eglise de Rome. Et ne s'ensuit pas que ce qui dure long temps, soit fondement: car la maison est rendue ferme & de durec ancienne à cause du bon fondement qui la soustient. Voici Sponde premierement surprins en mauuaise foy; regardons s'il corrompt le sens & intention de ce saint Docteur. Qu'entéd-il par le siege de saint Pierre au lieu allegué? certes l'Eglise, comme elle estoit du temps que Pierre en auoit la conduite & administration: c'est à dire, bastie sur la doctrine de saint Pierre & autres Apostres. Et d'autant que ie ne vueil vser de surprinse, ni rien cacher; ie respondray à ce qui est dit par le mesme Augustin en ce mesme lieu, & qui semble combattre nostre interpretation. *Numerate sacerdotes, vel ab ipsa Petri sede, & in ordine illo Patrum quis cui successit videte.* Parquoy il parle de la succession des Prestres & Peres depuis S. Pierre, ce qui ne regarde que la seule Eglise de Rome. Responce, que saint Augustin prend ce mot de siege de saint Pierre en deux sortes, premierement pour saint Pierre, ou au moins pour le temps auquel il a vescu & esté à Rome. Et en autre sens, ne peuuent estre prinſes ces paroles. Nombrez les Prestres, voire depuis le siege de S. Pierre, c'est à dire, depuis saint Pierre mesme estant Euesque de Rome, ainsi que S. Augustin l'estimoit, alleguant par

par exemple seulement l'Eglise de Rome, & non pour luy deferer à elle seule le titre & verité d'Eglise. En apres & secondement, il prend le siege de S. Pierre pour toute l'Eglise de Dieu, ainsi que nous auons dit, eu esgard & faisant allusion à ce que Iesus Christ auoit dit à son Apostre saint Pierre, Matth. 16. Et voila quand à saint Augustin. Le passage de saint Cyprian en l'epistre 8. du 4. liu. à Corneille, ne fait rien contre nous, appellant l'Eglise de Rome pour ce temps, la matrice & racine de l'Eglise Catholique: en quoy nous voyons, qu'il ne l'appelle pas l'Eglise Catholique, mais la matrice seulement de l'Eglise Catholique: & ne dit pas aussi, que ce soit le fondement de l'Eglise Catholique qui la soustienne, & en qui seule la dicte Eglise Catholique se cōserue, mais celle dont ceste-cy a esté peuplee, & a commencé d'auoir son estendue par tout. Ce qui conuient encore mieux à l'Eglise de Ierusalem selon les propheties, ainsi aussi que Theodoret le dit, au liu. 5. chap. 9. en ces mots: *Matris autem omnium Ecclesiarum Hierosolymitana reuerendissimum & Dei amantissimum Cyril-lum Episcopum esse vobis significamus.* Et à l'Eglise de Antioche qu'à celle de Rome, si ce mot de Catholique se rapporte à l'Eglise Occidentale: combien que ie ne vueil dissimuler, ce que cest autheur prononce vn peu plus bas, à sçauoir, que cōmuniquer avec Corneille Euesque de Rome, est tenir & approuuer l'vnion ensemble & charité de l'Eglise Catholique. Mais qui ne void la raison? car outre que Rome estoit le siege du Patriarchat, fondé sur la discipline & police des hommes, laquelle il ne fa-



loit rompre de gayeté de cœur de ce temps-là, qu'on ne voyoit les p<sup>r</sup>oiects de Satan, qui ne faisoit que mettre les premieres pierres de son bastiment, n'ayant encore esleué ceste tour de Babel: peut-on estre en la communion de toute l'Eglise, si on n'est consentât avec toutes les Eglises particulieres? Ce membre qui est disioint & separé d'un autre prochain & contigu, ne l'est-il pas de tout le corps? Ces choses bien considerees, sainct Cyprian ne fauorise en rien aux fausses opinions des Papistes, touchant leur Rome & Eglise Romaine. Le passage d'Ambroise, exposant, ou faisant parler son frere Satyrus, que s'accorder avec les Euesques Catholiques, est auoir conuenance avec l'Eglise Romaine, peut estre facilement vuidé, si nous mettons difference entre Eglise de Rome, c'est à dire, de ceste ville-là, & Eglise Romaine, c'est à dire de toute la prouince de deça la mer, & principalement de l'Italie, de laquelle parle Satyrus, ou Ambroise: car il n'y a pas *Ecclesia Rome, sed Romana*. Que telle soit l'intention d'Ambroise, il appert de ce qu'il dit, que Satyrus estoit en ces regions & quartiers où l'Eglise estoit en schisme, & quel schisme? des Luciferiens, comme il s'expose au mesme lieu. Et où est-ce que ceste sorte d'hōmes se trouuoit? en Orient, principalement en Antioche, non ailleurs. Nicephore liu. 8. chap. 17. & Socrates liu. 5. chap. 5. Voici les paroles de sainct Ambroise. *Percontatūque ex eo est (nempe Episcopo) utrumnam cum Episcopis Catholicis, hoc est cum Romana Ecclesia conueniret, & fortè & ad id locorum in schismate regionis illius Ecclesia erat. Lucifer enim tūc se à nostra*

*tunc temporis communionē diuiserat.* Je referue à re-  
spondre au passage de saint Ambroise au 3. chap.  
de la 1. à Timoth. où Damasus est appelé Recteur  
de l'Eglise, lors que nous parlerons de la primauté  
du Pape : parquoy ie passe à la page 133. & là il  
nous veut prendre par nostre propre confession;  
qui est, que nous ne disons pas que tous les Papi-  
stes soyent damnez, s'il est ainsi que quelques vns  
sont sauuez : s'ils sont sauuez, ils sont dans l'Eglise,  
hors laquelle (c'est vn point de foy resolu) qu'il n'y  
a point de salut. Et dans quelle Eglise, qu'en la Ro-  
maine & Papistique? Je soustien & fortifie son ar-  
gument, autant & le plus fauorablemēt qu'il m'est  
possible. La somme reuient à cecy, là où il y a salut,  
là est l'Eglise : or en l'Eglise Romaine y a salut, là  
dōques est l'Eglise. Nous accordōs tout cela, mais  
pourtant n'en peut-on recueillir ceste conclusion  
que ce soit la vraye Eglise, ni partie d'icelle. C'est  
donc autre chose auoir l'Eglise, autre estre l'Eglise:  
autre estre en l'Eglise, autre estre de l'Eglise. Baby-  
lone pour laquelle Ieremie commande de prier, a-  
uoit l'Eglise, & n'estoit l'Eglise, autant en pouuons-  
nous dire de l'Egypte : les polices & Royaumes  
sont les hosteleries & logis pour heberger les vrais  
ensans de Dieu, qui voyagent, & sont pelerins en  
ce monde. Parquoy ce n'est de merueille, si en la  
Papauté Dieu a conserué beaucoup de ses esleuz.  
Ie preuoy la replique, & y vay au deuant, pour ne  
luy donner peinc, Que les Iuifs qui estoient en ces  
regions estrangeres, ne communiquoyent aux reli-  
gions de ces peuples, ains conseruoient celle qu'ils  
auoyēt receuē de Dieu, & qui estoit la vraye: mais

que tous ceux qui ont vescu en cest Occident depuis 500. ans, ont adheré au seruice & religion que nous condamnons en partie aujourd'huy, & qui est receuë en l'Eglise Papistique. Je nie qu'ils ayēt approuué & creu tout ce qui est de la Papauté, mais bien ce qui est du Christianisme, en la doctrine preschée en l'assemblée Papistique. Je mets donc difference entre la doctrine Papale, & la doctrine preschée en l'assemblée, sur laquelle l'Antechrist exerce son regne, d'autant que ceste-cy a esté tantost moins, tantost plus impure, selon qu'il plaisoit à Dieu susciter des personnes plus ou moins afferuies à ce tyran Romain, & à ses ordonnances, & plus ou moins versez en la cognoissance de Iesus Christ, & zelez au salut des ames. L'autre est directement contraire à la doctrine de Iesus Christ, & renuerse les poincts fondamentaux de salut, combien quelle retienne quelque chose de l'Euan-gile: tant à cause que le mensonge ne peut subsister de soy-mesme, que pour esbloüir les yeux des hōmes, & mieux les tromper & deceuoir. Je dy dōc, que ceux à qui Dieu a donné ce iugement l'esprit de discretiō, pour separer le mal d'auec le biē, & la fausse doctrine d'auec la vraye, n'ayans aucun moyen de sortir de ceste Babylone, l'enseigne & bāniere pure & simple du Fils de Dieu n'estant encore dressée: ne peuuēt ni ne doiuent estre exclus du salut & vie eternelle, car tels estoient membres de l'Eglise Catholique, quoy qu'ils fussent de corps & d'exercice externe de la synagogue Romaine & ennemie de la vraye Eglise. Quant aux autres (cōme cela est aduenü à la plus part) qui ont beu le

poison, & ont esté abbruuez de ceste doctrine infernale, en ce qui regarde le fondement & principal, couuert du pretexte & du nom de deuotiō de Iesus Christ, & de l'Eglise: qu'en pouuons-nous affermer en general, que la mort? sans cependant vouloir entrer au iugement de Dieu, & particulaiser de cestui-ci ou de cestui-la: nous contentans que comme c'est Dieu qui cognoist les siens, qui est vn fondemēt qui demeure ferme: ainsi seront-il manifestez en ceste iournee-là. Parquoy ie cōclu, que la synagogue Papale a eu l'Eglise, & en plusieurs endroits où la tyrannie de l'Antechrist a lieu, plusieurs parties d'icelle Eglise y demeurēt couuertes & cachees, comme le grain parmi la paille: & toutesfois ceste paillarde n'a esté, ny n'est l'Espouse de Iesus Christ. Et pour ceux qui prendroyent aujourd'huy de ces propos, occasion de ne sortir de ceste Babylone, dans laquelle ils peuuent estre conseruez à salut, vsant de ceste discretion & iugement, dont nous auōns parlé: le respon, qu'ils tombent en trois fautes: la premiere, qu'ils tentent Dieu: l'autre, qu'ils renient Iesus Christ, en confessant l'Antechrist, & portant son ioug: la troisieme, qu'ils comuniquent à toutes les abominations & idolatries, qui se commettent contre Dieu & Iesus Christ, par leur presence corporelle, estans en ce poinct & dernière faute differens des precedens, & desquels nous auōns parlé: & sans pretexte aucun, ou excuse qu'ils puissent alleguer, en ce qu'ils faillent sciemment contre leur consciēce, & ayans moyen de seruir Dieu en toute pureté, au lieu que les au-

tres ont peché par ignorance, & ont esté enuolopez de plusieurs erreurs saisis des tenebres, qui auoyent couuert la face de la terre, & estoient contrains de gemir, ne sçachans & ne voyans assemblee quelconque sur laquelle l'Antechrist ne fust assis. Pourquoy est-ce donques que Sponde se plaint de ce diuorce, qu'il appelle espouuantable en la page 148. qu'on a fait d'auec ceste synagoge? car en elle n'estoit la verité pure, ains meslee de dix mille mésonges. Elle ne couuoit en son sein les enfans de Dieu, que pour les estouffer: & est tres-certain que la parole de Dieu n'y estoit preschee ainsi qu'il falloit. Je ne di pas à nostre guise. le nous obiecter, c'est calomnier. Mais comme Iesus Christ, les Prophetes & Apostres l'ont fait, à sçauoir purement, & conformément à la volonté de Dieu, c'est à dire, aux Escritures pour vous, & en langage intelligible, & dont les ames de tous les fideles peussent receuoir edification. Et c'est en ce sens que Calvin prononce, que la predication de la parole de Dieu, s'estoit esuanouie durant quelques siecles par l'artificé du diable. *Nam res qua non est, & qua non cognoscitur, idem est iudicium.* Et ce qui se fait fort rarement, & par quelques vns extraordinairement, est estimé n'estre point fait. Bref la forme d'une chacune chose estant indiuisible, il s'ensuit que la parole de Dieu estât corrompue & falsifiée, n'est point verité & parole de Dieu. D'où est tombée ceste verité au cerueau de Calvin, demande Sponde? Je respon pour luy, De l'esprit de Dieu qui en est l'auteur. Par quel moyen? par ces trois, par la lecture attentue & frequente des

sainctes Escriures, accompagnée de seruètes prieres au Seigneur: par l'ouïe de certains personnages accōpaignez d'une grace extraordinaire de Dieu, & par la lecture dès sainctes & Anciēs Docteurs. Et ne fait rien contre cecy, qu'és poinctes les plus scabreux & plus contentieux, Calvin tient les vieux Docteurs pour des bestes, selon Sponde, veu que iamais il n'a parlé en ceste façon. Et ce reproche ne se trouuera veritable, à ceux qui prendront la peine de le lire. Que si Calvin examine leur doctrine à l'esquierre de la parole de Dieu, que fait-il que ce que les posterieurs ont fait à leurs deuanciers? c'est à dire, ce qu'Augustin a fait à Cyprian, & ainsi des autres? Puis qu'ils estoient hommes, ils ont peu errer: & errans, ont esté suiectz à la correction, ou de ceux de leur temps, ou de ceux qui les suiuoyent: mais de cecy a esté traité ailleurs. Parquoy nous ne lisons en ceste pag. 149. que pures calomnies & faux blasmes, comme que Calvin se fait luy-mesme l'esquierre à laquelle toute l'Eglise se doit reigler. Item, qu'il s'est forgé luy-mesme la doctrine qu'il enseigne. Or c'est estre trop impudēmēt menteur, car en la preface de son Institution parlant au Roy, vers le commencement, il se iustifie assez contre tels chiens matins, sans qu'il soit besoin d'autre responce. Voici les mots: Il ne nous reste plus dequoy nous glorifier deuāt Dieu, sinon sa seule misericorde, ny enuers les hommes sinon nostre infirmité, c'est à dire, ce que tous estiment grande ignominie. Mais toutefois il faut que nostre doctrine consiste esleuee & insuperable, par dessus toute la gloire & puis-

sance du monde : car elle n'est pas nostre , mais de Dieu vivant , & de son Christ . Bien est vray que nos aduersaires cōtredisent , reprochans que faussement nous peruertissons la parole de Dieu , de laquelle nous sommes , comme ils disent , peruers corrupteurs . Mais vous-mesmes , selon vostre prudence , pourrez iuger en lisant nostre confession , combien ceste reproche est pleine , non seulement de malicieuse calomnie , mais d'impudence trop effrontee , &c. Quand S. Paul a voulu que toute prophetie fust conforme à l'analogie & similitude de la foy , Rom. 12. vers 6. il a mis vne tres-certaine reigle pour esprouuer toute interpretation de l'Escripture. Or si nostre doctrine est examinee à ceste reigle de foy , nous auôs la victoire en main. Et si les liures de Calvin estoient si clairs seinez que ceux des Sybilles , ou enseuelis en terre comme ceux de Numa , ou escrits en langue estrangere , on pourroit faire à croire qu'il dit ceci ou cela : mais veu qu'il a escrit en François aux François , il faut que Sponde , s'il veut debiter sa marchandise , s'en aille aux Indes : notamment au Perou , pour la changer avec de l'or , dont il a bon besoin pour s'acquiter de ses debtes , où il pourra parler à son aise , sans crainte qu'on luy contredise . I'ay fidelement transcrit ce que Calvin amene de la doctrine qu'il enseignoit : Où sont donc ces propos arrogans , que Sponde luy fait tenir , & presomptions , dont il l'enfle ? C'est trop se permettre toute licence de mentir en la face de la verité , car la bouche luy sera close par elle , & ne profitera non plus en



taschant d'envelopper Calvin en contradictions de ce qu'il a dit, que par l'espace de cinq cens ans ou environ, la Chrestienté estoit en sa vigueur, & y auoit plus grande pureté de doctrine, liure 1. de son Institution chap. 11. sect. 13. & que neantmoins il allègue quelque fois Gregoire premier, qui a vescu au sixiesme siecle: car il ne dit pas, que tout d'un coup apres les cinq cens anneés, la predication se soit esuanouie: mais que la perte de la sincerité en ceste sainte doctrine & seruice de Dieu, a esté apres ledict temps plus notable & remarquable qu'auparauant. Je dy donc que Calvin ne veut rien signifier de ce que nostre aduersaire s'est feint en son esprit, & luy veut faire dire, ou que la corruption n'ait commencé qu'à la fin de 500. anneés, ou que la verité ait du tout cessé dans lesdictés cinq cens anneés: car il parle par comparaison, ainsi qu'on peut recueillir de ces mots de plus grande pureté, & d'abastardissemēt desquels ce bon seruiteur de Dieu a usé en son liure, & au passage cotté. Ce qu'il declare encore en mots exprez au liure 4. chap. 2. sect. 7. & 8. car comparant les Eglises, lesquelles sont suiuettes à la tyrannie du Pape avec les iuifs, il declare qu'ils ne sont pas tresbucheés du premier coup en extrémité, mais sont alleés en decadence par certains degrez. Sponde poursuit & veut combattre Calvin de ses propres paroles, quand il dit au chap. 2. sect. 12. du quatriesme liure de son Institution, qu'il ne nie pas du tout, que les Papistes n'ayent quelques Eglises entr'eux: que si cela est vray, il ne doit leur impropérer, que là on y sacrifie au

Diable, comme il fait au liure 4. chap. 4. sect. 9. Je  
 respon pour luy, que pour ceste raison aussi, il re-  
 fuse de leur ottroyer simplement & sans quelque  
 restriction & correction, le titre d'Eglise: d'au-  
 tant qu'ils n'ont le vray estat d'icelle, qui empor-  
 te establisement de vraye doctrine, & de tout ce  
 qui appartient à la profession de la Chrestienté &  
 seruice de Dieu. Que si on veut sçauoir iusques  
 où il leur accorde ce titre d'Eglise: Premièrement  
 ie leur diray, que ce n'est pour auoir commenté  
 avec eux, iusques à consentir à toute leur doctri-  
 ne. Item, ce n'est point communiquer à toutes  
 leurs prieres, Sacremens & ceremonies, & les en-  
 suivre aux façons de seruir Dieu vicieuses & profa-  
 nes: ce n'est, di-ie, pour s'adioindre à telle Eglise,  
 & telles assemblees en l'exercice du seruice exter-  
 ne qui s'y fait, veu qu'elles sont contaminees d'i-  
 dolatries, & de diuerses superstitions. Par-ainsi  
 nous ne pourrions nous adjoindre vne fois à icel-  
 les en leurs temples, sans qu'il nous falust com-  
 miquer à idolatries manifestes, & que nous ne  
 fussions contraints de voir & faire certaines cere-  
 monies, qui non seulement ne sont instituees de  
 Dieu, mais sont controuuees, & forgees contre sa  
 defense. Item, ce n'est pour leur attribuer l'hon-  
 neur, puissance, & iurisdiction, que Iesus Christ  
 attribue à son Eglise, pour receuoir ses admoni-  
 tions, estre sujets à son iugement, & s'accorder du  
 tout à icelle. Car-ayant l'Antechrist pour chef,  
 elle domine tyranniquement, & afflige les con-  
 sciences d'une domination inhumaine: & tout y  
 est tellement confus, qu'ils portent plustost l'ima-

ge & forme de Babylone, que de la vraye cité de Dieu. Ce n'est point aussi pour dire, qu'ils ayent le ministration de la parole de Dieu, car leurs assemblees ne sont qu'escoles d'impieté & de toutes especes d'erreur. Iesus Christ y est à demy enseveli, l'Evangile y est suffoqué, dont aduient que la Chrestienté y est exterminée, & le seruice de Dieu aboli, & les ames empoisonnées de fausses & meschâtes doctrines, & quasi mises à mort: Bref, ce n'est quant à ce regard, qu'il y reste marque, par laquelle les saintes assemblees des fideles soyent distinguees & discernées des conuenticules des Turcs. Mais voici ce qui reste, & à raison dequoy ny nous, ny Calvin, ne nions point, que les Eglises sur lesquelles l'Antechrist domine, ne demeurent Eglises. Premièrement, l'alliance qui n'est rompue au regard de Dieu, ains pour ce qui leur touche seulement, qui sont desloyaux & impies, d'autant que ceste alliance est appuyée sur sa propre fermeté: & Dieu qui est constant & ferme à exercer sa bonté, surmonte tous les empeschemens du costé des hommes, & continue de maintenir sa promesse, & ne veut retirer son alliance d'eux. En second lieu, le Baptisme qui y est demeuré pour tesmoignage de ceste alliance, lequel d'autant qu'il est ordonné & consacré de sa bouche, retient sa vertu, malgré l'impieté des hommes. En troisieme lieu, les Escritures saintes, & autres marques, desquelles la vertu ne peut estre abolie, ni par l'astuce du diable, ny par la malice des hommes. Il y a pour le quatriesme, le nom de Christ & de son Eglise, qui n'y est point du tout

aboli, ains y est retenu. En cinquiesme lieu, Dieu y recognoist les petis enfans qui naissent en ceste assemblee, pour siens, par vne benediction speciale. En fin les reliques du peuple de Dieu y ont esté, & y sont miraculeusement conseruees, combien qu'elles y soyent & ayent esté pourement dispersees. Bref, nous accordons que l'Eglise n'y est point perie du tout, & quelques traces de la dissipation & apparences de la ruine y ont resté, & quelque portion de l'edifice y est demeuree. Ainsi l'Eglise Romaine & Papistique peut estre dictée Eglise ou par homonymie seulement, car l'Eglise sans la foy ne peut estre dictée Eglise que de nom, ou par similitude & apparence externe, ou au plus, par synecdoche, & prenant quelques parties pour le tout: car les choses que nous auons dictes, ne sont que restes de la matière, de laquelle la vraye Eglise est construite & bastie. C'est ce que ie vueil dire pour le present à ceste obiection. L'autre qui suit, ne doit non plus faire peur aux ames bien assurees sur la parole de Dieu, selon laquelle ils le seruent: car dire que l'Eglise ne peut estre ailleurs, que là où est l'Antechrist, qui selon Daniel & saint Paul, doit estre assis au temple de Dieu, par ce qu'il n'y a qu'un corps seul, & vne seule maison, c'est se tromper plus que de la moitié: car il n'est pas predit que tout le monde vniuersel, & toutes les Eglises qui sont en iceluy, doiuent estre enuahies & submises à sa tyrannie. Les Eglises Grecques en ont esté exemptes iusqu'aujourd'huy, & celles-mesmes, qui ont esté fraichement cognues és isles Orientales, qui ayans telle quel-

le cognoissance de Iesus Christ, ne cognoissent non plus la ville de Rome & son pretendu Euesque, que si iamais elle n'eust esté. Et quand il seroit ainsi que Sponde pretend, comme il est certain que saint Paul a predit l'Apostasie, non d'une ou deux Eglises, ains de plusieurs: voire d'un grand nombre, si doit-il estre en fin desconfit, & enfans de Dieu retirez & deliurez de ses pattes, par la clarté de la venue du Seigneur: & lors l'Eglise ne sera toute souz la domination cruelle de cest ennemi de Iesus Christ. C'est aussi se tromper lourdement, pëser que ceste Eglise en laquelle l'Antechrist a eu & a son siege, retiëne toutes les qualitez de l'Eglise: veu qu'elle est rendue vne caverne de beaucoup de superstitions, & est souillée de sacrileges innombrables: mais elle a quelque chose de residu, de ce qui est de la nature de la vraye Eglise, comme a esté dit par cy deuant. Sponde est icy plaisant, voulant faire du subtil, & quoy qu'il proteste, voire avec imprecations, qu'il abhorre les sophismes, & qu'il ne veut vser de surprinses, si ne sont ses argumens ne ses repliques que captions, dans lesquelles cëpëdant il se paône, & veut qu'on les admire. Voyons s'il y a de quoy. Où il n'y a point de fondement d'Eglise, dit-il, il n'y a point d'Eglise: or ceste assemblée & compagnie sur laquelle l'Antechrist est assis, n'a point de fondement d'Eglise. Pourquoi? d'autant que l'Antechrist doit estre assis dessus le fondement. Et par la propre confession de Calvin, l'Antechrist n'a point renuersé l'Eglise iusqu'aux fondemens. Premièrement saint Paul ne parle pas du fondement du

temple de Dieu, ains du temple. Et en vain repliquera, que celuy qui se sied sur la maison, se soustient aussi & occupe les fondemens d'icelle : car les mots sont, *αὐτὸν ἀντικείμενον εἰς τὸν ναὸν τῷ θεῷ ὡς θεὸν καὶ δόξαν* c'est à dire, que cest aduersaire sera assis dans le temple comme Dieu, & non sur le temple. Apres, où a leu & trouué Sponde, que Calvin ait dit, que l'Antechrist n'auoit renuersé l'Eglise iusqu'aux fondemens? I'allegueray mot à mot ce qu'il en a escrit au liu. 4. chap. 2. sect. 11. Comme aucunes fois les bastimens sont demolis, en telle sorte que les fondemens demeurent, & quelques apparences de la ruine : aussi nostre Seigneur n'a point permis que son Eglise fust tellement rasée ou destruite par l'Antechrist, qu'il n'y demeurast rien de l'edifice. Sur cecy i'aduertiray Sponde, puis qu'il ne l'a appris de son Aristote, que les similitudes clochént tousiours: qui fait, que les conclusions qu'on en tire, sont fort infirmes & caduques, & que les choses semblables ne sont iamais les mesmes, & faut iuger d'icelles selon le but, intention & fin de celuy qui les employe, c'est à dire, par la reddition & application laquelle en ce suiet a bien esté faite autrement par Calvin, que son aduersaire ne dit. Ceci pourroit suffire, si ie ne regardoy' qu'à luy clorre la bouche, mais ie le vueil instruire & les semblables; & monstrier en quoy il se trompe. Il veut iuger des choses spirituelles ainsi que des corporelles; la nature desquelles, à sçauoir de celles-cy, ne permet d'estre possédées toutes par plusieurs en mesme temps. Mais cela ne compete aux biens spirituels, auf-

quels tous entiers mille milliers de personnes  
 peuuent cōmuniquer en mesme temps, sans qu'il  
 en deperisse à aucun rien qui soit. Or ie demande,  
 si les fondemens de l'Eglise ne sont point de ceste  
 nature? & s'il n'est point requis, que non seulemēt  
 l'Eglise cōsideree en son tout & vniuersel, ait tous  
 ses fondemens entiers : mais aussi les Eglises par-  
 ticulieres, membres homogenees de ceste Eglise  
 vniuerselle? Que si cela est vray, comme il est, ie  
 nie ceste consequence pour n'estre bien faite, à  
 sçauoir, que si l'Antechrist a deuērs soy les fonde-  
 mens de l'Eglise, la vraye Eglise ne les a point, &  
 i'en ay dit la raison. Toutestois Calvin se contred-  
 dit, allegue Sponde, car si la predication de la pa-  
 role de Dieu & l'administration des Sacremens,  
 sont les deux essentiellés marques de l'Eglise, en  
 criant si fort, que l'Eglise Romaine n'a ny l'un ny  
 l'autre : comment peut-il dire, qu'elle n'est point  
 renuersee iusqu'aux fondemens? Ouy s'il le disoit,  
 mais ses paroles font foy du contraire. Et de ce  
 passage que nous auons fidelement transcrit, ne  
 s'en peut recueillir rien de semblable : combien  
 que i'accorde avec Calvin, que tout ce qui est du  
 fondement de l'Eglise n'a esté arraché par l'Ante-  
 christ, qui estant ennemi domestique, se tient cou-  
 uert, pour mieux faire ses besongnes dans les ma-  
 sures de l'Eglise, restantes des ruines qu'il a luy-  
 mesme faites, ayant corrompu partie des fonde-  
 mens en toute leur vraye nature & propre essen-  
 ce, qui est les oster : partie en leurs circonstances  
 par vne infinité d'additions superstitieuses, qui est  
 les laisser, mais en mauuais estat. Parquoy ie



224      RESPONSE A I. DE SPONDE,  
maintien, Calvin n'auoir iamais dit, que toute  
predication ou administration des Sacremens  
fust ostee de l'Eglise Papistique, mais bien l'une  
& l'autre estre en partie abolies, en partie profa-  
nees. Or ce qui est profané, demeure & a estre, car  
les accidens & qualitez ne peuuent estre sans su-  
iet. Or Sponde ne pouuant venir à bout par cest  
de monstrier que Calvin se contredit, il y va par vn  
autre, & demande qu'on luy accorde & face con-  
uenir ces deux propositions : l'une, que l'Eglise  
Romaine n'est point l'Eglise de Christ, l'autre,  
que l'Eglise de Christ est conseruee en l'Eglise  
Romaine. Et ie luy demande qu'il me responde  
hardiment, ces deux propositions sont-elles con-  
tradictoires ? pour l'estre, l'une affermera ce que  
l'autre nie, ou niera ce que l'autre afferme. Mais  
le propos ne va pas ainsi, ce seroit se contredire  
parler en ceste sorte : l'Eglise Romaine n'est  
point l'Eglise de Christ, l'Eglise Romaine est  
l'Eglise de Christ. Mais dire que l'Eglise Ro-  
maine & Papistique conserue l'Eglise de Christ  
qu'elle n'est point, n'est se contredire ? l'estimer  
& l'affirmer est faire rire de soy-mesme. Et la  
malice de cest imposteur est autant remarquable  
en ce lieu qu'és autres, car Calvin n'a iamais dit  
que l'Eglise Romaine cōseruast l'Eglise de Christ,  
mais qu'icelle y estoit miraculeusement conser-  
uee. L'Eglise Romaine donc n'est la cause de la  
conseruation, ains Dieu qui en cest œuvre decla-  
re sa sagesse, bonté & puissance, dequoy nous a-  
uons parlé ailleurs. Sponde continue à s'escrimer  
contre les ombres de Calvin, le dement, luy baille  
de desfis

de desfis, l'iniurie, l'appelle endiablé, ou poussé & inspiré du diable. D'où luy vient eeste colere? de ce qu'il a dit, que le sacrifice de la Messe est vn sacrifice fait aux diables, c'est à dire, qu'il s'en prend à la principale piece du Papisme, & qu'il sappe les fondemens pour les faire tresbucher par terre. Il touche bref à la playe, & c'est ce qui fait ietter à Sponde ces cris & ces tempestes qu'il fait pour bien iouer son personnage, & représenter le Papiste zelé en la page 80. & 81. Je respondray seulemēt à ces deux traits qu'il baille en passant. Est-il possible que là où le diable est serui, là il y ait fonderment d'Eglise? quel des Chrestiens de ceux qui croient à Calvin, dit-il, se persuadera que leurs Peres soyent morts en sacrifiant aux diables? Je croy bien que ce n'estoit leur intention & leur pensee: mais les bonnes & mauuaises œuures, ne dependent du iugement des hommes, moins de ceux qui les font, ains de Dieu, & de la reigle qu'il en a baillee en sa parole, car vn œuvre ne sera bonne à cause que ie l'estime telle, mais d'autāt qu'elle l'est à la verité. Ont-ils donc sacrifié aux diables? s'ils n'ont sacrifié au vray Dieu, il s'ensuit necessairement: car aussi tost que les hommes se destournēt du vray Dieu, c'est à dire, qu'ils luy apportent des seruices controuuez & superstitieux: & à plus forte raison quand ils veulent adorer les creatures, Satan se presente à eux, ou directement pour se faire adorer, Dieu punissant ainsi leur temerité & idolatrie, ou indirectement: car ce que Dieu reiette & n'approuue point pour estre mal fait, est ce en quoy le diable se delecte

& prend vn tresgrand plaisir : qui n'est autre chose, que luy sacrifier. Que si le sacrifice de la Messe est de telle nature, quel outrage luy fait-on de l'appeller de son vray nom, c'est à sçauoir, sacrifice diabolique? Si la defense du droict vsage des creatures, est appelée par saint Paul doctrine des diables, combien plus le sera l'abus d'icelles, commis contre la premiere table, & l'adoration du pain, telle qu'on void en la Messe? Il n'y a donc point de fondement d'Eglise, où ce sacrifice se fait? C'est bien dit, & nul n'y cōtredit pour ce regard, mais bien pour les autres parties. S. Paul reproche tacitemēt aux Corinthiens, qu'ils estoient participans des diables, à cause qu'ils assistoyent avec les idolatres, à quelques banquets qui estoient faits à l'honneur des idoles : & nonobstant il leur laisse l'honneur d'estre l'Eglise de Corinthe, à cause de la profession de Iesus Christ & de l'Euangile, qui estoit receu & presché entr'eux : cōbien qu'à parler rōdement, il y auoit beaucoup plus de pureté de doctrine, & seruice religieux sans cōparaison en ceux-ci, qu'il n'y a és Papistes de ce temps : ioint que ceste faute leur estoit aduenue par ignorance & mesgarde, & indirectement, & hors le ministere de l'Eglise. Sponde infere que si l'Eglise est avec l'idolatrie, elle sera donc dans les Mosques des Turcs & entre les Americains. Il n'y a homme qui deteste plus ce vice que nous faisons, par la grace de Dieu : & ce que nous disons à present, n'est pour fauoriser à la plus petite faute qui se cōmette en la religion : mais neantmoins nous disons, qu'il y a difference

d'estre idolatre, & de faire profession d'idolatrie, & y constituer le seruice de Dieu. Nous maintenons aussi, que c'est autre chose de porter le nom d'Eglise, & auoir quelques qualitez d'icelle: autre chose d'estre la vraye Eglise ou membre d'icelle, & en sentir & apperceuoir les fruicts abondamment. Tous ceux qui sont entachez ou d'auarice, ou de gourmandise, sont idolatres, veu qu'auarice est idolatrie, mais non idolatres de profession: & combien que tous les hommes, voire les plus sçauans, sentent les pointures de ce vice, cela n'empesche qu'ils ne soyent vrais membres de Iesus Christ: ce qu'ils ne pourroyent estre, faisans profession de seruir Dieu par superstitions & idolatries. Aussi disons-nous, que ce conuenticule qui totalement sert aux idoles & faux dieux, & est du tout confit en inuentions humaines, ne retenant pas mesmes le nom de Iesus Christ, & n'ayant nulle clarté de l'Euangile, ne peut en aucune façon se dire Eglise. Quant aux autres assemblees où l'idolatrie s'est glissée, & y est receüe, sans toutefois que tout ce qui est du fondement du Christianisme y soit aboli, elles peuuent estre appelees Eglises de Christ, mais non simplement, ains avec condition, & parlant improprement. Que si on pense qu'il n'en faut donc point bouger: le di, que ce nom & ces restes d'Eglises telles, qu'on void en la Papauté, ne seruent ou qu'aux petis enfans, ou à quelque petit nombre des autres, que miraculeusement Dieu retire de ces idolatries, & les empesche, par vne grace speciale, de boire le venin des fausses & mortelles doctrines, auxquels

i'employeray ce dire de S. Hierosme, gardons-nous de ceste bleslure ; qui ne se guerist qu'avec danger & douleur. C'est autre chose d'entrer au port de salut, la nef entiere & la marchandise sauue, autre chose en se tenant à quelques ais tout nud, apres auoir fait naufrage contre des roches raboteuses, par l'impetuosité & multitude des flots. Et *ad Saluiam de Nebridio & viduitate* : Et quant aux autres, cest estat les rend pires & plus culpables, que ceux qui n'ont iamais ouï parler vn seul mot de Iesus Christ. Parquoy tout ainsi que nous nions l'Eglise Papistique estre l'espouse du Fils de Dieu, & la vraye Eglise, & celle en laquelle il faille chercher moyens & aides ordinaires du salut, ainsi affermons-nous, que le nom mesme d'Eglise, ne peut estre donné sans blasphemie aux Turcs, Iuifs, Payens, & autres, tant s'en faut que nous deuions chercher ladite Eglise parmi eux, ainsi que Sponde veut conclurre, & tresmal, de nostre dire. Je cuidoy' auoir mis fin à ce chapitre de l'Eglise Romaine par la conclusion precedente : car nostre aduersaire ne faisant que sauteler de suiet à autre, m'auoit fait perdre les notables iustifications de ladite Eglise qu'il apporte & produit en la page 96. & suivantes, sur lesquelles m'estant rencontré, ie ne les doy negliger, quoy que pueriles, si ce n'est pour les refuter, au moins pour les flestrir & mener en triomphe. Et quelles? qu'il ne void rien de constant & d'immobile que ceste Rome. En quoy? es murailles & edifices: & elle a esté mise à feu & ruinee plusieurs fois par Neron, l'an du Seigneur 65. par Totila

l'an 521. ou 546. & lors elle a esté ruinee & destruite de fons en comble, & ses murailles mises bas, & les edifices consumez, le feu ayant continué quarante iours entiers en l'estat & police. Et il n'y a Republique qui ait senti & expérimenté tant de mutations, tant de changemens de gouvernement, & tant de seditions au dedans. qu'on en croye aux histoires; & à ce qui aduint l'an 1155. & 1156. & du temps d'Adrian 4. car estant receu, les Romains le prierent, de vouloir laisser l'administration de la ville, libre aux Consuls & Magistrats à leur maniere ancienne: ce qu'il refusa. Et d'autant qu'à cause de ce refus, ils firent plusieurs maux à vn Cardinal, ledit Adrian mit toute la cité de Rome souz interdit & excommunication: mais c'est peut estre en religion, non plus: car elle a quitté celle des Apôstres, pour embrasser la doctrine de son Antechrist. Qui le dit? ceux qui ont leu l'epistre que saint Paul leur escrivit, & scauent ce qui s'enseigne & se fait aujourd'huy à Rome, & és autres lieux sur lesquels elle domine. Et ne faut penser d'eschapper par ceste cauillatiō, que c'est autre chose de la cour de Rome, que de l'Eglise de Rome, veu que le mal est commun à tout le corps de l'Eglise, ou ce qui en tient la place & s'en dit. Sainct Bernard au quatriesme liure des Considerations, ne le restraint nullement quand il dit: *Quid de populo loquar? populus Romanus est, nec breuius potui, nec expressius: tamen aperire de tuis parœchianis quod sentio, quid tam notum seculis, quam proteruia? Et fastus Romanorum gens insueta paci, tumultui assueta, gens immitis & intractabilis &*



*usque adhuc subdi nescia, nisi cum non valet resistere.*  
 Et plus bas, *Quem dabis mihi de tota maxima urbe,*  
*qui te in Papam receperit pretio, seu spe pretij nõ interue-*  
*niẽte? &c.* Et hi inuisi terre & cœlo utrique iniecẽre ma-  
 nus impij in Deum, temerarij in sancta. Et encore plus  
 bas, *Inter hæc tu Pastor procedis demiratus, tam multa*  
*deauratus varietate, oues quid capiunt? si auderem dice-*  
*re, demonum magis, quàm ouium pascua hæc sunt: scio*  
*ubi habitas, increduli, & subuersores sunt tecum, lupi non*  
*oues sunt: talium tamen tu Pastor fac opus Euangelistæ*  
*& Pastoris opus implesti: dracones, inquis, me mones*  
*pascere & scorpiones, non oues: propter hoc, inquam, ma-*  
*gis aggredere eos, non verbo, sed ferro.* La somme re-  
 uient à ceci, que les citoyens de Rome sont hom-  
 mes hautains & fiers, seditieux, intractables, mer-  
 cenaires, impies, sacrileges, incredules, loups, dra-  
 gons, & scorpions, & plustost diables que brebis.  
 Et à fin qu'on ne pense qu'il ne parle point de l'e-  
 stat publique de l'Eglise, ie prie Sponde de me  
 dire, luy qui entend le Latin, que signifient ces  
 mots du mesme autheur, *Demonum magis, quàm*  
*ouium pascua hæc, &c.* Que si Sponde ne veut rap-  
 porter cela à la doctrine, qu'il en croye à Petrar-  
 que, qui a vescu il y a deux cens soixante ans, qui  
 l'appelle *Schola errorum, templum hæreseum: olim Ro-*  
*ma, nunt Babylon, falsa & nequam: Et* cole d'erreur,  
 temple d'herésie, iadis Rome, mais maintenant  
 Babylon. Chacun pourra voir de quels autres  
 beaux titres il la pare. *Officina fraudum, claustrum*  
*irarum, in qua bonum interit, malum creatur & aliter,*  
*viuentium infernus, & cruciatus, &c.* Saluianus Eues-  
 que de Marseille, long temps deuant luy a escript,



au liure de la prouidence, que les mœurs des citoyens Romains estoient telles, que plusieurs honnestes hommes, *Ad hoc Romana crudelitatis iniquitate compulsi sunt, vt nolint esse Romani, & nomen ciuium Romanorum nunc non vile tantum, sed etiam abominabile habeatur.* Il a vescu l'an 480. Apres luy, Mantuanus Italien, homme de grande estime, a couché en ses vers, *Roma omnia quum liceant, non licet esse pium.* Où est donc ceste fermeté & immobilité de l'Eglise Romaine? En la doctrine & vie Apostolique? Elle est tousiours semblable à soy. mais au mal, ayant bien tost degeneré, que ie ne die apostaté, de la doctrine & foy qu'elle auoit receuë mesme des Apostres. Ie ne vueil dōner la peine à Spōde de se defendre, & couurir du tesmoignage du mesme S. Bernard, au liure allegué, *Consideres ante omnia sanctam Romanam Ecclesiam, cui Deo authore præs, Ecclesiarum matrem esse, non dominam.* Il la qualifie du titre de mere des Eglises & de sainte, laquelle neantmoins il auoit monstré auparauant estre pollue & puante en toutes ses parties, à sçauoir & au Clergé & au peuple, & és mœurs, & en la doctrine & discipline: car au premier liure de ses Considerations, il se plaint ainsi: *Quotidie perstrepunt in palatio leges, sed Iustiniani, non Domini. Tu ergo Pastor & Episcopus animarum, qua mente, obsecro, sustines coram te semper silere illam, garrire istas. Fallor, si non mouet tibi scrupulum peruersitas hac.* Où la loy de Dieu n'est point ouïe, qu'y peut-il auoir que corruption, mensonge & fausseté? Et puis que du palais, c'est à dire, d'entre ceux qui estoient estimez les pilliers de

l'Eglise & l'abbregé & fleur d'icelle, la doctrine celeste estoit bânie, quel lieu, quel vsage pouuoit elle auoir entre le commun populaire ? Je respon donc, que ce bon personnage considere l'Eglise de Rome non en sa doctrine, qui estoit abastardie, non en sa vie qui estoit tres-desfreiglee, tant és Pasteurs qu'és brebis, ny en la discipline & conduite d'icelle : car elle n'estoit conforme à celle qui se pratiquoit au temps des Apostres : mais en la puissance, aüthorité & iurisdiction non tyrannique, ains maternelle qu'il estime (se trompant en cela) luy auoir esté donnée de Iesus Christ sur toutes les autres particulieres Eglises : à raison, di-ie, de ce droit prétendu & imaginaire, il l'appelle & la nomme mère & sainte. Sponde m'accorde, qu'elle a iadis esté appelée Babylone mesme par saint Pierre, 1. Pier. 5. verset 13. Mais que ç'a esté tandis qu'un Neron representoit un Nebuchadnezar persécuteur des enfans de Dieu, & tandis que l'abomination horrible des Gentils y auoit la vogue : mais que depuis Constantin le grand, ç'a esté veritablement la maison de Dieu, ayant lors pleinement & parfaitement par la confession de Christ, effacé les blasphemes qu'elle auoit escripts sur le front. Laisant pour le present ceste dispute, si S. Pierre a esté à Rome, & s'il l'a voulu signifier en sa 1. epistre Catholique par Babylon : l'accorde que c'est l'opinion de S. Hierosme, au Catalogue des escriuains Ecclesiastiques, en la vie de S. Marc, & qu'Eusebe a escrit, aussi que telle a esté celle de Papias Euesque de Ierusalem, Eusebius liu. 2. histoire Ecclesiast. chap. 15. Mais

ie di que le mesme saint Hierosime la tient pour estre ceste Babylone, de laquelle il est parlé au 13. & 18. chap. de l'Apocalypse. Non plus ennemie estrangere, comme elle estoit du temps de Neron, mais ennemie domestique des vrais Chrestiens, comme elle est & a esté du temps de l'Antechrist, & sera tandis qu'il y sera assis : à qui les menaces qui sont là couchées s'adresseht, lesquelles n'estoyent encore accomplies de son temps. Ce qui fait foy qu'il n'entend parler de l'estat de Rome deuant Constantin, souz les Empereurs Payens, mais de l'estat de l'Eglise de Rome, qui a suivi Constantin: car ledit saint Hierosime qui est venu apres, & a vescu du temps de Damasus & Boniface, estant decedé l'an de Christ 421. c'est à dire, pres de quatre vingts ans, apres ce grand & singulier Empereur que Dieu appella à soy l'an 341. parle ainsi en l'opistre qu'il escrit à Marcelle. *Hic locus puto sanctior est Tarpeia rupe, qua de caelo sapinus fulminata ostendit, quod Domino displiceret, lege Apocalypsim Ioannis; & quid de muliere purpurata & scripta in eius fronte, blasphemia septem montibus aquis multis & Babylonis cantetur exitu cōtinere. Exite, inquit Dominus, de illa, populus meus, & ne participes sitis delictorum eius & de plagis eius nō accipiatis. Fugite de medio Babylonis, & saluate unusquisque animā suā: cecidit enim, cecidit Babylon magna, & facta est habitatio demonū, & custodia spiritus immūdis. Est quidem ibi sancta Ecclesia, sunt trophaea Apostolorum & martyrum, est Christi vera confessio, est ab Apostolo predicata fides, &c. sed ipsa ambitio, potentia, magnitudo urbis videri, & videre a quiete aliena sunt. Si ceste prophetie se*

raportoit au passé, ceste exhortation aussi de sortir du milieu de Babylone, n'auroit plus de lieu, & en vain l'appliqueroit-il à ceste femme, à laquelle il enuoye sa lettre. En vain aussi exhorteroit-il Rome à repentance, pour eschapper (à l'exemple des Ninuites) les iugemens de Dieu, qui luy sont denoncez en l'Apocalypse. Il parlera luy-mesme par son escrit au 2. liu. contre Iouinian, tout sur la fin, à ce qu'on puisse mieux iuger de son intention. *Urbs potens, urbs orbis domina, urbs Apostoli voce laudata, interpretare vocabulum tuum Roma, aut fortitudinis nomen est apud Gracos, aut sublimitatis iuxta Hebræos: Serua quod diceris, virtus te excelsa faciat, non voluptas humilem, maledictionem, quam tibi Saluator in Apocalypsi comminatus est potes effugere per poenitentiam, habens exemplum Niniuitarum, &c.* Ces dernieres paroles sont notables, & confirment ce que nous disons, non d'une affection & plaisir de detracter, ains à nostre grand regret, que Rome est auourd'huy & a esté depuis long temps, ceste paillarde, accoustree de pourpre: qui a en son front escrit blaspheme, lequel ayant esté vne fois effacé par la confessiõ de Christ, l'a derechef plus expressément, qu'à la premiere fois retracé sous le nõ de Christ. Ce que S. Ambroise escrit au 3. chap. de la 1. à Timoth. ne fait rien pour l'Eglise de Rome, telle qu'elle est auourd'huy: car l'appellât maison de Dieu, de laquelle Damasus estoit le conducteur, elle n'auoit degeneré de la doctrine des Apostres, ainsi qu'elle a depuis. Et n'est nullemēt vray-semblable que ce docteur ait voulu accorder à Rome seule, ce priuilege d'estre Eglise, pour en priuer les autres.

lieux d'Italie, France, Hespagne, Allemagne, &c. mais faisant mention de l'Eglise en general, & puis attribuant la conduite & gouuernement à Damasus, il a regardé à la charge de Patriarche qu'il auoit, suiuant le 6. Canon du Concile de Nicee. C'est ceste Eglise, dit Sponde, qui a viuement combatu pour la foy, & qui a terracé plus de deux cens heresies. Soit, & tant pis pour celle qui est auourd'huy, d'auoir si vileinement degeneré, que c'est auourd'huy le receptacle & taniere de toutes fausses doctrines & erreurs: & qui au lieu de combattre les heresies, & les extirper & arracher, par le sarclet de la parole de Dieu, fait la guerre à outrance aux vrais Orthodoxes, les faisant mourir par des supplices cruels & recerchez, par tout où elle peut estendre ses grïphes: si qu'elle peut estre comparee à Ierusalem meurtriere des Prophetes, & toute teinte en rouge de leur sang: qu'elle apprenne ce qu'un de ses deuâciers a dit, (Salluste in Iugurth) *Quanto vita maiorum præclarior est, tanto posterorum soccordia flagitiosior.* De tant que la vie des ancestres est plus noble & illustre, de tant là lascheté des successeurs est plus coupable & reprehensible. *Miserum est aliorum incumbere fama.* Juuen. C'est vne chose miserable de depêdre du tout du bruit & reputation d'autrui. Ce n'est vn petit reproche qu'on luy fait & à ses semblables, touchant les chappes, chandelles, images, saincts, croix, processions, autels, & sacrifice. Ce n'est chagrin enuers la pieté, c'est saint & reiglé zele, qui fait detester tout cela, confit en infidelité, blasphemé, idolatrie & superstition. L'infidelité ne se declare-elle point

par la pluralité des mediateurs que vous-vous estes forgez, que vous-vous contentez d'appeler du nom general de saints. Quelle plus grande idolatrie que de les inuouer, & leur faire des sacrifices, dresser des temples & autels, & cōsacrer des iours, se prosterner deuant leurs images, les vestir & baiser par deuotion? quel pareil blasphème, que d'attribuer aux croix d'or & d'argent, de bois, & autre matiere, & à vn morceau de pain, sur lequel le Capelan aura soufflé quelques mots (par luy-mesme, quelque-fois non entendus) la vertu & efficace de ce sacrifice vnique & irriterable du Fils de Dieu Iesus Christ, qu'il a offert vne fois en la croix? Le feu des Vestales estoit-il si superstitieux, que la lumiere de lampes & chandelles, de laquelle vous voulez esclairez les idoles & les morts? tesmoing de vostre auuglement; voire en plein midi, & des tenebres où vous estes plus que Cimeriennes & Egyptiennes? le mesme, di-ie, de vos chappes & processions. Et n'a-on point de horre vouloir comparer ces fatras & ordures, avec les saintes ceremonies, choses sacrees, Sacremens, sacrifices & obseruances que Dieu auoir expressément ordonnees en sa loy? & qui ne sont nullement marques du coin des hommes? Tu feras, dit Dieu à Moïse, selon la forme que ie t'ay monstree. Ceste maxime que le lustre & l'esclat visible & externe accompagnent tousiours la religion, repugne aux propres paroles de Iesus Christ, Luc 17. vers. 20. *ἐκ ἐσχάτου ἡ βασιλεία τοῦ θεοῦ καὶ τοῦ αἰῶνος αὐτοῦ*, c'est à dire, le regne de Dieu, qui est l'Eglise Chrestienne, ne viendra point avec pompe & splendeur externe, pour estre remar-



qué & reconnu cōme chose excellente & singuliere par lès enfans de ce siecle. Pourquoi, dit donc Spōde, qu'il ne peut croire que puis que l'Eglise Iudaique a esté si enrichie de tāt de ceremonies, qu'il ait voulu que la nostre fust si desnuee, & si peu embellie qu'on la veut faire? Et ne faut-il pas en croire au maistre? n'est-ce pas à luy à reigler sa maison & famille? & luy bailler tels ornemens, police, & aides qu'il voudra? n'est-ce pas ingratitude, de ne recognoistre l'aduantage que Dieu nous a fait, en nous deliurāt de la seruitude de la loy, & multitude presque insupportable, des façons de faire, & ceremonies commandees expressément? qu'est-ce les rappeler ou sēblables, que renoncer à Iesus Christ, ou nier sa venue, pour le moins l'efficace de sa mort par laquelle il a effacé & aboli l'obligation qui gisoit és ordonnances, & nous estoit contraire? Col. 2. vers. 14. 15. 16. Sainct Augustin en l'Epistre 119. à Ianuier, ne reprend il point à bon droit ceux qui oppressoient la religion, que Dieu a voulu estre libre par sa misericorde, des charges seruiles, qui n'estoyent pas mesme contre la foy: tant à cause que le Seigneur ne luy a voulu bailler que peu de Sacremens & ceremonies, & icelles faciles & manifestes pour les obseruer & celebrer, qu'aussi à raison des Iuifs, desquels la cōdition seroit plus tolerable que la nostre: car combien qu'ils n'ayent point cognu le tēps de liberté, toutesfois ils s'assubiectissent seulement aux fardeaux de la loy, & non aux inuentions qu'il appelle presomptions humaines. Qu'on remarque bien ce que ce mesme autheur a escrit de ce suieēt en l'Epistre 118. *Iesum Chri-*



*stum leni iugo suo nos subdidisse, & sarcina leui, &c.* Iesus Christ nous a assuiettis à vn ioug doux & fardeau leger. Où il y a superstition & idolatrie, comme il y a és ceremonies Papales, il n'y peut auoir de deuotion reiglee. La reigle d'icelles n'est l'intelligence qu'on y donne, ass. de par les hōmes, & par bōnes intention: l'vne ne l'autre ne peut estre bōne ne saine, si le cōmandemēt de Dieu déclaré és Escritures sainctes, n'en est le fondemēt & l'adresse. Tout est sanctifié par la parole de Dieu: & ce qui ne l'a point, est pollué en son vsage, 1. Tim. 4. C'est en vain, dit Iesus Christ, que ce peuple m'honore des leures, enseignant pour doctrines les commandemens des hommes, Matth. 15. S. Paul en general condamne toutes deuotions volontaires, qu'il appelle *εὐελδοθησείας*, quelque apparence de sagesse & d'humilité d'esprit qu'elles puissent auoir, Colos. 2. vers. 23. Je desireroy' ouïr ce que Sponde respondroit à ces passages. C'est, peut estre, ce qu'il continue de dire, qu'il n'est pas necessaire que l'Ecriture contienne tout ce qui est necessairement requis pour nous sauuer. Pour ceste heure accordons-luy: combien que cela est tres-faux. Si faut-il, au moins selon sa propre confession, de toute necessité, que cela soit contenu en la parole de Dieu escrite, ou non escrite. Et où est ceste parole non escrite, des chappes, des croix, des chandelles, des idoles, des processions, des autels? Puis qu'elles ont esté introduites de toute ancienneté, & la continuëlle pratique d'icelles, est depuis les Apostres: il faut dire qu'ils en sont les auteurs, & ainsi c'est la parole de

Dieu qui les enseigne. A ce conte l'Eglise primitive & dressée par les Apostres, aura eu des chappes, des autels, des images, des chadelles en plein midi. Et n'a-il point de honte de calomnier ceste sainte antiquité, & luy imputer ce à quoy iamaïs elle ne pensa? toutesfois il se corrige: car il ne luy attribue en fin toutes les ceremonies qui sont aujourd'huy en l'Eglise Romaine, mais la plus grande & meilleure part du plus grãd nombre. Je le nie: des bonnes & saintes ie l'accorde, mais il deuoit les exprimer. Non, c'est la finesse, vendre de mauuaïse marchandise, en faisant monstre & parade du bout, qui n'est de mesme nature que toute la piece. A qui baille-il les autres? à ceux qui ont ce pouuoir & autorité en l'Eglise. Nous nions, qu'autre l'ait que Dieu, quand il est question de son seruice: & ne faut repartir que les Prophetes & Apostres estoient hommes: car ils ont esté appelez spécialement seuls, à estre la bouche & l'organe du saint Esprit, pour publier & faire coucher par escrit la volóté de Dieu, touchant son seruice & nostre salut. Se voyant prins par cest endroit il a recours au general, de la bien seance qu'en donne saint Paul, & à la police & ordre. Or ie ne demande pas mieux, & que chacun en iuge, si les croix, les images, les autels sont de la police, ou de la bien-seance, & on trouuera que quand à l'ordre, ces choses y sont autant, & y seruent comme leurs chandelles à esclai- rer le Soleil, & à luy adresser son cours. L'ordre regarde toute l'assemblee de l'Eglise au regard des heures, des lieux, des sieges, & distinctions d'i-

ceux. Pour la bien-seance, qui ne void que la plus part des ceremonies Papistiques, sont ou ridicules, ou ambitieuses, ou superstitieuses? qu'y a-il de plus indecent, ou qui ressemble mieux son deguisé, qu'un Capelan reuestu d'une chemise de femme, & autres telz habits? Quelle bien-seance en ces gesticulatiōs, dont il vse disant sa messe, ou faisant semblable seruice? Qu'y a-il de plus pompeux que les Tiars, mitres, Couronnes, manteaux, chappes, hoquetons, surplis dont ceste sorte d'hommes se pare, pour estre veuë plus saincte? n'est-ce point superstition de bastir les temples, qui regardent tousiours vers l'Orient, & prier aussi ayant la face tournée vers ceste place du mode? quelle decence est-ce d'auoir des croix en l'enterremēt des morts, ou en mettre sur leurs corps, & en remplir les cemetieres, en dresser sur des quarrefours, & les attacher deuant les portes? quelle aide à la deuotion, de marcher d'un lieu en autre, faisant la reueuë en chantāt avec croix & bānieres? Auoir mis ces choses en veuë est les auoir refutees. Où est l'exemple de la primitiue Eglise en toutes ces façons? quelle deshonesteté & indecence commettray-ie contre Dieu, quand ie prieray, s'il n'aduient ainsi vers le midi? si sainct Paul veut qu'on prie en tous lieux, veut-il qu'on ne prie point que tourné seulement vers l'Orient? quelle aide à la deuotion? Ya-il au iourd'huy vn temple de Ierusalem vers lequel il faille regarder? l'Escripture saincte décrit-elle en aucune part, la façon en laquelle les Prophetes, Iesus Christ, & les Apostres ont prié? Si on y remarque ces distinctions, nous sommes à reprendre, de  
les

les reprendre & condamner és autres : mais il en va bien autrement. Si ie vouloy' examiner ainsi toutes les autres pieces, ce ne seroit fait de long tēps. Je somme seulement les consciences des meilleurs Papistes, pour me servir de tesmoins, contre tout ce que Sponde pourroit allegoriser en ces fatras, s'ils n'y attachēt point la sainteté? s'ils ne pēsent point que leurs processions, croix, chappes, châdelles, images, ayent quelque vertu, efficace, & force à sanctifier, & à nous rendre agreables à Dieu? s'ils ne mettent point en ces choses la plus grande & meilleure partie du seruice de Dieu? Quand ils le voudront nier, il me sera aisé de les faire cognoistre menteurs. Il y a plus, qu'ils adorent ce que Sponde dit n'estre mis & ordonné que par honnesteté, ou par police. Et voici le comble, qu'ils lient & attachent les consciēces à l'observation de ces choses, qu'ils enseignent nécessaires à salut, & ausquelles ils veulent assuiettir tous les hommes, & toutes les Eglises : tant à faute de charité (dont l'Eglise Romaine est dés long temps desgarnie, enflée d'ambition, & d'appetit de dominer sur tout) que pour ne recognoistre que, quoy qu'en general la police & bien-seance soit commandee : toutesfois chascue Eglise peut auoir sa police & son ordre, & ce qui sera bien seant en vn lieu, sera indecent en l'autre. Pour conclusion, c'est l'asile de Sponde, que du iugement de l'Eglise doit dependre celuy de tout le monde. Je l'accorde, pour le regard de chacun membre, en ce qui touche simplement l'ordre & discipline. Si en la foy & doctrine elle erre, & veut bastir des articles de foy, chacun a droict de s'y op-

poser, & doit estre ouï en ses raisons : que si la tyrannie a le dessus, ie maintien qu'il faut plustost obeir à Dieu qu'aux hommes, lesquels sont entédus aussi bien par l'Eglise, où celle assemblee qui en porte le titre, que par les magistrats & assemblees politiques: car ce sont tousiours des hommes, veu qu'ils n'ont vocation de Dieu d'adiouster aux Escritures, ou y changer & diminuer, ny promesse de ne faillir en ce faisant: ains au contraire, il y a menace de malediction à l'encontre de ceux qui l'entreprendront, les effects de laquelle s'en voyent encore en l'Eglise Romaine, pleine d'idolatries, superstitions, erreurs, fausses doctrines & blasphematoires contre Dieu & Iesus Christ, au detriment d'un millier de millions d'ames. Et de tout ce que dessus on peut aisément recueillir, que l'Eglise Romaine, nonobstant sa duree de quelques centaines d'annees, n'est point la vraye Eglise, à laquelle quiconque prestera l'oreille, pour adiouster foy à sa doctrine, & l'embrasser, se trouuera pire qu'infidele: mais suis-je bien d'aduís, & exhorte chacun des fideles, faire valoir les dons que Dieu luy a departis, à exercer charité à le retirer de l'abyssme de mort & puissance du Prince des tenebres & de l'Antechrist son aîné, auquel elle s'est asseruie, ce qui apparoi-  
stra par les chapitres suiuians.

*Des prerogatiues de saint Pierre entre tous les autres Apostres, & de la primauté du Pape.*

**P** Vis que nous auons respõdu iusques ici aux opiniõs de Sponde, touchant l'Eglise Romaine fondees sur le vent, & qu'en general il a esté parlé de l'assemblée Romaine: l'ordre requiert, que continuant, nous examinions la verité de ses maximes, touchant le chef de ceste synagogue, & touchant sa doctrine. Pour bien commencer & mettre vn solide fondement, il employe plusieurs pages à denombre les prerogatiues de saint Pierre, & de là conclurre, qu'il a eu primauté entre tous les autres Apostres, & que par conséquent, le Pape ou Euesque de Rome, doit auoir superintendance sur tous les Euesques du monde. Qu'a eu saint Pierre que ses compagnõs n'ayent eu, que le changement du nom ou addition d'un nouueau (ce qui n'est commun qu'à saint Iaques & saint Iean inclusiuement entre les Apostres) & n'est vne chose friuole ? Parquoy il a esté appellé Pierre, de ce que Dieu l'auoit choisi pour estre ceste pierre fondamentale, sur laquelle il deuoit bastir son Eglise. Mais saint Paul dit autrement aux Eph. & aux Corinth. Et apres luy saint Augustin. Et les paroles de Iesus Christ ne s'accordent à l'exposition que Sponde leur donne, à sçauoir, que Iesus Christ ait voulu bastir son Eglise sur la personne de Pierre. Il y a la foy de l'Euangile, & la raison qui y contredisent, de tant que Iesus Christ est le chef & fondement de l'Eglise: & à ceste raison est appellee pier-

re, & pierre angulaire, Psal. 118. Item, dit Sponde, saint Pierre a ceci de propre, qu'il est tousiours nommé le premier, si ce n'est en vn seul lieu de S. Paul, Galat. 2. verset 9. mais ceux qui opinent & parlent, ou sont nommez les premiers, ne sont tousiours ceux qui tiennent le haut bout en dignité & autorité. Mais ceste raison qui suit n'est-elle pas bien receuable, que luy ayant esté commandé, à sçauoir à S. Pierre de payer le tribut pour soy, il estoit le chef: car les tributs ne se payent que par les chefs des familles. I'ay honte de la honte même de Sponde, qu'il ignore l'estat politique du païs de Iudee. Du tēps de Iesus Christ, les tributs estoient imposez par teste, & autant payoit le moindre, que le plus grand, à sçauoir deux drachmes chacun, ou la moitié d'un statere, ou sicle sacré, c'est à dire, la valeur de 7. sols tournois. Puis donc que chacun payoit ceste somme, quel aduantage ou prerogatiue du chef & pere de famille par dessus ses domestiques? Il n'y a point d'excellence ou priuilege pour payer, mais biē pour ne payer pas, Matth. 17. vers. 25. 26. August. liu. 1. quæst. Euangel. quæst. 23. Il n'est pas dit aussi, qu'il ait payé pour les autres Apostres, & quand il l'auroit fait, la consequence seroit tres-mauuaise de l'estimer leur chef, car il a payé pour Iesus Christ: & toutesfois ie croy que Sponde ne le veut hausser iusqu'à ce degré, de le mettre par dessus iceluy. Que s'il presse, que c'est plustost Iesus Christ qui a payé pour Pierre, ayant fourni l'argēt, par le miracle qui a esté fait: le l'accorde: ce qu'il eust fait aussi bien pour les autres Apostres, s'ils eussent esté sur le lieu, & n'eussent eu



dequoy, qui n'en ont esté quittes pour le didrachme payé par Pierre: car les peagers & receueurs ne prendrôt iamais vn pour onze, s'il n'equipolle en valeur. Surquoy l'autheur des questions prinſes du vieil & nouueau Testament ſe trompe, qui n'eſt S. Auguſtin: ains quelque autre, qui en ceſte queſt. 75. ſe contredit ouuertement. Alleguer encore pour la preuue de la primauté de Pierre, que Ieſus Chriſt a prié pour luy, eſt ne dire rien: car Ieſus Chriſt a prié en terre pour tous ſes Apoſtres, Iean 17. & prie auioürd'huy au ciel pour tous ſes fideles, Rom. 8. Et aux Hebreux 7. & 9. Suiuant cela, il faudroit conclurre que tous ſont chef, & ont l'vniuerſelle conduite de l'Egliſe. La conſequence n'eſt meilleure en tout le reſte qui eſt adiouiſté, encore qu'il fuſt vray. Mais voici ce que nous accordons à ſainct Pierre par deſſus les autres ſes compagnons, à ſçauoir, qu'il a mis les fondemens de l'imitation de la foy, diſt. 50. can. *fidelior*. Math. 16. Secondement, qu'il a eſté prins & a eſté comme la figure de tous les bons, principalemât des Paſteurs & Eueſques, c'eſt à dire, Ieſus Chriſt quelquefois a parlé à luy, comme ſ'il euſt eu affaire à tous les gens de bien & fideles, & à tous les autres Apoſtres, voire à tous les Eueſques. Auguſtin ſur ſainct Iean, traitté 12. ſur ces mots: Vous aurez touſiours les pauvres: Et en la perſonne de Pierre, ſont marquez les gens de bien, qui ſont en l'Egliſe. *In Petri perſona, ſignati ſunt in Eccleſia boni*. Tiercement, qu'il a excellé par deſſus les autres en vertus, propres pour faire la charge d'Apoſtre & Paſteur: & principalemēt en

ces trois, foy, dilection enuers Iesus Christ ( qu'il a declaré en plusieurs façons, & de laquelle Iesus Christ luy a rédu tesmoignage, Iean 21. & à quoy aussi il estoit fort attenu ) & humilité. Et à ceste raison Denis *lib. 3. de diuinis nominibus*, l'appelle *ἡ κορυφαία καὶ πρεσβυτάτη τῆς θεολογίας ἀκρότης*: Celuy qui tient le haut bout & tres-ancien entre les Apostres : combien que saint Paul ( plus croyable, sans comparaison ) aux Galates, chap. 2. vers. 9. luy baille pour compagnons Iean & Iaques, & de tous trois il dit, *οἱ δοκῶντες σῦλοι εἶναι* qui semblent estre les colonnes. Quartement, qu'il a eu ceste prerogatiue, à cause des dons excellens qu'il auoit receus du Seigneur, d'estre quasi capitaine & conducteur des Apostres, porter la parole pour tous, & presider és assemblees, à fin que tout s'y traittast par bon ordre, & non qu'il eust degré ou dignité superieure à celle des autres : combien qu'en toutes assemblees il n'a fait la conclusion, Actes 15. Hors cela nous disons, que Pierre n'a esté qu'un des Apostres, & n'a eu domination sur eux du Seigneur : aussi ne l'a-il iamais exercé, 1. Pier. 5. vers. 1. dist. 21. *can. in nouo. & caus. 24. quest. 1. can. Loquitur*. Et à ce saint personnage doué de l'esprit de Dieu, ne luy est iamais venu, non pas mesme en la pensee, qu'il fust l'espoux ou le chef de l'Eglise Catholique. Parquoy aussi ne le deuons-nous nommer tel, car il ne l'a regie, i'enten ministerialement, toute. Et c'eust esté à luy presumption & arrogance insupportable, d'admettre & receuoir ce titre, qui auoit esté refusé deuant par Iean Baptiste, Iean 3. Est-ce

donc faire ce que Sponde nous reproche, que nous le mettons tant plus bas que nostre Seigneur l'esleue, que nous ne le troublons en la possession legitime de sa primauté? Dieu en iugera quelque iour, & sainct Pierre aussi. Or quand nous accorderions qu'il a eu ce pouuoir, dont a esté parlé, qui nous dit & enseigne qu'il ait esté donné aux Euesques de Rome? Et par qui? par sainct Pierre. Et le pouuoit-il? Si vn Apostre n'auoit ce droict & ceste autorité de faire & creer vn autre Apostre, aura-il peu constituer vn Euesque vniuersel, qui est beaucoup plus? mais l'a-il voulu? Il n'appert de sa volonté, laquelle ie n'estime qu'il ait eue contraire à celle de Dieu. Il a fait la nomination d'un successeur. Qui le dit? Il n'y a accord des personnes nommées. Tertullian dit que c'est Clemēt, Eusebe Linus liu. 3. hist. can. 2. Et de quel successeur? De l'Episcopat particulier, de l'Apostolat, ou de l'Episcopat vniuersel? Sponde ne veut pas ainsi distinguer, ains rapporter la nomination au dernier, & moy au premier: qui ay la raison de la foy & de l'Euangile de mon costé, & en outre l'autorité & tesmoignage de Tertull. au liu. des præscriptions contre les heretiques, où il ne met point de difference entre le successeur de Iean, & celuy de Pierre. *Hoc modo Ecclesia Apostolica census suos deferunt, sicut Smyrneorum Ecclesia habens Polycarpum à Joanne collocatum refert, sicut Romanorum Clementem à Petro ordinatum edit. proinde utique & cetera exhibent quos ab Apostolis in Episcopatum constitutos Apostolici seminis raduces habeant.* Les Eglises Apostoliques apportent en ceste sorte leur denombrement.

l'Eglise de Smyrne recite le sien, qui a Policarpe establi par saint Iean: l'Eglise de Rome produit Clement ordonné par saint Pierre. Les autres Eglises montrent certainement aussi, ceux qu'elles ont receus des Apostres, pour estre Euesques & dispensateurs de la semence Apostolique. Chrysost. en l'homelie 32. sur l'epistre aux Romains, en l'exhortation morale qu'il fait, magnifie autant ou plus saint Paul que saint Pierre, & les appelle deux lampes, deux couronnes de Rome, & deux colonnes de l'Eglise. Et vn peu plus haut, saint Paul est nommé le Coriphee & presidēt, qui est au milieu des Saints. *Vbi Cherubini Deum glorificant, ubi Seraphini volant, illic Paulum videbimus cum Petro in sanctorum choro Coriphaeum existentem & presidentem, gemināque illic dilectione fruemur.* Tertullian aussi ne prefere point S. Paul à S. Pierre, au liu. des prescript. contre les heretiques: ains dit, que S. Pierre est fait esgal à S. Paul au martyre & souffrance pour Iesus Christ. *Petrus Paulo & in martyrio adequatur.* Et le mesme au mesme liure ne donne point à Rome ceste prerogatiue d'estre l'Eglise vniuerselle, ou d'auoir le siege de l'Euesque vniuersel, ou d'estre plus excellēte & haut esleuee en dignité & autorité, que les autres Eglises dressees par les Apostres, appellées pour ceste seule raison Apostolique. Il la met en mesme rang que celle de Corinthe en Achaie, de Philippes & Thessalonique en Macedoine, d'Ephese en Asie. *Age iam qui voles curiositatem melius exercere in negotio salutis tuae: percurre Ecclesias Apostolicas, & proxima est tibi Achaia, & habes Corinthum. Si non longè es à*

*Macedonia : habes Philippos, habes Theſſalonicenſes. ſi potes in Aſiam tendere: habes Ephesum. ſi Italia adiacet? habes Romam, unde nobis quoque authoritas præſto eſt.* Oyons ce qu'il recommande en ceſte Eglife, & pourquoy il la louë : *Felix Eccleſia cui totam doctrinã Apoſtoli cum ſanguine ſuo profuderũt.* O heureuſe Eglife, en laquelle les Apôſtres ont eſpandu toute leur doctrine, avec leur ſang qui l'a ſeellée ! Et ne dit pas qu'elle euſt domination ſur les autres Eglifes, mais ſeulement confederation. *Videamus, dit-il, quid didicerit, quid docuerit, quid cum Africanis quoque Eccleſijs conteſſerarit.* Sponde eſt plaiſant, qui preſſe & accumule paſſages & authoritez des Anciens, pour monſtrer que ſainct Pierre eſt mort à Rome. Et quoy pourtant? S'enſuit-il que c'eſt en ce lieu là, où il a laiſſé ſon ſucceſſeur ? auſſi aura ſainct Paul, qui y eſt auſſi bien mort, qui auoit meilleure & plus grande vocatiõ pour y preſcher que ſainct Pierre. Mais pour n'eſtre point contentieux, nous paſſons tout par conuiſſion, & demandons ſeulement la preuue de la qualité, uiſſance, & prerogatiue du ſucceſſeur de ſainct Pierre, & ſi ſon authorité eſt plus grande que celle des autres. Il ne faut donc nous confirmer ce qui n'eſt mis en queſtion, mais venir au poinct. Or ie di, que ſi les Apoſtres ont eſté pareils, que les Eueſques le ſeront entr'eux. Or le premier eſt vray, *diſt. 21. Can. In nouo. Ceteri Apoſtoli cum eodem Petro, pari conſortio honorem & poteſtatem acceperunt.* Et plus bas, *Ipsiſque deſcendentibus, in loco eorum ſurrexerunt Epiſcopi.* Les autres Apoſtres ont receu eſgalemeſt l'honneur &

puissance avec le mesme Pierre. Et eux estans decedez, les Euesques se sont leuez en leur place. S. Cyprian parle ainsi en la *caus. 28. quest. 1. Canone Loquitur, & omnibus Apostolis post resurrectionem suam parem potestatem dedit Dominus, Matth. 28. Docete omnes gentes, Joan. 20. Accipite spiritum sanctum.* Le Seigneur apres estre ressuscité, a donné à tous les Apostres pareille puissance, disant, Enseignez toutes gens, & receuez le saint Esprit. Deuant sa resurrection il leur auoit dit, Matth. 18. *Quaecunque solueritis super terram, &c. & Luc 22. Hoc facite in mei commemorationem.* Et qui pourra maintenant nier, l'egalité & pareille puissance des Euesques? ce sont les paroles de S. Hierosme écrivant à Euagrius, en la distinction 93. au Can. *Legimus. ubicunque fuerit Episcopus, siue Roma, siue Eugubij, siue Constantinopoli, siue Rhegi, siue Alexandria, siue Thebis, siue Guarmania, eiusdem meriti est, eiusdem & sacerdotij.* En quelque part où sera l'Euesque, la dignité & prestrie est de mesme. La glose adjouste: *Quantum ad sapientes & peritos & discretos,* Que c'est au regard des sçauans, de ceux qui sont aduisez & entendus: car le vulgaire a de coustume de mespriser l'Euesque d'une petite ville. *Idiotæ & vulgares Episcopum parua ciuitatis contemnere solent potetia diuitiarum,* dit le mesme Hierosme tout ensuiuant, *& pauperatis humilitas vel sublimiorem vel inferiorem Episcopum non facit. Ceterum omnes Apostolorum successores sunt.* Les richesses ny la poureté ne font, ny n'esleuēt, ny n'abaissent l'Euesque: veu que tous sont successeurs des Apostres, &c. Celuy qui a parlé en ceste façon, vou-



droit-il recognoistre pour chef des Euesques, & donner le titre & l'effect de Pasteur vniuersel de l'Eglise vniuerselle à l'Euesque de Rome ? Ouy, dit Sponde, il a fait ce que nous ne voulons point faire, & a recognu avec toute reuerence, ceux que nous faisons gloire de fouler aux pieds, à sçauoir les Papes : car escriuant à Damasus, qui a esté vn d'iceux en l'epistre qui commence, *Quoniam vetusto.* il ne fait difficulté de parler ainsi d'iceluy, *Quicumque tecū non colligit, spargit : hoc est, qui Christi non est, Antechristi est, &c.* Qui n'amasse avec toy, il espard, &c. Or de ces mots ne se peut recueillir rien de semblable, à ce qui est pretédu. Auoir cōmunication en la doctrine de Iesus Christ avec l'Euesq̃ & Eglise de Rome, n'est le recognoistre ce qu'il se dit, & s'est dit il y a quelques cētaines d'ānees. Hierosme ne veut dire autre chose en la sentēce susdite, ou qu'on efface de ceste mesme epistre ce qu'il a escrit auparauant, *Ego nullum primum, nisi Christū sequens, beatitudini tuæ, id est cathedra Petri communionē consocior, super illam petram ædificatam Ecclesiam scio.* le demande, qu'entend-il par la chaire de Pierre ? certes rien autre, que la doctrine de saint Pierre. Il n'entend pas le lieu d'où on presche, il n'entend non plus les personnes qui montent en ce lieu-là eminēt, ou bien ce, c'est à dire, feroit saint Hierosme plus obscur, que le mot qui precede: Je suis joint & allié, dit-il, par cōmuniō avec toy, c'est à dire, avec la chaire de saint Pierre. Parquoy il n'y a aucun qui ne voye, qu'il parle de la foy, laquelle il appelle d'un autre nom, à sçauoir Pierre, *petram*, & dit que sur



consentement de doctrine. Ceste loüange n'est demeuree propre, ni n'a esté donnee à la seule Eglise de Rome, ains à tout l'Occident. *Nunc in Occidente sol iustitia oritur, in Oriente autem lucifer ille qui ceciderat, supra sydera posuit thronū suum.* I'ay voulu ainsi faire voir à vn chacun quelle estoit l'intention de saint Hierosme, par les paroles qui ont precedé, en ce qui a esté allegué par Sponde, qui fait contre ce qu'il a entrepris de maintenir & defendre. Or il veut respondre aussi à ce que nous disons contre ceste primauté, & pour la premiere raison qui porte, que l'Ecriture ne parle pas que saint Pierre ait esté à Rome, & moins qu'il y ait fondé la succession de l'Eglise: il pense la faire esuanouir, en disant, qu'il n'est necessaire que saint Luc ait escrit toutes les particularitez de l'Eglise. Il n'est point questiō des seuls escrits de saint Luc, ains de toute l'Ecriture, ny de toutes les particularitez, mais de ce qui est necessaire à salut, & qui est essentiel à l'Eglise de Iesus Christ. Par-ainsi nous affermons en verité, que tout ce qui est de telle sorte, a esté escrit ou par saint Luc, ou par les autres Euangelistes, Apostres, & Prophetes: Bref, est contenu és Escritures saintes, & n'y estant point, ou expressément ou tacitement & en substance qui se manifeste par bonne & necessaire consequence: cela n'apporte nulle necessité de croyance & obeissance pour en dresser ou dogme de foy, ou precepte de loy. Puis donques qu'en toute l'Ecriture, il n'y a vn seul mot qui face mention d'un chef de l'Eglise vniuerselle autre que Iesus Christ, moins qui die

qu'il doive estre assis à Rome , excepté l'Ante-  
christ: pourquoy est-ce qu'on nous veut cōtrain-  
dre d'admettre ce nouveau article , & nous veut-  
on assujettir de rendre obeissance à celuy qui n'a  
vocation legitime ? Pour cela ie maintien, que la  
replique de Sponde est friuole, disant, que S. Luc  
n'a pas escrit tous les Actes des Apostres, ny mes-  
me tous ceux de S. Paul, qui n'a pas remarqué ce  
notable voyage, qui est le second que saint Paul  
fit en Ierusalem avec Barnabas & Tite, pour con-  
ferer avec les Apostres : car puis que le Saint Es-  
prit a iugé qu'il estoit digne d'estre sçeu, il l'a fait  
enregistrer , & s'est voulu plustost en ce point  
seruir de la main & plume de saint Paul, Galat.  
2. que de saint Luc, ainsi cela n'est point demeu-  
ré caché & incognu. Et quand il le seroit, toutes-  
fois la doctrine qu'on recueille de ce voyage, &  
de la fin d'iceluy, nous est enseignée en vn infinité  
de lieux de l'Ecriture sainte. Mais est-ce chose  
pareille, enseigner que saint Pierre a demeuré à  
Rome vingt cinq ans ? non seulement il n'y a rien  
en toute l'Ecriture qui nous dōne occasion de le  
penser, & d'où on puisse, voire probablement &  
par legeres conjectures seulement, tirer ceste  
consequence , mais qui soit si contraire ausdites  
Ecritures: veu que saint Pierre par icelles est de-  
stiné Apostre des Iuifs, & que le 1. & 2. chapitre  
de l'epistre aux Galates y contredisent : comme  
aussi la premiere epistre dudit saint Pierre, qu'il  
a écrite de Babylone, ayant Marc avec soy, &c.  
Sponde a recours aux effects & profit que le Pa-  
pat apporte : car c'est, dit-il, l'ancien moyen d'en-

tretenir vnit  entre les croyans, que l'establissement d'un chef. Je l'accorde, & il est establi d s le commencement de l'Eglise, c'est Iesus Christ: toute l'Escripture ne parle d'autre chef, & ne s ait que veut dire chef vniuersel ministerial. Sainct Paul, qui recite tout ce qui nous doit inciter   pourchasser & entretenir charit  mutuelle, & garder vnit  & paix, & ce qui sert   la conionction des Saincts & edification du corps de Christ, ne touche rien & ne parle aucunement de ce lien. Il fait mention d'un corps, d'un Esprit, d'une esperance, d'un Seigneur, d'une foy, d'un Bapt sme, d'un Dieu, de plusieurs Apostres, Prophetes, Euangelistes, Pasteurs & Docteurs, & non d'un seul Pasteur vniuersel autre que Iesus Christ, qu'il appelle Seigneur. Ce qui est escrit en sainct Hieros me au prem. liure contre Iouinian, ne fait rien contre nous pour le Pape: car que dit-il? Premierement, que l'Eglise est fondee sur tous les Apostres, que tous ont receu les clefs du royaume des cieux, & que la force de l'Eglise est esgalement affermie sur tous. En second lieu, qu'entre les douze vn est choisi pour chef. Il ne dit pas entre tous les fideles qui sont & viuent au monde, ny entre tous les Pasteurs & Euesques de l'Eglise vniuerselle. Quelle est la cause de ceste election?   fin que par l'establissement d'un chef, l'occasion du schisme fust ostee,   s auoir, entre les Apostres. Parquoy ce conducteur, n'est que pour l'ordre qui est opposee   la confusion & diuision, & qui presuppose conionction & assemblee. Il n'a donc point eu authorit  & puissance sur les autres Apostres,

mais seulement presseance pour conduire & faire ouuerture & recueillir les aduis quand ils estoient ensemble, traittās des affaires de l'Eglise. Je pourroy contredire que cela n'a esté tousiours deferé à S. Pierre, à fin qu'on sçache que ces charges qui ne s'exerçoient & n'auoyent lieu que par occasion, estoient aussi electiues & temporelles. Mais ie donneray volontiers cela à S. Hierosme pour ceste heure, priant les lecteurs de considerer qu'il n'entend faire Pierre chef, qu'entre les douze : ce qu'il declare bien claiement par les mots qui suivent. Mais, dit-il, pourquoy est-ce que Iean qui estoit vierge, n'a esté esleu ? On a deferé à l'aage, car Pierre estoit plus ancien, à fin que celuy qui estoit encore adolescent, & presque enfant, ne fust preferé à hommes aduancez en temps, & à fin que ce bon maistre qui deuoit oster à ses disciples toute occasion *iurgij*, de debat, & qui leur auoit dit: Je vous donne ma paix, ie vous laisse ma paix: & celuy qui voudra estre le plus grand entre vous, soit le plus petit de tous: ne semblast donner cause d'enuie en cest adolescent qu'il auoit aimé. Suiuant cela nous ne contredirons pas, que l'Euesque de Rome, quand il y sera, ne preside en son Consistoire, & en l'assemblee de ses Prestres & Diacres. Et c'est tout ce qu'on peut recueillir du passage de sainct Hierosme. Parquoy refuser de se soumettre au Pape, n'est se soustraire de l'ordre que Iesus Christ a ordonné. veu qu'il n'appert de ceste ordonnance, ne vouloir viure en diuision, ains s'allier de Iesus Christ, qui ne peut estre que de ceux qui renoncent à l'Antechrist, qui est l'auteur

theur de toute confusion, ayant conuerti & fait de la maison bien ordonnee de Dieu, vne tour Babylonienne. Il n'est vray-semblable, dit Sponde, que les Anciens se fussent tous troupez en la primauté de saint Pierre & de ses successeurs. Response, aussi ne sont-ils: & on le verra au bon plaisir du Seigneur, par ce qui s'en suit, respondant aux exemples dont ce nouueau Aduocat veut iustifier la primauté du Pape de Rome. Le premier est de Polycarpe, qui fut à Rome pour auoir aduis du Pape Innocent, sur le iour auquel la Pasque se deuoit celebrer. Qui recite cecy? Eusebe au liure 4. de son histoire chap. 15. mais oultre que Sponde se mesconte, prenant Innocent pour Anicet, quelle consequence est-ce, dire que cest Euefque a eu domination sur les Eglises d'Asie, par ce que Polycarpe estant venu à Rome, luy a tenu propos sur la question & debat qui estoit du iour de Pasques? Les mots d'Eusebe sont tels: *Pretores & Aniceto Romana Ecclesia presidente Polycarpum adhuc in viuis existentem Romam venisse, ibique Anicetum super questione diei Paschatis. alloquutum esse scribit Irenaeus.* Desquelles paroles nous recueillons trois choses: Premièrement, qu'Eusebe n'appelle Anicet que president de l'Eglise de Rome. Secondement, qu'il dit tacitement Polycarpe estre venu à Rome pour autres affaires: car il y a ainsi, *Polycarpum Romam venisse, ibique Anicetum alloquutum:* & non pas, *ut Anicetum alloqueretur.* Tiercement il ne dit pas mesme qu'il print aduis & conseil, moins qu'il demandast la sentence declarée par Bulle. Voila avec quel iugement ces

Messieurs lisent les Anciēns. Et qu'on confere hardiment avec ce passage, l'autre qui est au chapitre 26. du 5. liure, & on verra si Polycarpe a cedé en rien à Anicet, ou s'il l'a reconnu comme ayant puissance sur luy, & estant son Euesque hors Rome, *Quum B. Polycarpus Roma sub Aniceto ageret & propter minuta quedam inter se discrepassent, mox conciliati sunt: neque enim Anicetus Polycarpo suadere poterat, ne seruaret quæ cum Ioanne discipulo Domini nostri semper seruauerat, nec Polycarpus Aniceto suasisit ut seruaret: & quum ista sic haberent, communionem inter se habuerunt.* Ny Anicet n'a peu persuader à Polycarpe, de ne garder point ce qu'il auoit tousiours obliuē, avec lean disciple du Seigneur, ny Polycarpe aulli n'a peu induire Anicet de le garder: or nonobstant, ils sont demeurez en bonne amitié & vnion ensemble, &c. L'autre exemple est touchant Marcion, à qui on veut faire eroire, qu'il s'en vint à Rome comme appellant de sa deposition, & de son excommunication faite par son Euesque. Mais Epiphanius ne parle pas ainsi de ce vicieux heretique, & ne dit pas qu'il appellast à Rome, ains qu'il s'ensuit de sa ville, ne pouuant porter la risée & mocquerie où il estoit exposé. Oyons Epiphanius mesme parlant, *Marcion multum supplicans ac veniam precatur, eam à patre Episcopo non impetrauit. cum itaque assequutus non esset ab ipso per blanditias quæ petebat, non ferens multorum ludibrium, ab vrbe sua aufugit, & Romam venit cum mortuus esset Hyginus Episcopus Romanus, & cum senibus adhuc superstitis congressus petebat, ut in congregationem reciperetur.* Il demandoit aux Anciēns



& Prestres de l'Eglise de Rome, d'estre receu en l'assemblée : il ne demande point iustice, il ne dit point qu'il ait appellé au Pape, ou au Consistoire de Rome. Et pourquoy Sponde a-il teu la response qui luy fut faite ? par ce qu'elle ne faisoit à son but, par ce qu'elle renuersé la domination Romaine. Marcion, dit Epiphanius, disoit tout haut aux Anciës de Rome ; Pourquoy ne m'avez-vous voulu recevoir ? Ils luy disoyēt, Nous ne pouuons le faire, sans la permission de ton venerable pere, car il n'y a qu'une foy, & vne concorde : & nous ne pouuons estre contraires à nostre bon compaignon, au saint ministration, qui est ton pere. Die Sponde maintenant, où estoit en ce temps l'arrogance de l'Eglise Romaine ? où estoit ceste pretendue maistrise sur toutes les autres Eglises ? où estoit ceste hierarchie, qu'un Euesque ait iurisdiction sur l'autre Euesque ? Chacun iugera aussi avec quelle fidelité les Anciens sont produits, par ces gens qui ont violé la foy à Dieu. Le troiefme exemple est du Pape Victor, qui excommunia tous les Euesques d'Asie. Eusebe dit, qu'il tascha de les retrancher de l'vnité & communion, & qu'il denonça qu'ils estoyent excommuniiez. Or il n'exprime pas, que ce fust par iurisdiction qui s'exerce sur les rebelles & contumias seulement, mais plustost par separation, qu'il faisoit de foy & de son troupeau d'avec eux : & vouloit que les autres fissent à son exemple. Bref, c'estoit plustost vne excommunicatiō de droict, que de fait, & excommunication par laquelle il les chassoit plustost de son Eglise de Rome que des autres



Eglises visibles, esquelles il n'auoit nulle autorité : car les mesmes Euesques l'exhortoyent à sentir les choses qui sont de la paix, vnté, & dilectiō avec ses prochains. Et adjousté Eusebe, qu'ils l'ont repris fort aigrement, & que sainct Irenee luy remōstre, que les deuanciers, comme Anicet, Pic, Hygine, Telesphore & Sixte, qui ne gardoyēt point le quatorziesme iour, pour celebrer le mystere de la resurrection du Seigneur, ont neantmoins retenu la paix avec ceux qui venoyent à eux, de ces paroisses qui gardoyent ce iour-là. L'inferieur ne reprend point le superieur. Or les Euesques d'Asie ont repris Victor, & aigremēt: chacun donc fasse la conclusion de ce qui peut estre touchant l'appel de Fortunatus & Felix, dePOSEZ en Afrique; interietté au Pape Corneille. Je ne li point en ceste Epistre 3. du 1. liure des epistres de Cyprian, ce mot d'appel, ains seulement Cyprian leur reproche, qu'ils osent nauiger & porter des lettres des schismatiques & profanes à la chaire de Pierre, & à l'Eglise principale, *unde unitas sacerdotalis exorta est*, D'où l'vnté des Prestres a son commencement & origine, à sçauoir, en Occident. Mais ne debatons point du nom: croyons seulement ce que ledit Cyprian estime du faiēt, & ce qu'il donne à toutes les vrayes & orthoxes Eglises, & à tous les bons & fideles Pasteurs. Je transcriray ici les belles sentences qui sont en ceste Epistre sur ce sujet, *Post ista nec cogitare audent eos esse Romanos, quorum fides Apostolo predicante laudata est, ad quos perfidia habere non possit accessum*. Il les reprend donc de ce qu'ils n'esti-

moyent que ceux-là fussent Romains, aufquels la perfidie ne peut auoir aucū accez. *Et pius fuit, quæ autem causa veniendi & pseudepiscopum contra Episcopos factū nuntiandi? aut enim placet illis quod fecerunt, & in suo scelere perseuerāt, aut si displicet & recedunt, sciunt quò reuertantur.* Par ces mots ce saint Docteur monstre, que le voyage vers Rome de tels garnemens estoit inutile: car, dit-il, ou ils ne se repentent point, ains perseuerent en leurs fautes, & ainsi qui les pourra remettre & absoudre? ou ils se desplaisent en leur-dite faute, & s'en retirent: que si cela est, ils sçauent où ils doiuent retourner. La raison du dernier membre de ce dilemme & proposition disiointe est notable, & bien repugnante à la tyrannie Papale, *Nam cum statutum sit omnibus nobis, & æquum sit pariter ac iustum, ut vniuscuiusque causa illic audiat, ubi est crimē admissum, & singulis Pastoribus portio gregis sit adscripta, quam regat unusquisque & gubernet, rationem sui actus Domino redditurus: oportet utique eos quibus præsumus non circumcursare, nec Episcoporum concordiam coherentem sua subdola & fallaci temeritate collidere, sed agere illic causam ubi & accusatores habere, & testes sui criminis possint, nisi paucis desperatis & perditis, minor videtur esse auctoritas Episcoporum in Africa constitutorum, qui iam de illis iudicauerunt, &c.* De ces paroles nous voyons, que saint Cyprian appelle ceux-là desesperez & perdus, qui estiment l'autorité des Euesques de certains lieux, estre moindre que celle d'autres. Item, que chasque Pasteur a vne portion du troupeau du Seigneur, qui luy est assignee pour la conduire, & qu'il faut

dra qu'il rende conte de ses actions, non au Pape, mais au Seigneur. En fin il n'approuue point que ceux qui sont sous la conduite d'un Euesque & Pasteur, courent d'un costé & d'autre, & que par leur temerité pompeuse & pleine de fallace, ils fassent la concorde & vnion des Euesques. Et qu'on considere aussi, ce que le mesme autheur dit de Basilides, & le titre qu'il donne à Estienne Euesque de Rome, on trouuera qu'il appelle cestui-ci nostre compagnon: & pour l'autre, qu'il s'en est allé à Rome, & a brigué son reſtablissement. Ce que ie rapporte à la faueur, non à l'autorité d'Estienne: car s'il eust eu droit de iuger des appellations, estant desia deceu & trompé par ledit Basilides, n'eust-il point prononcé sentence en faueur d'iceluy? ce qu'il n'a fait: ou s'il l'a fait, il n'a esté obeï. Si cela est, & que cest ordre fust de Dieu, il faudroit accuser Cyprian & tous ses compagnons de schisme & de rebellion. Les propres mots de sainct Cyprian sont tels: *Neque rescindere ordinationem iure perfectam potest, quod Basilides post crimina sua detecta, & conscientia etiam propria confessione nudatam Romam pergens, Stephanum collegam nostrum longe positum, & gesta rei ac veritatis ignarum fefellit, ut ambiret reponi se iniuste in Episcopatu, de quo fuerat iuste depositus.* Le quatriesme exemple est d'Athanase, qui ayant esté depesé par les Orientaux, en appella (selon le dire de Spode) au Pape Iule. Mais Sozomene ne parle pas ainsi. Comment donc? *Athanasius Alexandria profugus, Romam venit.* Athanase fugitif d'Alexandrie, s'en vint à Rome, & qu'environ ce temps-là y accou-

rurent Paul Euesque de Constantinople, & Marcel Euesque d'Ancyre. Il dit bien qu'à cause que le soin de tous luy appartenoit (selon son opinion) pour la dignité du siege, il restitua à vn chacun son Eglise, & escriuit aux Euesques Orientaux, les reprenant de ce qu'ils auoyent mal iugé contre ces hommes, & dōnant assignation à quelques vns de se trouuer à vn iour qu'il leur presigea, & les menaça de ne l'ēdurer plus à l'aduenir, s'ils ne desistoyēt de leurs remuemēs. mais ce mesme autheur adjouste, que cesdits Euesques Orientaux assemblez en Antioche, escriuirent pareillement vne Epistre à Iule. Et quelle epistre? *Multa ironia plenam, & grauissimarum minarum haud expertem.* En laquelle ils se moquent de luy, & de son audace. Ils l'accusent d'auoir annullé la sentence de leur Synode, en ayant receu à la communion, ceux qui estoient du parti d'Athanase: reprenans ce fait comme iniuste, & repugnant aux loix Ecclesiastiques. En fin ils luy faisoient des menaces contraires aux siēnes, s'il resistoit à leurs decrets, & luy reprochoyent, que les Prestres Orientaux leurs predecesseurs, n'auoyent en rien contredit, quand Nouatianus fut chassé de l'Eglise de Rome, qu'il se deuoit porter de mesme es depositiōs qu'ils faisoient. Ils donnent quelques loüanges à ladite Eglise de Rome, à sçauoir, qu'elle est liberale enuers vn chacun, comme celle où les Apostres auoyent enseigné, & s'il faut parler ainsi, tenu escole, & qui auoit esté faite pour ceste raison dès le commencement, mere de la pieté: mais que les autheurs de la doctrine Chrestienne

estoyent venus à elle d'Orient: que si leurs Eglises n'estoyent si popululeuses & magnifiques, qu'elles surpassoyent en vertu & doctrine. Ces choses étant ainsi, la main ne tremble-elle point à Sponde: quand il escrit qu'il ne s'est iamais trouué aucun, qui aye tancé les Papes, d'estendre leur auctorité trop au large, & hors de leurs limites? Ce qu'il dit, que sainct Hierosme ne se recognoist que simple brebis du Pasteur de Rome, en l'epistre ci dessus alleguee. *Quoniam vetusto, &c.* où il dit, *a Sacerdote v. et ipsum salutis, a Pastore omnis praesidium flagito.* Je demande sans cesse du Sacrificateur le sacrifice de salut, & du Pasteur l'assistance & secours qu'il doit à sa brebis: ne fait rien pour prouuer que Damasus eust autorité sur ce pais où estoit sainct Hierosme, à sçauoir, sur la Syrie & Antioche: lequel Hierosme n'estoit Prestre dudit lieu, ains de Rome. Et c'est pourquoy il se nomme brebis de l'Euesque d'icelle. *Inde nunc mea anime postulans cibum, unde olim Christi vestimenta suscepi.* Et plus bas, *Novellum à me homine Romano nomen exigitur.* Et en la mesme epistre, *Beatitudini tuae communionem confiteor, & quia non possum sanctum Domini tot interiacentibus spatiis à sanctimonialia tua expetere, ideo hic collegas tuos Aegyptios confessorum sequor.* Tout cela confirme ce que nous auons dit: car le Prestre d'un Eglise en quelque part qu'il soit, est tousiours brebis du Pasteur de l'Eglise qu'il sert. Item, celuy qui nous nourrit de bonne & saine doctrine, qu'il appelle sacrifice de salut; quel qu'il soit, est nostre Pasteur. Item, celuy qui conuerse parmy les heretiques; & en vne

Eglise heretique, ne peut, ni ne doit estre brebis du Pasteur heretique d'icelle. Item tous les fideles sont brebis de tous les bons Pasteurs, avec lesquels ils gardent communion. En fin, si saint Hierosime se disoit pour ceste raison brebis de Damasus, d'autant qu'il a authorité sur Antioche, & sur toutes les Eglises, pourquoy se plaindroit-il que la distance des lieux l'empesche, de luy demander le saint Sacrement de la Cene, qu'il appelle *sanctum Domini*? Faut-il que l'Euesque Romain administre les Sacremens à tous? Et que veut dire que saint Hierosime s'appelle homme Romain? Il ne l'estoit de nation, ains d'office & de vocation & de langage. Et l'epistre de saint Cyprian à Estienne qui est la 13. du 3. liure ne donne occasion d'establiir la principauté & seigneurie du Pape. Il est exhorté d'escrire au peuple d'Arles, de mettre en la place de Martian heretique, vn autre Euesque. Dit-il qu'il cōmande? dit-il qu'il choisisse cest Euesque, & le fourre là dedans? n'est-ce pas à tous les Pasteurs d'auoir soin de toutes les Eglises? & principalement telles de leur province? le prestre est quasi vn commun pere de tout le monde, c'est donc vne chose iuste qu'il ait soin de tous, qu'il pouruoye à tous, tout ainsi que Dieu auquel il sert, & la place duquel il tient. Chrysost. hom. 6. sur la 1. Epistre à Timoth. Et puis que cest ordre estoit en ce temps, qu'il y eust des Metropolitains & Patriarches, n'estoit-ce point à celuy de Rome d'auiiser à la conseruation des Eglises de son Partiarchat, telle qu'estoit celle d'Arles. *Et si pastores multi sumus*, dit saint Cyprian en ceste meisme Epistre, *unum tamen gre-*

*gem pascimus: & oues vniuersas, quas Christus sanguine suo & passione quasivit, colligere & fouere debemus.* Iacoit que nous soyons plusieurs Pasteurs, toutefois nous ne passions qu'un troupeau, & deions recueillir & fomentier toutes les brebis que Christ s'est acquis par ses souffrances & par son sang. Je prie les lecteurs qui entendent le Latin, prendre la peine de lire le chap. 23. du liure de Theodoret, par lequel nostre Arc-boutat des Papes veut monstrier, que Damasus Euesque de Rome, a depose Flavianus Euesque d'Antioche, & on trouuera que iamais cela n'a este: Et si ledict Flavianus s'en est alle à Rome, c'a este par le commandement de l'Empereur: que depuis s'il a enuoye quelques Euesques, Prestres & Diacres audit Rome, c'a este à la sollicitation non d'un seul Euesque de Rome, ains de tous les Euesques Occidentaux, & ce pour obeir audit Empereur, & faire la paix des Eglises Orientales & Occidentales, & les bien unir ensemble. Mais qu'est-il besoin que ie m'arreste à refuter & conuaincre de mesonge toutes ces fausses allegations, ou respondre à tous les passages, dits, & faicts des Anciens, tirez par les cheueux, & malicieusement deprauez? car quand aurions-nous fait? Je craindroy d'apporter de l'enyuy au lecteur. Que si quelques exemples produits par Sponde se trouuent veritables, & couuenables pour prouuer la pratique de ceste primauté & autorité vniuerselle & souveraine d'un homme en l'Eglise, c'est depuis que l'Antechrist a este en son regne, ou que les Euesques de Rome sont degenez en tyrans, & ont este sur le poinct d'estre les vrais Antechrists. Je



croy que Sponde cuidoit, que personne n'auroit point de liures, pour voir s'il est ainsi comme il dit. Est-il possible qu'il eust esté autremēt si effronté, à mettre vn pour autre? mais peut estre (& la charité me cōmande de l'estimer ainsi) n'a-il fait que transcrire de quelque liure ces passages, & ces exēples qu'il apporte. la coniecture est tres-bonne, car disant qu'Anatolius a esté confirmé en l'Euesché de Constantinople par Leon 1. l'Epist. d'iceluy à Martian est cotee par ledict Sponde la 54. & neantmoins c'est la 28. *De ambitu Anatoliy*, où les paroles sont telles: *Propria perdit qui indebita concupiscit, satis sit quòd prædicto vestra pietatis auxilio & mei fauoris assensu, Episcopatum tanta urbis obtinuit.* Autre chose est cōfirmer quelqu'un, autre chose cōsentir, quand on demande aduis: & donner faueur à la reception de quelqu'un, quand celuy qui en a besoin la requiert. Ne diroit-il point, s'il eust esté question de cōfirmation, que c'est par son autorité, & non par sa faueur? Ce qui est dit de Donatus en l'epistre escrite aux Euesques d'Afrique (ores qu'elle ne fust supposee, ains vraye, de quoy ie doute, pour la diuersité du stile) quand il veut que Donatus, qui s'estoit conuerti avec son peuple, preside sur ce troupeau du Seigneur: pourueu qu'il luy mande vn escrit, par lequel il condamne l'erreur de Nouatus; & confesse à plein la foy Catholique, est fondé sur ce qu'il estoit Patriarche des Eglises Occidentales, & Euesque du premier siege en Occident. Le Concile de Chalcedoine en l'action 16. donne pareille autorité à Constantinople qu'à Rome, & appelle l'Euesque de l'une & l'autre Eglise d'un

pareil nom, à sçauoir, d'Archeuesque. Voyci les mots du Concile selon la version nouuelle. *Tandem indices dixerūt ex his que gesta sunt; vel ab' unoquoque deposita, perpendimus omnem primatū & honorem principum secundum Canones antiqua Romæ Deo amantissimo Archiepiscopo conseruari: oportere autem Archiepiscopum Constantinopolitanum eisdem primatibus honoris & ipsum dignum esse, & potestatem habere ordinare Metropolitanos in Asiana & Pontica & Thracia diocæsibus: hoc modo ut electi à clericis cuiuscunque Metropolis Episcopi referantur ab eligentibus Archiepiscopo Constantinopolitano, ut penes eum sit si velit hunc qui electus est confirmare, repudiareue. Et Episcopi dixerūt, hæc omnes dicimus.* C'est donc vne impudēce, laquelle ne se trouueroit és diables mesmes, de dire que S. Chrysostome depose par Theophile, appella au Pape Innocent: il ne s'en trouuera vn seul mot en tous les registres de l'antiquité. L'epistre qu'on dit Chrysostome auoir escrete audiēt Innocent, ne contient rien de semblable: Il est appellé en la salutation Euesque de Rome simplement. Il dit puis après, qu'il n'est equitable que ceux qui sont en Egypte, iugent ceux qui sont en Thrace. Et puis quoy? nous appellions au Synode, nous cerchions des iuges & non des auditeurs. *Ad synodum appellabamus, & iudicium inquirebamus, non auditorium.* En fin adressant son propos à plusieurs, il les exhorte, tascher de porter quelque remede aux confusions qui se glissoyent en l'Eglise. Et qu'il ne soit loisible à chacun d'entrer par force en l'Eglise d'autrui: *nefas sit cuius in alienam paroeciam intrumpere.* Et qu'Innocent en escriue. De ceci cha-

cun peut appercevoir, qu'en ces premiers siècles l'auctorité du Pape n'a esté telle, qu'o list és histoires auoir esté depuis, & que nos Peres & ancestres ont veuë & sentie, ayant degeneré en vne tyrannique violence. Parquoy Sponde n'a nulle raison d'inferer, que si le Pape est vn tyran, l'Eglise n'aura eu conduite quelconque en tous les 14. ou 15. cens ans passez; car les Papes n'ont commencé leur violence depuis ce temps. Et quād ainsi seroit; ie m'estonne qu'vn si grand Politique, & presque vn autre Lycurge ou Solon, nie, que là où il y a tyrannie, il n'y ait gouuernement quelconque. La qualité mauuaise d'vne chose, oste-elle du tout la nature & essence d'icelle? vn mauuais homme ou mal sain, n'est-il point homme? Vn mauuais gouuernement, n'est-il point gouuernement? Vne ligne oblique, n'est-elle point ligne? ouy: car le mal n'oste iamais tout le bien, sans lequel il ne scauroit subsister, Qu'est-ce que mal? τὸ κακόν ἐπέλες ὅτι ἀγαθόν. *Malum est bonum inchoatum, & minus perfectum.* C'est vn bien imparfait. Denis au liure des noms diuins, chapitre 3. qu'est-ce que tyrannie? *Tyrānidem dicimus, dominatum vnius civilis societati presidentis, & ad proprium commodum intendentis.* Aristote au liure 3. des Politiques, chap. 5. C'est la domination d'vn qui preside en quelque société des hommes, & ne se propose, ou ne vise, qu'à son profit particulier. Là où il y a domination & presidence, certes il y a du gouuernement. Je di donc que l'Eglise n'a esté sans conduite, mesmes souz les Papes Antéchrists, mais conduite mauuaise, & qui ne tendoit à la gloire de Dieu, &

salut des pauures ames. Je ne puis comprēdre non plus la raison pourquoy Sponde dit, que si le Pape est Euesque illegitime & vn tyran, que les autres Euesques & Prestres qui l'auront recognu, auront esté sans autorité: & comme i'estime que ledict Sponde veut dire, sans vocation: Car quelle autorité auront-ils peu auoir, de celuy qui n'en auoit point du tout? Et quoy? ceux qui ont esté vrais & bons Euesques de l'Eglise souz la tyrannie Papale, n'ont-ils eu autre vocation & autorité, que celle que le Pape leur a donné? la vocation interieure leur a-elle defailli? n'ont-ils point eu la bonne & saine doctrine, & les mœurs honnestes respondantes à icelle? le consentement & approbation de leur troupeau, n'y a-il pas esté adiousté? voire la nomination & election de plusieurs Ministres de l'Eglise, gens de bien, qui les ont examinez? ils ont eu voirement de surcroist la marque de la beste, mais elle n'a peu abolir ce qui estoit de Dieu. Et quant à ceux qui n'ont eu que ladicte marque, quel inconuenient qu'on lestienne aussi illegitimes & bastards en leur vocation, que leur maître? Si toute l'Eglise premiere a recognu officieusement ce siege, dit Sponde, ceux qui le font auourd'huy, ne doiuent estre condamnez pour idolatres. Nous auons monstré par tesmoignages des Conciles & Peres anciens, que ladicte Eglise n'a recognu l'Euesque de Rome au plus, que pour Archeuesque ou Patriarche de certaines prouinces, & en mesme dignité & grade seulement, que celuy d'Antioche, Ierusalem, & Constantinople: & ce seulement depuis ou enuiron le

cōcile de Nicee: car auparauāt il n'estoit tenu que pour simple Euesque cōme les autres. Et c'estoit lors que tout alloit bien. Mais que faut-il dire de celle, qui a recognu l'Antechrist pour chef? qui est celle qui a esté pour le moins depuis huiet cēs ans ou d'auātage? n'est-ce point pronōcer sentence eternelle de condamnation? Sponde veut dire, que ceste cōpagnie qui a l'Antechrist pour cōducteur, ne peut estre l'Eglise que de nō seulement. La vraye Eglise de Dieu certes, qui est la compagnie des fideles, n'a iamais porté qu'à regret & en gemissant sa tyrānie, & n'a recognu ce suppost de Satan pour Ministre de Iesus Christ. L'Eglise visible & ministeriale, qui a esté peu à peu ruinee, abastardie, corrompue & miserablement dissipée, & en fin amenee à vne confusion horrible, telle que nous la voyons, n'a recognu le Pape souz le nom d'Antechrist: les tenebres ayant esté si espesses és siecles passez, qu'il apparoiſſoit autre par ses illusions, faux miracles, donations & preſens: & personne pour la crainte de ses cruauſtez & tormens, n'oſoit bander ses sens & son esprit à le regarder, & conſiderer entre-deux yeux, pour apprēdre ſi c'estoit d'iceluy que ſainct Paul auoit parlé en la 2. aux Theſſ. 2. & ſainct Iean en son Apocalypſe. Ceste Eglise a eu quelque face & forme, ou pour mieus dire, figure d'Eglise, de laquelle Dieu s'est encore ſerui pour appeller & conſeruer quelques reſtes & petit nombre d'eſleus. Quant à ceste compagnie qui auioird'uy croupit touz ses pattes: auioird'huy, di-ie, c'est à dire, en ceste pleine lumiere & clarté par laquelle

il a esté manifesté estre le fils de perdition, & est  
 déclaré & monstté tel tous les iours: elle est du  
 tout inexcusable, indigne mesme du nom d'Egli-  
 se, se monstrant tres desloyale. Et ceux-là qui se  
 voudroyent seruir des exemples des siècles pas-  
 sez, doublement cōdamnables: veu qu'ils ne peu-  
 uent à ceste heure embrasser ce chef que pour  
 Antechrist, renonçant par ce moyen ouuertemēt  
 à leur vray chef, qui est Iesus Christ nostre Sei-  
 gneur. Ce que i'enten de ceux qui sont és Roya-  
 umes où l'Euāgile est, & a esté présché en toute pu-  
 reté & liberté: si bien qu'ils ne peuuent maintenāt  
 ignorer, que c'est que du vray reſtabliſſement du  
 seruice de Dieu. Estāt paruenue iusqu'à ce poinēt,  
 i'ay esté aduertie le vingt-neufuiesme de Mars de  
 l'annee courante 1595. de la mort de Sponde, qui  
 luy est aduenue à Bordeaux, qui m'a contristé,  
 pour l'esperance que i'auoye de le voir rassis, en  
 recognoissant sa cheute, & eusse par son trespas  
 & fin, quant à ceste vie, mis fin aussi à mon trauail  
 & responce. Mais puis qu'il a laissé, nonobstant le  
 decez, son liurē pestilentieux, pōur les simples, ie  
 me suis resolu de continuer: à fin que les fauteurs  
 de Sponde, ne continuent à suiure son desuoye-  
 ment, & que la mort de cestui-ci termine & fasse  
 mourir, les fausses opinions de ceux-là. Parquoy  
 oyons-le: Osius, dit-il, Euesque de Courdouē, &  
 Vitus, & Vincētiū presiderent au Concile de  
 Nīcee, de la part du Pāpe Syluestre: donques les  
 Euesques de Rome, sont les chefs ministeriaux de  
 toute l'Eglise vniuerselle & Catholique: car qui-  
 conque preside aux Conciles œcumeniques, est  
 aussi

aussi president & superintendant sur toute l'Eglise recueillie ici bas. Il faut presupposer ceste maxime, pour voir la suite du propos de Sponde, laquelle ie maintien estre fausse, & quant à l'assomption & application d'icelle aussi bien : car Osius ne presida point audiect Concile, il fust bien enuoyé en Egypte vers Alexandre Euesque d'Alexandrie & Arrius : mais par qui ? par Syluestre ? non, mais par Constantin Empereur. Socrates histor. Ecclesiast. lib. 1. cap. 7. *His Imperator auditis, animo vehementer contristatur, & excitatum malum confestim restinguere conatur, eaque de causa literas ad Alexandrum & Arrium mittit per virum fide dignum nomine Osium Cordubæ ciuitatis Hispania Episcopum, quem amabat & honorabat admodum.* Et à qui en croirōs-nous, qu'à ce mesme Socrates au mesme liure chap. 8. où il n'attribue la presidence ny à Osius, ny à Vitus & Vincentius ? c'est ce qu'il en dit : *Ex Hispanijs admodum celebris Episcopus, vnus erat ex multis considerabilibus : Romana autem ciuitatis Episcopus propter senium deerat, verum presbyteri eius presentes, locum eius supplebant.* Theodoret liure 1. chap. 7. parle plus clairement, *Qui compositioni interessent.* Il ne dit pas, *Qui suo nomine præessent.* Et est beaucoup plus vray-semblable, que ç'a esté Eustathius Euesque d'Antioche, qui a conduit l'action en ce Synode, & a recueilli les voix, que non pas ou Osius, ou Vitus, ou Vincētius : car selon ledict Theodoret au mesme liure & chapitre, il parle le premier, & loue l'Empereur de son zele, en la pieté & seruice de Dieu : après lequel l'Empereur parla, & *mentionem habuit de concordia & consen-*



*sione.* Et de fait Eusebe au liure 3. de la vie de Constantin ne dit pas, que ce fust vn Prestre, mais vn Euesque. *Episcopus qui in dextro ordine primus, sedebat erectus, moderate loqui cœpit, Imperatorēque salutauit, ac cūctipotenti Deo ipsius gratia hymnum gratiarum actionis dixit.* S'il dit qu'ils ont esté signez des premiers: le respon, que cest argument est fort foible, & de nulle force, pour en tirer la primauté: car Cyprian qui presidoit au premier concile de Carthage, est signé des derniers. Si nous n'auions des fideles gardiens, des choses qui se sont passees iadis és Conciles, Sponde pourroit parler à son plaisir plus hardiment qu'il ne fait, & sans crainte qu'on luy peust clorre la bouche, & le faire rougir. Mais apres tant d'escriuains, qui l'endurera? qui ne luy monstrea ses mensonges? Il veut que le deuxiesme Concile general, à sçauoir celuy de Constantinople, ait esté assemblé en vertu des lettres du Pape Damasus. A qui en croirons-nous? à luy, ou à ceux qui ont esté prochains de ce temps? Qu'en dit Theodoret au 5. liure de son histoire Ecclesial. chap. 8? que les Euesques orientaux estans assemblez à Constantinople *allatas ab occidentalibus Episcopis synodicas literas accepere, quibus inuitabatur, ut Romam ad maximam quæ ibi cogeretur synodum venire uellet:* c'est à dire, qu'ils ont receu des lettres synodales, qu'il leur ont esté apportees de la part des Euesques occidentaux: par lesquelles ils sont conuiez de venir à Rome, s'il leur plaist, où vn grand Synode se deuoit tenir. Il ne dit pas que ce soit le Pape qui ait escrit, mais tous les Euesques. Il ne

dit pas que commandement leur est fait, mais qu'ils sont priez & coniez. La responce de ces lettres à qui s'adressent-elles? *Damaso, Ambrosio, & ceteris sanctis Episcopis.* Qu'escriuent-ils? Premièrement, qu'ils sont appelez par les lettres de l'Empereur. *Vos Romanam cogentes Dei voluntate synodum pro fraterna charitate, tanquam vestra membra, nos quoque literis summa pietate Imperatoris accersuistis.* Theodor. lib 5. cap. 9. En second lieu, *profectionis huius ut inutilis petunt veniam.* Ils s'excusent, à cause que ce voyage leur seroit inutile, voire dommageable grandement, à cause des troubles qui estoient en l'Eglise. En troisieme lieu, *subnotauerunt ipsorum negligentiam.* Ils les repre-  
nent. Quartement, ils mandent quelques Euesques, Cyriacus, Eusebe, Priscianus. Pourquoi? *per quos, inquit, & declarari vobis nostra pacifica, & spectans unitatem, voluntas & feruor pro sanitate fidei ostendi poterit.* Ils sont donc enuoyez pour donner tesmoignage tant du consentement & union de leur foy, que du zele enuers icelle. Et sur ce propos ie reciteray derechef le Canon qui a esté dressé audit Concile, sur les prerogatiues des Euesques, & des sieges, selon que Sozomene l'a escrit liure 7. chap. 9. *Decreuerunt post Romanum Episcopum Constantinopolitano, tanquam noue Romae sedem moderanti, suam relinquere prerogatiuam: non enim eam duntaxat iam appellationem habere ciuitatem hanc, sed & iisdem priuilegijs ordinibus populi, & magistratibus: imò & symbola, secundum legitima Romanorum in Italia, & iura, & honores ex quo esse utrique ciuitati.* Lesquelles paroles sont foy,

qu'entre les Patriarches, celuy de Rome est dit le premier seulement en ordre, & non en degré pour commander à tous les Patriarches & leurs inferieurs. Item, que ceste preſſeâce n'a nul fondement ſur authorité diuine, & cōmandemēt de Dieu: ains ſur vn ordre Eccleſiaſtique reiglé ſelon les polices & grandeur & maieſté des villes: veu qu'autremēt, & à bon droiēt, Ieruſalem & l'Egliſe d'icelle eſt appelee la mere de toutes les Eglieſes. Theodoret liure 5. chap. 9. ainſi que deſia nous auons dit ailleurs. Pour le Concile general d'Ephèſe aſſemblé par le commandement de Theodoſe, & non du Pape, *Imperatoris edictum Episcopos undique ad ciuitatem Ephesiorum conuocauit*: Socrates ne dit pas, que Cyrille d'Alexandrie ait preſidé en qualité de legat du Pape Celeſtin: mais bien qu'il a commencé la diſpute comme eſtant ennemi de Neſtorius: que neātmoins lediēt Concile attendoit Iean Eueſque d'Antioche, lequel arriué, a reprins Cyrille, comme autheur de ce trouble: de ce qu'audacieuſement & malicieuſement il auoit fait depoſer Neſtorius. S'il euſt eu pareille uiſſance que celuy qui le deleguoit, & que le Pape euſt eu telle authorité & ſuperiorité que Sponde veut, Iean euſt mal fait de reprendre ainſi Cyrille en plein Cōcile: auſſi dira quelqu'vn a-il eſté depoſé par ledit Cyrille & Iuuenal Eueſque de Ieruſalem. Mais pourquoy? *ut ſe de Ioanne uleiſceretur*, pour ſe venger dudiēt Iean. Et qu'adiouſte le meſme Socrates, que Iean eſtant retourné en Antioche, & ayant aſſemblé beaucoup d'Eueſques a depoſé Cyrille, qui s'en eſtoit retourné en Alexandrie, & non à Rome,

pour rendre raison de son ambassade? Ils estoient donques pareils, puis que l'un deposoit l'autre: car *par in parem non habet imperium. Socrates lib. 7. histor. ecclesi. cap. 34.* Touchant le Concile de Chalcedoine, nous auons desia dit la resolution dudit Concile, sur la primauté de l'Eglise Romaine & du Pape, en l'action 16. Et faut noter qu'il est dit, que ceste question fust esmeuë & agitée, entre ceux qui tenoyent le lieu de l'Euesque de Rome, & les autres Euesques: qui fait foy & donne tesmoignage, que on s'est tousiours opposé à l'orgueil de ceux qui preparoyent le lieu à l'Antechrist, & que Paschasius a recité le can. 6. du Concile de Nicée, & le 2. du Concile de Constantinople, pour maintenir que l'Eglise Romaine estoit la premiere, & n'allegue point de parole de Dieu: ce qu'il n'eust obmis, s'il en eust sçeu & eu. l'accorde qu'Euagrius recite, que ceux qui tenoyent le lieu de Leon Euesque de l'ancienne Rome, ont opiné les premiers, & fait le decret, & prononcé iceluy au nom dudit Leon contre Dioscorus: car ce sont les mots, *Beatissimus Leo magna & veteris Romæ Episcopus, per nos, ac presentem synodum Episcopali, eum, nempe Dioscorum dignitate priuauit, & ab omni sacerdotali euectus, & alienum constituit.* Toutesfois le mesme autheur adiouste consecutiuelement: *Itaque sancta ista & magna synodus ea contra dictum Dioscorum pronunciat, que à Canonibus sunt decreta.* Ce que ces Legats attribuoient principalement à leur Pape, Euagrius le rapporte à tout le Synode: & dit que c'est le saint Synode qui a confirmé ce qui auoit esté dit & ordonné par lesdits deputez. Pour auoir donc opiné

les premiers, & mesme presidé au Synode, il ne s'ensuit que le Pape soit par dessus les Conciles & tous les autres Euesques : car celuy qui confirme est plus que celuy qui cōseille, nôme & opine, &c. soit seul ou avec d'autres, soit premier soit dernier. Euagrius liure 2. cap. 4. Sponde veut qu'on considere les titres que ce Concile donne audict Leon & à l'Eglise Romaine. Pourquoy cela ? on verra que ce n'est point d'aujourdhuy que le Pape est appelé Euesque vniuersel de l'Eglise vniuerselle. l'accorde & vueil qu'ainsi soit, que le nom de Pape ait esté donné à Leon en l'action 2. aussi a-il esté donné long temps auparauant par les prestres & Diacres de Rome à Cyprian. *Optamus te beatissime ac gloriosissime Papa semper in Domino bene valere.* Cypr. lib. 2. epist. 7. Mais Leon est appelé Euesque vniuersel. Par qui ? non certes par le Concile, mais seulement par Paschasius son delegué, en l'action 6. selon la translation nouuelle : car en l'action 2. il est seulement appelé Archeuesque de l'ancienne & grâde Rome. Euag. liu. 2. chap. 4. Il est bien vray qu'en l'actiō 3. un certain Diacre appelé Ischyriion l'appelle tressainct, tref-heureux, vniuersel Archeuesque & Patriarche de la grande Rome : mais *exemplis non est iudicandum, sed legibus.* Tout le Synode s'y est opposé par le decret qui a esté fait, que le Patriarche de Constantinople, qui est la Rome nouuelle, auroit les mesmes priuileges, dignitez, prerogatiues & honneurs, que celuy de la ville de Rome. Ce qui est vniuersel & souuerain, est unique : puis donc que Leon n'est déclaré seul Archeuesque & Patriarche, il ne peut estre vniuersel ny

souuerain par dessus tous les autres. Et est en outre vray-semblable, que ledit Ischyryon n'a voulu dire autre chose, par Archeuesque vniuersel, que Patriarche, ou ne regarde que l'assemblée qui representoit l'Eglise vniuerselle, & l'action presente laquelle Leon conduisoit, & en laquelle il tenoit le premier rang, par les Euesques & prestres qu'il y auoit enuoyé. Cecy se iugera mieux des propres mots de la preface, de la requeste qu'il presenta: *sanctissimo & beatissimo vniuersali Archiepiscopo & patriarcha magna Roma Leoni & sancta & vniuersali Chalcedonensi synodo, &c.* Or il n'est question de nous trauailler à excuser les hommes; non pas mesmes les Cōciles: car quād cestui-ci auroit approuué & donné ces titres à Leon, s'en suit-il que c'est bien fait, & qu'il soit tel? ses successeurs ne les ont-ils pas reiettez? mais nous entrerons bien tost, au bon plaisir de Dieu, en cesté matiere. L'autheur de l'abbregé des Cōciles, qui est un moine Espagnol, nommé *Bartholomæus Miranda* en l'action 2. du Concile de Chalcedoine, de ce qui a esté fait contre Eutyches & Dioscorus, donne cest aduertissement, de considerer quel respect & reuerence les Peres qui estoient là assemblez, portent à l'Euesque Romain, & de quels titres ils le magnifient, l'appellant monseigneur, à sçauoir, dit-il, par ce qu'il est heritier de saint Pierre & successeur en la primauté de l'Eglise. Mais ce titre & nom de seigneur, ne baille point de titre aux Papes, pour s'esleuer ainsi par dessus tous, si on a leu & retenu que le concile de Constantinople honore tous les Euesques qui estoient assemblez en concile à Ro-

me, du nom de seigneurs : cest honneur n'estant point reserué pour le seul Damascius, ains communiqué à Ambroise, Britton, Valerian, Acholius, Anenius, Basile, & à tous les autres saints Euesques Theodor. lib. 5. histor. cap. 9. Je voudroy' donc que Sponde, qui nous blasme de n'auoir veu l'histoire, que sur le rapport d'autrui, & de n'en sçauoir le quart de ce qu'il faut, fust luy-mesme exempt de ce defect, & eust bien leu l'histoire entière deuant qu'alloir son iugement, ou l'eust en bonne foy alleguee, sans taire ce qui faisoit contre luy. Et icy ont lieu ces maximes. *Inciuite est, non perspecta tota lege, &c. Et qui verum tacet, falsum committit.* qui tait la verité, est coupable de fausseté & mélonge, &c. *Paria sunt falsum exprimere, vel suppressere veritatē.* supprimer le vray, est mentir. Apres ces responses, reste d'ouir aussi la response faite par Sponde, au dire de Gregoire le Grand, premier Pape de ce nom, qui est que celui qui se nomme ou se veut faire nommer prestre vniuersel, est en son arrogance precurseur de l'Antechrist. *Ego fidenter dico, quòd quisquis se vniuersalem sacerdotem vocat, vel vocari desiderat, in elutione sua Antechristum praecurrat.* Or le Pape & Euesque Romain, se dit & se nomme tel & endure, que di-ie endure? desire, veut, commande, qu'on luy donne ce titre. Il est donc l'Antechrist. cest argument ne faut pas, ny en la matiere ny en la forme. Sponde combat la matiere, exposant ce nom d'vniuersel, selon le sens auquel il a esté dit & prins par saint Gregoire, au liu. 16. de ses Epistres 30. epist. à Maurice, quand il tance Iean Euesque de Constantinople. Et comment? vni-



uersel, dit-il, se prend & est entendu par ledit Gregoire, pour seul Euesque. Si nous examinons ceste distinction par la definition d'vniuersel, chacun iugera que c'est vn subterfuge & eschappatoire, & chose faite à plaisir, & qu'vniuersel ne le peut prendre autrement: car ce qui est vn ou vnique est seul, & non accompagné d'autres qui soient le mesme, autrement il ne seroit plus vn, ains deux, ou trois, ou quatre: or ce qui est vniuersel, est vn & unique, le mot d'vniuersel le denote assez. Les escolles de philosophie définissent vniuersel, *Quod est unum in multis*, qui est recueilli du 1. chap. du 1. liure des demonstr. d'Aristote, & de ces mots: *Rationes per inductionem monstrant vniuersale, per id quod manifestum est singulare*. Vniuersel donc est ce qui est vn en plusieurs. Parquoy Euesché vniuersel & Catholique emporte unité d'Euesché. & Euesque vniuersel, Euesque seul & unique. Et l'employe l'exposition du mesme saint Gregoire, qui ayant parlé de Prestre vniuersel, l'expose par le nom de seul Prestre: tesmoin ce que nostre Advocat des Papes, en apporte dudict Gregoire, en la pag. 84. de sa Declaration, à sçauoir, de l'epist. 76. 77. 78. & 82. Les raisons qu'il y a donques pour reietter le nom de seul Euesque, les mesmes se trouuent pour condamner le nom d'vniuersel Euesque. Que si Sponde repliche ou ses fauteurs, que ce mot d'un & unique, & partant aussi ce mot de seul se dit en deux sortes, à double sens, quand quelque chose est dite vne generalmente, à cause qu'elle n'est considerée avec aucune difference ou restriction, qui la distingue & separe des au-

tres choses. L'autre, quand quelque chose est dite vne, à cause qu'elle est indiuisible & incommunicable, & qu'elle est considerée avec toutes ses différences & restrictions, tant essentielles que communes, qui ne peuuent appartenir à aucune autre chose. Je demande, si ce qui est dit seul & vnique en la seconde sorte, peut estre iamais dit vniuersel? nenny: veu que les indiuidus & singuliers, participent bien à leur genre & espece, c'est à dire, à ceste chose commune: mais ils sont incommunicables pour leur regard, & n'ont point des especes ou autres indiuidus & singuliers souz eux. Pourquoy dit donc Sponde, que Gregoire prend ce nom d'Euesque vniuersel, en ce sens second d'vnité, reprenant le Patriarche de Constantinople, & non au sens premier? S'il est ainsi, il faudra condamner tous ceux qui sont Euesques seuls en vne ville ou village: car en ce sens nouuellement forgé, & incognu à tous les Philosophes, ils sont vniuersels. Ainsi luy-mesme s'enueloppoit en ceste mesme reprehension, qui estoit seul Euesque de Rome: mais iamais il ne pensa à ceste glose. S'il dit, encore que ce mot d'vniuersel est considéré doublement, & aussi entendu, à sçauoir, ou avec ses especes s'il est genre, ou avec ses indiuidus, s'il est espece, ou bien sans cela: ie le nie: car ce qui n'a ny especes ny indiuidus souz soy, ne peut estre chose ou nature vniuerselle: ainsi celuy qui est ou se dit Euesque vniuersel, ne peut estre ou estre dit tel, s'il n'a des Eueschez speciales & particulieres souz soy. Parquoy l'Euesque de Constantinople ne pouuoit prendre ce nom, s'il eust voulu abolir

tous les autres Euesques & Eueschez de son Patriarchat. Et ie vous prie, dites-moy, qui est celuy des Euesques Orientaux, qui se soit plaint iamais, ou par escrit, ou verbalement en Synode & deuant l'empereur, d'une telle lascheté? Et qui ne luy eust craché au visage, quand il eust fait seulement semblant d'y auoir pensé? Et pourquoy eust-il desiré d'estre seul euesque en ceste façon sans supérieur, inférieur, ny compagnon? Car voila comment Sponde l'entend, veu qu'auoir grande estendue de lieux, & multitude d'hommes espars deçà & delà à conduire & paistre, n'est point chose qui esleue, ny aussi qui soit à reprendre quand la nécessité y est, mais qui donne peine insupportable, & travail infini. Qui iugera vn certain Theodoret digne de reprehension, de ce qu'estant Euesque de Cyre, ville bastie par Cyrus, es lisieres de Perse, auoit par mesme moyen & par nécessité la conduite de 800. paroisses? Sixtus Senens. en sa bibliothèque Theologi. liu. 4. Dira-on aussi que ce Theodoret fust Euesque vniuersel & souuerain? I'oy desia l'instance qu'on me fera, sur ce que dit Gregoire à Euloge Patriarche d'Alexandrie: *Si vniuersalem Papam vestra sanctitas dicit, negat se hoc esse quod me fatetur vniuersum*: Si vostre sainteté dit que ie soy' Pape vniuersel, en ce qu'elle accorde que ie soy' vniuersel, elle nie qu'elle soit cela mesme, à sçauoir Pape, *dist. 99. Can. Ecce in prefatione*. Or il adioust, *sed absit hoc*, c'est à dire, vous l'estes aussi. Surquoy nous remarquerons, que du temps mesme de Gregoire, le nom de Pape n'estoit peculier à l'Euesque de Rome. Je laisse cela,

& m'en vay soudre le doute. Et prenōs la res-  
 pōse de la mesme distinct. du Can. *Prima sedis*, qui  
 est du Concile d'Afrique, lequel voici tout au  
 long, autant qu'il est de besoin pour la question  
 presente. *Prima sedis Episcopus, non appelletur prin-*  
*ceps sacerdotum, vel summus sacerdos, aut aliquid eius-*  
*modi.* Adjoustons le Canon ensuiuant qui est de  
 Pelagius, *Nullus Patriarcharum vniuersalitatē vo-*  
*cabulo unquam utatur: quia si vnus Patriarcha vni-*  
*uersalis dicitur, Patriarcharum nomen ceteris deroga-*  
*ur: sed absit hoc a fidelibus, hoc sibi velle quempiam ar-*  
*ripere, vnde honorem fratrum suorum imminuerē ex*  
*quantulocunque parte videatur.* Il faut considerer,  
 que Pelagius parle des Patriarches en general:  
 car aussi le Canon qui vient apres, est de Gregoi-  
 re, escriuant au Patriarche d'Alexandrie, & confir-  
 mant l'opinion dudit Pelagius. Ils veulent donc  
 dire, que celuy qui est vniuersel Patriarche, & vni-  
 uersel Prestre, est seul souuerain. C'est le sens de  
 ce nom & titre d'vniuersel, ainsi qu'on peut re-  
 cueillir desdits Canons alleguez. S'il y a vn sou-  
 uerain Patriarche sur tous les autres, il n'y en a  
 qu'vn, dont s'ensuit que les autres perdēt leur di-  
 gnité: car ils ne peuuēt estre Patriarches s'ils ont  
 de superieurs au regne de l'Eglise, en ce qui con-  
 cerne leur portion, autre superieur di-ic que les  
 Conciles. Nous pouuons monstrier le mesme par  
 le nom d'vniuersel, s'il n'y a qu'vn Patriarche, les  
 autres trois ne le sont point. Or s'il y a vn Patriar-  
 che vniuersel, il est seul & vnique Patriarche: par-  
 quoy quiconque se dit vniuersel, fait tort aux au-  
 tres, & leur oste tacitement & le nom & la puis-

fance. Ce nom donc d'vniuersel emporte-deux choses, vnit   & superiorit  . Mais il semble que ce soit assez dit, veu que par ce moyen nous confessons, que celuy qui se dit vniuersel, ou souuerain Prestre & Euesque, veut estre seul tel : En quoy c'est approuuer & fortifier ce qui a est   refut   contre Sponde. Quiconque prendra garde    son dire, trouuera autrement : car il ne veut pas dire simplement, que celuy qui est Euesque ou Prestre vniuersel, ait seul la souuerainet   & puissance, ou droit d'Euesque, & que les autres dependent entierem  nt d'iceluy, & ayent vne puissance empruntee : & c'est ce qu'emporte    la verit   ceste dignit   d'estre Euesque vniuersel. Ce qui ne conuient qu'   vn seul Iesus Christ: & est certain que les Papes qui ont succed      Pelagius & Gregoire, en le degradant, ont mis bas aussi la puissance legitime des vrais Pasteurs & Euesques, & se sont ainsi enrichis par sacrilege & volerie, des despo  illes, tant de Iesus Christ vray Dieu, que des h  mes ses seruiteurs. Ains son intention est, que celuy-l   se peut dire Euesque vniuersel, qui n'aura aucun Euesque souz soy, qui fera tout par soy-mesme, & prendra    soy le pouuoir que les autres Euesques ont eu en leurs particuliers deportemens. Bref, s'estendra en tout l'exercice de sa charge sur l'Orient, sur l'Occident, & sur l'un & sur l'autre, pag. 85. Or il est certain qu'en ceste sorte, il n'est qu'Euesque particulier. Et comme il ne peut estre dit souuerain Prestre ou souuerain Euesque, Archeuesque ou Patriarche: car souuerain, *summus*, presuppose deux degrez, l'un moyen, l'autre infi-

ni, ainsi ne peut-il estre dit vniuersel: car tout ainsi que ceste nature qui est vniuerselle, se trouue en plusieurs, ainsi est-elle dite de plusieurs, & leur est baillee. Or à celuy qui est seul, cela ne peut appartenir: parquoy il n'y a lieu de receuoir vn tel Euesque vniuersel, que Sponde nous feint, & veut faire à croire que Iean Euesque de Constantinople a voulu estre. Iusqu'icy Sponde a exposé en quel sens Iean Euesque de Constantinople, briguoit d'estre vniuersel. Je laisse au iugement des lecteurs, s'il a touché au poinct. Il veut maintenant iustificr la reprehension que Gregoire & Pelage luy faisoÿent, dequoy il n'est questiō. Toutesfois oyons-le en la page 88. Premièrement, le titre d'vniuersel sentoit le profane: & s'il l'estoit du temps de Gregoire, a-il changé de nature du temps de son successeur? Et pourquoy l'a-il donc prins, & depuis tous les autres? *Sententia ac dicta generaliter prolata, referuntur ad omnes & omne tēpus.* Les sentēces generales se rapportent à tous & en tout temps. Et voici ce que dit Gregoire generalement, *Recedant verba que veritatem instant, & charitatem non adificant*, qu'on oste ces mots qui enflent la verité, & n'edifiēt la charité. Et Pelage; *Charitas vestra neminem unquam etiam suis in epistolis vniuersale nominet*: Que vostre charité ne nomme iamais aucun en ses epistres Euesque vniuersel. Secondement, il sentoit le faste & l'arrogance du diable, .Et vouloit disposer de tout le monde, de toutes les Eglises, de tous les Royaumes, & les donner à qui bon luy semblera, comme veulent faire & font aujourdhuy les Papes, si on les en

croyoit? quoy? le faste & l'ambition, sera-elle plus au nom? qu'en l'esprit, qu'en la volonté, qu'és efforts & entreprises? *Paria sunt voluntatem verbo vel facto declarare.* Tiercement, le legitime sens de ce nom, appartenoit proprement au siege de Rome, c'est à dire, au Patriarche & Euesque Romain. Qui le dit? ce n'est ny Pelage, ny Gregoire: l'un & l'autre au contraire declarent, la verité de ce nom n'appartenir à aucun des hommes: car ce qui est contre iustice, contre charité, n'est deu à homme viuant: or le nom mesme d'vniuersel, & à plus forte raison l'effect de ce nom, par le tesmoignage des susdits, est contre toute iustice & charité: car ce qui apporte preiudice aux autres hommes, & principalement à ceux qui sont compagnons en mesme charge, ce qui amoindrit l'honneur de ses freres: bref, tout ce qui est indeu n'est-il pas injuste? ne viole-il pas la charité? Et si le nom & l'effect d'Euesque vniuersel est tel, quand vn homme se l'approprie? comme il est: & qu'on ne m'en croye point, sans lire les Canons: *Nullus Patriarcharum. Et ecce in praefatione, &c.* de la dist. 99. Pourquoy est-ce qu'il appartiendroit au seul Pape de Rome, si ce n'est par aduenture, pour estre en possession depuis fort long temps, de renuerfer tout droit diuin & humain, & contraindre tout le monde de recevoir pour iuste, tout ce que bon luy semble, selon ceste belle sentence d'un sien predecesseur: (car il a plustost succédé à Antonin Caracalla, qu'à Constantin: selon le dire de sainct Bernard, que ie ne die à quelqu'un des Apostres) *Si libet, licet: leges das, non accipis.* Si



l'Eglise Romaine n'est point vniuerselle, l'Euesque d'icelle ne peut estre Euesque vniuersel: or le premier est vray, la glose du Canon dernier de la susdite distinction, *Romana Ecclesia non est vniuersalis, licet sit de vniuersitate*. C'est merueille que ledit Gregoire n'ise point d'exception, & ne s'exclud point, & ceux qui viendroyent apres luy, en ces sentences generales. l'exception estoit-elle si notoire, & pourquoy refuse-il donc le titre? par humilité, dit Sponde: car quelques-vns peuuent refuser modestement, ce que les autres receuront iustement. Ouy en choses indifferentes, & desquelles la bonté & mauuaisié depend de la seule intention & vsage des hommes: mais non en choses iniustes & ambitieuses d'elle-mesmes, & qui derogent à l'honneur de Iesus Christ, & contreuiennent à la iustice & charité, ainsi que font le nom & l'effect d'Euesque vniuersel: car si c'est vn nom profane, de se dire, & vn effect impie de se porter seigneur de tout le monde, ainsi que luy-meline accorde, cōbien a plus forte raison d'usurper & entreprendre puissance & autorité sur toute l'Eglise? car autre chose est & beaucoup moindre, & de moindre importance, le regime ciuil & seculier, que le regime spirituel. Si Antioin est repris, pourquoy non Boniface troisieme? si ce nom d'Euesque vniuersel a esté en l'Euesque de Constantinople vn indice de l'Antechrist prochain: pourquoy n'estimerons-nous que c'est vne trel-claire marque du mesme Antechrist en l'Euesque Romain? Qui prendra toute la suite des propos de ce grand Docteur de l'Eglise, n'y trouuera

trouuera rien contraire à la primauté de son sie-  
ge, dit Sponde. Or entendant telle primauté que  
quelques siecles passez ont veüe & voyët aujour-  
d'huy, c'est à dire, ceste superiorité par laquelle  
vn domine sur les autres à sa poste, & par laquel-  
le il s'attribue la cognoissance souueraine sur tou-  
tes causes Ecclesiastiques, soit à iuger & determi-  
ner de la doctrine, soit à faire loix & statuts & or-  
dōner de la discipline, soit en fin à exercer la iuris-  
diction, ie le nie : les sentences que nous auons ia  
ici couchees, y contredisent, & ces suiuiātes. Pier-  
re estoit vn membre principal au corps, Iean, Ia-  
ques, & André estoient chefs des peuples parti-  
culiers. Toutesfois ils ont esté tous membres de  
l'Eglise, souz vn chef : mesme les Saincts deuant  
la Loy, les Saincts souz la Loy, les Saincts en la  
grace, tous sont constituez entre les membres,  
pour accomplir le corps du Seigneur. Nul n'a ia-  
mais voulu estre dit vniuersel. Gregoire en l'epi-  
stre 92. liure 4. Eulolius Euesque d'Alexandrie,  
ayant escrit à Gregoire en ceste forme suiuiante,  
Ce que vous m'auiez commandé, il luy respond  
ainsi: Je vous prie ostez moy ce mot de comman-  
dement, ie sçay qui ie suis, & qui vous estes en de-  
gré: Je vous repete freres, en sainteté mes peres.  
Je ne vous ay donc point commadé, mais ie vous  
ay voulu aduertir, de ce qui me sembloit vtile.  
c'est en l'epist. 28. du 7. liu. Mais s'il n'auoit point  
d'interest, où droict & puissance de s'opposer à  
l'ambition de Iean Euesque de Constantinople,  
& à l'autorité & titre qu'il vouloit prendre d'E-  
uesque vniuersel: dequoy se mesloit-il en ceste

question plus qu'un autre ? pourquoy faisoit-il  
 tout seul tant de l'empresé ? pourquoy escrit-il  
 aussi en l'epistre enuoyee audit Iean, *Indignus ego,  
 ad Ecclesie regimen adductus sum* ? Il est tout cer-  
 tain, respond Sponde, qu'il prend ceste qualite,  
 pour monstrier son pouuoir en la reprimede qu'il  
 luy faisoit. Et nous respōdons audict Sponde, que  
 du temps dudit Gregoire, la puissance qu'auoit  
 l'Euesque Romain, estoit seulement de resister  
 aux rebelles, toutesfois & quantes qu'on auoit  
 mestier de quelque remede extraordinaire : & ce  
 pour aider les autres Euesques, entant que la  
 communion de l'Eglise porte, que les membres  
 s'empeschent les vns pour les autres. On portoit  
 ceste reuerence au siege Romain, d'endurer qu'il  
 corrigeast & reprimaist les rebelles, qui ne se vou-  
 loient point laisser reduire par les autres. Toutef-  
 fois c'estoit avec tel si : premierement, que nul E-  
 uesque n'estoit empesché en sa iurisdiction ordi-  
 naire. Secondement, qu'il n'y auoit nul preiudice  
 pour les Synodes. Tiercement, s'ils exerçoient la  
 iurisdiction, c'estoit ou que volontairement on se  
 soumettoit à son iugemēt : car personne n'y estoit  
 contraint : ou que la cause luy estoit commise, ou  
 par le commandement de l'Empereur, ou de tout  
 vn Synode & Concile ; bref, c'estoit vn iugement  
 extraordinaire. Tout cecy se recueille des Epist.  
 tant de Leō epist. 83. 85. 89. que dudit Gregoire,  
 liure 2. epist. 16. 37. 64. 68. & epist. derniere, &  
 liure 7. epist. 64. Je me haste en ceste matiere, par-  
 ce que d'autres deuant moy, mesme celuy que  
 Sponde entreprend de refuter, qui est Calvin, en

son 4. liure de l'Institution Chrestienne, l'ont trait-  
tee si profondement, si amplement, & avec tant  
de raisons & tesmoignages de l'antiquité, que ie  
m'estonne où il a eu le sens, de faire ceste leuee de  
bouclier, de promettre le renuersement dudiect li-  
ure en sa 3. partie, qu'il monstre n'auoir iamais  
mesme leu tout entier : moins sondé les argu-  
mens amenez, & veu les passages citez. Par ce  
moyen, certes il eternise sa memoire, si son liure  
est capable de telle duree, tant pour seruir d'e-  
xemple d'un sens reprouué & sans iugement, (par  
vne iuste punition de Dieu) que pour estre aux  
siecles presens & suiuan, suiet de risée & moque-  
rie, ayant mis en pratique ce dire, *Parturiunt mon-  
tes, nascetur ridiculus mus.* Cecy se verra mieux par  
ce qui suit : En prenant, dit-il, l'vniuersalité pour  
vne chose qui comprend plusieurs parties infé-  
rieures, & desquelles elle est composée : Il est du  
tout indubitable, que l'Euesque de Rome a esté  
de toute ancienneté reconnu pour vniuersel, &  
pour auoir le soin general de toute l'Eglise. C'est  
vne conclusion sans premisses, sans preuues, sans  
tesmoignages. Nous disons donc quant à nous,  
& avec verité, le contraire. Què si du temps de  
Leon & de Gregoire, les Papes se sont donné  
quelque puissance sur les autres Euesques, cela  
n'estoit auparauant. Augustin epist. 162. & encore  
n'ont-ils exercé ceste authorité qu'en correctiōs,  
seulement enuers ceux qui auoyent failli, & e-  
stoyent indomppez, & ceux de leur temps à qui il  
a semblé bon la leur ont accordée : & il appert aus-  
si que plusieurs y ont repugné licitement, & ont

contredit sans reprehension : voyez l'epistre 85. de Leon. Plusieurs exemples en ont esté aussi produits cy dessus, & les Canons des quatre principaux & œcumeniques Conciles, qui sont du tout contraires à ceste dominatiō vniuerselle. Passons à ce qui suit, espluchōs s'il y a de la raison, encore que l'Eglise ait ses mēbres distinctement separez avec leurs ppropres functiōs, qu'elle en a neātmoins par necessité vn principal & commun à tous, qui est le chef, sans lequel ce corps mystique de nostre Seigneur seroit vn horrible & miserable monstre, ou bien vne vraye Babylone pleine de confusion & de trouble. Nous accordons toute ceste proposition, estant chose tres-certaine, que là où il n'y a point d'ordre, la confusion y regne : que tout ordre gist en disposition, qui presuppose quelqu'un qui dispose & conduise, & par consequent qui soit superieur : que toute multitude qui est mère de schisme & diuision & trouble, selon S. Chrysostome *in opere imperfecto in Matth. hom. 1.* doit auoir quelqu'un par dessus, pour la tenir vnie & en rang : que tout corps est imparfait, inutile, mort, & difforme, sans teste. Mais nous disons, que le chef vniuersel de l'Eglise, commun à toutes les parties & membres, n'est le Pontife de Rome, quand mesme il seroit Euesque, mais Iesus Christ seul, veu que ce nom & le sens d'iceluy n'est donné à autre en toute l'Ecriture. Luy-mesme, Iean 15. vers. 4. 5. s'appelle seul le sep, & tous les autres, sarmēs. S. Pierre l'appelle seul aussi ἀρχὴν τῆς ζωῆς, Prince de vie, Act. 3. vers. 15. Et l'Apostre aux Heb. τὸς πρίν- ἀρχὴν τῆς τελειότητος, Prince & consumma-

teur de la foy. L'Apostre sainct Pierre qui l'auoit  
nômé prince de vie, luy baille aussi à luy seul prin-  
cipauté sur tous les Euesques & Pasteurs de l'E-  
glise, en disant, qu'il est ἀρχιεπίμουν prince des Pa-  
steurs, 1. Pier. 5. vers. 4. S'il est prince des princi-  
paux membres de l'Eglise, il est prince des autres  
qui sont moindres, c'est à dire donc, de toute l'E-  
glise. Ce qui se recueille encore, quand par le mes-  
me il est appelé Euesque & gardien de nos ames,  
1. Pier. 2. v. 25. Sainct Paul l'honore de ce titre  
de chef en plusieurs passages, Ephes. 20. 21. 22. &  
5. vers. 23. Coloss. 1. vers. 18. où aussi il est appelé  
commencement & premier-né des morts (ὁ ἀρχὴ  
ἀπὸ τοῦ νεκρῶν) à fin qu'il tienne le pre-  
mier lieu en toutes choses, & ne donne ces noms  
à autre: aussi maintenons-nous que la propre &  
vraye signification & les vrais effectz de chef de  
l'Eglise, ne conuient à autre qu'à Iesus Christ, qui  
seul est le Sauueur d'icelle, Eph. 5. A & 4. & seul la  
réplit de son Esprit, & l'enrichit de ses dons, Eph.  
4. Iean 14. & 16. & que pour le ministere mesme  
de l'Eglise, nul ne peut estre chef vniuersel: car  
mesme pour l'instruction de la Iudee, Iesus Christ  
outre les xij. Apostres, a employé 70. disciples, &  
pour appeler les Gentils, beaucoup d'Euangelis-  
tes sortis de Ierusalem, ont esté adioints aux sus-  
dits Apostres. Dire maintenant que le Pape est  
chef ministerial des ministres, Pasteurs & Eue-  
sques: outre que cela est contraire aux pretensions  
de cest Antechrist, tel ordre ne se trouuera auoir  
iamais esté establi par Iesus Christ, ny pratiqué  
par l'Eglise primitiue & ancienne. dont i'infere,

que le Papat est vne charge impie, injuste, & reseruee pour le seul Antechrist: & afferme en outre, que ceux qui l'exercent, & l'ont occupee iadis, s'y sont intrus tyranniquement, & sans vocation legitime. Non, dit Sponde: car c'est selon la premiere reigle que Iesus Christ nous en a donné en la personne du prince des Apostres, comme l'appelle toute l'antiquité. Je demande, où est ceste reigle de Iesus Christ? où est le commandement à S. Pierre, de commander & presider sur les autres? où est le commandement du mesme aux autres, d'obeir & se soumettre? Celuy qui s'appelle *κύριος καὶ ἡγούμενος*, c'est à dire, non seulement compagnon & collegue des autres Apostres, mais des moindres & plus simples Eueques & Prestres, se recognoist-il Prince? a-il esté pour tel reconnu des autres? S. Paul luy eust-il résisté en face comme il a fait? Galates 2. vers. 11. Ne presideroit-il point en toutes leurs assemblees? ce qu'il ne fait, Act. 15. n'enuoyeroit-il point les autres? mais il est enuoyé, Act. 8. vers. 14. Si l'enuoy ne monstre superiorité, au moins declare-il esgalité de ceux qui enuoyent, & de celuy qui est enuoyé: car jamais l'inférieur ne mandera le supérieur. Et les lettres du Concile de Ierusalem, ne s'escriuent au nom de Pierre, mais de toute l'Eglise: & S. Pierre a esté contraint de rendre raison aux freres, de son entrée vers Corneille, Act. 11. Bref, Iesus Christ ne dit point, que les rebelles soyent appelez deuant saint Pierre, ou vn de ses successeurs, notamment de celuy qui sera à Rome, mais à l'Eglise, & à toute la compaignie des Anciens & Pre-



ftres qui la representēt, & qui ont vocation pour veiller sur les ſcandales. Ce qui eſt dit que ſainct Pierre en tous les lieux de l'Eſcriture eſt nommé le premier, excepté aux Galates, chapitre deuxieſme verſet 9. procede d'ignorance: & de cela peut-on iuger, combien diligemment l'auteur du liure auquel nous reſpondons, auoit fucilleté les Eſcritures, qu'on le doiue eſtimer vn ſecond Auguſtin. En l'epiſtre premiere aux Corinthiens ſainct Paul ſe nomme, & nomme auſſi Apollos pluſtoſt que ſainct Pierre, 1. Corinth. 3. verſ. 22. & en general ailleurs, tous les Apoſtres & freres du Seigneur, ſont preferez en ordre audict ſainct Pierre. Ceſt argument eſt ſi foible, qu'il eſt indigne de reſponſe: car ſi le premier nommé eſt Eſcritures & au catalogue des ſainctſ eſt le ſuperieur, le maiſtre & ſeigneur; le dernier nommé ſera le ſeruiteur, le plus abiet & le moindre. Or ſi cela eſt vray, & ſainct Pierre, & Ieſus Chriſt tiendront le dernier rang en l'Egliſe: car Ieſus Chriſt meſme eſt poſtpoſé à ſainct Pierre, 1. Corinth. 1. verſ. 12. voire Dieu eſt mis le dernier par ſainct Luc en la genealogie de Ieſus Chriſt, Luc 3. Parquoy qui a monſtré ces inepties, les a aſſez reſutées. *Ordo non eſt attendendus, ubi mens Scriptura & Dei loquentis per eam certa reperitur.* Mais, peut eſtre, noſtre Aduocat d'une cauſe perdue, eſt meilleur politique & hōme d'eſtat que Theologien, ou Iuriſconſulte, au moins vouloit-il qu'on l'en eſtimast tel de ſon viuāt: à ces fins, & pour auoir ceſte eſtime croy-ie qu'il fait bouclier de ceſte raiſon, diſant, que la maiſon de Dieu doit eſtre conduite par le plus

ancien, le plus noble, & le plus assuré gouvernement qui soit au monde, à sçauoir la Monarchie, quelque chose que vous ayez voulu introduire par vostre Aristocratique forme d'Eglise. Je me seruiray ici de ce qui a esté bien dit par quelqu'un de nostre temps, assauoir Bodin, au liure 2. de sa Republique, qu'il y a difference entre l'estat & le gouvernement dudit estat: car l'estat peut estre en monarchie, & sera gouverné populairement, ou aristocratiquement, &c. Parquoy nous accordons, que la forme & l'estat de l'Eglise est monarchique, & que la souveraine puissance est entre les mains d'un seul, mais ce n'est du Pape, ou aucun des Euesques, ou des hommes simplement hommes: ains de Iesus Christ, vray Dieu & vray homme en vne mesme personne, qui preside en ceste Eglise comme seul monarque: qui ayant receu de son Pere ce Royaume, le conduit & gouverne par son Esprit interieurement. Et son autorité & puissance est telle, & si souveraine, qu'il est *admirandus*, c'est à dire, n'est suiet de rendre raison, car il a tout pouuoir & au ciel & en la terre, Psal. 2. & Psal. 110. Matth. 11. & 28. Jean 17. Eph. 1. & 4. Col. 1. & 2. Philip. 2. Apoc. 1. & 5. & quant au gouvernement de l'Eglise, il est double: l'un interieur, qui s'exerce immédiatement par Iesus Christ, comme nous auons touché: l'autre *exterieur*, qui s'exerce médiatement, & auquel il faut considerer deux choses. Premièrement la puissance ou droit de gouverner souz Iesus Christ, chef & seul Monarque, suivant les loix qu'il en a baillées en sa parole, ausquelles il veut que tous

soyent subiects. Secondement, l'exceçution de ceste puissance. Le premier poinct & la première partie du gouvernement est democratique, c'est à dire, Iesus Christ a baillé ses loix & sa parole à toute son Eglise, pour en estre la gardienne & la colonne: & ceste subalterne, & inferieure puissance & autorité luy a esté donnée par son Espoux, duquel elle la tient par emprunt & par souffrance. Pour l'execution, qui regarde ou la iurisdiction spirituelle, & qui touche seulement les consciences, la remission, ou retention des pechez, l'instruction en la pieté & bonnes mœurs, &c. ou la iurisdiction externe qui a ces parties 1. l'ordination des Euesques & vocation es autres charges. 2. les admonitions & censures publiques, qui comprennent excommunication ou reception. 3. l'audition des appellations. 4. la conuocation des Synodes. 5. la constitution des loix politiques, à fin que tout se face decemment & par ordre en l'Eglise. 6. l'exposition & declaration des dogmes & articles de foy, contre les hetesies & heretiques: Nous disons que ces choses se font aristocratiquement, par Consistoires, Colloques, Synodes, & Conciles, en aduertissant le peuple de ce en quoy il a interest & qui luy touche, pour auoir son consentement tacite, ou entendre son opposition & la vider. Les autres choses s'exercent monarchiquement, car vn Pasteur seul, a la mesme puissance & droict de prescher l'Euangile, qu'auront cent mille Pasteurs: & plusieurs ensemble ne doiuent parler, 1. Cor. 14. & ne montent en chaire. Vn seul pasteur de foy, sans assistance d'autres n'y auis d'iceux, peut annoncer

aux vrais repentans qui auront la foy, la remission des pechez, & en general & en particulier à vn chacun: & le fidele s'en doit autant asseurer, que si dix mille parloyent, & luy rendoyent ce tesmoignage. En fin vn seul appellé deuëment, peut administrer les Sacremens: ce qu'il ne fait cōme vn du Consistoire & chef de ceste assēblee & Senat de l'Eglise, mais ayant ceste yocation speciale & particuliere. C'est nostre doctrine touchāt la forme & gouuernement de l'Eglise, qui n'est nouueau & controuuē ou introduit par nous: ains ceste forme aristocratique & democratique, a esté receuë en la forme & es choses que nous auōs dites, dès qu'il y a eu Eglise au monde. Cyprīan est pour nous au 1. liu. de ses Epistres en la 4. alleguāt le chap. 8. du Leuit. ver. 2. 3. 4. 5. &c. & le 20. des Nomb. quād il parle de l'ordination des Prestres & Diacres. Pourquoi si souuent est-il parlé des Anciens du peuple en l'Eglise d'Israël, lors qu'il s'agissoit ou des mariages, Ruth. 4. vers. 2. 9. & 11, ou d'autres affaires Ecclesiastiques? n'est-il pas parlé des aristocrates & Senateurs de l'Eglise en Nehem. chap. 8. vers. 5. 8. 10? Et quād il a esté questiō de publier & celebrer la feste des Tabernacles, les Princes des familles de tout le peuple, les Sacrificateurs & Leuites ne s'assēblent-ils point vers Esdras, pour en prendre la resolution selon la loy de Dieu? Nehem. 8. vers. 14. que dit-il aussi pour la publication du iusne, Ioel 1. vers. 13. 14? Vous sacrificateurs ceignez-vous, & vous plaignes, sanctifiez le iusne, appelez la multitude, assēblez les Anciens, & tous les habitās de la terre, &c. Touchant l'excommunication, elle n'a esté excer-

cee à l'appetit d'un, mais par l'aduis & iugemēt des  
 Sacrificateurs, Anciens du peuple & Scribes, Iean  
 9. vers. 22. l'ay desia muni & fortifié le gouuernement  
 aristocratique de l'Eglise, par passages du  
 nouveau Testament: comme quand Iesus Christ  
 commande; que les rebelles aux admonitions par-  
 ticulieres, soyent deferez à l'Eglise, Matth. 18. &  
 exēples de la primitive Eglise. Et encores peut-on  
 voir ce que saint Paul escrit aux Thess. en la 2. cha.  
 3. du droict qu'ils auoyent de marquer & excom-  
 munier les desobeissans & contumax. Et aux Cor.  
 1. Cor. 5. touchant l'excommunication de l'ince-  
 stueux. Saint Augustin parlant de la discipline  
 d'icelle, declare assez, que de son temps elle n'estoit  
 en la main d'un seul, ains de plusieurs faisans vn  
 corps. *lib. de fide & operibus cap. 5. quum eis per quos  
 Ecclesia regitur, adest salua pace potestas disciplina,  
 aduersus improbos aut nefarios exercenda, tunc ne so-  
 cordia segnitiaque dormiamus.* Quand ceux qui con-  
 duisent l'Eglise peuuent sans trouble exercer la di-  
 scipline contre les meschans & peruers, alors ne  
 soyōs point paresseux ne lasches. Saint Hierosme  
 aussi nous enseigne, que c'est l'Eglise qui a receu les  
 clefs, & puissance de lier & deslier: l'Eglise, di-ie, tou-  
 te, à sçauoir, ceux qui sont tellement en la maison  
 de Dieu, qu'ils sont aussi la mesme maison d'iceluy.  
*Puto me non temerè dicere, alios ita esse in domo Dei, ut  
 etiam ipsi sint domus eadem Dei, qua domus etiam cla-  
 ues accepit, ac potestatem soluendi ac ligandi, caus. 24.  
 question. 15. Canone omnibus.* Ceste puissance s'est  
 exercee tousiours aristocratiquement: car encores  
 qu'il y eust des Archeuesques & Patriarches, tou-

tesfois ils n'estoyent que chefs & conducteurs de ce Senat: & de faict d'où est venu le different entre Pierre Euesque d'Alexandrie, & Meletius vn des Euesques d'Egypte? Et le schisme que le dernier a fait, que sur la deliberation qu'il falloit prendre, touchant les Prestres qui estoyent tombez en idolatrie par infirmité, & pour crainte? car cestui-ci estoit d'un aduis, beaucoup d'autres, & Pierre d'un autre. Si l'administration & conduite de l'Eglise eust esté monarchique, qu'estoit-il besoin d'entrer en ce debat? pourquoy est-ce que ceux qui auoyent failli, ne s'adressent au seul Pierre? ains s'en vont à tous les confesseurs & martyrs qui estoyent en prison? Si on réplique, que c'est vne actiō extraordinaire, & vne prerogatiue deferee à cause du martyre: Je di que de là il s'ensuit, qu'un seul n'auoit la puissance exclusiue: car Pierre qui estoit l'Archeuesque, estoit aussi bien martyr. Je sçay bien qu'il ne se range point à la pluralité des voix, car son aduis ne fust suivi de la plus part: mais aussi ne fait-il point valoir son autorité & singuliere puissance à administrer l'Eglise, sur ceux à qui il auoit droit de commander, si tel eust esté l'ordre que Sponde pretend. *Epiph. hares. 68. de secta Meletij. fol. 319.* sans doute le gouuernement de l'Eglise a esté tousiours tel que nous auons dit. Ce ne sont point de passages tronquez ou extorquez que nous employons des Anciens, ils en sont tous pleins: entre autres, nous auons sainct Cyprian, qui ne chante autre chose à ceux qui ont des oreilles pour l'ouïr. En ses ceuures se lit l'epistre que les Prestres & Diacres de Rome luy escriuent, où sont ces mots;

*Nobis in tam ingenti negotio placet, quod & tu ipse tractasti prius, Ecclesie pacem sustinendam, deinde sic collatione consiliorum cum Episcopis, Presbyteris, Diaconis, Confessoribus pariter astantibus, laicis, facta lapsorum tractare ratione, &c.* Apres ce saint Martyr, nous auons saint Augustin, au traitté des 50. homelies, en la cinquantième, où il parle en ceste sorte: Donques que l'homme se iuge soy-mesme, & quand il aura prononcé sentence de medecine très-seuere contre soy, qu'il s'en viene aux prelates de l'Eglise, par lesquels les clefs luy seront administrees en l'Eglise. Ce qui suit tout quād & quand, ne discorde pas, faisant mention d'un seul Prelat. *Si hoc expedire utilitati Ecclesie videtur Antististi, in notitia multorum, vel etiam totius plebis agere penitentiam non recuset.* Car il regarde à celuy qui parloit & portoit la parole au nom de tous, & les representoit, dont il a esté adiousté ensuiuant: *Plerique boni Christiani propterea tacent & sufferunt aliorum peccata, quia documentis sepe deseruntur, & ea que ipsi sciunt, iudiciis Ecclesiasticis probare non possunt.* Ces paroles nous enseignent, que la conduite de toute l'Eglise, n'a esté en la puissance de l'Euesque de Rome: Item, que l'administration de l'Eglise a esté aristocratique, c'est à dire, exercee par quelques vns de l'Eglise, des plus gens de bien, comme par les Prestres & Diacres: ce qui est encore plus clair du mesme saint Augustin, au mesme lieu: Donques, dit-il, que l'homme change ses mœurs en mieux, & quasi commençant d'estre bon enfant, ayant gardé l'ordre des membres maternel, il reçoie par ceux qui sont commis sur les choses



sacrees: la façon comme il pourra satisfaire (à sçauoir, à l'Eglise) & en fin la cōclusion de son homelie declare, quelle a esté son intention. *Certiores sunt clauēs Ecclesiæ, quàm corda regiæ: quibus clauibus quodcunque in terra soluitur, etiam in cælo solutum esse promittitur: & multò est honestior humilitas, quæ se quisque humiliat Ecclesiæ Dei.* Il ne dit pas qu'il se faille humilier à vn seul Pape, mais à l'Eglise. Nous n'auõs pas seulement ces authoritez, mais des raisons inuincibles, & telles qui s'ensuiuent. Si l'Eglise est administree souuerainemēt par les Conciles, il s'ensuit que son administratiō est aristocratique, en ce qui touche la iurisdiction exterieure: or l'Eglise est gouvernee & conduite souuerainement par les Conciles, & non par les Papes, qui ont esté declarez inferieurs & en vn rāg plus bas que celuy desdits Cōciles. qu'on face maintenir la cōclusion, car qui doutera que les Cōciles ne sont la fleur & l'abbregé de l'Eglise, & l'asblée des plus excellēs es dōs & grāces spirituelles? personne aussi ne peut iustement ignorer, la determination des Conciles de Constāce en la sessiō 4. & 5. & de Basle en la sessiō 2. touchant ce suiet, que ie mettray icy tout au long. *Ipsa Synodus in spiritu sancto cōgregata, legitime generale Conciliū faciens, Ecclesiam Catholicam militantem representans, potestatem à Christo immediatè habet, cui quilibet cuiuscunque status vel dignitatis, vel si Papalis existat obedire tenetur. In his quæ pertinent ad fidem, & extirpationem dicti schismatis, & reformationem generalem Ecclesia Dei in capite & membris, &c. Item, declarat quod quicunque cuiuscunque conditionis, status, dignitatis, etiam Papalis, præceptis huius*

*sacra Synodi, & cuiuscunque Concilij generalis legitime congregati, obedire contumaciter contempserit, debitè puniatur, &c.* Sponde se souuenoit-il de ces Conciles, quand il batissoit son liure? qui ne doiuent estre suspects d'auoir esté ennemis des Papes: car pour les soustenir, ils y ont fait brusler ceux qui commençoient à esclarir parmi ces tenebres de l'Antechrist, & qui osoient ouurir la bouche pour se plaindre de sa tyrannie, & male-uerfation. Ou pourquoy, dit-il, qu'on n'auoit encore ouï parler deuant nous, depuis la fondation du monde de forme aristocratique? ou il faut qu'il ne craigne point de dire tout haut, que ces Conciles ont esté schismatiques, & qu'il les face hardiment compagnons (aüssi bien qu'il nous fait) des Arriens: lesquels s'ils ont esté exèpts d'Arrianisme, ne peuuent estre censez à bon droit entre les heretiques: ou qu'on enuelope S. Hierosime en la mesme faute d'autant qu'il maintient, que ce n'est point de droict diuin, mais seulement par coustume & ordonnance humaine, & pour crainte du schisme, que de plusieurs prestres, vn a esté creé Euesque. *Hierony. in Tit. cap. 1. & in Epistola ad Euagrium.* Et de faict, Epiphanius escriuant cõtre Arrius heres. 75. est contraint d'accorder la verité, & dire qu'il estoit besoin de Prestres & Diacres, & que par ces deux charges les choses Ecclesiastiques peuuent estre parfaites, & où quelqu'un n'a esté trouué digne d'estre Euesque, le lieu est demeuré sans Euesque: & où plusieurs n'ont esté trouuez suffisans, pour estre constituez prestres, on s'est contenté d'ordonner & establir en ce lieu-là vn seul Euesque. Le mesme

Epiphanius n'escrit-il pas en l'heresie des Meletiens qui est la 68. qu'Alexandrie n'auoit point iamais eu deux Euesques, cōme les autres villes: qui confirme que ce n'estoit vne chose receuë entre toutes les Eglises, d'auoir vn qui eust commandement, autorité, puissance, & dignité sur les autres Pasteurs d'un mesme lieu, & que ces villes n'estoyent pourtant estinées ny heretiques, ny schismatiques. Mais accordons qu'il soit necessaire, & que telle soit l'ordonnance de Dieu, qu'il y ait en vne multitude de prestres, trauaillans en la parole en vne mesme ville, vn qui soit créé Euesque, s'ensuit-il pour tant, qu'un seul doieue & puisse estre lo Prince de tous les Euesques du monde ? Mais ie croy que le Pape ne se contente pas mesme de ce nom, ny de ceste dignité: car s'il n'exerçoit que principauté, & si saint Pierre n'a esté que Prince des Apostres, (qui est le titre que quelques Anciens luy ont donné) par raison la forme de l'Eglise seroit & a esté mesme du temps des Apostres aristocratique, ou democratique: car Principauté, dit Bodin (& le protue tres-bien au liu. 2. de sa repub. chap. 1.) n'est autre chose que l'estat populaire ou aristocratique qui a vn chef qui cōmande à tous en particulier, & n'est que premier en nom collectif: car le mot de *Princeps*, ne signifie autre chose, que le premier, parlant proprement: mais cest arrogant se veut mettre en la place de Iesus Christ, & se donne les melmes titres d'icelui, lequel l'Apostre aux Coloss. enseigne, tenir seul la primauté en toutes choses, *ὁ πρῶτος ἀπὸ τῶν ἁγίων*. aussi fait-il parler ceste assemblee tenue à Florence 1439. *Definimus Romanum Pontificem*

*ificem in vniuersum orbem tenere primatum, totiūsq̃  
Ecclesia caput, & omnium Christianorum patrem, &  
ipsi in beato Petro pascendi, regēdi & gubernandi vni-  
uersalem Ecclesiam à Domino nostro Iesu Christo ple-  
nam potestatem traditam esse.* Le 3. Concile de Car-  
thage, ca. 26. n'a point voulu que l'Euesque du pre-  
mier siege, s'appellast prince des prestres, & souue-  
rain Prestre : & il dit qu'il a primauté sur tout le  
monde, & qu'il est chef de toute l'Eglise, & qu'il a  
pleine & souueraine puissance de gouverner l'Egli-  
se vniuerselle. C'est passer les bornes dudiēt Cōcile  
de Carthage, auquel sans doute S. August. a assisté.  
Ce canon ne parle point à l'Euesque de Rome, ains  
aux primats ou Patriarches, respōd Sponde. Et n'e-  
stoit-il pas vn des quatre Patriarches ? n'estoit-il  
pas vn des Euesques des premiers sieges ? qu'on lise  
le Canon 6. du Concile de Nicee, & le Canon 4. &  
16. du concile de Chalcedoine, où au premier il  
est esgalé aux Euesques d'Alexandrie & Antioche,  
& seulement appellé Euesque, & au dernier il est  
nommé Archeuesque. Or lediēt Concile de Car-  
thage parle à tous les Patriarches & Euesques du  
premier siege, sans restriction. Et n'est-il pas cer-  
tain que, *Dicta in vna lege, extenduntur ad omnes res,  
casus, & personas, in quibus eadem ratio reperitur?*  
Qu'est-cecy que vouloir creuer les yeux aux hom-  
mes, & leur vouloir persuader qu'ils n'ont point  
apprins leur alphabet ? dire que ce Canon, & le sui-  
uant qui est attribué à Pelage en la dist. 99. ne s'a-  
dressent point à l'Euesque de Rome ? nenny, s'il n'y  
est exprimé, & dans le texte & au titre en lettre  
noire & en lettre rouge. *Vniuersalis nec etiam Ro-*

*manus Pontifex appelletur, nec etiam Romanus Pontifex vniuersalis est appellandus.* Il ne peut estre dit Souuerain & Monarque, qu'il ne soit vniuersel: car la premiere & souueraine cause est tousiours vniuerselle, tant aux causes subalternes & inferieures, qu'à leurs effects. Souuerain, est ce qui comprend en effect & vertu tous les inferieurs: c'est pourquoy saint Gregoire a escrit en l'epist. 188. liure 6. si quelqu'un est nommé Euesque vniuersel, toute l'Eglise tresbuche si celuy-là chet. Et quelle raison y a-il de dire, que Pelage & Gregoire detestent le nom d'uniuersel pour ceste raison, à sçauoir, que ce nom semble pancher vers l'vnité? que si vn Euesque estoit appelé vniuersel, il sembleroit qu'il n'y en eust qu'un. Que Sponde rougisse de parler sans loy & sans tesmoignage, & de vouloir deuiner des motifs & intentions de ces Peres contre leurs paroles, & contre ce qu'ils en disent expressément: car s'il n'y auoit que crainte en ce titre d'uniuersel d'estre estimé seul: pourquoy diroyent-ils que de fait & realement par iceluy, & prins en son vray sens & propre, l'honneur des freres est amoindri, & non seulement l'honneur, mais leur puissance? *Meus honor est, fratrum meorum solidus vigor. can. Ecce. dist. 99.* Mon honneur est, que l'estat de mes freres se maintienne en sa vigueur: si vostre sainteté m'appelle Pape vniuersel, c'est confesser que vous n'estes point en vostre ressort, ce que vous m'attribuez par tout. *Si vniuersalem Papam vestra sanctitas dicit, negat se hoc esse quod me fatetur vniuersum.* Voyez-vous, s'ecrie Sponde, si vniuersel, n'est prins pour seul & vnique Euesque, sans superieur

ny inferieur? I'ay desia refuté ceste exposition, à sçauoir, que le nom de Patriarche vniuersel, n'oste le nom & effect d'Euesque, mais seulement de Patriarche, c'est à dire, non de la charge du trauail, de la peine de prestre ou simple Euesque, mais de la superiorité & preeminence qu'il auoit sur les autres prestres: car il n'y peut auoir deux ou plusieurs souuerains. Il ne dit donc pas qu'il luy oste le nom ou effect de Prestre en s'appellant ou endurent que les autres l'appellent vniuersel: qui est ce que Sponde entend & veut dire. A quoy il suffit d'opposer, ce que le mesme Gregoire en escrit en l'epistre 69. du liu. 7. à Eusebe Euesque de Thessalonique, où il expose le mot d'vniuersel en ces termes: Nul n'a voulu estre ainsi nommé, nul ne s'est rai ce nom temeraire, de peur qu'il ne fust aduis qu'il despoüillast ses freres de leur honneur, en se colloquant en degré superieur. Le Canon de Pelage (s'il est à luy: car il y en a beaucoup de supposez es decretz de Gratiā) en la dist. 110. qui cōmence *Quoniam*, ne fait rien à propos, & tout ce qu'on en peut tirer, c'est que le Pape de Rome estoit Patriarche, suiuant le Canon du concile de Nicee, selon que Ruffin le rend au 10. liure de son histoire. *Suburbicanarum Ecclesiarum sollicitudinem gerebat, id est, curabat Ecclesias vicinas & suburbicanas*. Il falloit donc prouuer, non ce que doiuent faire les Metropolitains & Archeuesques enuers leurs Primats ou Patriarches, pour exercer leur charge legitiment, mais les autres Patriarches enuers l'Euesque de Rome, comme dependans d'iceluy, & le recognoissans par dessus. Et quel signe de superiorité est-ce

prendre vn manteau & exposer sa foy? tout cela ne nous monstre que moyen d'entretenir consentement en doctrine & discipline, & le declarer & en auoir quelques marques externes. Quand saint Gregoire aussi a escrit sur le 5. Pſalme penitential, que l'Eglise Romaine est chef de toutes les Eglises, *Domina gentium*, maistresse des gens: il ne veut dire autre chose, sinon qu'elle est mere de la foy, l'ayant publiee en plusieurs lieux, sinon par predication, au moins par exemple & renommee: si elle est appelée dame, c'est eu regard à la domination politique; ayant tenu la monarchie, durant les consuls & les Empereurs, qui ont eu leur domicile & siege en icelle fort long temps, dont est aduenue qu'elle a tenu le premier rang entre les Patriarchats, & a esté estimée & declaree le premier siege, & l'Euesque d'icelle est appelé par Iustinian nouuell. 131. le premier de tous les Prestres. *ἡ πρώτη πάντων τῶν ἱερῶν*. Anaclet Pape prononce que, *in capite Præuinciarum, ubi dudum Primates erant, leges seculi ac prima iudiciaria potestas, ipsis quoque in ciuitatibus vel locis, nostros Patriarchas vel primates qui unam formam tenent, leges diuina & Ecclesiastica poni & esse iusserunt: ad quos Episcopi si necesse fuerit confugerent, eosque appellarent, & ipsi nomine primatus fruerentur. distin. 99. can. Prouincia*. Il n'y a autre raison pourquoy Constantinople est appelée la nouvelle Rome. Et pourquoy le concile de Chalcedoine au can. 16. l'a preferé à Antioche & Alexandrie, quoy que Leon s'y oppose par ses legats? voicy les mots du Concile: *Sedi senioris Romæ propter imperium ciuitatis illius, patres consequenter prini-*



*legia reddiderūt, eadem intentione permoti, cētum quinquaginta Deo amantissimi Episcopi, æqua sedi nouæ Romæ priuilegia tribuerunt, rationabiliter iudicantes imperio & senatu urbem ornatam, æquis senioris Romæ priuilegijs frui, in Ecclesiasticis sicut illa habet maiestatem habere negotijs, & secundam post illa existere.*

Nous auons rabatu la premiere replique de nostre aduerfaire, sur ce dire de saint Gregoire, que quiconque se dit Euesque vniuersel, est precurseur de l'Antechrist. Il en a vn autre, respondant à ce que nous disons & accordōs, que l'Euesque de Rome a esté recognu tousiours pour l'Euesque du premier siege. Nous osons ce tousiours, car au Concile de Nicce, il n'est faite aucune mention de l'Euêsqe du premier siege: lequel esgale plustost à l'Euesque Romain & à son Eglise en toutes choses, ie di mesme en ordre, tous les Metropolitains & Patriarches, & ne luy baille rien d'auantage, comme ces petis mots (*τὸ αὐτὸ ἔστιν. hoc idem moris est, vel parilis mos est, & ὁμοίως similiter*) qui se lisent au Can. 6. le declarent: & s'il falloit faire iugement par l'ordre des mots, l'Euesque Romain seroit le second: Toutesfois ce n'a esté l'intention de ce S. Concile, de definir quel Patriarche iroit deuant & quel suiuiroit. Le premier de Constantinople a fait cela, au Can. 5. où il met au premier rang l'Euesque de Rome, & au 2. celui de Cōstantinople. Ceste ordonnance a esté depuis confirmee au premier concile de Chalcedoine, chap. 16. La principale raison pourquoy on auoit donné le premier lieu à Rome, & le 2. à Constantinople estoit, d'autant que celle-là auoit esté le chef de l'Empire, & que ceste-

ci l'estoit adonc: car on a voulu conformer l'ordre de l'Eglise & regime spirituel, ou à la police temporelle dist. 80. can. 1. *Urbes & loca. & distin. 99. Can. Prouincia*, ou à l'ordre des synagogues des Payens: car les Patriarches ont esté ordonnez aux villes, lesquelles auoyent eu deuant la Chrestienté les principaux prestres, ainsi que nous auons monstre cy deuant du Maistre des Sentences, & qu'il est en la distin. 80. can. *In illis ciuitatibus*. Mais ne debatons point d'auantage de ce mot tousiours, ains qu'on gagne cela sur nous, que l'Euesque Romain a esté vn des principaux. Et puis qu'ils le desirerent le premier en rang & seance, à cause tant de l'âcieneté & noblesse de la ville, que pour la dignité de l'Eglise: mais nous ne voulons admettre, qu'il ait eu superiorité sur tous. Nous distinguons doncques entre l'ordre, seance, & rang, & le pouuoir ou degré & superiorité. C'est le texte & la glose tout ensemble de nostre dire, fondé sur la verité de l'histoire, recueillie tant des propres canons des Papes, que des Conciles anciens. Sponde replique, Si le mot de paistre les brebis du Seigneur ne leur signifie autre chose, que prescher & bailler les Sacremens, que deuiendront doncques les glaiues spirituels des excommunications, & tout le reste du pouuoir Ecclesiastique? Il veut dire que celuy qui est pasteur d'un troupeau, a pouuoir sur iceluy: Nous laisserons passer ces mots. Or l'Euesque de Rome est Pasteur de toute l'Eglise, nous nions fort & ferme qu'ainsi-soit. Il le veut prouuer, parce qu'encore qu'il ne presche ou n'administre les Sacremens, & que les anciens Euesques de Ro-

me l'ayent fait seulement à Rome : Toutesfois ceux de ce temps manient les glaiues spirituels des excommunications, & exercent le reste du pouuoir Ecclesiastique, & pour ce regard font deuoir de Pasteurs. Il me semble qu'il veut dire ce que i'apporte: Il est vray qu'il parle si obscurément, que luy, qui nous demande glose, auroit besoin d'un bon truchement, pour exposer ses conceptions, ou que son esprit fust entré en quelqu'un de ses Mecenats, à fin qu'il parlât par eux à present. Nous n'ostons point à l'Eglise & aux vrais Pasteurs d'icelle, la puissance des clefs, que le Seigneur leur a baillée: moins nions-nous, qu'iceux n'ayent iurisdiction exterieure, qui regarde la discipline, excommunications, reconciliations, satisfactions & police. Parquoy nous ne mettons pas toute la charge des Pasteurs à prescher la parole Dieu, & bailler les Sacremens: mais nous disons, que c'est le fondement & la principale partie d'icelle, veu que c'est par la parole de Dieu, qu'il faut ouurir & fermer, qu'il faut lier & deslier interieurement en ce qui touche la conscience, & exterieurement en ce qui regarde l'Eglise & l'edification de tout le corps d'icelle: d'où nous recueillons aussi, que ceux qui ne paissent leurs troupeaux, par presches & administrations des Sacremens (dequoy le Pape se descharge, & s'est deschargé il y a long temps) ne peuvent aussi presider és Consistoires & Conciles, où la discipline s'exerce: de telle sorte, que separer la puissance de corriger, de la puissance de prescher, est separer ce que Dieu a cōioint. De là s'ensuit aussi

necessairemēt, que nul Pasteur ne peut exercer la discipline de droict propre, sur le troupeau d'autrui, moins duquel il sera absent, & qu'il n'aura jamais veu ny repeu. On me dira, qu'en vn Synode, les Pasteurs iugent des faictz, maintenant d'une, maintenant d'autre Eglise, en laquelle ils n'ont point charge, & où ils n'ont nulle puissance. Je respondray aussi, que cela se fait par mutuel consentement, & mutuelle submission de toutes les Eglises, qui s'assemblent en la personne de leurs Pasteurs, Anciens & Diacres, qui est l'ordre aussi vnique que les Apostres ont suivi, pour reformer tous iugemens, & oster toutes occasions de plaintes aux particuliers, & aller au deuant des scandales, & non que toutes les Eglises se soumettent & dependent du iugement d'un seul à l'encontre de ceste primauté. Voici le Can. 3. du 1. Concile de Constantinople: *Manifestum est, quòd per singulas quasque prouincias, prouincialis Synodus administrare & gubernare omnia debeat, secundum ea que sunt in Nicæa definita. 9. quæstion. 2. Can. Non inuitati.* Le concile Mileuitain au Canon 22. s'y accorde, & y souscrit: & le fait valoir en Afrique *ad transmarina qui putauerit appellandum, à nullo intra Africam in communionem suscipiatur.* Il reste à dire yn mot sur ce qu'on presse, que si Phocas n'a rien ordonné, sinon que le Pape tien droit le premier rang, & auroit la prefféance: dequoy est-ce qu'on le taxe de l'auoir donné à Boniface? que c'est vn grand cas qu'il n'ait esté question entre ces deux Primats, que d'aller deuant par honneur pour vne vaine & imaginaire ambition, & que

les autres n'ayent point pretendu à cela. Ceste caption se fait par vne apparence & vraye semblance de contradiction: car quand nous disons que les prerogatiues de l'Euesque de Rome, n'ont esté autres, que d'estre recognu l'Euesque du premier siege: nous entēdons de ce temps qu'il a esté vray & bon Euesque, & qu'il n'a rien fait, ny ne s'est permis chose, qu'il ne peust & ne deust iustement. Bref, nous rapportons nostre dire à ces siecles, que l'ambition des Euesques de Rome ne s'estoit si auant descouuerte, & qu'ils n'auoyent encore degeneré en loups & chefs du regne de l'Antechrist, & que la liberté & autorité estoit demeuree aux Eglises. Car nous voyons bien, que ce que l'Euesque de Constantinople demandoit & debatoit, & a obtenu quelque temps, & que Phocas a donné depuis à Boniface 3. estoit plus qu'une pressence, ainsi que le titre & charge d'Euesque vniuersel, qui tire biē avec soy d'autres choses, le testifie. Si l'Euesque de Rome eust esté lors si hardi, que de s'esleuer, iusqu'à le dire souverain Prestre, chef vnique en terre, il y auoit des gens qui eussent incontinent reprouué sa folie & presumption. Mais ce debat est venu lors, que ces Primats & Patriarches s'estoyent peu à peu fort autorisez, & qu'ils auoyent passé les bornes qui leur auoyent esté mises par les saincts liures, & œcumeniques Conciles, & qu'il ne restoit sinon que l'Antechrist se manifestast à plein, & qu'on veist & sceust en quel lieu il auroit son siege, à Rome ou Constantinople. Mais Dieu à qui toutes choses sont presentes, qui auoit predict ce

regne malheureux, & en auoit donné des aduertissemens aux fideles, ne nous a point trompez, en le nous marquât aussi bien par le lieu de son habitation, & loge ordinaire, que par les autres circonstances: & quand cela ne seroit point, quelle occasion ont les fauteurs de ce regne & tyrannie de trouuer estrange, que ces deux primats de Rome & Constantinople, ayēt debat qui auroit le deuāt, n'estant mesme question que d'un hōneur imaginaire? Les Euesques de Rome ont-ils eu hôte d'es-mouuoir souuent de grosses contentions, pour l'apprehension seule de la perte, ou amoindrissement de leur dignité? Ont-ils fait difficulté de troubler les Eglises, & les diuiser pour ceste cause? Pourquoy Leon Romain contredit-il ardemment à ce qui fut decreté au Concile de Constantinople, que l'Euesque de ladiēte ville fust second en honneur, d'autant que c'estoit la nouuelle Rome? *dist. 22. Can. Constantinop.* Qui le pouuoit inciter ainsi à troubler tout le monde, sinon qu'il preuoyoit de loin, que selon que la gloire de la ville de Rome decroissoit, Constantinople ne se contentant poinr du deuxiesme lieu, voudroit aspirer au premier, comme elle a fait? S'ils disent, que c'estoit vne chose bien importante, car ce Decret du Concile estoit contre Dieu, veu que si de droict diuin le Pape tient le premier lieu, selon le Canon 6. de Nicee, Alexandria tenoit à mesme titre & droict le 2. & Antioche le 3. & qu'en cela Leon ait monstré sa superiorité & puissance, sur tous les Conciles & toutes les Eglises en résultāt, lesquelles ne l'ont point reprins de se mesler d'une chose

qui ne le touchoit en rien: Je demande pourquoy c'est qu'elles ne luy ont obei? Et que le decret du Concile a eu sa vigueur nonobstant ses crieries? Pourquoy ses successeurs ont-ils depuis ordonné suivant ledit Concile? En fin, que veut dire que Iustinian mis en ieu en sa nouuelle 131. donne force par son ordonnance & edict à l'article du Concile, & n'encline point à l'opposition de l'Euesque de Rome? Et de faiçt, le mesme Iustinian expose audiçt lieu que veut dire, *Primum esse omnium Sacerdotum*, quand il parle du Pape de l'ancienne Rome: car puis apres estant question de l'Archeuesque de Constantinople, il dit, *θεωρίζομεν τὸν μακροτάτον ἀρχιεπίσκοπον κωνσταντινουπόλεως* *Ἰησὺς νέας ῥώμης δεύτεραν τῆξιν ἐπέχειν*: c'est à dire, Nous ordonnons que le tresheureux Archeuesque de la nouuelle Rome, à sçauoir Constantinople, obtienne le second rang. Voila comment ce proverbe se pratique en son endroit *mus seipsum prodit*, &c.

## CHAP. IX.

*De l'Antechrist, où il est monsté que le Pape l'est en qualité de chef de ce regne apostatique, opposé à celui de Jesus Christ.*

**S**ONDE parlant contre le tesmoignage de sa propre ame, le S<sup>r</sup>. Raimond Conseiller au Parlement de Bordeaux luy faisant porter la marote, se plaint en la pa. 96. de ce que tant s'en faut que nous recognoissions le Pape pour Euesque du premier siege, que mesme nous



ne le tenons pas pour Euesque : mais il n'a nulle occasion de querimonie. Il faut iuger des choses selon qu'elles sont, les saules ne doiuent estre tens pour oliuiers, ny les corbeaux pour pigeons. Cestui-là n'est point Euesque, qui n'est point appellé pour l'estre, n'y n'en fait le deuoir: car ce sont des choses non seulement differentes, mais contraires d'estre Pape & Pasteur de l'Eglise. Cestui-là n'est point Euesque du premier siege, qui ne l'est ny du second ny du troiesime. Qui le dit? la raison prinse des Escritures, cestui-là n'est point Pasteur ou Euesque, qui ne paist point aucun troupeau, soit en preschant & enseignant, de garder les choses que Iesus Christ a commande, soit en viuant sainctemēt & selon les reigles & canons Apostoliques, 1. Pier. 5. 1. Tim. 3. Tit. 1. soit en veillant & chassant les loups de la bergerie, Act. 20. Or le Pape ne fait rien de tout cela : qui ne conclurra donques, que nous auons raison de ne l'estimer tel qu'il se dit & vante? Disons en outre, que celui qui est Antechrist & loup de la bergerie, ne peut estre Pasteur & Euesque. Or le Pape est tel : i'accorde que Luther, Calvin, & autres l'ont dit, & nous le disons aussi: mais non sans raison que nous prenons de la parole de Dieu: la reigle generale est si claire & euidente en icelle, qu'il ne faut point d'exposition : & est si certaine, que qu'il la mettra en doute, se monstrera impie. L'application de ceste reigle est aussi fort aisee, que si nous faillons en icelle, l'art de ratiociner qui est de Dieu, & baillé à l'homme pour aide de son infirmité, nous corrigera. Il y a double verité, l'une

des choses & sentences diuines & celestes, qu'il faut apprendre aux liures de l'Eglise : l'autre des liaisons & consequences, laquelle il faut apprendre en ces escoles qui sont outre l'Eglise. *August. lib. 2. de doctrina Christ. cap 31.* Je di donques, que celuy à qui les marques de l'Antechrist baillees en la parole de Dieu sont propres, cestui-là est l'Antechrist. Or elles sont propres au Pape, il est donc nommé en icelle, & on le doit croire tel ; avec autant de certitude, que ceste parole de Dieu est certaine. Si celuy à qui les tesmoignages rendus par les Prophetes appartiennent, est le vray Christ, & n'y en a point d'autre, & si pour le cognoistre les Iuifs ont esté adresez aux Escritures, qui contiennēt toutes les circonstances desquelles il a esté reuestu, & avec lesquelles il est venu, Matth. 11. Jean 5. cestuy aussi sera l'Antechrist, de qui on pourra dire ce que l'Esprit de Dieu en a predict par Daniel, Iesus Christ, Sainct Paul, & S. Jean. Et pour le cognoistre, nous deuons l'examiner aux escrits des susdits. Non, dit Sponde, car en quelle part est-il remarqué & depeint si bien de ses couleurs, qu'on ne puisse nullement douter qu'il l'est. Responce, en plusieurs passages, lesquels pour bien entendre, il faut conferer ensemble, & en dresser de tous vne belle description : qui sera si claire, qu'il n'y aura celuy, si le dieu de ce monde ne luy a aueuglé les yeux, qui par icelle, s'il est desia manifesté, ne le cognoisse, & ne die, c'est vn tel. Ici Sponde nous bat de trois demâdes, la premiere, si nous auons l'esprit des Prophetes ? ie respon, que tous les Chrestiens estans Prophetes, ils

luy, de pouuoir bien dextrement & profondement exposer les escrits dogmatiques, qui contiennent pour la pluspart doctrine de foy, reprehensions, refutations : les autres ont esté rendus propres par le Seigneur, pour rendre l'intention & sens des prophetiques & historiaux, soit des choses passees, soit des choses aduenir. Le silence donc de Caluin ne nous fait du tout auueugles, en l'intelligēce de ce liure. La troisieme, si nous ne craignons point en exposant le deuxiesme chapitre de la deuxiesme aux Theffalloniens de l'Antechrist, estre comprins parmi ceux dont parle S. Pierre, 2. Pierre 3. disant qu'il y a dans toutes les Epistres de saint Paul des choses difficiles à entendre, que les indoctes & inconstans corrompēt comme les autres escritures. Saint Pierre ne dit pas que S. Paul ait escrit obscurément : mais que parlant de l'aduenement du Seigneur & du dernier iour, il traite vn suiet difficile à entēdre, non vniuersellement, mais en certains chefs. Or c'est autre chose de l'aduenement dernier de Iesus Christ, & l'aduenement de l'Antechrist. Si cestui-là est obscur, il ne s'ensuit que cestui-cy le soit. mais quoy? Si depuis saint Paul a vuidé ces difficultez, & les a esclaircies? cōme quand il reprend ceux qui disoyent que la resurrection estoit desfaite, 1. Tim. 1. & quand il remonstre contre ceux qui disoyent, que le iour du Seigneur estoit pres, que l'Antechrist sera plustost manifesté, ne plus ne moins que le mesme S. Pierre en ce lieu s'attaque contre les moqueurs & Epicuriens, contre lesquels il maintient ceste derniere apparition du

Fils de Dieu, restauration du mōde, & dernier iugmēt. Je ne doute point, dit Sponde, que S. Pierre ne parle aussi du passage de l'Antechrist, par ce que toutes ces choses doiuent estre precedees par la venue & tyrannie execrable de ce Fils de perdition. Il y a la conuersion & derniere vocation des Iuifs : item l'vniuerselle & totale reuolte de tous les Gentils, qui doit preceder aussi ladite venue. Et s'ensuit-il que par tout où S. Paul parle d'un poinct, qu'il traite l'autre ? & que S. Pierre ait voulu entendre aussi toutes ces choses par ce relatif *ἐν οἷς* (car il ne dit pas *ἐν αἷς*) *ὅτι δ'ὀργιστά πνα* : *inter que sunt nonnulla difficilia intellectu*. Le contraire se manifestera tout aussi tost, quand il y aura quelqu'un qui le voudra maintenir. Or pour ne nous arrester point plus long temps à descouuir l'ineptie de ces interrogations, sondons la solidité & fond de ces raisons, par lesquelles il s'efforce de iustifier & louer le Pape, de la tresiuste & veritable accusation que nous intentons contre luy, & tous ceux de sa sorte. Il veut donc dire ainsi, que ce regne n'est point de l'Antechrist, qui a eu un temps long. Pourquoi ? d'autant que le temps de l'Antechrist doit estre court. D'où prins cela ? des paroles de Iesus Christ, Matth. 24. vers. 22. Couchons les mots fidelement, & non comme ils sont escripts en la declaration. Que si ces iours n'eussent esté abbregez, nulle chair n'eust esté sauuee : mais à cause des esleus, ces iours-là seront abbregez. Il n'y a point, que si les iours de sa persecution : parquoy ce que Sponde presuppōse pour accordé, nous luy nions, à sçauoir qu'il soit là parlé de la

lé de la persécution de l'Antechrist: car il parle du siege de Ierusalem, & guerre des Romains contre iceux. L'aduertissement de saint Augustin est notable à Esichius, veu que Iesus Christ dit les signes qui appartiennent à ces trois choses, Premièrement, à la destruction de Ierusalem. Secondement, à sa venue par l'Eglise, en laquelle il ne cesse de venir iusqu'à la fin: car venant es siens, il est reconnu, & il vient tous les iours, quand les membres naissent tous les iours. Tiercement, à la fin mesme en laquelle il apparoitra pour iuger les vifs & les morts. Il faut considerer diligemment à quel de ces trois, nous deuons rapporter quelque vn de ces signes, de peur que ce qui appartient à l'un, nous n'estimions deuoir estre entédu de l'autre. Qu'on espluche donques bien les circonstances de ce passage, & on trouuera qu'il ne se peut nullement entédre de l'Antechrist: mais des maux que les Romains deuoyent faire aux Iuifs, à ceux notainment qui estoient en la Iudee. Ce lieu-là est nommé expressément, où on ne peut enclorre l'Antechrist: la qualité aussi des personnes enseigné, qu'il est questiō non d'une persécution spirituelle, telle que sera principalement celle de l'Antechrist, mais corporelle. Malheur, dit Iesus Christ, aux femmes enceintes, & à celles qui allaiteront en ce iour-là. Et pourquoy? S'il estoit question de l'ame, tel malheur ne seroit-il aussi grand des males que des femelles? des autres femmes que des enceintes & allaitantes? la circonstance aussi du temps réuerse son dire, & fortifie le nostre. Priez, dit Iesus Christ, que vostre fuite ne soit en hyuer,

ou au iour du Sabbat : s'il n'y aura point de Sabbat, & s'il doit estre aboli, quād l'Antechrist viendra, il s'ensuit que ce passage ne peut estre entendu d'iceluy. Or le premier est vray: car puis qu'il n'est point encore venu, par la confession propre de nos aduersaires, & que le Sabbat est dés pieça osté, il est assez euident que ce mot de Sabbat est incompatible, avec le sens que donne Sponde à ce passage. Il adioust en fin, qu'il est parlé de fuite, comme d'un remede contre ces malheurs, qui seroit inutile contre l'Antechrist, veu qu'il doit estendre sa domination au long & au large, & que les principales armes, sont la fausse doctrine, & ses satellites les faux Docteurs & Prophetes. Ce n'est point vne interpretation nouuelle, Chrysostome s'y accorde en tout & par tout: ce sont les paroles de son abbreviateur Theophraste, à fin que ie soye court, il dit ces choses aux Iuifs en la personne des Apostres. Il leur dit donc, qu'ils prient que leur fuite ne soit en hyuer, parce qu'il est fort incommode de fuir en ce temps, ny aussi au Sabbat: car adonc, selon la Loy, ils sont oisifs, & n'osent point fuir. L'affliction sera lors intollerable, car les gensdarmes Romain<sup>s</sup> ont commandé qu'on n'eust pitié d'aucun: mais Dieu à cause de ceux qui deuoyent croire d'entre lesdits Iuifs, & à cause de ceux qui auoyent desia creu, il n'a point permis que tous fussent tuez, ains il a accourcy les afflictions & guerres: car si la guerre eust esté plus cruelle, tous ceux qui estoient dedans fussent peris de faim. Quelques-vns entendent ces choses des iours de l'Antechrist, mais il n'y a point de

propos, ains de la captiuité de la ville de Ierusalem. Les choses qui appartiennent à l'Antechrist, commencent en ce lieu, Lors si quelqu'un vous dit, voici le Christ. Si Sponde a recours aux expositions allegoriques, ie luy diray qu'il est tresinal couuert, n'ayant non pas mesmes des haillons ou des fueilles, ains seulement quelque vmbre : mais il s'y plait, car la clarté & le soleil luy est contraire. Ce que nous disons tout au contraire, que l'Antechrist doit estre lōg temps en regne, & suivant le tesmoignage clair de l'Apostre en la seconde aux Thessalloniens chapitre 2. car celuy qui commence dès le siecle & viuant des Apostres, & ne doit estre desconfit que par la clarté de la venue du Seigneur, doit durer longuement : veu que depuis le premier aduenement de Christ iusqu'au dernier, il y a plusieurs centaines d'annees. Or l'Antechrist doit auoir tout ce temps, il durera donc fort longuement. Cyprian disoit à Corneille Euesque de Rome, que de leur temps la venue de l'Antechrist s'approchoit, laquelle ils s'efforçoient d'imiter : *florum flenda & lamentanda conditio, quos sic diabolus excecatur ut aeterna gehenna supplicia non cogitantes, Antichristi iam propinquantis aduentum conetur imitari.* Mais on nous fait ce reproche, Si le Pape de Rome a esté si long temps l'Antechrist, où estoit lors l'Eglise ? où estiez-vous qui vous dites icelle Eglise de laquelle nostre Seigneur a tant de soin ? Nous y auons desia satisfait aux chapitres precedens, mais il faut que Sponde qui n'a que ces refuges & cauernes toutes perrees à iour, & où il n'y a plus lieu de se cacher, quand il



n'a point de quoy combattre, se couure là dessus.  
 Ce qu'il pretie n'est de plus grand poids, ou e-  
 stoyent ces Pasteurs à qui nous auons succédé,  
 comme si la succession des Pasteurs estoit chose  
 necessaire à la constitution de l'Eglise: comme  
 ainsi soit que Dieu en puisse susciter, & en ait sus-  
 cité de tout temps, non seulement extraordina-  
 rement, mais aussi immédiatement. La vocation  
 de ceux qui ont commencé peu a peu à esclarcir  
 les tenebres espèces du regne de l'Antechrist, a e-  
 sté de ces trois sortes, aux vns du tout immediate,  
 comme en Valdo Lyonnois, qui a veü l'an de  
 nostre Seigneur 1178. Quelqu'un me dira, qu'il  
 n'a point fait de miracles. Ie dy qu'il y a de deux  
 sortes de miracles, les vns qui se font en nous mes-  
 mes, les autres hors nous & nostre personne; mais  
 es autres par nostre ministère. La conuersion &  
 changement de cest homme si soudain, ceste libe-  
 ralizé non accoustumee, non seulement en luy,  
 mais en tous les homes les plus gens de bien qui  
 fussent de son temps, & ressentât celle de l'Eglise  
 primitive: car il ou-  
 uoit sa maison à tous, avec tel-  
 le allegresse, que les pau-  
 ures & necessiteux, par  
 troupes venoyent chez luy, & esté vn miracle fait  
 en l'ame d'iceluy, & par lequel on a peu iuger de  
 quel esprit il estoit mené. Iean Baptiste n'a esté  
 garny d'autres miracles, que de sa vie ex-  
 traordinairement & par dessus le reste des hommes, in-  
 cte & austere. La regeneratiõ donques d'un hom-  
 me peut estre miraculeuse, non pas à raison de ce  
 qu'elle est par dessus toute la nature: car il n'y a  
 rien là d'extraordinaire & qui apporte admiratiõ;

veu que cela est cōmun à tous ceux qui sont sanctifiez, & que ceste œuvre est toute tousiours de Dieu: mais premierement, pour le degré d'icelle qui surpasse celuy qu'on voit és autres fideles. Secondement, pour la celerité & promptitude. Tiercement, quand Dieu se sert de moyens non accoustumez & presque miraculeux, comme il fit en ce Valdo, lequel fust saisi de frayeur & d'appréhension de la fragilité humaine, voyant qu'un de ceux avec lesquels il estoit accompagné pour se recreer, tomba subitement mort en sa présence. Aux autres elle a esté mediate & ordinaire, comme en Vviclef, Jean Hus, Martin Luther, Augustin Marlorat: ils auoyent vocation legitime mesme à la façon receuë de leur tēps. Aux autres elle a esté mediate accōpagnée d'une grace & faueur extraordinaire du Seigneur, qui n'a aucun esgard aux reigles & ordonnāces du Pape, mais bien à celles qui nous ont esté laissées par les Apostres. Cōbie aussi qu'à vray dire tout ce qui estoit de la formalité de l'Eglise primitiue à receuoir les Euelques, n'ait esté gardé en quelques vns des premiers qui sont venus: non pour succeder, mais pour remplir les lieux qui estoient vuides & desgarnis. Ce que Sponde cōtinue de nous demāder, est autant ridicule qu'inepte, que nous n'alleguions point ceux qui ont dependu de nostre Antechrist pretendu, car ce nous doit estre vne hôte, de n'auoir tiré nos cōmissions que d'un tyran. De qui parle-il? de Luther, & autres. ceux-là certes n'ont tiré leur vocation de l'Antechrist, car il faut distinguer entre la ceremonie & signe, par lequel la puissance estoit

donnee à celuy qui estoit enuoyé, & la puissance mesme, & ce qui est la vraye cause d'icelle: le signe a bien esté donné de l'Antechrist & de ses supposts, mais non l'enuoy ny la puissance, qui est de Dieu par l'Eglise: & ne se rapporte qu'à Dieu & Iesus Christ. Le Baptisme peut estre administré par les heretiques quât à l'exterieur, & toutesfois il ne se rapporte à eux, ny l'efficace & effet du Baptisme n'est point d'eux. I'adiouste, que combien que le Pape soit Antechrist, & qu'il s'oppose du tout à Christ, & se soit mis en sa place, toutesfois ç'a esté vne de ses ruses de tout temps, de n'abolir point le nom de Christ, ains en faire parade, quoy que son but & intention soit esloignée de ses paroles & pretextes; d'où i'infere, que ceux qui ont eu le tesmoignage exterieur de leur vocation de l'Antechrist, n'ont esté tenus ny obligez de dependre d'iceluy, puis qu'en tout ce qu'il fait, il veût qu'on le croye vicaire de Christ. C'est donc autre chose auoir sa commission d'un tyran, qui abuse du nom & de l'autorité d'un Roy legitime, autre chose d'un tyran qui feroit ouuertement la guerre à ce Roy. Bref, c'est autre chose dependre de celuy qu'on croit estre legitime en sa vocation de chef vniuersel de l'Eglise, quoy qu'il ne le soit point, autre chose se ranger souz l'autorité de celui qu'on sçait bien estre l'Antechrist: ce qui n'est aduenü, Dieu mercy, ny à nous, ny à nos premiers Docteurs: mais bien à celuy qui nous fait ces demandes, qui n'ignoroit point les responses s'il les eust voulu escrire. Toutesfois il est maintenât deuant ce grand iuge, que si solempnellement il a ap-

pellé pour tesmoin de ses pensees en son liure. Mais d'autât qu'il escrit, que ce n'est qu'une opinion d'estimer le Pape Antechrist, ie vueil apres plusieurs grands Docteurs & personages de nostre temps, apporter des demonstrations, la cognoissance desquelles ne peut estre opinion, ains science bien claire & certaine. Je sonderay la premiere sur la doctrine par laquelle il esleue l'homme en general, & se monstre vray faux Prophete: celui-là est l'Antechrist qui s'oppose à Dieu, enseigne & maintient l'apostasie, 2. Thessal. 2. c'est à dire, ceste doctrine qui nous destourne de Dieu le Pere, de son Fils Iesus Christ, du Saint Esprit, & de la communion de l'Eglise, 2. Thessal. 2. & 3. 1. Tim. 4. vers. 12. & 2. Tim. 3. vers. 1. 2. 3. 2. Pierre 2. vers. 1. 2. & 3. v. 3. 1. Jean 1. vers. 3. & 2. v. 18. 22. 23. & 4. vers. 2. 3. Or le Pape maintien ceste doctrine & l'enseigne. Je me contenteray pour le present de proposer ce qui en est, sans vser d'autres preuues, & sur la fin on trouuera la table que i'en ay dressée, pour aider la memoire des lecteurs, où chacun pourra voir, qu'à bon droict il est appellé Antechrist & aduersaire, ἀντίχριστος & ἀντιπάλῃος. L'autre & seconde demonstration sera prinse de la doctrine, par laquelle il s'exalte soy-mesme & son Clergé, & se declare par orgueil fils aîné de Satan, Apollyon, Apocalyp. 9. vers. 12. & homme de peché, & fils de perdition, Apostat, 2. Thess. 2. c'est à dire, diable: & ce par ces trois vices, ambition, auarice, volupté. Cestui-là est l'Antechrist qui s'esleue par dessus tout ce qu'on nomme Dieu, ou qu'on adore, qui est assis, comme Dieu,

328      RESPONSE A I. DE SPONDE,  
se monstrant soy-mesme qu'il est Dieu, 2. Thessal.  
2. vers. 4. Daniel 11. vers. 36. 37. 38. 39. Apocalyp.  
19. vers. 20. Or cecy conuient au Pape qui est à  
Rome, qu'on voye aussi la table adioustee à la fin  
de ce chapitre.

La troisieme demonstration sera prinse des  
adjoincts & circonstances, desquelles l'Esprit de  
Dieu marque & note l'Antechrist & son royaume: Parquoy nous dirons, que cestui-là est l'Ante-  
christ, qui est venu, & s'est pleinement manifesté  
au temps que Dieu a predit, a duré & durera aussi  
longuement qu'il auoit esté dit: s'est assis & a pre-  
sidé au lieu que le Seigneur a designé en sa parole:  
ses ornemens & son extraction ont esté tels que S.  
Iean a déclaré: Bref, est paruenü à ceste tyrannie,  
tant par les degrez, que par les moyens touchez  
par S. Paul à la 2. aux Thess. 2. a eu les suiets tels  
que le mesme enseigne au mesme lieu. Or tout ce-  
la conuient au Pape qui est à Rome: parquoy nul  
n'a dequoi douter, qu'il ne soit le vray antechrist,  
I'ay icy aussi dressé vne table pour faire voir l'ap-  
plication de ceste maxime generale, clairement  
mise & conjointe avec les autres tables.

La quatrieme demonstration est de la fin, issuë,  
destruictiõ du royaume de l'Antechrist, & moyen  
par lequel il sera desconfit: cestui-là est l'Ante-  
christ, & ce royaume est de celuy qui sera destruit  
par l'esprit de la bouche du Seigneur, c'est à dire,  
par la clarté de la venue d'iceluy, & par la seule pa-  
role de Dieu: & apres auoir duré plus longuemēt  
qu'aucune heresie. Or l'euemēt qui est vn tres-  
bon interprete des Prophetes, nous enseigne ce-

cy s'accōplir tous les iours, depuis quatre vingts ou cent ans enuers le Pape, Papauté, & Eglise de Rome, de la sujection & tyrannie desquels plusieurs Royaumes, prouinces, principautez & villes, & milliers de familles, & d'hōmes se sont retirez en l'Europe par la grace & singuliere misericorde du Seigneur, & ce par le ministere d'hōmes simples & de peu deuant le monde, qui ont esté douēz neātmoins de grandes graces de l'esprit de Dieu, du don de prophetie, des langues, d'interpretation d'icelles, d'vne grāde & saincte constance & hardiesse, & autres vertus, ainsi que l'histoire de nostre temps en fait foy, & les confessions & responses d'vne infinité de martyrs le declarent. Concluons donques certainement, & sans en faire plus de doute, que l'Antechrist est venu, qui a eu pour auantcoureurs voirement les heretiques & heresies, mais ausquels il a donné retraite & loge, dont en fin il a basti ceste vniuerselle apostasie & reuolte, de laquelle nous supplions le Seigneur vouloir guerir ceux qui en sont enforcelez.

La cinquieme demonstration est prinse du regne de l'Antechrist: car cestui-là est Antechrist, qui preside sur ce regne-là, & le regne de l'Antechrist est celui qui est l'image de l'empire Romain, du tēps des Empereurs idolatres, Apocalipse chap. 13. vers. 3. 11. & chap. 11. vers. 7. 8. & 16. vers. 13. & 17. vers. 1. 2. 3. 4. & 19. vers. 26. Or le Pape a l'autorité sur ce regne & tyrannie, c'est aussi la Papauté qui est ce regne infernal: ce qui est aisé à cognoistre à tous ceux qui prendront la peine de considerer, & conferer l'estat de l'empire Romain,

tel qu'il estoit souz Auguste Tibere, Neron, Trajan, & autres, tant pour la religion que pour la police. Et quelles sont ces deux choses aujourd'huy en l'Eglise Papistique & Romaine, & és lieux où le Pape a estendu ses griffes ? car si en l'empire Romain deuant Constantin, l'idolatrie a esté en grand credit, les hommes Romains ont esté enragez apres icelle, par dessus tous autres peuples & natiōs, & la religion n'a esté autre chose que superstition. Certes nous pouuons dire, que la Papauté à bon droit est l'image de ceste besté, & que les mesmes superstitions & idolatries n'ont fait que chāger de nom, & les hommes de ce temps iadis sont resuscitez, & ont reuescu & reuiuent és Papistes. En outre chacun peut remarquer, que comme la forme de l'empire Romain a esté monarchique, l'Empereur ayant souueraine puissance sur tous, & s'ayant vsurpé la sacrificature & la Royauté tout ensemble: ainsi au regne Papistique, vn seul y preside, à sçau. le Pape, qui est le souuerain en cest estat, qui commande tyranniquement, s'exempte de toute iurisdiction : sur laquelle il se dit estre esleué mesme, pour pouuoir disposer de la religion à son plaisir & appetit : qui en voudra sçauoir d'auantage, lise M. Daneau en son traitté de l'Antechrist chapitre 9. & 10.

Le Pape se declare estre l'Antechrist, par ces quatre generales marques, qui sont 1. sa doctrine, 2. ses mœurs, 3. son regne consideré absolument, 4. son regne, estat, & gouuernement, consideré entant qu'il est l'image de l'Empire Romain souz les Empereurs Payens.



Pape Antechrist, par	{	sa doctrine,
		ses mœurs,
		son regne considéré absolument,
		son regne considéré relatiuement.

## TABLE PREMIERE.

### DE LA DOCTRINE PAPALE.

La doctrine du Pape est telle, qu'il s'en prend par icelle 1. à Dieu le Pere, 2. à son Fils Iesus Christ, 3. au saint Esprit, & en 4. lieu à l'Eglise.

#### DE DIEV LE PERE.

Il s'en prend à Dieu le Pere, à sçauoir, 1. à la nature & essence diuine, inuisible & spirituelle, Iean 4. 1. Timot. 6. par la fabrique des images faites, notamment pour représenter ceste premiere personne en forme d'homme sexagenaire, & qui a les cheveux & barbe blancs, chose indécente & contraire à l'éternité de Dieu, faite aussi contre la défense portée en Exode 20. & Deut. 4. vers. La preuve de cecy se doit prendre des vitres & parois de plusieurs temples: secondement il combat les vertus qui sont en Dieu, à sçauoir, la souveraine iustice & misericorde, lesquelles il nie & abolit en tant qu'en luy est, par la doctrine du purgatoire, des indulgences, des satisfactions, thresors qu'il appelle de l'Eglise: la consequence est tresbonne, ainsi que M. Theod. de Beze le fait voir & tou-

cher au doigt en sa confession. Mais puis qu'il fait appeler la vierge Marie Roine de misericorde, vie, douceur, esperance: n'est-ce pas oster ce titre & vertu d'estre souuerainement misericordieux à Dieu? voire c'est à fausses enseignes qu'il se vante d'auoir le vray Dieu: car il est notoire à tous, que celuy qui est le vray Dieu, est souuerainement & parfaitement iuste, & souuerainement misericordieux: or cestui-là n'est point souuerainemēt iuste, qui acquiesce & se contente des satisfactions humaines qui sont imparfaites, & en beaucoup de poincts defectueuses: cestui-là n'est point aussi parfaitement misericordieux, qui ne fait que suppleer seulemēt à ce qui défaut aux merites des hommes. Il s'ensuit dōc que le Pape a tant fait par ses iournees, qu'il a osté aux Chrestiens (qui l'en ont voulu & veulent encore aujourd'huy croire) le vray Dieu. 3. Il deroge entant qu'en luy est, à la creation, conseruation, conduite & liberalité de Dieu, tant par l'institution d'un nombre infini de festes, nourrices d'oisiueré, defendue de Dieu, & contraire à l'ordre qu'il a establi: à quoy se rapporte la vie monachale, qui n'est aujourd'huy autre chose, que profession d'oisiueré. Que si elle est cōtraire à l'ordonnance de Dieu, qui veut que nous mangions nostre pain à la sueur de nostre face, non moins certes est-ce chose repugnante à la façon que Dieu tient à gouverner les hommes, de mespriser les magistrats, de la iurisdiction & autorité desquels non seulement ce fils aîné de Satan s'est exempté, mais aussi a assuietti sous soy les royaumes & empires, & fait par ses loix & canons que le plus vil

moine & Capelan ne recognoist point lesdits magistrats, ny ne se veut sousmettre aux loix d'iceluy politiques. Adioustez la defense de certaines viandes à certains iours, & la prohibition des mariages à certaine sorte d'hommes. Et non content, ose encore blasmer ceste sainte institution du Seigneur, mettant les mariez entre ceux qui sont en la chair, & qui par cōsequent selon le tesmoignage de l'Apostre ne peuuent plaire à Dieu, Rom. 8. qui est estre de fait Montaniste, Tancien, Manicheen, Encratite, Cataphrygien. C'est Siricius qui a le premier proferé ce blaspheme. Mais pour se declarer en toutes sortes vrayement Antechrist, sur le faict des mariages, suyuant le dire de l'Apostre, 1. Tim. 4. Il ne peche point seulement en la defense qu'il en fait aux personnes qui administrent la parole de Dieu & les Sacremens en l'Eglise: mais aussi pour la cōcession & permission qu'il donne à certains de contracter mariage és degrez tant de cōsanguinité que d'affinité, prohibez du Seigneur en sa Loy: desquels il entrepréd de bailler dispense. Or quād ault il donne ces ritres à la vierge Marie d'estre Roine du ciel, & estoile de la mer, n'est-ce pas dire que Dieu n'a point le gouuernement du monde? Le Pape s'en prend non moins à l'honneur & seruice qui est deu à Dieu seul: & premiere-ment, à la fiance & esperance qu'on doit mettre en luy, laquelle il enseigne de mettre en partie à la vierge Marie, qu'il fait nommer nostre esperance, Roine de misericorde, douceur de vie, nostre aduocate: en partie és Anges & Saints decedez. Mais ceste fiance n'est-elle point mise aussi és ido-

les d'or, d'argent, cuiure, bois, & pierre ? car que tesmoignent les pelerinages vers icelles par deuotion, sinon qu'on attend d'elles quelque benefice ? si ce n'est comme d'une cause première, au moins instrumētale, à cause que le saint ou sainte veulent plustost & plus euidentement ouurer en ceste-cy qu'en celle-là. En ceste sorte les anciens idolatres estimoyent, que la grace & assistance de leurs dieux, leur estoit plus presente aux lieux où leurs images estoient posees, Ierem. 11. vers. 13. Il s'en prend aussi à l'inuocation & adoration qu'il faut rendre aussi à Dieu seul, quand il fait adorer vn morceau de pain en la Messe, fait baiser & adorer des os couuerts d'or & d'argent, voire les idoles de bois, de pierre, & quelque autre matiere qu'elles soyēt. On leur bastit de beaux tēples; elles n'ont faulte de iours de festes : on leur dresse des autels, sur lesquels elles sont posees, auxquelles on allume des chādelles, & on fait la reuerēce: deuant lesquelles mesmes on s'agenouille, on les baise, on leur oste le chapeau par deuotiō, on dance & gābade avec tabours, violons à leur hōneur, qui est se rendre imitateurs des Payēs & Gentils & leurs idolatries, & ensuiure les Israēlites en leur ioye apres la fabrication du veau d'or, Exod. 32. Bref, à certains iours ces idoles sōt portees es processions: avec lesquelles on fait adorer, c'est à dire, avec les formes humaines, les images des bestes à quatre pieds, veu qu'on adioint celles-ci à celles-là: car aupres de leur saint Roc est la figure d'un chien: de leur saint Antoine, celle d'un pourceau. Il y a en somme l'idolatrie que l'Apostre S. Paul

condamne és Gentils, Rom. I. ver. 23. & veu qu'a-  
dorant la figure de leur sainct Michel, qui a sous  
soy la figure d'un diable: quelle difference trou-  
ue-on entre l'idolatrie Papistique, & celle des A-  
mericains, & autres peuples miserables, qui font  
hommage à Satan en propre personne? & directe-  
ment veut aussi luy-mesme participer à ce sacrile-  
ge, en ce faisant luy-mesme adorer comme Dieu,  
tesmoing le baise-pantoufle assez cognu. Il veut  
qu'on crie apres la vierge Marie, & qu'on l'inuo-  
que, ensemble autant de saincts & saintes que  
la folle superstition a voulu forger. Mais n'est-il  
point religieusement inuoqué, & les prieres d'une  
infinité d'hommes ne s'adressent-elles point à luy,  
comme à Dieu pour obtenir pardon & remission  
des pechez, en ce iour qu'il appelle Iudaïquement  
Iubilé? Item, il s'en prend à l'actiō de graces & re-  
cognoissance qu'il faut faire à ce seul & grād Dieu,  
des biens qui procedent de sa seule liberalité: car il  
commande de faire vœuz, & les rendre en l'hon-  
neur de la vierge Marie, & des saincts: il veut qu'on  
les remercie & les louë des biens qu'ils ne nous  
ont donnez: mais Dieu seul, comme tesmoignent  
les grandes offrandes & fondations dressees à leur  
honneur. En fin il ne laisse entierement à Dieu, l'o-  
beissance que nous luy deuons, comme à nostre  
Createur & Redempteur, laquelle il s'usurpe au-  
tant orgueilleusement qu'impie-mēt & iniquemēt:  
car il donne loix sur les consciēces de tout ce que  
bon luy semble, desquelles il exige par peine de-  
mort eternelle, en menaçāt, & de mort corporelle  
en executant, l'accomplissement beaucoup plus

336      **RESPONSE A I. DE SPONDE,**  
exacte qu'il ne fait des commandemens du vray Dieu. lesquels pour establir & autoriser ses ordonnances, il a aneantis, entant qu'en luy a esté, comme Iesus Christ le reproche de son temps aux Iuifs, Math. 15. vers. 6. En fin puis qu'il a controuué de seruices qui ne sont que traditions d'hommes fondez ou sur bonne intention, laquelle il fait plus certaine, que ce que Dieu a luy mesme prononcé de sa bouche, ou sur le masque de l'autorité & puissance de l'Eglise, qu'est-ce autre chose, qu'oster à Dieu son honneur, & le bailler à vne idole forgee au cerueau de cest Antechrist?

**DE IESVS CHRIST.**

Il s'en prend à Iesus Christ nostre Sauueur, qui est le second chef du Symbole des Apostres.  
Premierement à la nature humaine de Iesus Christ, laquelle il nie & réuerse par la doctrine de la transubstantiation, se rendât compagnon d'Eutyches: à quoy se rapporte l'abnegation qu'il fait de la naissance, venue, & apparition d'iceluy au monde, par l'establissement & vsage des ceremonies Iudaïques, accompagnées de plusieurs autres Payennes, qui est estre de faict Iuifs & Payen, & nier que la grace & verité nous ayēt esté apportées par le Fils de Dieu, Jean 1.

Secondement, à sa nature diuine, par l'imperfection qu'il attribue à tout ce que Iesus Christ a fait pour nous.

En troisiésme lieu, à ses chrages & offices, 1. à celui de Prophete, parce qu'il adioust, change, & diminue à la parole d'iceluy contenue és saintes  
Escritures,

Escritures: il y retranche certes, tesmoigneux qui cond commandement de la premiere table & de loy de Dieu, qui en a esté arraché. Voy les commandemens qui sont dicts en aucuns lieux aux profnes les Dimanches & commencement, Vn seul Dieu tu adoreras, &c. Mais il voudroit que par mēme moyen toute la saincte Escriture fust abolie, aussi bien qu'il a obtenu que ce second commandement ne fust plus ny récité, ny escrit, ny retenu, moins pratiqué entre ceux & par ceux sur lesquels il exerce sa tyrannie. A ceste fin a-il defendu la lecture des Bibles au peuple en langue vulgaire, contre le commandement de Dieu. Deu. 6. vers. 7. 8. 9. 2. Tim. 3. vers. 16. & ses supposts les font brusler quand elles vienēt entre leurs mains, ou quand ils ont autorité sur ceux qui les tiennent. Il s'est aussi aduancé d'oster de l'institution de la saincte Cene du Seigneur l'un des signes d'icelles, à sçauoir le vin, de l'usage duquel il a fraudé le peuple. Il change aussi la doctrine en plusieurs sortes, premierement, en celle de la Loy, laquelle on conuertit en doctrine philosophique & morale, telle qu' Aristote ou Platon l'ont enseignée, l'interpretation maligne qu'il luy baillē, estāt contre l'intention de Dieu: car cest Antechrist estime, qu'elle refrene seulement l'exterieur & les mains, & non le cœur & l'affection: bref, qu'elle commande choses externes, n'estant point spirituelle. Il change les commandemens de Dieu en publiant d'autres tous cōtraires: Dieu defend les images, & veut qu'on les destruisse, le Pape les commande, & veut qu'on les reuere, & fait mourir ceux qui les abatent, rom-



pent, ou brisent, comme Dieu l'ordonne. Dieu  
 veut que son saint Nom nous soit en reuerce, &  
 qu'il ne soit prins en vain par aucun: le Pape ordon-  
 ne que sa grandeur soit venerable à tous, & celle  
 de tout le clergé: Endure qu'on l'appelle tressaint,  
 ses fauteurs trefreuerends: & fait brusler ceux qui  
 reuoquent en doute son autorité & de la hierar-  
 chie, & ne se soucie qu'on renie & blaspheme le  
 nom du souverain Dieu, ny n'en fait aucune censu-  
 re, reprehension, ou punition. Dieu ordonne six  
 iours aux humains pour travailler, le Pape non  
 content d'un iour de la semaine, a ordonné des fe-  
 stes tout autant qu'il y a de iours en l'annee, es-  
 quelles il defend de travailler en quelque bonne  
 œuvre, selon la vocation d'un chacun, à fin qu'elles  
 soyent les nourrices des jeux aux cartes, & des y-  
 urogneries, danfes & autres vices. Dieu comman-  
 de aux enfans d'honorer pere & mere, le Pape dit  
 que pour entrer en quelque conuent de moines  
 ou nonains; les enfans sont dispensez de ne iamais  
 rien faire pour leurs parens, & de ne leur rendre  
 aucun honneur & seruice: mesme il commande s'ils  
 ne peuvent autrement obseruer les preceptes mo-  
 nastiques, de renoncer au pere & à la mere, & non  
 seulement les renoncer & comme defaduouër,  
 mais aussi les rançonner & desnuer de leurs biens  
 & substance, à fin que dans ces cloistres ils puissent  
 cominettre mieux à leur aise, des blasphemés exe-  
 crables contre Dieu, violer sa sainte Loy, & estre  
 tenus comme pourceaux en l'auge, se desbordant  
 en toute impieté & lubricité. Le meurtre est defen-  
 du de Dieu, & le Pape ordonne au contraire, que

on tue, qu'on brusle, qu'on massacre tous ceux qui ne pouuans porter sa tyrannie, se soustrayent de son obeissance, pour obeir à Dieu selon sa volonté. Peu de lieux se trouuent de l'obeissance Papale, qui soyent exempts de l'effusion du sang innocent. Nostre Dieu dès le commencement du monde dit, n'estre bon que l'homme soit seul, Genese 2. vers. 18. Defend en sa Loy paillardise, & veut que pour l'euitier, chacun qui ne se peut contenir, se marie, 1. Cor. 7. vers. 2. affermant le mariage estre honorable entre tous, Hebr. 13. verset 4. & la defense d'iceluy estre doctrine des Diables, 1. Tim. 4. vers. 1. Le Pape au cōtraire dit, qu'il est bon que l'homme soit seul, defend trefestroitement le mariage à tous Ecclesiastiques, soit qu'ils ayent le don de continence, ou qu'il ne l'ayent point: appelle le mariage pollution, fait mourir ceux de ceste sorte qui se sont mariez, vsans du remede ordonné de Dieu pour euitier paillardises, & autres cōionctions illicites & dānables. La parole de Dieu defend les sacrileges, simonies, & tous autres larcins, & moyens illicites d'attraper le bien d'autrui, disant, Tu ne desroberas point: Le Pape au contraire exerce ces choses, les permet, y prend plaisir, promet de donner pardon & pleniere remission à ceux qui les commettent, pourueu qu'on luy face part, ou à ses creatures, du butin, & n'a point eu hôte de publier & faire taxe, de la somme pour laquelle tels mal-fauteurs en seroyent quittes. Or y proceder en ceste façon, qu'est-ce que commander & dire aux hommes, Butinez hardimēt sur l'Eglise, & sur autrui, & soyez larrons comme moy, qui fay gain &

reçoy tribut des promotions és charges Ecclesiastiques? Et il change en la doctrine de l'Euangile, car il dit, que c'est vne nouuelle Loy des preceptes moraux, qui sont plus pleinement contenus en ceste doctrine-cy qu'en ceste-là, à sçauoir en la Loy. Il enseigne que certains pechez sont lauez & purgez, quelques vns par eau benite, les autres par le feu de Purgatoire, les autres par aumônes, peregrinations, indulgences, ce qui n'est autre chose que changer & alterer la doctrine de l'Euangile: comme aussi quand au lieu de la iustice de la foy, on a substitué la iustice des œuvres, & les merites humains. 3. Il chāge en la doctrine du seruice de Dieu, lequel il confond avec la iustice Chrestienne, c'est à dire, la cause avec l'effect: car la iustice de la foy, est la cause du seruice, c'est à dire, de l'obeissance. Item, il a changé l'inuocation & intercessiō de Iésus Christ Mediateur, en l'inuocation des Saints, à fin qu'ils soyēt noz aduocats. Il a changé le vœu du Baptisme, aux vœuz du monachar, de celibar, de iusnes, de peregrinatiōs. Il a chāgé les prestres en sacrificateurs, l'Euangile en Messes qu'ils nomment sacrificites pour la redemption des pechez, des viuans & des morts. Il a changé la predication de l'Euangile, qui doit resonner dans les temples, en sonneries de cloches, & chantreries de voix, & d'orgues en musique. Il a changé l'aine des Sacremens, qui est la parole de Dieu leuē, entenduē, & creuē, en froides ceremonies par luy inuentees. Il a changé le Sacrement de la sainte Cene, en sacrifice expiatoire, c'est à dire, en la Messe. Il a changé la fraction du pain, en de petis pains

tous entiers, qu'il appelle hosties, effaçant par ce moyen la commemoration de la mort & passion de Christ, representee par la predite fraction du pain, garde par le Seigneur en son institution, & depuis pratiquée soigneusement par l'Eglise primitive. Il a changé la distribution distincte des deux signes, en vn meslinge du pain & du vin. Or tout ainsi qu'il se permet d'oster, retrancher, alterer & chāger, aussi de mesme se dōne-il licence, d'adiouster à la doctrine en maintes façons: car premiere-  
 ment il a adiousté les commandemens, qu'ils appellent de l'Eglise, desquels ils requierent l'observation plus exacte, que de ceux du Seigneur. En ce rang sont ces commandemens, 1. d'ouir Messes, 2. de garder les festes, 3. de faire des vigiles, 4. de garder le Careme, c'est à dire, de ne manger chair en iceluy, non plus que le Vendredy & Samedy, contre l'expresse liberté que Dieu donne aux siens d'en vsar en tout temps avec actions de graces, 1. Tim. 4. ver. 3. de cōfesser tous ses pechez eu l'oreille d'un prestre, au moins vne fois l'an. Il a adiousté à la doctrine de grace, le leuain Pharisaïque, c'est à sçauoir, la doctrine du merite des œuvres, pour obtenir la vie eternelle, & autres biens, & partie de la iustificatiō par icelles. Il a adiousté aux ceremonies ordōnees de Iesus Christ, & a chargé l'Eglise de ceremonies, plus que iamais le peuple Iudaïque ne l'a esté. Il a adiousté au S. Baptisme, les luminaires en plein iour, les perfumigations, les exorcismes & coniurations de l'eau, l'huile, le sel, le crachat, & nombre infini d'autres choses, qu'il ordonne estre faites comme necessaires à sa-

lut. Il adiousté aux signes de la sainte Cene, l'eau qu'il dit estre nécessaire. En fin il adiousté cinq Sacremens, aux deux que Iesus Christ a ordonnez pour toute son Eglise. Or la prophetie de Iesus Christ n'est point seulement annulée: ce qui aduient quād on fait les choses susdictes, mais aussi est du tout aneantie par le moyen que le Pape a ordonné d'instruire les hommes, mettant en la place des Pasteurs & Docteurs, qui est la façon par laquelle Iesus Christ exerce sa maistrise, 1. Corint. 12. & Ephes. 4. des idoles & images ouurages de mains d'hommes: qui sont telles que Dauid & Isaïe les descriuent, Psal. 115. & Isaïe 44. & encore veut ce faux Ptrophe, qu'elles soyēt subrogees en la place des Écritures diuinement inspirees, les appellāt liures des idiots: comme ainsi soit que l'Esprit de Dieu les appelle docteurs de mensonge & de vanité, Ierem. 10. Hab. 2. vers. 18. & qu'il ne soit pas possible d'exprimer par image, les secrets incomprehensibles que la parole de Dieu nous propose, tant de la Trinité des personnes qui est en l'vnité de Dieu, que l'vniōn personnelle de Iesus Christ, de ses souffrances & benefices: qui fait que saint Paul nous renuoye à l'Euangile & à sa doctrine, où il nous depeint ces mysteres, Galat. 3. Parquoy c'est vne audace effreneē, d'entreprendre de nous bailler par peinture, la representation de telles choses.

Le Papé s'en prend aussi à la sacrificature de Iesus Christ, consistante à offrir sacrifices, & à prier. Il le deboute du premier, 1. par les façons qu'il a trouuees d'expier & effacer les pechez, &

sur tout par le sacrifice de la Messe : où il dit , que Iesus Chrift est offert corporellement par le Capelan qui s'en dit le sacrificateur : 2. par les œuvres , & mesmes celles qui ne sont cōmandees de Dieu, par le sang des Martyrs, par le feu feint de Purgatoire, par l'arrousement d'eau qu'il appelle benite, par les peregrinatiōs & voyāges à Rome, en Ierusalem & ailleurs : comme si on meritoit beaucoup en se trauaillant par tels voyages , & si Dieu n'estoit pas prochain en tous lieux , à ceux qui l'inuoquēt en esprit & verité, Psal. 145. & Iean 4. Par l'achapt des indulgences sienes , & œuvres de supererogation , dont il magnifie ses Moines & Prestres , vrayes sauterelles sorties du puits de l'abyssme, & nourries dans les conuēs, vrais boubiers de toutes sales voluptez : choses ausquelles il attribue force d'acquérir iustice deuant Dieu, meriter Paradis. Ce qui ne peut cōuenir, non pas mesmes aux bonnes œuvres des fideles, lesquels ne sont iustifiez que par la seule grace & misericorde de Dieu, qui leur est offerte en Iesus Christ, qu'ils embrassent par vraye & viue foy. 3. Il abolist en partie la sacrificature de Iesus Christ, par la saincteté originelle qu'il attribue à la vierge Marie , qu'il dit estre exempte de tout peché. Or si cela est vray, elle n'aura point eu besoin de la satisfaction de Iesus Christ, qui a esté faite principalement en la croix. •

Le Pape deboute aussi Iesus Christ de la seconde partie de sa sacrificature, qui gist à prier , & ce par l'office de Mediateur & d'Intercesseur , qu'il attribue à la vierge Marie, & aux Saincts & Sain-



Etes qui sont appelez par luy & ses adherans,  
 nos Aduocats, nos Intercesseurs, & nos Media-  
 teurs. Il a ordonné que ses rasez chantent, s'adres-  
 sans à la vierge Marie, Prie le Pere, commande au  
 Fils, & commande de droict de mere au Redem-  
 pteur: Qu'on vse de ceste benedictiō, *Per Virginem*  
*matrem, concedat nobis Dominus salutem & pacem:*  
 que le Seigneur nous donne salut & paix par la  
 vierge mere, au lieu que S. Paul dit, Grace, & paix  
 de par Dieu, & de par le Seigneur Iesus Christ:  
 c'est le verset aussi qu'on luy chante: *ora pro populo,*  
*intervenit pro clero, intercede pro deuoto fœmineo sexu.*  
 prie pour le peuple, entrecien pour le Clergé,  
 intercede pour le sexe féminin. Ces blasphemes  
 sont accompagnez encore de ceux-cy, *Felix cœli*  
*porta, iter para tutum: Maria mater gratia, mater*  
*misericordia.* ô heureuse porte du ciel, appreste-  
 nous vn chemin asseuré, Marie mere de grace, me-  
 re de misericorde, &c. Mais quoy? y a-il Royaume  
 prouince, ville, village, maison, & mestier, qui n'aye  
 son patron & son Dieu particulier? auquel ceux de  
 ces lieux & de ces mestiers ont plus de deuotiō qu'  
 aux autres? y a-il maladie qui n'ait quelque S. ou  
 saintes pour medecins & guerisseurs? En fin cest  
 Antechrist enuahit sa Royauté & sō Royaume: car  
 il s'appelle chef vniuersel de l'Eglise vniuerselle: &  
 voudroit auoir pour compagne de son sacrilege,  
 s'il luy estoit possible, la bien-heureuse vierge Ma-  
 rie, laquelle il reuest de ces titres, qui luy feroient  
 deschirer ses robes, & affligeroyēt merueilleusement  
 son iuste cœur, si elle estoit au monde, & les oyoit:  
 car il l'appelle Dame, pleine de gloire, esleuee par



dessus tous les astres, estoile de la mer, Roine &  
 glorieuse, Roine du mōde, enfin mere des hōmes:  
 & toutesfois nous n'auōs qu'un Seigneur, qui est  
 Iesus Christ, Eph. 4. & cest office de Roy & cōdu-  
 cteur du ciel & de la terre, n'est donné qu'au seul  
 Fils de Diēu Iesus Christ, qui a esté esleuē seul à la  
 dextre du Pere, Psal. 2. & Psal. 110. & Matth. 11. &  
 Matth. 28. & Iean 17. & Philip. 2. Ephes. 1. & n'est-  
 ce pas la deifier, & luy donner non seulement le  
 nom, mais aussi l'effect de Roine, quand on luy  
 chante, *Solue vincla reis, profer lumen cecis, mala no-*  
*stra pelle, bona cuncta posce*? Deslie les coupables,  
 illumine les aueugles, chasse nos maux, & deman-  
 de tous les biens. Et encore, *Virgo singularis, inter*  
*omnes mitis, nos culpis solutos, mites fac & castos, vitā*  
*præsta puram*, O vierge singuliere, sur tous debon-  
 naire, estans desliez de nos pechez, rend-nous be-  
 nins & chastes, & nous dōne à mener vne vie sain-  
 cte. Mais qui est cestui-là qui nous sanctifie, ou le  
 peut faire que Iesus Christ par son Esprit? qu'il  
 nous donne selon ses promesses, faisant en cela  
 office de chef de l'Eglise & vray Roy? En vn au-  
 tre hymne, on luy baille ceste vertu de nous deli-  
 urer de nos ennemis, & de nous recevoir à l'heu-  
 re de la mort: *tu nos ab hoste protege, & hora mortis*  
*suscipe*. Et toutesfois saint Estienne recomman-  
 de son esprit au seul Iesus Christ, qu'il voyoit à la  
 dextre du Pere, & le prie en ces mots, *Suscipe spiri-*  
*tum meum Domine Iesu*, Seigneur Iesu, reçois mon  
 esprit. Bref, qu'on regardē les idoles qu'on luy  
 dresse, & on y verra des couronnés sur la teste.  
 Parquoy puis que cest Apostat fils de perdition,

346      **R**ESPONSE A I. DE SPONDE,  
desfigure ainsi Iesus Christ, c'est à bon droit qu'il  
est nommé Antechrist.

**DV SAINT ESPRIT.**

Les offices du saint Esprit, ne luy sont aussi  
laissés en son entier, par cest ennemi de Iesus  
Christ. Premierement, en ce qu'il attribue à l'hom-  
me vn franc arbitre en partie, par la force duquel,  
auec la grace qui l'aide & y entreuient, il establit  
les merites des hommes, niant par ce moyen ou  
extenuant ceste maladie mortelle, laquelle nous  
portons depuis nostre conception: car ce qui est  
donné à la nature, est osté à la grace & effects du  
saint Esprit. Secondement, en ce qu'il veut qu'il  
y ait en l'homme quelque preparation naturelle,  
pour receuoir la premiere grace.

Tiercement, en ce qu'il veut que le peché ori-  
ginel, quant à la corruption, soit osté en vn mo-  
ment au Baptisme, niant que les mauuais mou-  
uemens & affectiōs soyēt pechez d'elles mesmes,  
si le consentement n'y entreuient, veu que nostre  
sanctificatiō se parfait par degrez, & que la moin-  
dre pointure contre la Loy de Dieu, ne peut  
estre qu'abomination deuant Dieu.

Il fait outrage à l'Esprit de Dieu, disant qu'il  
ne fait autre chose en nous, lors qu'il nous baille  
la foy, que nous donner vne cognoissance gene-  
rale & implicite, des choses qui sont contenuës es  
Escriptures, lesquelles il nous faut croire seulemēt  
estre vrayes, appellant fiance & assurance de sa-  
lut, arrogance.

N'est-ce pas aussi deshonorer le S<sup>r</sup>. Esprit, de

mettre & constituer la saincteté des hommes,és choses qui ne sont ny commandees ny prohibees de Dieu,voire en choses friuoles? que di-ie friuòles, voire és vices & ordures?

N'est-ce pas aussi nier l'œuvre de nostre regeneration, exempter la vierge Marie du peché originel, iacoit qu'elle ait esté conceüe selon l'ordre ordonné de Dieu en la creation, & à la façon des autres hommes: car ce qui est œuvre de la nature, ne peut estre à mesme raison & esgard, œuvre supernaturelle: que si elle est saincte naturellement & originellement, elle n'a point eu besoin d'estre sanctifiée par le sainct Esprit.

Mais n'abolit-il point la vraye & salutaire penitence? & par ce moyen ne rōgne-il point l'œuvre du S. Esprit, qui ne nous donne seulement la contrition & desplaisir d'auoir offensé Dieu: & ceste tristesse spirituelle qui est selon Dieu, ou la volonté de confesser nos pechez & deuât Dieu & aussi deuant les hōmes, quand il est expedient: mais aussi l'inuocation pour en demâder pardon au Seigneur, & nous asseurer de la remission d'iceux, avec ceste volonté de n'y retourner plus? il separé donc de la penitence, & la foy, & l'inuocation, & le renouvellement de l'ame.

#### DE L'EGLISE.

Cest Antechrist cōbat aussi l'Eglise & sa communion: car il a aboli en icelle, premicrement le ministere legitime, quant au soin qu'il faut qu'elaye des ames, en les enseignant par la pure parole de Dieu & par les Sacremens purement admini-

strez:& par ce moyé a fait de l'Eglise vne synagogue d'ignorans & d'idolâtres, où les idoles muettés en sont les docteurs: ou bien ceux qui sont entrez en la bergerie, ou par la fenestre, ou en rompant ses clostures, c'est à dire en vn mot, sans vocation legitime. Il y a establi en outre le ministre de fausse doctrine qu'il y fait enseigner, ayant corrompu la vraye doctrine en toutes les parties, *Vide distin. 23. & 8. quest. 1. Can. plerique sacerdotes. & 7. quest. 1. Can. sicut vir, & Episcopū verò, &c. & 9. quest. 3. can. Archiepiscopus nihil Niceni concily. can. 4. & 6. & Antiocheni, can. 23. & 25. & Sardicensis, can. 14. & 15.* Il s'ensuit donc, qu'il renuerse la communion de l'Eglise, tant par les heresies & fausses doctrines qu'il maintient, que par l'usage des Sacremens qui y est du tout peruersti, & en la perception desquels, s'il faut appeller ce qu'ils disent communion, Sacremēt: il n'y a tesmoignage aucun de communion, car chacun prend son morceau à part.

Item, il a aboli le ministere d'icelle, seruant à ostter les scandales & corriger les mœurs, car où est le Senat Ecclesiastique, en la Papauté? où les indoctes soyent enseignez, les pecheurs amenez à resipiscence? Deuers qui est la puissance d'excommunier? L'autorité n'est-elle point en la main d'un seul, qui est mōsieur l'Official, ou monsieur le grand Vicaire? ne s'exercent-elles point à l'appetit de qui voudra, & pour toutes causes? pouruë qu'il y ait de l'argent, dont la taxe en est faite: chacun void & peut juger aussi, comment les satisfactions & absolutions Ecclesiastiques se

pratiquent en ceste Synagogue. N'apportant donc nul remede aux scandales, estant luy-mesme avec ceux de sa marque le port'enseigne & exemplaire de tous vices, il fait certainement schisme en l'Eglise. Quant au Diaconat, administration des biens de l'Eglise, & soin des pources, en rauissant tout à soy, ou l'exposant en butin à ses coniuers, pour entretenir maquereaux, paillardes, cuisiniers, chiens, cheuaux, espreuiers, les hospitaux & maladeries ne s'en ressentât d'un tournois: qui ne void qu'il ne reste en ce regne de l'Antechrist, que le seul nom de Sousdiacre, Diacre & Archidiacre? Parquoy cōme il a dipisé l'Eglise par ses erreurs, aussi l'a-il deschirée par son auarice & ambition.

Mais n'a-il pas osté & rauallé l'autorité du Magistrat autant qu'il luy a esté possible? qui est cependant vne ordonnance diuine, establie pour reprimer par loix, recompenses & punitions, les appetits desreiglez des hommes, & faire que la discipline de son Eglise ay lieu & force: que la Loy de Dieu soit du tout gardee, & qu'à ceste raison la cōmuniō des Saints soit maintenue: car il a assuietti les Rois & Royaumes à ses pieds, & est venu iusqu'à ce poinct, de mettre les pieds sur le col de l'Empereur. Y a-il aucun du Clergé iusqu'au plus petit & moindre Capelan, ou moine, comme nous auons dit ailleurs, qui ne s'exempte de la iurisdiction du magistrat? qui enseigne que tels sont seditieux, n'aiment la police humaine, & ne croient que la puissance & iustice, par laquelle les Rois & Princes punissent les vicieux, soit de Dieu, qui leur a commis ce diuin office.

Or à ceste sainte communion de l'Eglise, qui a-il si contraire, que le monachat & hermitages, tels qu'on les void aujourd'huy? leur façon de viure est-elle accordante avec la reigle de charité? nenny, puis qu'ils ont leurs assemblees Ecclesiastiques à part, & qu'ils ne veulent plus estre suiets à leurs ordinaires: ainsi qu'il leur estoit enjoinct par les canons exprez du Concile vniuersel de Chalcedoine can. 4. & 8. & 22. Or puis qu'il ne se contentent du nom de Chrestien, qu'ils estiment trop vulgaire & vile, ains se parent des noms d'Augustin, Hierosme, Basile, Dominique, Bernard, François, ne se contentent aussi des reigles de Iesus Christ, ains en veulent auoir de plus estroites & difficiles: ne sont-ils pas Schismatiques? en ce rang mets-je aussi les Theologiens Scholastiques, desquels les vns se disent Thomistes, les autres Albertistes, les autres Scotistes, les autres Occanistes? en fin tout autant qu'il y a de confrairies, sont autant de marques de diuision. S. Hierosme contre les Luciferiens, Si en quelque lieu tu vois que ceux qui se disent de Christ, prennent le nom de quelque autre que de nostre Seigneur Iesus Christ, sçache que ce n'est point l'Eglise de Christ, ains la Synagogue de l'Antechrist.

## TABLE SECONDE.

### DES MOEVRS DV PAPE.

Le Pape qui est d'Antechrist, se monstre soy-mesme qu'il est Dieu, 2. Thessal. 2. vers. 4.

Premierement de nom, car il s'appelle Dieu, dist. 96. can. *fatis euidenter*. Et au chap. 4. de transla-

*tionc.* Lieutenant de Dieu en terre : combien que finement il s'attribue le nom de Lieutenant de Dieu, car en vsurpant par apres toute authorité, ne declare-il pas entierement qu'il s'estime dieu, & veut estre de fait reconnu tel? Item il parle ainsi, Je suis sur la chaire de preeminence, *cap. 4. de sepultura*, 2. Il s'appelle aussi tressainct, qui est le titre que Iesus Christ donne à Dieu son Pere, Iean 17. *dist. 21. can. in tantum*, 3. il se dit chef de toutes les Eglises au Concile de Florence, tenu l'an 1439.

Secondement d'effect, il monstre & declare qu'il s'estime Dieu: car 1. il cōfere les Royaumes du monde. Voy la vie d'Estienne Pape 2. de Gregoire 7. Adrian 4. 2. Il ne veut estre iugé de personne, encore bien qu'il meine vn nombre infini d'ames en enfer, d'autant qu'il luy est loisible de faire toutes choses. Boniface 8. *caus. 17. quest. 4. can. Ne nimis*. De là saint Paul dit, 2. Thes. 2. qu'il est *ἀνὸς*, *exlex*, sans Loy. l'ay la seigneurie, dit-il, de toute la terre, car à moy appartient de iuger de toutes causes: & nul de moy, ny de mon iugement. *in quest. 3. can. cuncta quemadmodum*. 3. Il change de nom, s'attribuant par ce moyen quelque œuvre supernaturelle, & cōtrefaisant le Dieu tout-puissant, qui a changé les noms à quelques vns, en tesmoignage de quelque benefice extraordinaire qu'il leur faisoit. Sergius II. 4. Il se mōstre pour souuerain & vniuersel Euesque de toute la Chrestienté, Bonif. 3. le Concile Florentin, &c. 5. Il fait des loix sur les consciences des hommes, entreprenant d'assuiettir les transgresseurs



d'icelles à peines eternelles: qui est se dōner puissance & autorité sur les ames, sur le ciel, & sur l'enfer, *caus. 9. quest. 3. can. Cuncta. & caus. 25. quest. 1. can. sunt quidam. 6.* Il se fait bailler le seruice qui est deu au vray Dieu, à sçauoir, l'adoration, se faisant par deuotion & religion, baiser les pieds & la pantoufle. En fin donne pleniere remission de tous pechez, à ceux qui l'an du Iubilé iront à Rome pour gagner ledict Iubilé, *Sixt. 4. can. Quemadmodum.*

Or n'est-il point encore content: car il s'esleue s'il luy estoit possible, plus haut, & premierement par dessus le vray Dieu, en s'attribuant l'autorité de iuger des escritures saintes. Il ordonne aussi de nouueaux Sacremens, & corrompt, gaste & change ou abolir, ceux que Iesus Christ auoit ordonnez; *vide caus. 25. quest. 1. can. Inde.* Il preferes les loix à celles de Dieu: car c'est vn crime beaucoup plus grief d'auoir mangé de la chair vn vendredy, que d'auoir paillardé tout le long de l'an. Il n'y a point de doute, que quand les ordonnances du Pape sont receuës des hommes pour bonnes, Dieu ne perde tout credit enuers eux: car nul ne peut seruir à deux, mesmement quand ils sont contraires l'un à l'autre. Or Dieu veut auoir toute authprité au ciel & en la terre: le Pape au contraire dit, Que toute personne luy soit suiette sur peine de damnation, & qu'elle obeisse necessairement à tout ce qu'il commande, *extra de maiorit. & obedient. can. Unam sanctam Ecclesiam.* & n'est-ce donc pas s'esleuer par dessus Dieu? mesme aussi quand il veut absoudre tous hommes spirituels, de tous

de tous sermens qu'ils ont iuré. 15. *quest. 8. can. omni.*

Ne commande-il pas, que toutes ses loix soyent receuës de tous, comme procédâtes du ciel? *dist. 19. can. Si omnis.* Il defend aussi à toute personne, de douter, que tout ce qu'il fera, dira, & ordonnera, ne soit bon & iuste. *caus. 17. quest. 4. can. Nemi- ni. de pœnitent. dist. 3. x. ex persona.* en quoy il monstre, que toute son intention n'est que d'abolir & faire oublier la memoire de la Loy de Dieu, pour establir les songes & resueries frivoles, & de s'usurper toute autorité, voire par dessus Dieu, entant qu'il defend ce que Dieu cõmande, & commande ce que Dieu defend. Il semble qu'il vüille d'autorité forcer le ciel: car le iour qu'il appelle du Iubilé, il tient vn marteau d'or pour rompre (cõme il dit, & que le poure peüplé abusé estime) les portes de paradis. Il porte triple couronne sur sa teste, se disant par ce moyen Roy du ciel, de la terre, & des enfers.

Secondement, il s'esleue par dessus ce qui est dit & nommé Dieu, c'est à dire, par dessus, 1. les saints Anges, auxquels il dit auoir puissance de commander. *Clem. 5.* Ce Pape en vne bulle bien plombée (laquelle est aujourd'huy gardée par coppie à Vienne, à Limoges, à Poictiers, aux cofres des priuileges) commande à l'Ange du ciel d'introduire és ioyes de paradis, & tirer hors de Purgatoire l'ame de celuy qui seroit mort en chemin, allant en pelerinage à Rome. D'auantage, dit-il, nous voulons, que les peines d'enfer ne leur soyent aucunement infligees, *Corneil. Agripp.*

de la vanité des sciences, 2. il s'esleue par dessus les Euesques, les Conciles, & toute l'Eglise, *dist. 21. can. Nunc autem. caus. 17. quest. 4. can. Neminis est. & dist. 40. can. Si Papa. dist. 94. can. Esto. Bern. lib. de consid. ad Eugenii. & epist. 230. & 237. & in Psal. 90. & serm. 33. in Cant. cant. 3.* par dessus les Magistrats, Rois, Princes, Empereurs. *dist. 96. can. Vbi. cap. 2. extra. de maior. & obedi. & cap. 4. extra. de translatione Episcop.* où il s'attribue la puissance de l'un & de l'autre glaue. Il dit que tous Princes ont adoré son siege, *De Iureiurand. in Clement. Roman. in principio.* voy l'histoire de Federic 1. de ce nom Empereur, appelé Barberousse, & de Henry 4. aussi quatriesme Empereur.

En quatriesme lieu, il esleue son throsne par dessus toutes les idoles de tous les Gentils : car celles-ci ont eu vne puissance limitée entr'eux, Apollo presidoit sur la sagesse, Pluto estoit Roy des enfers, Iupiter du Ciel, Neptune de la mer, mais ce Demon-cy raut à soy l'Empire du ciel & de la terre.

Le Pape s'esleue par dessus tous les hommes, 1. en magnificence de titres & noms. Item d'habits, vestemens, meubles, cheuaux, officiers. Item bastimens, iardins, & autres telles choses : les Papes sont dōc ambitieux. Toute gloire, dit-il, honneur & magnificence, tant en dignitez qu'en offices, cheuaux, & habillemens nous est donnee, *96. dist. constant.* 2. Il s'esleue en richesses, or, argent, possessions, qu'il acquiert par meschans moyens, à sçauoir par art diabolique, par violence & tyrannie, par fraudes & impostures, en fin par im-

posts vilains, dequoy font foy les tributs & reue-  
nus qu'il recoit toutes les semaines des bordeaux  
de Rome, d'Auignon, & de maints autres lieux:  
& aussi la rançon que luy rendent les meurtriers,  
brigands, blasphemateurs: en quoy il monstre  
qu'il est le pere nourricier de toutes iniquitez,  
*dist. 18. can. De culigis. caus. 13. quest. 2. can. quest. &  
caus. 1. quest. 2. can. placuit*, Et à fin qu'il puisse  
toufiours attraper deniers, il n'a pas honte de se  
donner congé & licence, de dispenser aussi bien  
sur les meschantes affections interieures, que sur  
tout le reste que Dieu a ordonné. *dist. 34. can. Le-  
etor, & caus. 15. quest. 6. can. Iuratos. & extrauag. de  
voto & voti redempt. per totum*. Des choses susdites  
on ne peut qu'on ne recueille, que le Pape est vn  
brigand, sacrilege, & auaricieux, qui est estre aus-  
si selon le tesmoignage de l'Apostre idolatre. 3.  
Item, il surpasse tous les hommes en delices cor-  
porelles, de viandes, & breuuages, bains & on-  
ctions, en voluptez de couche, paillardises, ince-  
stes, adulteres, raps, Sodomies, en fin en plaisirs  
d'esbats, ieux, passetemps, musiques, & autres tel-  
les voluptez. En toutes ces choses on peut voir  
que le Pape n'a autre Dieu que son ventre, & ses  
plaisirs.

TABLE TROISIESME DV RE-  
GNE DE L'ANTECHRIST.

Au regne de l'Antechrist nous considerons  
ces choses, 1. le lieu d'où il doit regner, 2. le temps  
auquel il se doit manifester pleinement, 3. les de-  
grez qu'on remarque en ce regne Apostatique,

4. les moyens desquels Satans s'est serui pour dresser ceste tyrannie, 5. les moyens desquels aussi Iesus Christ se sert pour l'abatre, 6. quel est le chef de ceste multitude & de ceste Synagogue, 7. quels sont les suiets qui rendent obeissance à ce chef, 8. quel en est pour le dernier, le salaire de tels Apostats, & quelle est la fin où cest estat ameine les hommes. Quand au lieu, l'Antechrist en general doit estre assis au temple de Dieu, c'est à dire, en l'Eglise, 2. Thessal. 2. Il a esté predict qu'il dressera son throne specialement à Rome, qui est dite en l'Apocalypse Harmageddon, Apocalyp. 16. vers. 16. Item la ville des sept montagnes, Apocal. 17. vers. 9. les sept testes sont sept montagnes sur lesquelles la femme est assise. Par les anciē Peres le lieu est marqué, l'Eglise Italienne, Irenee. saint Bernard l'appelle lieu meridional.

Le temps de la pleine manifestation de l'Antechrist est l'an 666. depuis la mort de Iesus Christ, c'est à dire, lors que la Monarchie Romaine a esté transportee en Orient, lors que la Messe, qui est vn execrable abolition de la mort de Iesus Christ, a commencé de se celebrer en Latin, par tout & en priuē, *Balans centu. 1. chap. 18.* qui a esté souz Vitellian Pontife Romain: lors en fin qu'un seul (par le public & vniuersel consentement des Chrestiens, a commencé d'estre dit & reconnu Euesque vniuersel) & que l'autorité de l'Empereur y est interuenue. Or ç'a esté souz Phocas, Boniface troisieme estant Euesque Romain, Apocalypse 13. vers. 18.

Les degrez qu'il faut remarquer en ce Regne

d'iniquité, sont distinguez en cinq temps: le premier s'estend iusqu'à Syuestre, qui est celuy où Satan ouuroit secrettement le mystere d'iniquité: le second, vient iusqu'à Boniface 3. auquel l'ennemy de nostre salut faisoit son œuvre ouuertement: le troisieme a duré iusqu'à Eugene 4. ou Felix: & c'est le degré de perfectiō. Iusqu'à lors sans doute l'Antechrist a iouy d'un plain & paisible regne. Mais du temps dudit Eugene & Felix, les conciles de Constance & Balle se sont tenus, qui ont commencé à degrader les Papes, & à diminuer de leur souueraine & absoluë puissance. Le quatriesme degré est parueni iusqu'au iourd'huy, qui est l'estat où l'Antechrist depuis les susdits Conciles est en son decroissement, & vient en decadence: c'est depuis qu'il a perdu beaucoup de son autorité, puissance, reuenus, & suiection. Le dernier est celuy que nous attendons, qu'il sera desconfit par l'Esprit de la bouche du Seigneur.

Les moyens qui ont ouuert la porte à ceste domination infernale, & par lesquels le chemin a esté préparé à l'Antechrist, pour s'esleuer comme il a fait, & s'asloir si haut, sont premierement les heresies, & heretiques, qui se sont leuez en grand nombre, touchant les nature, personne, & offices de Iesu Christ. Secondement, les schismes des Eglises entr'elles, & les contentions tristes & funestes des Euesques: tiercement l'erection des superioritez & primautez en l'Eglise: car ces dignitez de Patriarches, Archeuesques, Archiprestres, ont engendré ce blaspheme de Patriarche souuerain, d'Euesque & Prestre vniuersel.

Quartement la confusion des iurisdiccions ciuiles & Ecclesiastiques, d'où sont venues les grandes & immenses donations faites aux Euesques, notaminét à celuy de Rome, 2. le mespris du Magistrat & rejection d'iceluy, en tous les affaires Ecclesiastiques.

Les moyens dont l'Antechrist a vsé, pour se maintenir en sa primauté & souueraine puissance, sont ces quatre, 1. la fausse doctrine qu'il couure du nom de mystere, Apocalyp. 17. vers. 5. & toutesfois les choses qu'il enseigne, ne sont que choses profondes de Satan, Apocalypse 2. vers. 24. 2. les faux miracles, 2. Thessalon. 2. Augustin sur le Pseume 9. *Antichristus vim habebit in imperio, dolum in miraculo.* 3. les dons, presens, & richesses, dont il a corrompu les auaricieux. Augustin en son traitté de l'Antechrist, tome 9. *Antichristus erigit se contra fideles tribus modis, hoc est terrore, muneribus & miraculis.* 4. les tormens & griefs supplices, car ceux qu'il n'a peu vaincre par vn moyé, il a tasché de les auoir par l'autre, Apocalyp. 17. vers. 6. où il est dit, que l'Antechrist est ceste pailarde enyuree du sang des Saints. Laëtance liure 7. chap. 17. Chrysostome en l'homelie 49. de son oeuvre imparfait sur saint Matthieu : *Sicut fumus ante ignem precedit, ante victoriam pugna : sic & ante gloriam Christi, tentatio Antechristi.* Et le mesme bien tost apres, *Sicut tempestas suscitatur nubila, & nubila cooperiunt solem, sic impiorum persecutio, suscitabit transgressionem : transgressio autem, Christianitatis obscurabit candorem.*

Iesus Christ n'employe point autres outils



pour desconfire & mettre bas ceste hierarchie Satanique, que la predication de la pure doctrine contenue és Escritures, que saint Paul appelle l'esprit ou le vent & souffle: & Esaïe la verge, & saint Iean le glaive aigu à deux trenchans, qui sort de la bouche du Seigneur Iesus Christ, & qui doit preceder son dernier aduenement, & apporter vne grande clarté: & ceste bouche sont ses Ministres & seruiteurs qu'il a suseitez en ce dernier temps, 2. Thessal. 2. vers. 8. Esaïe 11. vers. 4. Apocalypse 1, vers. 16. & faut noter, que Iesus Christ ne se seruira nullement des signes & miracles. S. Paul ne fait nulle mention deidits miracles, pour le conter entre les instrumens de la ruine de ceste apostasie. Or en la Theologie, les argumēs prins de l'autorité de l'Escriture sainte, ont pareille force, aussi bien en niant qu'en affermant, c'est à dire, que comme ce que ladite Escriture nous recite, est, a esté, ou sera: ainsi ce qu'elle ne nous dit point (qui seroit toutesfois necessaire d'estre sceu pour nostre salut) s'il estoit, auoit esté, ou se deuoit faire, n'a esté, ny n'est, ny ne sera. S. Chrysostome ou l'autheur de l'œuvre imparfait, la recueilli aussi bien que nous, du passage de la 2. aux Thessalloniens chapitre 2. en l'homelie 49. *In fine temporis concedenda est potestas diabolo, ut faciat signa vtilia, & ex ea parte qua prius facere consueuerant sancti, ut iam Ministros Christi non per hoc cognoscamus quia vtilia faciunt signa, sed quia omnino non hac faciunt signa.*

Le chef de cest Empire, & celuy qui conduit cest estat, est le Pape, soy disant Euesque de Ro-

1. vers. 13. 14. Act. 26. vers. 18. De mesme la puissance de l'Antechrist ne tend qu'à perdre les hommes: & la fin ne peut estre autre, tant de ceux qui conduisent, que de ceux qui se laissent conduire, & acquiescent en tout & par tout, aux erreurs & fausses doctrines, idolatries, blasphemes, superstitions de ceste synagogue, que mort & damnation eternelle, 2. Thesi. 2. vers. 10. 12.

## CHAP. X.

*De l'Eglise reformee à sçauoir si c'est la vraye Eglise, si en icelle est le par. seruire de Dieu, & si elle est schismatique.*

**I**Out ainsi qu'il est commandé de s'adjoindre à la compagnie des fideles, qui est l'Eglise, 1. Iean. 1. vers. 3. 4. Act. 2. & 4. aussi y a-il defense tres-expressse de s'accointer avec les infideles & meschans, Act. 2. laquelle est accompagnée de promesse enuers ceux qui obeiront, Psa. 1. verset 1. 2. Bien-heureux est l'homme qui n'a point cheminé au conseil des meschans, & ne s'est point arresté en la voye des pecheurs, & ne s'est point assis au banc des moqueurs. C'est ce qui semble auoir esmeu Sponde de delaisser nos saintes assëbles, pour s'adjoindre à la synagogue Papistique, laquelle seule il recognoist pour Eglise, & Eglise vniuerselle & Catholique: & quand à ceux qui font profession de la religion, qu'il a tenuë deuant qu'estre rechatoliqué, il les tient pour separez de l'Eglise. Pourquoy? cōsiderât, dit-il, la pluralité de ceux qui s'attribuent d'estre l'Eglise, il m'a semblé

qu'ils ne la pouuoient tous auoir toute entiere: les raisons en sont les differēces, ou plustost les cōtrarietez des vns & des autres. Chacun sçait combien les Lutheriens discordent des Zuingliēs. l'accorde premierement, que plusieurs assemblees se disent l'Eglise, qui ne le sont: cōme aussi iadis plusieurs ont voulu faire à croire qu'ils estoient le Christ, & neāmoins n'estoyēt que de faux Prophetes & faux Christs: au parsus, i'estime que les parties separees ne peuuent estre le tout. Les Eglises reformees de France, ne se disent estre toute l'Eglise vniuerselle, celles d'Angleterre, d'Alemagne, de Poloigne, & Boheme, non plus: c'est donc vne resolution qui est aisee à prendre, & qui n'a cousté beaucoup à Sponde, d'estimer que certaines assemblees qui se sont separees de la Romaine, ne pouuoient estre toutes, c'est à dire chacune toute l'Eglise: combien qu'à la verité si nous regardons, non la matiere qui est la cause de la diuision & separation, à sçauoir le nombre des hommes, les lieux, & les temps, mais la forme essentielle: nous pouuons affermer qu'elle est toute en chaque Eglise particuliere, d'autant qu'ainsi qu'il a esté touché au commencement, l'Eglise est vn tout cōposé de parties homogenees ou similaires, c'est à dire, qui ont chacune vne mesme forme & nature, & qui differe d'vn autre seulement en certains accidens, cōme vne goutte d'eau d'vne autre goutte d'eau, vne miette de pain d'vne autre miette de pain. Mais replique nostre Reuolté, tous ceux qui se sont separez de l'Eglise Romaine, sont contraires: s'il est ainsi, il faut que chacun avec ses adherans soit toute l'Eglise, veu que

l'Eglise Romaine n'est desia tenuë en ce rang, & que les contraires ne peuuent estre parties de leurs contraires, ou des contraires se faire vn tout. Je prendray le dernier qui est fort disputable, pour l'exemple que nous auons du monde, qui est composé d'elements qui se combattent: du corps humain, qui contient aussi d'humeurs repugnantes: toutesfois ie ne resiste, que la cause de toute conuersion ne soit la similitude & conuenance, comme aussi de separation la dissemblance, c'est à dire, la participation d'une forme ou qualité contraire. Or ie di, qu'une chose peut estre pour diuers regards, & considéré en diuers temps, & en ses parties qui la composent distinctement semblable, & dissemblable mesme, ou contraire. Ceux qui argumentent donc en ceste sorte: Ce qui est contraire ne peut estre partie de ce qui est contraire, vsent d'une caption qui s'appelle, *captio secundum quid*, ou *captio contradictionis*, car les hommes ou Eglises qui seront contraires en quelque poinct de doctrine, ne le serôt en tous, au regard desquels, icelles pourront estre membres de celles qui tiennent les mesmes poincts: parquoy la question n'est plus, si plusieurs particulieres Eglises, qui discordent en certains chefs de doctrine, sont vn corps vniuersel d'Eglise visible: & nous ne refusons point en ce sens & consideration, le nom d'Eglise à la Romaine, que nous disons en quelque façon, & pour quelque conuenance qu'elle a avec les autres, estre membre externe de la Catholique visible. Mais la dispute doit estre, & on se doit arrester quel nombre à la forme externe & visible, vraye & pure & propre

à engendrer vne vraye foy : car comme tous les membres visibles d'une Eglise particuliere, ne sont purs, saincts, entiers, & vifs, veu qu'il y a plusieurs hypocrites, plusieurs malades & mal sains en la foy & mœurs : de mesme l'Eglise vniuerselle visible, a d'Eglises particulieres, dont les vnes n'ont que la semblance & la profession, ou fort peu de reste : les autres sont gastees & corrompuës en quelque partie d'elles. Encore donc qu'il y ait quelque controuerse entre les Alemans, qui ont secoué le ioug du Pape; que nostre aduersaire appelle Lutheriens, ou Martinistes, & entre les Suysses & François, qu'il nomme Zuingliens & Calvinistes: cela n'empesche que tous ensemble ne fassent vn mesme corps d'Eglise. S'il replique, comme il fait, que les vns prononcent & estiment les autres heretiques, & qu'il faut ou que tous le soyent, ou les deux de ces trois. Or ceux qui sont heretiques, sont hors l'Eglise, ils ne peuvent donc faire vn mesme corps. Je ne suis sans auoir de quoy payer, l'opinion & iugement des hommes ne fait les heretiques & schismatiques, mais la verité & la chose en soy, à laquelle Dieu regarde, & selon laquelle il iugera; nullement poussé d'affection & preiugé à la façon des hommes. L'opinion que les Alemans ont que nous soyons heretiques, ne nous fait tels, ny l'estime aussi que nous pourrions auoir d'eux qu'ils le fussent: mais di-je bien, que ces iugemens temeraires, & faits par défaut de charité, rendent ceux qui les font schismatiques, & se retranchent eux-mesmes de l'unité de l'Eglise; qui est double, l'une totale, qui est de doctrine & discipline, de foy & de

charité, par laquelle on est conioint tant avec le chef, qui est Iesus Christ, qu'avec les membres, qui sont ceux qui font profession d'iceluy: l'autre partiale de l'un ou de l'autre, qui n'est suffisante à salut, qui fait neantmoins que les heretiques sont en l'Eglise, & membres visibles d'icelle, entant qu'elle fait vn corps visible pour quelque communion qu'ils ont avec icelle, & non membres de l'Eglise vniuerselle & composee des seuls esleus & fideles, qui est l'Eglise inuisible, qui se fait par la seule foy & charité: de l'une de laquelle quiconque est priué, n'a point aussi l'autre, d'ont saint Augustin a bien dit sur l'Euangile selon saint Iean serm. 13. vers la fin *Ecce habes sacramenta, & ego concedo habes formam, sed sacramentum es de vite praecisum: tu formam ostendis, ego radicem quero, de forma fructus non exit, nisi ubi est radix: ubi autem est radix, nisi in charitate?* C'est la raison, dit Sponde, qui fait que ie ne vueil estre ny heretique ny schismatique. Or si ie m'adioins aux Alemans, à vostre aduis ie suis heretique, si ie me range avec vous, ie le suis aussi à leur iugement: que feray-ie donc en ces doutes? le plus seur est de me ietter à l'abry de l'Eglise Romaine, laquelle les uns & les autres combattez. ô resolution diabolique! ô conseil damnable & infernal! ô conseil d'Epicurus! Il ne reste sinon qu'il eust dit, qu'oyant tant de controuerses en la religion, le plus court chemin est de les oster, & n'en croire aucune. Qui de nous dit que les Alemans sont heretiques? nous confessons bien & maintenons, que dire ou croire que le corps & le sang de Iesus Christ se prennent en l'Eucharistie de la bouche charnelle & corporelle,



c'est à dire, que cōme le signe est present au corps, ainsi la chose signifiee est conioincte avec ledit signe corporellement, est vne doctrine d'heresies: mais cependant nous ne tenons point l'Eglise Alemande en corps pour heretique (quoy qu'il y en puisse auoir plusieurs de ce corps qui le soyent) par ce que tant la reigle ordonnee par Iesus Christ enuers icelle pour la tenir au rang des Ethniques & publicains n'a esté gardee: qu'aussi presque tous excepté quelques vns de leurs docteurs, errent, non de pertinacité, malice, & obstination, ains de coustume & d'une inueterée opinion: ayās ceste tache restante encore, & cestē engeance estant suruiuant de ce mōstre de transsubstantiation, laquelle tache, Dieu par sa grace abolira en fin, comme il a fait les autres. L'Eglise de Corinthe tenoit vne doctrine erronée & d'heresie touchāt la resurrectiō, & toutesfois elle n'estoit heretique: l'Apostre ne la prononce telle, ny ne defend la cōmunion avec icelle. Il nous faut iuger & sentir le mesme: car ce differēt qui est presque seul & vnique, quoy que ie l'estime tresgrand & tresimportāt, tant en soy que pour la consequence de l'ambiguité, que mal à propos on en tire, qui renuerse du tout la doctrine de la personne de Christ & de ses natures, ne peut empescher que ne gardions communion avec les Eglises d'Alemagne, que ne nous trouuions en leurs assemblees Ecclesiastiques, tant pour y ouir la parole de Dieu, & y receuoir les Sacremens, avec protestation de nostre dissentemēt sur ce point & declaration de ce que suyuant la parole de Dieu nous croyons: car nous croyōs tous la vraye com-




munieon du vray corps & du vray sang de nostre Seigneur Iesus Christ: de telle sorte que la difference n'est qu'en la doctrine, de la maniere & façon de la manducation & cōmunication: que s'ils ne font la reciproque en nostre endroit, la faute se trouuera de leur costé, qui prenans scandale & en donnant, où par leurs presches, ou par leur violence, rompent seuls la paix & concorde de l'Eglise: & leur opinion & erreur ne sera tant cause de leur damnation, que ce qu'ils deschièrent toute vnion, c'est à dire, outre qu'ils sont mal sentās en ce point, deuiennēt schismatiques. Pour nostre regard doncques ie di, de ceux qui tiennent en tous les articles la confession des Eglises de France, c'est vne impudente calomnie, publier que nous ne communiquons nullement avec les Eglises qui tiennent en tout & par tout la confession d'Ausbourg, ou de Saxe, & de Vvitemberg, & qu'il n'y a nulle liaison de doctrine entre nous. Chacun qui lira l'vne & l'autre confession pourra iuger, si c'est parler en verité. L'vnion de charité & dilectiō, n'est tousiours reciproque d'Eglise à Eglise, & membre à mēbre: mais n'est pourtāt inutile & infructueuse, en ceux qui aimēt estās haïs, & embrassent ceux qui les reiettrēt, comme la foy peut estre avec quelque ignorance & quelque erreur. Ainsi pour ces choses, la communion des Eglises en exercices de pieté, en deuoirs de charité, & cōuersation mutuelle, ne doit estre rompuë: ce qui n'estaint la cause, qui est la foy, ne peut oster l'effect, qui est la communion en la foy. Ie reuien à Sponde, qui demande, où est donc l'Eglise? Ceux qui sont à Geneue, & en Fran-

ce, portans le titre de reformez, disent, que c'est eux qui sont ceste Eglise. Ouy, & à bon droit: mais non seuls; & n'excluons ny les Eglises d'Escoffe, Angleterre, Dänemarc, Alemagne, Bearn, & autres de semblable confession. Il poursuit ses demandes, en vertu dequoy croyez-vous que le pur seruice de Dieu est en vostre Eglise, & l'idolatrie entre les Catholiques Romains? Il accorde donc, & est sa propre confession, que ceste assemblee qui a le pur seruice de Dieu est l'Eglise. Or l'Eglise de Geneue, & ses semblables, ont le pur seruice de Dieu: parquoy ils sont l'Eglise. Au cōtraire, ceste assemblee qui a l'idolatrie pour religion, n'est l'Eglise. Or l'assemblee de ceux qui se disent Catholiques Romains, a l'idolatrie pour religion, donques ceste assemblee n'est l'Eglise: comme il a fait la questiō, il forge aussi la response à son plaisir, & se veut faire croire, que ceux qui en sçauent le moins entre nous, respondront que nous auons le pur seruice de Dieu, parce qu'ils l'ont ainsi dès leur enfance. Je ne sçay si luy, qui estoit de ce rang, eust fait ceste response, mais sçay-ie bien, que nous tenons vne maxime toute contraire, & qui renuerse ceste foy implicite, forgee en l'escole des Sophistes, contre l'enseignement de saint Pierre, qui veut, qu'un chacun soit appareillé de rendre raison de sa foy, à tout homme qui luy en demandera, 1. Pierre 3. ie ne nie pas que l'institution dès l'enfance, & comme dès le berseau, n'apporte quelque poids, pour faire retenir & maintenir plus affectionément ceste doctrine, laquelle on nous voudroit oster: mais estant question de l'essence, & non de la substance de la na-

de la nature de la doctrine, & non de l'estre ou conseruation d'icelle, le temps, & l'aage ny peuuent rien changer ou alterer. Il faut donc qu'il introduise d'autres qui parlent d'une autre façon, s'il veut tenir avec quelque apparence de rondeur nostre personnage. Aussi, dit-il, tout cecy est en la pag. 29. 30. 31. & suivantes, que ceux qui scauent le plus luy respondront, que c'est par ce que nostre Eglise est conforme à la doctrine de Iesus Christ & des Apostres. C'est tresbien dit, & on voicy la raison, ce seruice est pur, qui est institué de Dieu: car tout ce qui vient de Dieu, est pur & saint, & luy est agreable: tout ce qui procede des hommes, impur, imparfait, & desagrecable à Dieu. Or le seruice qui est fondé, basti & dressé sur la doctrine de Iesus Christ & des Apostres, est de Dieu: il est donc sans aucune controuerse pur & saint. En voulant rabatre ce coup, & ce ferme & inuincible argument, nostre persecuteur se monstre si estonné & eslourdi, qu'il ne fait que se tournoyer, sans scauoir où il va, & iargone en infinité de lieux de son liure, ces mesmes choses. Somme, il ne fait qu'alleguer des incoueniens: le premier, qu'on fait tort aux Catholiques Romains, qui sont depuis quinze cens ans ou enuiron, de les rappeler à ces premiers docteurs, à scauoir Iesus Christ & les Apostres, comme si depuis eux iusqu'à nous, ceste doctrine eust esté esteintée, & que nous l'eussions seulement rallumée de nouveau. Ce n'est respondre categoriquement ny pertinément. Pour faire le premier, il ne falloit que nier & prouuer du contraire, ou accorder franchement L'impertinence du second se void, de ce qu'il

se plaint qu'on les rameine à la pratique de la primitive Eglise, & aux escrits des Apostres & institution de Iesus Christ: veu que nous ne faisons rien que suivant l'exemple de Iesus Christ, qui pour corriger l'abus qui estoit suruenue au mariage, a recours à l'institution d'iceluy, telle que Moysse la describe. Il n'estoit pas, dit-il, ainsi de l' commencement, Matth. 19. S. Paul aussi estant question de la Cene, en laquelle plusieurs profanations se glissoient, ameine, produit, & recite tout au long, le formulaire de l'institution qui se trouue és E-uangelistes, 1. Corin. 11. Quand il est besoin de reformation, nous n'en demandons point d'autre, que celle de laquelle saint Paul a vsé, à sçauoir, que l'institution du Seigneur nous soit pour reigle certaine, de laquelle nous vsions tant d'un costé que d'autre. C'est aussi le conseil de saint Cyprian qu'on recoure à la source & au commencement, quand le canal & tuyau est gâté. Ce n'est de cela que nous-nous fâchons, en respond-il, mais de ce qui s'ensuiura de là, que toute doctrine aura esté esteinte depuis ces premiers Docteurs, iusqu'à nous, laquelle vous aurez ralumée de nouveau. C'est icy vne inconsequence bien euidente, & laquelle demonstre vn tresgrand defect de iugement. Qui dira iamais que guerison presuppõe mort? ou reparation & reformatiõ, ruine totale, sans traces ny fondemens? nous ne disons donc point que toute doctrine ait esté esteinte, puis que nous parlons de correction & reformation: mais bien que soit qu'il faille bastir tout de nouveau, ou qu'il soit besoin seulement reparer, nous deuons employer la

reigle de la doctrine Apostolique, & suiuant icelle faire l'un ou l'autre: & voila en verité les bornes de nostre doctrine & de nos docteurs, desquels on puisse dire *ἐν*  *ἐν*, il dit. l'ay respondu desia maintesfois à la demande qui est adioustee, quant les Apostres sont decedez qu'est deuenue l'Eglise? laquelle ces saincts fondemens ont fondee? qui a recueilli & cōserué ceste doctrine dont vous vous vantez? Responce, l'Eglise est demeuree, mais elle a commencé de se corrompre en la prédication de la parole, en l'administration des Sacremens, & en general au ministere qu'elle doit aux hommes, & seruice qu'elle rend à Dieu: & la conseruation de la doctrine Apostolique, se trouue tant en la pratique & vsage de l'Eglise, ou escrits des Docteurs d'icelle, qu'en l'Ecriture sainte. Considerons de plus pres l'argument de Sponde, par lequel il veut que nous estimiōs l'Eglise Romaine, estre conforme à la doctrine de Iesus Christ & des Apostres. Ce qui a succedé prochainement aux Apostres, est conforme à leur doctrine. Ce dire n'est vray en tout & par tout, car du temps mesme des Apostres plusieurs fausses doctrines, plusieurs sectes, plusieurs abus s'introduisoient en l'Eglise. Et qui trouuera cecy nouueau, sinon ceux à qui les Escritures sont nouuelles, & principalement les Epistres de S. Paul? que, di-ie, les Escritures saintes? mais mesme l'histoire Ecclesiastique, laquelle nous enseigne, que l'Eglise est demeuree vierge, pure, & sans corruption, iusqu'au temps que les Apostres ont prins fin, ceux-là demeurans cachez dāns l'obscurité, qui se sont efforcez de corrompre la reigle

saine de la predication salutaire: mais apres que ceste sainte assēblee d'Apostres a esté retiree au ciel les vns en vne façon, les autres en vn autre: alors a commencé la conspiration de l'erreur impie, par la tromperie de ceux qui bailloyēt vne doctrine estrange, lesquels par ce que nul des Apostres estoit suruiuant, se sont mis en deuoir de prescher à face descouuerte, ce que faussement s'appelle science; à l'encontre de la predication de la verité. Euseb. liu. 3. de son hist. chap. 32. Or l'Eglise Romaine telle qu'elle est auourd'huy, a succédé prochainement aux Apostres. Je ne puis aussi non plus accorder la seconde, & moindre partie de ceste argumētation que la premiere. Et qui ne void qu'elle ne doit estre admise? oster donc ce mot prochainement, & affermer que c'est l'Eglise Romaine d'auourd'huy qui a conserué la doctrine, de laquelle nous faisons profession, est estre captieux, & faillir en la forme: veu qu'on ne dit tant de choses en l'assomption, qu'on disoit en la proposition. C'est tomber en vne autre caption & sophisme, quand on nous demande, qui nous a fait croire & cognoistre qu'il y eust vn Iesus Christ, en quel lieu & en quelle compagnie nous auons receu ce beau caractere de Chrestienté, où est-ce que nous sommes nais, & qui nous a aprins qu'il y eust des Chrestiens, & qu'il falloit que nous fussions plustost de leur profession que de nulle autre? comme si on disoit, que celuy qui nous enseigne qu'il y a vn Iesus Christ, nous enseigne aussi quel il est: quelle est sa personne, quels ses offices & benefices: que celuy qui nous administre le Baptisme, l'administre selon

l'institution de Iesus Christ, & enseigne aussi toute la vraye doctrine Chrestienne qui depend d'ice-luy: que ceux qui naissent Chrestiens, sont nais Chrestiens Romains, & ceux qui sont de l'Eglise, sont nais de l'Eglise Romaine: que ceux qui nous enseignent qu'il y a des Chrestiens, le sont aussi: que ceux qui preferent le Christianisme aux autres religions, sont bons & parfaits Chrestiens en tous poinets. La tromperie se fait parlât ainsi, d'autant qu'on passe de la substance à la qualité, d'une chose commune à une moins commune, ou d'une moins commune & plus speciale, à une plus commune & generale. En un mot, Sponde fait valoir ceste caption, que les Dialecticiens appellent *captio figura dictionis*. Apres toutes ces respôses, Sponde crie encore, respondéz-moy sericulemēt, Ceste doctrine de Iesus Christ & des Apostres, par les mains de qui l'avez-vous receuë? Tu te respons toy-mesme, & dis que nous auouons que c'est par les mains de ceux qui portēt le titre de l'Eglise Catholique Romaine. Soit, i'y soubscri, ie ny contredi point pour ceste heure: mais quel profit en reuiendra-il à messieurs les Romanistes d'une telle confession nostre, & d'un tel ministere de leur Eglise? que veulent-ils inferer? qu'elle est la vraye Eglise, & qu'elle a fait son deuoir? Si en cecy elle est louable, faut-il conclurre qu'en toutes autres choses elle ait fait deuoir de mere? conseruer & garder les Escritures, & les liures qui les contiennent, n'est qu'une partie de sa charge, & la moindre; & comment encore a-elle baillé ces Escritures? a-ce esté pour le nous faire cognoistre, & croire la seule rei-



gle du seruice de Dieu & fondement de l'Eglise? la maiesté & autorité d'icelles, n'a-elle point esté rabaissee par le Pape, & gens de sa sorte? ceste Eglise adultere, ne s'esleue-elle point par dessus les canons des Conciles, & decrets des Papes? ne luy sont-ils point esgalizez & preferez? n'abuse-elle point du dire de saint Gregoire, escriuant qu'il receuoit & honoroit les 4. conciles comme les 4. liures du saint Euangile? lib. 1. Epist. 24. car elle fait du tout pareils en autorité & dignité ces 4. conciles de Nicee, Constantinople, Ephese, & Chalcedoine ausdits saints Euangiles: ce qui n'a esté de l'intention de ce docteur: car ce n'eust esté venerer les Conciles, mais violer les Euangiles. Et quoy? le concile de Trente ne baille-il point pareil honneur à ie ne sçay quelles traditions faussement attribuez aux Apostres, qu'aux Escritures? n'adiouste-il point au canon desdites Escritures les liures Apocryphes, à fin qu'ils soyent receus & creus pour authentiques? l'interpretation vulgaire n'est-elle point maintenue pour ferme & immuable? l'Eglise n'est-elle point aussi autorisee, pour exposer & iuger du sens des Escritures? voire ne sont-elles point assuietties à l'exposition vnanime & accordante des Peres, sans autre reigle session? 3. can. 1. 2. 3. Nous pouuons donc, nonobstant nostre concession affermer, suiuant ceste maxime des Iurisconsultes, que c'est chose pareille de ne recevoir quelque chose, ou la perdre & la recevoir deterioree & faite pire, *paria sunt rem amittere, vel deteriore faciam recipere.* ceste Eglise, mesme ne nous auoir point baillé les Escritures: & en outre

faut dire, que c'est seulement les textes de ceste doctrine, que nous auons receus par ceux qui portent le titre d'Eglise Catholique Romaine, c'est à dire, s'ils nous ont rien donné, c'est le corps de ceste doctrine & la simple lettre, & non l'ame & l'esprit. Or tousiours c'est reuenir à ce poinct, qu'ils ne nous ont rien baillé, ou autant vaut : car ce sont choses pareilles, auoir le texte de l'Escripture en langue non entendue & estrange, non exposée & appliquee, & ne l'auoir point du tout, veu qu'elle est inutile par ce moyē aux hommes. *Paria autem sunt rem non habere, vel habere inutilem.* Ceste conclusion ne plaist à tous, & notamment à celuy à qui nous auons à faire. De qui donques auez-vous le sens & l'intelligence de l'Escripture ? Il ne peut porter que nous respondions de l'Escripture mesme : toutesfois tous les Peres anciens l'ont ainsi dit & enseigné, & la verité est telle. Basile sur le Pseau. 45. vers. 8. Voy cōment l'Escripture s'expose soy-mesme. Le mesme en l'epist. 80. escriuāt à Eustathius medecin. L'Escripture diuinement inspiree, doit estre nostre iuge, es poincts qui sont en controuersie. Ne pouuant nous faire deldire de ceste verité, il nous bat & veut abatre s'il pouuoit de ces questiōs, 1. comme il se peut faire, que l'Escripture nous donne l'intelligence de soy-mesme ? Responſe, pource que sa nature est d'estre lumiere & clarté : le soleil qui fait voir les autres choses, se manifeste aussi. August. lib. 3. de la doctrine Chrestienne chap. 28. *Per Scripturas diuinas multò tutius ambulatur, quas uerbis translatis occupatas quum scrutari volumus, ut aut hoc inde exeat quod non habeat cō-*

trouersiam: aut si habet, ex eadem Scriptura ubicunque inuentis atque adhibuit eius testibus terminetur. On chemine beaucoup plus assuremēt par les Escritures diuines: que si l'exposition d'icelles est debatue, il faut trouuer & apporter des tesmoignages tirez de ceste mesme Escriture, qui vuidēt & terminēt le different. Ce mesme auteur auoit dit auparauant au chap. 25. & 26. *Res aliqua non solum duo aliqua diuersa, sed etiam nonnunquam multa significat pro loco sententia, sicut posita reperitur: ubi autem apertius ponuntur, ibi discendum est quomodo in locis intelligatur obscuris.* Il est necessaire que les lieux & passages obscurs, soyent esclairez par ceux où les choses sont plus ouuertement traitees. Le mesme auoit encore esté predit au chap. 9. du liure 2. *ad obscuriores loquutiones illustrandas, de manifestioribus sumantur exempla, & quaedam certarum sententiarum testimonia, dubitationem de incertis auferant.* Si l'Escriture mesme donne l'intelligence, d'où vient dōc ceste diuersité d'intelligences, qui se trouue au monde sur vn mesme poinct? Response, la cause de la diuersité est és hommes, & non és Escritures, desquelles cōme la predication a diuers effects, selon la differēce des hōmes qui l'oyent, estāt aux vns poison, aux autres viāde & bruuage: aux vns semēce qui porte du fruiēt en diuers quantité, aux autres de l'herbe seulement, qui en fin le seiche, Matth. 13. 2. Cor. 2. ainsi la lecture de certains textes & passages, engendre diuerses expositions, selon la difference des hōmes qui les lisent & exposent: les vns les deprauēt & corrompent, & en tirent dogmes & articles con-

traies à l'analogie de la foy, & aux bōnes mœurs, pour ne se conseiller avec la reigle de nostre foy, symbole des Apostres, & ne regarder à ce but d'edifier la gloire Dieu & foy enuers iceluy, & l'amour qu'il nous faut porter au prochain. August. lib. 3. de la doct̃r. Chrest. chap. 1. Iean 5. ver. 44. Epiph. hæres. 77. contra Dimœritas, pour estre peruers & deprauéz eux-mesmes, & y apporter ou vne sapience humaine, ou leurs passiōs & leurs preiugez, qui ordinairement aueuglent l'esprit, & empeschent la cognoissance du vray: sans que ie parle de ceux qui malicieusement abusent de l'Escripture, à la façon de Satan, Matt. 4. & 2. Pier. 3. estās desīnuez de l'esprit de Dieu, dōt ceste admonition de S. Hilaire au 1. liu. de la Trinité est à noter, *Optimus lector est, qui dictorum intelligentiā expectet ex dictis potius quam imponat, & retulerit magis quàm attulerit, neque cogat id videri dictis contineri, quod ante lectionem præsumpserit intelligendum*, les autres s'efgarent & se foruoient de l'intention de Dieu, tant pour ne l'auoir point appelé & inuoqué, de la reuelation duquel l'Escripture sainte à besoin. August. lib. 4. de doctrina Christia. cap. 30. 1. Corin. 2. vers. 14. 1. Pier. 1. Iean 8. vers. 43. & 14. vers. que pour n'auoir conseré les passages semblables d'icelle: car plus facilement trouue & recognoist-on és Escriptures ce qu'on cherche, si de diuers lieux & endroits d'icelles, tesmoignages & textes sont apportez d'une mesme chose. Origene sur les Nomb. homel. 19. & pour n'auoir perseueré à lire deux & plusieurs fois vn mesme texte non entendu, & auoir continué de hurter, Iean Damas. lib. 4.

cap. 18. *orth. fidei.* & en outre, pour n'auoir diligemment sondé & espluché lescrites Escritures, selon l'exhortation de Iesus Christ, Iean 5. & pratiqué de ceux de Theffalonique, lesquels comme saint Luc nous recite aux Actes chap. 17. verset 11. estoient tournellement à les fueilleter & examiner de pres: car & vne syllabe & vn petit poinct contienent vn grand thresor caché, veu qu'il n'y a rien de fortuitement ou temerairement escrit. *Chrysost. homil. 10. in Gene. Basil. lib. de Spiritu sancto aduersus Eunom. cap. 1. 2.* Et il y a d'autres raisons encore de ce defaut, qui procede de plusieurs autres defauts, qui sont, ou d'auoir recherché ce que Dieu a voulu nous estre caché, & auoir negligé & voulu ignorer les choses qu'il nous presentoit, pour les nous faire voir & cognoistre. *Ambros. de vocat. Gentium lib. 1. cap. 7. Epiph. heres. 76. aduersus Andrianos:* ou pour auoir suiui les façons de parler figurees, & prinles par similitude, comme si elles estoient vsurpees proprement & sans figure: & au contraire, prendre ce qui est dit proprement, en autre & diuers sens que les mots ne sonnent, s'arrestant aux allegories. *August. liu. 3. de la doctrine Chrestienne chap. 5. & 10.* ou pour ne s'estre arrestez à peser ces choses, 1. le temps auquel ce qui est dit a esté escrit, 2. la personne qui parle, ou par laquelle on parle, ou de laquelle le propos se tient, ou à laquelle on s'adresse, *Origen in cap. 2. ad Rom. 3.* l'affaire & le suiet pour lequel & duquel l'Escriture traite. *Cyroll. lib. 8. Thessau. cap. 2. & lib. 9.* 4. les causes & motifs de ce qui est dit: car les choses ne sont point suiettes aux paroles, mais

les mots & paroles aux choses. *Hilarius. lib. 4. de Trinitate.* ou pour auoir méprisé le tesmoignage de toute l'Eglise, & l'exposition des anciens Docteurs. *August. de verbis Domini serm. 18. & Epist. 59.* Les autres s'approchent de plus pres du vray but, & toutesfois demeurent courts & en arriere: ou pour ne se vouloir esloigner des heresies, qui ont trauaillé de leur temps l'Eglise du Seigneur, & auoir esté eux-mesmes (peut-estre infectez d'icelles:) car celuy qui s'est égaré du droict chemin, ny peut retourner que par vn autre detour. *Qui recta via depulsus est, reduci ad eam nisi alio flexu potest. Quintil. lib. 2. cap. 18.* ou pour auoir moins profité és Escritures sainctes, & n'auoir estimé qu'il n'y a personne qui s'approche plus de la connoissance de la verité, que celuy qui iuge qu'és choses diuines: combien que quelqu'un y ait de grands auancemens, toutesfois il luy reste tousiours à quoy estudier: car s'il presume d'estre paruenue au bout, il ne trouue point ce qui est du principal, ains est defaillant en son inquisition & recherche. *Leo serm. 9. de natiuit. Christi.* Ou pource que Dieu nous veut ainsi faire cognoistre la foiblesse de nostre esprit, & les tenebres & broüillars qui l'enueloppent, à fin de nous tenir tousiours en exercice. *Prosper Aquitanicus, Bonæ sunt in Scripturis mysteriorum Dei profunditates quæ obteguntur ne vilescant, ab hoc queruntur ut exerçant, ab hoc aperiuntur ut pascant.* Qui ne se contentera de ces raisons quand il seroit encore plus melancolique que Sponde ne fut iamais, celles-là suffisent aussi à satisfaire à ce qu'il dit: pourquoy mesme

tous ceux qui se sont departis d'avec nous de l'Eglise Romaine, n'embrassent la mesme doctrine que nous ? & qu'à ce qu'il continue de demander, si Dieu a caché à tous ceux qui nous ont deuacé le sens de l'Ecriture: luy-mesme recognoist que nous alleguons quelquefois les esctits de plusieurs saincts Docteurs, comme Cyprian, Ambroise, Hierosime, & les quatre conciles generaux tenus en l'Eglise primitive. S'il est vray, comme il est, non pour la fin qu'il dit, que par iceux nous vueillions confirmer la doctrine Chrestienne, mais seulement monstrier l'antiquité de ceste doctrine, foy & consentemēt de l'Eglise, la plus pure à l'encontre de ceux qui ne se couurent que du long temps, & du nom d'Eglise: *Nam ubi legem habemus, superfluum est glossas vel doctores allegare.* Il pouoit donc recueillir, que nous ne nous attribuons seuls la cognoissance des mysteres diuins, pour en exclurre tant de saincts personages qui nous ont precedez, que nous recognoissons pour membres honorables de l'Eglise de nostre Dieu, & pour tous Pasteurs, & qui auoyent receu de Dieu la mesme doctrine que nous tenons: & disons de plus, que non seulement deuant mille annees entieres, mais pardeça encores iusqu'à nous, il y a eu des personnes qui ont touché au blac de ceste doctrine: & par ainsi qu'il y a eu tousiours quelques Docteurs au milieu de l'Antichristianisme, pour entretenir & conseruer ce residu & petit nombre des esleux, que Dieu a voulu retirer de ceste miserable apostasie. Mais quelle force y a-il pour inferer qu'ils n'ont nullement erré, ou s'ils



ont erré, qu'ils n'estoyent l'Eglise ? car bien que  
 l'Eglise enseigne la verité, voire ceste verité qui  
 est selon pieté, Tit. 1. si ne l'a-elle enseignée tous-  
 iours si puremēt, qu'il ny ayeu quelques erreurs  
 meslez, en tous siecles & aages, & qu'en tous les  
 Peres (i'enten les escriuains du premier temps de  
 l'Eglise, excepté les Apostres) on ny remar que  
 quelques tasches & fautes en leur doctrine, les-  
 quelles on a ramassees en l'Eglise Papistique, &  
 lesquelles l'Antechrist & ses faux Prophetes ado-  
 rent seulement. Au contraire, les choses qui ont  
 esté bien escrites d'eux, ou ils ne les apperçoyuēt  
 point, ou ils les dissimulent, ou ils les peruertif-  
 sent. Maintenant pour sçauoir si l'Eglise peut fail-  
 lir, i'en ay dressé vn chapitre exprez en ceste re-  
 spōse, auquel le lecteur pourra recourir : & pour  
 apprendre aussi, si les poincts de doctrine que  
 nous tenons, & l'intelligence & sens que nous re-  
 ceuons des Escritures, & passages qui sont en di-  
 spute, n'ont iamais esté cognus, au moins recēt  
 pour veritables auparauāt nous : & si les Anciens  
 sont tous contraires à ce que nous disons, vous  
 en aurez vn chapitre avec l'aide du bon Dieu, qui  
 traittera spécialement de la prière pour les morts,  
 du Purgatoire, de la messe, & autres : où il apperra,  
 si les Anciens sont pour nous, ou contre nous. Ce-  
 pendant ie puis dire, que si pour l'autorité d'i-  
 ceux la noise estoit à demeurer entre nous, la meil-  
 leure partie de la victoire viendrait à nostre part.  
 Au demeurant, qui ne cognoist ceste caption, que  
 les escoles appellent *captio accidentis*, de vouloir  
 attribuer à l'Eglise Romaine & Papistique, ce qui

est propre de la vraye Eglise, & nier de celle-là ce qui ne peut nullement estre dit de ceste-cy. Nous ne despoüillons donc point l'Eglise de l'assistance de l'Esprit qui enseigne la verité, & qui soit avec elle eternellement, mais que touche cela à la Synagogue Papale? nous ne croyons point aussi, qu'il y puisse auoir aucune Eglise, qui quitte du tout son Dieu, pour s'attacher à toutes sortes d'abominations: mais nous nions aussi, que ceste assemblee qui a ces marques, telle qu'est l'Eglise Romaine, soit la vraye Eglise, & celle à qui les promesses de Dieu appartienent, encore qu'elle en ait quelque semblance, & quelques traces ou mafures. en la page 50. Et si elle est iustifiée de n'estre point heretique, pourquoy? d'autant que elle ne s'est peu compatir avec Ebion, Marcion, Manes, Arrius, Nestorius, Eutyches. Or ie demande, ces mesmes personnes qui ont fait la guerre à ces heresies & heretiques, sont-elles auourd'huy leur doctrine? est-elle suiuiue de ceux du temps present, & de ceux qui ont esté il y a desia bien longuement? certes la vieille face de l'Eglise de Rome, de l'Eglise telle qu'a esté és Gaules du temps de Saluianus, de Prosper, & autres: és Italies du temps d'Ambroise & autres: en la Grece, du temps de Nazianzene & autres: en l'Afrique du temps de S. Augustin, que ie ne parle des plus Anciens, n'est plus: & comme elle s'est du tout perduë en l'Afrique, elle s'est abastardie iusqu'au bout en l'Italie, Gaules, Espagne, & autres lieux où l'Antechrist a eu moyen de faire valoir sa tyrannie: on y void les erreurs en certains chefs,

presque de tous ces heretiques : ce qui me seroit aisé de prouuer, & en faire demonstration, aussi claire & euidente, que ie pourroy faire de ceste maxime, que le tout est plus grand qu'une de ses parties, ou qu'un triangle à deux anglez egaux. C'est donc une sophisterie, qui peut estre decouuerte par la definition des contradictoires. Nul ne peut estre heretique & orthodoxe: non le mesme en indiuidu, & non en espece, ou en genre, ny en mesme temps, ny au regard de mesmes doctrines. Il ne faut donc plus chercher l'Eglise Romaine en l'Eglise Romaine, car on ne l'y trouuera iamais : & faut non plus douter que l'Eglise de Rome, qui estoit du temps de saint Paul, voire de Syluestre, Damasus, & autres, n'est plus celle de ce temps. Qu'il est indubitable que ceste ville de Rome, où le Pape est prince terrien, a degeneré de ceste iadis tresflorissante Republique Romaine. Si l'Eglise de Rome, & ceux qui luy adherent est heretique, montrez-nous un Concile, ou un simple Docteur de l'Eglise, qui l'en aye iamais ou condamnée, ou mesme seulement reprise. Je respon, qu'arguer de l'estre à la cognoissance, c'est fait en tresmauuais Dialecticien : car plusieurs choses sont, qui ne sont point cognues : & plusieurs vices ont regné longuement, qu'on estimoit estre vertus. La defense des Apostres faite aux Gentils de s'abstenir de l'idolatrie & de pail-lardise, en est un tesmoignage suffisant, Act 15. car pourquoy parlent-ils plustost de ces deux vice, que des autres? sinon que lesdits Gentils conuertis au Christianisme, les mettoient ou entre

les vertus, ou pour le moins entre les actions indifferentes? Je supplie aussi le lecteur de penser, si les decrets & loix generales des Conciles œcumeniques, ne sont pas aussi bien contre cestui-ci que contre cestui-là: & si ce qui est repris en termes generaux, ne s'adresse pas à tous les coupables de ces vices? Si Manes, si Tatianus, si Eutiches & autres, ont esté iadis condamnez, & leur doctrine declaree faulſe: qui sera si impudent de vouloir defendre & maintenir la mesme doctrine pour vraye & orthodoxe en l'Eglise Romaine, quand elle ſi trouuera? Or cela est vray: qu'on n'aille donc plus tergiuerſer. Et pour ſurcroiſt, ie refraichiray la memoire de ce paſſage de ſainct Bernard contre la Papauté, *in Cantic. ſerm. 33.* Les ſeruiteurs de Chriſt ſeruent à l'Antechriſt. & au ſermon de la conuerſion de ſainct Paul: *multi ſunt noſtris temporibus Antichriſti.* Auquel ſ'accorde Æneas Syluius, qui depuis a eſté Pape, du nom de Pius, le quel eſcrit en ſon epiſtre à Gaſpar Sebliſ, que la charité eſtoit refroidie, & que toute la foy eſtoit eſteinte de ſon temps. Nous auons donc les Conciles & les Docteurs anciens, qui ont repris & condamné, non d'une ou deux heresies ſeulement, ains d'apostaſie & reuolte preſque vniuerſelle de tout le Chriſtianisme, l'Eglise Papistique & Romaine. Et pour noſtre regard, noz preſches, noz confeſſions, nos diſputes, nos liures, noz aſſemblees ſeparees, noz martyres crient tout haut, que nous ſouſcriuons à ce qu'ils en ont dit & declare. De quoy ſe plaind-on doncques que nous ne les auons anathematizez? nous excommunications

excommunications és iours les plus solempnels, tous idolatres, blasphemateurs, contépteurs de Dieu, heretiques, & toutes gens qui font sectes à part pour rompre l'vnité de l'Eglise : nous estimons que dans ceste generalité de blasphemateurs, contempteurs de Dieu, heretiques & schismatiques, on y trouuera specialement & principalement le Pape, & toute ceste sorte d'hommes qui se disent Ecclesiastiques, ou Clergé, religieux, ou moines: & quant à l'idolatrie, nul ne peut auoir communion avec ceste Eglise en aucun acte de religion, qui n'en soit pollué & rendu coupable. Dequoy se plaint-on encore? que nous n'auons point establi nostre religion avec l'autorité qui est conuenable à l'Eglise, & avec telle majesté qu'il est requis. Où sont, demande Sponde, vos Conciles generaux, ou vos Synodes prouinciaux, qui ayent sommé les Catholiques de s'y trouuer, de rendre raison de leur foy pardeuant vous, si c'est vous qui estes ceste vraye Eglise qui foudroye sur l'heresie, ainsi qu'elle a tousiours fait? De là il veut conclurre, que nous ne sommes point l'Eglise: car à quiconque defaut vne seule marque essentielle de la chose qu'il se dit, cestui-là ne l'est point. Or l'autorité a esté donnée à l'Eglise, & est vne marque essentielle d'icelle: parquoy quiconque ne l'aura point, ne se peut dire l'Eglise. Je ne vueil contredire à tout cecy, estant entendu de l'Eglise visible, militante, & administrante: veu que les familles des Chrestiens sont Eglises, tant à raison de la forme interieure, qui est la foy & saincteté, que pour les exercices priuez & parti-

386    RESPONSE A I. DE SPONDE,  
culiers de religion qui s'y font : & neantmoins  
chacune n'a point iurisdiction ou administration  
de la parole de Dieu, des Sacremēs, & de la discipline,  
qui sont exercices publics de l'Eglise, & esquels tous ensemble gist la forme exterieure &  
visible d'icelle. Entrons plus auant, quicōque n'a  
point iurisdiction Ecclesiastique, n'est point l'E-  
glise de Dieu. Or selon Spōde, nous n'auons point  
ceste iurisdiction : si nous l'auions, nous en vseriōs  
enuers les heretiques, & enuers ceux que nous  
tenons tels. Or nous ne le faisons pas : car elle gist  
non moins à les appeller en iugement & les ouir,  
qu'à les condamner : le dernier ne pouuant estre  
legitime sans le premier, il s'ensuit donc, ou que  
nous en sommes desgarnis, ou que nous sommes  
condamnables, n'y procedans pas selon l'ordre e-  
stablī de Dieu. Je respon à la seconde partie de  
cest argument, que si l'Eglise n'employe son au-  
thorité enuers tous, elle ne l'exerce nullement,  
c'est se mesconter & mesprēdre, par ceste caption  
qui s'appelle à *dicto secundum quid*, ad *dictum sim-  
pliciter*, quand ce qui est donné au regard de quel-  
ques vns, nous le voulons attribuer pour tous :  
veu que la iurisdiction de l'Eglise ne regarde ; &  
n'a esté donnee que pour ceux de dedans, & non  
pour ceux qui sont dehors, 1. Corinth. 5. vers. 12.  
Qu'ai-ie affaire de iuger aussi de ceux qui sont de  
dehors ? ne iugez-vous pas aussi de ceux qui sont  
de dedans ? mais Dieu iuge ceux qui sont de de-  
hors. La censure Ecclesiastique s'estend seulemēt  
à ceux qui sōt de l'Eglise, Dieu en a garni ses mi-  
nistres, à fin qu'ils l'exercēt enuers ceux qui sont

de sa famille : car ceste correction est vne partie de la discipline, qui est contenue dans les limites des domestiques, ou qui l'ont esté, & laquelle ne paruiet point iusqu'aux estrangers: à ceste cause il a esté bien dit, Eccles. 10. que le iuge sage, iugera son peuple. Venons à l'application. Or sans doute ceux de l'Eglise Papale sont de dehors, pourquoy donques les iugerions-nous ? & combien que les diables mesmes ne sont point exépts du iugemēt de la parole qui est commis à l'Eglise, toutesfois il est question maintenant de la iurisdiction qui luy appartient proprement, c'est à dire, non du iugement de simple condamnation, selon lequel il est dit, Iean 3. qui ne croit point il est desia iugé, ayant en soy vne cause manifeste de perdition & sentēce de mort, mais d'un iugement de discussion, d'inquisition & examen, & où on tient quelque procedure & formalité. En ce sens donques nous pourrions dire, que nous n'auons aucune autorité de sommer les Romanistes de se trouuer en nos Synodes & Conciles, pour rendre raison deuant nous de leur foy, ils sont reservez à vn autre iugemēt. Que si quelqu'un trouue ceci dur, d'autant que les heretiques mesmes sont tirez au iugemēt de l'Eglise, qui en quelque sorte sont dehors, il a dequoy s'appaiser: que tels deuant les hommes ne sont estimez separez & estrangers, iusqu'à tant que leur pertinacité ait esté manifestee, par les admonitions & exhortations de l'Eglise: & ainsi iusqu'à l'heure ils sont dedans. Mais il n'y a pareille raison de ceux qui se disēt Catholiques Romains, car ceux-là n'errent qu'en quel-



ques poinçts, & ceux-cy presque en tous: & pour ce regard sont sēblables aux Turcs, Ameriquains, & Iuifs: les autres pechent avec scandale, & pour cela ont besoin de deux choses, d'instruction, & de correction, ou censure, pour en faire reparation. Ceux-cy pechent de coustume, par imitation & tradition des anciens, & en grand nombre & multitude, & à ceste cause n'ont besoin que d'instruction, soit qu'ils la reçoivent par exhortations, presches, & leçons, soit par conferences & disputes es Synodes, escoles, & deuis familiers, soit par escrits & liures: ce qu'on ne refuse aussi aux heretiques, declarez & iugez tels, qui depuis ceste declaration sont cognus & monstrez estre dehors, & sur lesquels comme sur tous autres qui ne sont du corps de l'Eglise, les Pasteurs ont autorité indirectemēt, entant qu'ils exhortent & defendent aux fideles de n'auoir communication en ce qui touche la religion avec eux: & c'est ceste autorité & ce glaiue que nous desgainōs enuers les idolatres, soit Papistes, soit autres estrangers. Mais accordons-leur qu'ils soyent domestiques, qui a enseigné Sponde, que tous ceux qui ont droit en quelque bien, en ayent la iouissance & possession quand & quand? ce n'est pas ce que dit saint Paul aux Galates, chap. 4. ver. 1. que l'heritier pupille, n'est different en effect du seruiteur: & que de la puissance & autorité à l'acte, la consequence soit bonne en tous. Ne se souuenoit-il pas de ce qu'il auoit veu, que l'autorité du magistrat empesche quelquefois l'effect public de la puissance de l'Eglise? tant en l'administration des Sa-

cremens qu'és censures & excommunications? c'est donc bien fait à Sponde, de restraindre comme il fait puis apres, l'exécution de ceste authorité en toutes ses parties, & principalement en la conuocation des Synodes, pour extirper les heresies, y appeller les heretiques & les y conuaincre, au temps que les Empereurs & Rois ont esté Chrestiens. Si Sponde eust considéré qu'en France nous auons eu le conseil des Rois, qui les a destournez & dissuadez de faire des assemblees Ecclesiastiques en leur Royaume, pour y vider les differēs d'aujourd'huy par la parole de Dieu, & par icelle mesme y examiner les doctrines du Pape, & y dresser la police & discipline de toutes les Eglises de France, à laquelle tous les regnicoles fussent suiets : il ne demanderoit pas où sont nos Cōciles, qui ayent sommé les Catholiques de s'y trouuer, & ne s'esbahiroit pas de voir nostre confession de foy, & non pas nostre autorité sur ceux qui ne l'obseruent pas : c'est à dire, sur ceux qui ne veulent point subir le ioug de Iesus Christ que par contrainte & peines corporelles, que le magistrat seul ordinairement fait sentir aux rebelles. Ce qui n'a esté fait en France, l'a esté ailleurs, n'y a-il point eu Synode & disputes publiques à Berne? que ie ne parle d'un infinité d'autres lieux où la reformatiō est receuë, par la grace de Dieu. Par l'autorité du magistrat souuerain de ce Canton, ne mande-il pas aux Euesques voisins, de Constance, de Basle, de Sion, de Lausane, de s'y trouuer avec leurs Theologiens? sur peine de perdre les possessions & biens qu'ils auroyēt en leurs

terres & seigneuries ? mais nul ne s'y trouua de la part des Eueſques : car ils n'auoyent dequoy tenir. Sleidan liure 6. de son histoire. Et cest esprit malin n'auoit-il perdu toute honte, quand il escriuoit ces mots, où est le soin que vo<sup>s</sup> auez de ceux que vous tenez pour desuoyez ? vne infinité de Martyrs ne se leueront-ils point en iugement contre luy ? pourquoy ont-ils espandu leur sang, & exposé leur vie, que pour seruir tant à la gloire de Dieu, qu'au salut des hommes qu'ils voyoyēt s'en aller à perdition ? quelle plus grande amour, quel plus grand soin, que de mettre sa vie pour les deliurer, en les enseignant, reprenant & exhortant ? & d'où venoit Sponde, d'estre si nouueau en l'histoire presque de son temps, de demander où sont les serieuses conferences que nous auons tenues, avec ceux que nous tenons pour desuoyez ? & combien en recite Sleidan auoir esté faites en Allemagne comme à Lipſe, Ratisbone, Smalcade, & autres lieux ? En France, auons-nous esté sans conferences particulieres ? aucunes mesmes redigees par escrit ? Il y en a eu vne publique & autorisee par la majesté du Roy, celle de Poissi, l'issue de laquelle doit faire rougir de honte toutesfois qu'ils en oyent parler, ou qu'elle leur vient en la memoire, ces mitres, chappeaux rouges, & chapeurons fourrez, car ils n'oublierent rien que de dire à Dieu. Il ne se peut tenir de declarer ce qui a fait tousiours mal au cœur à ces messieurs, & qu'ils ont fui cōme leur plus grand ennemi (Tertullien les appelle & leurs semblables *lucifugas scripturarum*.) l'Eſcriture qu'ils ne veulent recognoistre

pour iuger des differens, & fondemēt des dogmes & articles de foy. De là sort ceste demande, quand on vient aux disputes, que nous dites-vous ? L'E-  
 scriture est nostre seul fondement, & pourquoy non ? quelle conditiō dure mettons-nous sur vous par ce moyen, qui n'ait esté trouuee tresiuste, par tous ceux qui ont seulement eu quelque goust & sentimēt de la pieté ? Les Peres du Concile de Nicce ne s'opposent à l'exhortation que Constantin leur fait, ains se reiglent à icelle, qui reuiert à ceci qu'ils prennent l'exposition de leurs questions des paroles du S. Esprit. Les propres mots que Theodorit luy fait dire, sont ceux-ci, liu. i. chap. 7. *In disputationibus rerum Diuinarum habetis sanctissimi spiritus doctrinam perscriptam. Evangelici enim & Apostolici libri, necnon antiquorum Prophetarum oracula, planè instruunt nos sensu numinis : proinde sumamus ex dictis diuini spiritus explicationes questionum.* Voyez Sozom. liu. i. chap. 17. ceste sentence de S. Basile, en l'epist. 80. à Eustathius medecin, conuiert par tout à l'exhortation & remonstrance dudiēt Constantin. Nous n'estimons point qu'il soit iuste de faire la coustume receuë entre quelques vns, reigle & loy de la doctrine droite : parquoy qu'on establisce l'Ecriture diuinement inspirée, pour arbitre & iuge, & qu'on donne à ceux qui auront leur doctrine conforme & accordante à la parole de Dieu, la louange & tesmoignage de verité: *Scriptura Diuinitus inspirata, arbiter a nobis constituatur, & apud quos inuenta fuerint dogmata Diuinis sermonibus concordantia, his omnino etiam veritatis suffragium accedet.* S. Augustin au liure de

l'vnité de l'Eglise, chap. 3. ne parle autrement. Ne receuons point ceste façon de preuue, le di cecy, tu dis cela, mais receuons ceste-ci, le Seigneur dit ainsi: car il y a certains liures du Seigneur, par l'autorité desquels il nous faut vider nostre different. Nonobstant tous ces tesmoignages, Sponde ne peut se resoudre & acquiescer à la verité, ains pour molester les enfans de Dieu, & la leur faire perdre, s'il pouuoit, il tasche l'obscurcir de doutes, scrupules & questions. Dequoy vous sert, dit-il, de gloser tât sur ceste Escriture, s'il n'y a que la seule Escriture qui vous serue? qu'on remarque le venin de ce serpent, qui oppose l'exposition de l'Escriture à l'Escriture, & veut faire entendre que ce sont choses differentes ou contraires. Or il est certain que le sens de l'Escriture, quoy que rendu par autres mots, n'est autre chose que la parole de Dieu & ladicte Escriture: qui a esté l'opinion d'Irenee, lib. 3. cap. 12. *Ostensiones que sunt in Scripturis, non possunt ostendi, nisi ex ipsis Scripturis.* Les choses qui sont contenues és Escritures, ne se peuuent declarer que par les Escritures, c'est à dire, que l'exposition vraye & pure, n'est autre chose que ladicte Escriture. Tertullien liu. de la resurrection de la chair, parle ainsi: *Communes sensus Scripturae simplicitas ipsa commendat, & compassio sententiarum, & familiaritas opinionum, eoque fideliores existimantur, quia nudi & aperta & omnibus nota definiunt.* Rario autem Diuina in medulla est, non in superficie, & plerumque amula manifestis. La simplicité de l'Escriture, la liaison du propos, & la facilité des dogmes & articles, nous baille & fournit

le sens commun d'icelle, pour l'intention du Seigneur: elle ne consiste point en la surface, mais en la mouëlle, & quelquesfois n'est autre chose que ce qui est manifesté par la lettre. Et au mesme liure en vn autre endroit. Oste aux heretiques ce qu'ils ont de commun avec les Payens, à fin que des seules Escritures ils arrestent leurs questions, & ils ne pourrôt subsister. Les propres mots sont, *Aufer hæreticis quæ cum Ethnicis sapiunt, ut de Scripturis solis quæstiones suas sistât, & stare non poterūt.* C'est ce qui a meu le mesme de prononcer au lſu. de la prescription cõtre les heretiques: *Nulla vox Diuina ita dissoluta est & diffusa, ut verba tantum defendantur, & ratio verborum non constituatur.* Et en autre part du mesme liure: *Tantum veritati obstreperit adulter sensus, quantum & corruptior stylus.* Le sens de l'Escriture corrompu, est aussi contraire à la verité, que les mots d'icelle falsifiez. Et plus bas, *Alius manu scripturas, alius sensu expositiones interuertit.* Les vns soustrayant les Escritures de la main, les autres par les sens & exposition qu'on leur donne. Apres luy S. Hierosme a escrit contre les Luciferiens: *Non in legendo, sed in intelligendo scriptura consistunt.* Les Escritures ne sont pas ce qu'on lit, mais ce qu'on entend. Et sur le 1. chap. des Galates: *Non in verbis Scripturarum est Euangelium, sed in sensu:* l'Euangile n'est pas és paroles d'Escritures, mais au sens. Parquoy la force & l'essence, & s'il faut dire ainsi, l'ame des saintes lettres, consiste en l'intelligence vraye tiree d'icelles. Ouy, dit Spõde, en la pag. 107. mais c'est à la seule Eglise à la donner. Nous pouons douter, mais el-

le seule peut resoudre, contre laquelle si nous prononçons noz opinions, nous reiettons Dieu mesme, car il est expressément dit : Qui vous mesprise, il me mesprise. Il n'est point question maintenant qui doit exposer les Escritures, mais comment il les faut exposer. Or nous disons que c'est par elles-mesmes qu'il le faut faire. Chryl. hom. 13. sur Genes. *Oro, & obsecro, ut omnibus auribus preclusis, ad amussim canonem sacra Scriptura sequamur: Scriptura enim seipsam exponit, & auditorem errare non sinir*: l'Escriture s'expose soy-mesme, & empesche que l'auditeur n'erre. A ces Escritures les Anges, & à plus forte raison les hommes, sont subiects, Gal. 1. 1. Pierre 1. Ephes. 3. Basile en ses morales summe 72. chap. 1. Il faut que les auditeurs qui sont apprins és Escritures, espreuuent les choses qui sont dites par les Docteurs, & reçoient ce qui est conforme à icelles, reiettent au contraire ce qui en est estrange & esloigné: car l'Apostre a dit, Que si vn Ange descendoit du ciel, & nous preschoit autre Euangile, nous le deuons auoir en execration. C'est donc du deuoir de l'Eglise, ou Docteurs d'icelle, d'enseigner & resoudre: mais ils sont aussi astraints & obligez à n'apporter que le sens des Escritures, & ce qui a esté enseigné par Iesus Christ les Prophetes & Apostres. Origene sur les Rom. chap. 3. Nous deuons prendre garde que quand nous enseignons, nous ne proferions point noz propres & particuliers aduis, mais celuy de l'esprit de Dieu. Tertullien au liu. de la prescription contre les heretiques, Nous auons les Apostres pour auteurs, lesquels n'ont rien apporté du leur, qu'ils



eussent controuué & agréé, mais ont fidelement  
 consigné aux peuples la discipline qu'ils auoyent  
 receuë de Christ: parquoy encore que ce fust vn  
 Ange du ciel qui euangelisat autrement, nous di-  
 rions qu'il est execrable. *Apostolos Domini habemus  
 authores, qui nec ipsi quicquā ex suo arbitrio, quod  
 inducerent, elegerunt, sed acceptam à Christo discipli-  
 nam fideliter nationibus assignauerunt.* Cecy est prins  
 tant du 1. des Galates, que du 28. de saint Math.  
 vers. 19.20. Sainct Ambroise au 1. liu. des offices,  
 & au liu. 4. de la Virginité, pronōce le mesme: *Nos  
 noua omnia qua Christus non docuit, iure damnamus,  
 quia fidelibus via Christus est.* Suiuant ces sentences  
 ie di, que ce n'est reietter Dieu, ou mespriser Iesus  
 Christ, de nous opposer (sentant autrement) par les  
 Escritures, aux docteurs de l'Eglise qui errent, voi-  
 re à tout vn Concile. Ambrois. liu. 4. de la Virgini-  
 té, *Si Christus non docuit quod docemus, etiam nos id  
 detestabile iudicamus.* Panormitan escrit en ceste  
 sorte, tit. de elect. can. significasti. *Plus credendum  
 est vel simplici laico Scripturam proferenti, quam toti  
 simul Concilio:* Il faut plustost croire, ie di à vn sim-  
 ple lay, qui profere l'Ecriture, qu'à vn Concile as-  
 semblé. Parquoy Sponde n'a dequoy tenir: & tou-  
 tes fois n'ayant point appris de Nazianzene, que  
 c'est pareil honneur de se laisser vaincre, que de  
 vaincre par raison, il regimbe, & nous accuse d'or-  
 gueil, & d'un amour de nous-mesmes. Nous vou-  
 lons, dit-il, qu'on face compte de nous, & non pas  
 d'autrui. Si nous cerchions de nous autoriser, &  
 nostre sens, iugement & raisons, la plainte seroit  
 iuste: mais en esleuant la dignité des Escritures, &

soufmettant nostre doctrine à l'examen d'icelles: ne baillōs-nous point pareille puiflance au moindre de l'Eglise sur nous, que nous la prenons sur les autres? Mais n'y a-il eu personne plus sage & plus entendu, ou pour le moins si sage & si entendu que nous? Ouy, mais tels n'ont esté ouïs au milieu du bruit & coaxation des grenouilles, qui sont dans l'abyfine de la Papauté. On leur a fermé la bouche, on les a descriez comme heretiques, on a bruslé leurs liures. La décision (murmure-il encore? de noz doutes a-elle son cōmencement en nous? non: mais quels canons des Conciles anciens sont demeurez en son entier, sous ce regne infernal de l'Antechrist? n'est-il pas besoin aussi de dire & definir en hypothese, ce qui a esté decidé en these? Il faut en fin que nostre malicieux coulore son impudence & ignorance par quelque passage. La parole de Dieu est-elle procedee de nous? ou est-elle paruenue tant seulement à nous, non plus qu'aux Corinth. comme leur disoit saint Paul, 1. Cor. 14. vers. 36. nenny: si nous regardons les caracteres: mais pour l'autorité & seus qui le combat, plus que ceux qui se disent Catholiques, pour l'usage & lecture & exposition familiere & vulgaire. Quels Iuifs mesprisēt plus ces choses que noz Chrestiens Romanistes? s'ils le nient, leurs liures, sermons, theses, & Conciles les dementiront. Que reste-il donc à respondre? Ce seul mot, Encore faut-il sçauoir & cognoistre celuy, ou ceux qui parlent de l'Escripture & qui l'exposent? que ceste recharge est inepte! & si Dieu nous a voulu cacher plusieurs des instrumens, desquels il s'est serui pour escrire

sa parole, quel inconuenient que nous ne cognoissions pas, ny de nom, ny autrement, ceux lesquels il employe pour la nous exposer? n'est-ce pas deferrer aux hommes quelque portion de l'obeissance de foy que nous deuons à Dieu? Sainct Paul ne deteste-il point vn tel sacrilege? 1. Cor. 2. vers. 4. Ma parole & predication n'a point esté en paroles attrayantes de sapience humaine, mais en euidence d'esprit & de puissance: à fin que vostre foy ne soit point en sapience des hommes, mais en puissance de Dieu. Sponde s'esmeruille & est troublé, de ce qu'il trouue plusieurs passages de l'Ecriture exposez d'une façon toute nouuelle, & dont on n'auoit iamais ouy parler: que s'il y auoit encore de la conformité entre tous ceux qui s'en meslent, ce seroit quelque honneste couuerture, à tant de maux qui procedent de nos diuisions, mais chacun a sa ceruelle. Par ces mots il veut infirmer nostre dire, à sçauoir, que nous ne sommes point la vraye Eglise, d'autant que nous n'auons point le vray & naïf sens des Escritures. La raison est double, l'une, parce qu'il est nouueau: l'autre, d'autant qu'il est particulier. Mais nous nions l'un & l'autre: car ceste doctrine & exposition seule est nouuelle, par le témoignage de saint Ambroise, que Iesus Christ n'a point enseigné. La conformité & consentement est aussi de nostre costé, tant avec les Peres anciens qu'avec ceux de ce temps, qui sont en diuers païs, où Dieu a freschement recueilli son Eglise. Si les interpretations ne respondent en tout & par tout l'une à l'autre, ceste difference ne regarde & n'est iusqu'au renuersement d'aucun article de nostre

foy, si ce n'est pour l'article de la consubstantiation, qui est vne des testes de ce monstre & hydre de transsubstantiation, comme nous auons dit ailleurs. Nous disons neantmoins, que quand tout le monde, & tous les hommes seroyent contraires à nostre doctrine, qu'il ne faut iuger par ceste repugnance qu'elle ne soit de Dieu : comme ainsi soit que Simeon homme iuste, craignant Dieu, & sur lequel estoit le saint Esprit, ait predict à la vierge Marie mere de Iesus, qu'iceluy seroit en signe à qui on contrediroit, Luc 2. vers. 34. le consentement seul avec l'Eglise Apostolique & primitiue, & la conformité & conuenance avec les lieux de l'Escripture & articles du Symbole qui sont faciles & aisez à vn chacun, quant aux sens & mots tresdifficiles : au reste quant à y croire & en estre bien persuadez, de la verité & fruiet d'iceux, est ce qui distingue le vray du faux, & est la pierre de touche du sens & exposition des Escriptures, & de la doctrine à laquelle il faut adherer. Sponde nous accorde bien ce consentement en negation, car tous d'un accord nous disons, que les Catholiques Romains ne sont point l'Eglise, ny moins encore leurs Euesques : mais nous sommes differens, quand il est question de toucher au blanc, & d'affirmer qui est cestui là qui enseigne auourd'huy l'Eglise : car vn Saxon dit, que c'est Luther : vn de Zurich, Zuingle : vn de Geneue, Calvin. Or pas vn de ces trois ne s'accorde que fort peu, chacun traite & allegue l'Escripture, chacun se vante d'auoir l'esprit de Dieu & de l'inuoquer, chacun a ses protecteurs & ses auditeurs. Soit ainsi par concession, car il est tres-

certain, que ces trois s'accordent aux principaux chefs de doctrine fondamentale, & *plura coniuncta unum corpus reputantur*. Et nous auons desia respondu au poinct principal : s'ensuit il que ceste diuersité serue d'exculc à ceux qui ne secouëront le ioug de l'Antechrist, & ne sortirôt de Babylone? n'est-il pas commandé d'esprouuer les esprits, 2. Thess. 5. & 1. Iean 4. Nous ne disons pas qu'il en faille plustost croire à l'un qu'à l'autre, mais il conuient regarder apres estre sortis de cest abyssinè d'idolatries & blasphemies, en quelle Eglise particuliere se trouue plus de pureté, en doctrine, & seruice externe, qu'en vne autre: ce qui n'est incōuenient, car la mesme proportion & correspōdance qu'il y a d'un fidele & membre particulier à vne Eglise, la mesme se trouue d'une Eglise particuliere à toute l'Eglise Catholique & vniuerselle. S. Iean qui escrit à sept Eglises. S. Paul aussi à l'Eglise des Romains, Corinthiens, Galatiés, Ephesiens, Colossiés, Philippiens, Thessaloniens & Creteins, ne les met toutes en mesme degré de pureté, en doctrine, & sainteté, en mœurs & vie: & d'autant que *sola quantitas, non facit differre specie*, elles font vn corps d'Eglise: & quiconque est membre de l'une, l'est aussi de l'autre. Ce ne sont aucuns seulement qui parlent & le cōfessent ainsi, ou disent hardimēt & à pleine voix qu'ils ne suiuent ny Luther, ny Zuingle, ny Caluin: ains c'est le langage de tous ceux qui sont de la confession des Eglises reformees de France, Suisse, & Allemagne, qui s'accordent aussi en ce propos & sainte affection, qu'ils ne suiuent que l'Esriture sainte. C'est bien fait, dit Sponde, car

c'est la parole de Dieu viuant : mais si les mesmes difficultez qui ont trauerſé les esprits de ces Docteurs, à ſçauoir Luther, Calvin, &c. vous trauail-  
lent, qui vous eſclarcira? Reſponſe, nous ne liſons point qu'ils ayent laiſſé aucun poinct indeciz ou en doute, & lequel n'ait eſté traitté par eux, ſelon la grace qu'il a pleu à Dieu leur en faire. Et quand ce que dit Sponde nous aduiendroit, nous n'auons que la meſme Eſcriture, à laquelle on doiue auoir recours, & qui ſoit pour appaiſer nos conſciences, & reſoudre nos penſées des difficultez & queſtions qui ſ'eſmeuent. Nous ne nions pas neantmoins, que ce ne ſoit vn œu-  
re de l'Eſprit de Dieu, d'eſclarcir & perſuader: mais il ne ſe communique point ſinon à ceux qui par prieres, interroguent & ſondent les Eſcritures. C'eſt donc vne reſpoſe maligne & fauſſe, de dire que ceſt Eſprit, que chacun allegue, n'eſt pas donné à tous : & tel le demande, à qui Dieu ne l'accorde point. Mais n'auons-nous pas vne promeſſe de Ieſus Chriſt, toute contraire à ce propos? Luc 11. verſ. 13. Si vous donc combien que vous ſoyez mauuais, ſcauez donner à vos enfans choſes bonnes : combien plus voſtre Pere celeſte donra-il ſon ſainct Eſprit, à ceux qui luy demandent? Oppoſer maintenant, que Dieu qui eſt iuge de nos prieres, cognoiſt qu'il n'eſt pas expedient à tous, qu'eſt-ce que mettre le ſainct Eſprit & ſes dons ſalutaires, entre les choſes indifferentes? deſquelles on peut vſer ou abuſer, & qui ne ſont pas neceſſaires? duquel apres l'Apoſtre ſainct Paul aux Romains chap. 8. Sainct Ber-  
nard

nard parle bien autrement, de *sancto Andrea serm.*  
 2. *Queramus hunc spiritum, fratres, tota sollicitudine*  
*operam demus, ut mereamur habere hunc spiritum:*  
*imò ut quem iam habemus, abundantius habeamus:*  
*quicumque enim spiritum Christi non habet, hic non est*  
*eius. queramus igitur, ut dona sua multiplicet Deus in*  
*nobis, ut spiritum suum augeat, qui iam primitias de-*  
*dit. Sed fortasse multorum nobis consciëntia iam respon-*  
*dent: desideramus quidem hunc spiritum, qui sic adiu-*  
*uet infirmitatē nostram, sed inuenire non possumus: &*  
*ego dico propterea non inuenitis, quia non queritis: pro-*  
*pterea non accipietis, quia non petitis: & non accipietis,*  
*èò quod negligenter petatis: nihil enim aliud expectat,*  
*nihil aliud querit Deus, nisi ut sedulo & cum desi-*  
*derio requiratur. denique quando negabit petentibus,*  
*qui etiam non petentes prouocat & hortatur ut petant?*  
*Math. 7. Petite ergo, charissimi, petite sine intermis-*  
*sione, petite sine hesitatione in omnibus operibus ve-*  
*stris, dulcissimi semper huius, ac suauissimi spiritus*  
*presentiam & auxilium inuocate. Clement d'Ale-*  
*xandrie nous assure, que la priere par laquelle*  
*nous demandons la cognoissance de Dieu, qui*  
*ne peut estre que par le saint Esprit, moyen-*  
*nant l'inquisition des Escritures) est exaucee,*  
*is qui sic petunt interrogationes per scripturas ( id*  
*quodquidem à Deo contendunt) fit donatio diuinitus*  
*data cognitionis comprehendendo per rationalem que*  
*verè lucet inquisitionem initio lib. 8. Stromatum. Theo-*  
*philaëte sur saint Luc, chap. 11. declare encore*  
*mieux, que la cognoissance des mysteres de la*  
*foy est chose necessaire, & de celles qu'il faut de-*  
*mander à Dieu sans condition, intellige hic quod pa-*



*nem petat, omnis qui fidem in trinitatem & rectitudinē dogmatum reuelari sibi petit, hac enim cor sicut panis confirmant.* Ces telmoignages conuiennent avec S. Iaques chap. 1. vers. 5. si quelqu'un de vous a faute de sapience, qu'il la demande à Dieu, & elle luy sera donnée. Sponde nonobstāt noz protestations & noz faits, nous veut forcer de confesser, que nous sauiions la doctrine de l'un des trois susnommez: car nous n'oserions aduācer vne autre doctrine de nostre teste, à peine d'estre bien viuement censurez, comme inuenteurs de nouueautez, d'autant que les controuueurs de doctrines sont censurez entre nous, & nullement tolerez: s'entuit-il que nous soyons astraincts à ce que ou Luther, ou Zuingle, ou Caluin aura dit? appellons-nous doctrine nouuelle, ce qui n'aura esté presché ou escrit par quelqu'un d'iceux? nous les suiuous en ce qu'ils enseignent la doctrine de Iesus Christ & des Apostres, & les recognoissons pour de grādes lumieres de ce dernier temps, qui nous ont esclairé au chemin de salut: & nonobstant s'ils ont dit quelque chose contraire aux Ecritures saintes, & ont erré en quelque poinct, estsās hommes suiects à faillir, nous les refutons, & nous departons en cela d'eux. En vn mot nous ne les tenons pour auteurs de la doctrine laquelle nous embrassons, car elle est de Dieu: ains seulement pour Ministresp, rescœurs, anonciateurs d'icelle. Ceux-là donc ne se demettent par effect, qui disent, qu'ils ne suivent, ny Caluin, ny Luther, ny Zuingle, encore qu'ils ne veulent aduancer autre doctrine de leur teste, que celle qu'ils ont apprinse de ces docteurs: car cela s'en-

tend de ceste doctrine qui a fondement és Escritures. Cestui-là par les reigles de Dialectique ne se contredit, qui parle ainsi : Je sui Calvin, & ie ne le sui pas, car on afferme pour vn regard, & on nie par vn autre. Mais nostre Prothee qui se change en diuerſes formes, pour eschapper, maintenant fait semblant de se ranger à quelque raison. Nous ne sommes point, dit-il, en debat de l'Escriture, ie la confesse toute. Voicy le refrein, Nous ne sommes en peine que pour le sens, soit en la lettre, soit en la figure. Si nous ne sommes en different pour l'Escriture, nous ne le pouuons estre pour le sens: qui n'est autre chose que l'Escriture, & qui est facile & clair. Basile en l'homel. 2. de l'action de graces page 162. que le commandement de Dieu t'accompagne, lequel te baille sa liesſe, quelque lumiere & clarté, pour faire iugement & distinction des choses. L'autheur du commen. sur les Pſeaumes qu'on attribue à Basile, sur le Pſeau. 119. vers. 127. la sainte Escriture accommode ses paroles à la capacité des hommes. Il n'est pas possible de parler plus expressement en ceste affaire, que Chrysostome sur la 2. aux Theſſ. chap. 2. exposant ces mots: Ne vous souuenez-vous point que quand i'estoy' encore avec vous, ie vous disoy' ces choses? *Ingre diamur in Ecclesias cum honore competenti, & qua dicuntur, audiamus cum timore: ad quid, inquis, ingredior? si non aliquem sermocinantem audiero? istud omnia perdidit & corruptit. Quid enim opus est concionatore? per nostram negligentiam necessitas ista facta, quamobrem namque concione opus est? omnia clara sunt & plana ex Scripturis diuinis, quaecunque necessaria sunt, manifesta*

*sunt, &c. sed ignoro, inquis, quæ in diuinis Scripturis posita sunt. quamobrem? num enim hebraicè? num latinè? num alio externo idiomate probata sunt? non Gracè dicuntur? at obscure, inquis: quæ est ista obscuritas, dic quas? pretextus sunt ista & inania verba.* C'est à dire en vn mot, que toutes choses sont si aisees & familières prinſes des Eſcritures ſainctes, & principalement celles qui ſont neceſſaires, qu'il n'eſt pas beſoin de preſcheur, mais de lecteur ſeulement. Sainct Auguſt. n'eſt d'autre aduiſ, liu.2. de la doct. Chreſt. chap.9. *In his quæ in Scripturis apertè poſita ſunt inueniuntur illa omnia, quæ continent fidem morèſque viuendi, ſpem ſcilicet atque charitatem.* Apres tous ces teſmoignages, qui fera doute de receuoir & recognoiſtre l'Eſcriture pour iuge, des controuerſes de la religion. Moy, dit Sponde, car il n'y a eu iamais preſque heretique, qui n'aye fait bouclier de l'Eſcriture. Quoy pourtant? Encore que le Diable ſe ſoit ſerui de la parole de Dieu, mutilee & tronquee tentant Ieſus Chriſt, ceſte parole & Eſcriture a-elle eſté renduë moins propre à rëuerſer ſes deſſeins, & deſcouurir la fauſſetë de ſes conſeſſions & mauuiſe application? nenny: car Ieſus Chriſt par la meſme Eſcriture luy monſtre, tant ce qu'il auoit omis en ce paſſage, que le vſay ſens & intelligence d'iceluy, la malice du Diable & peruerſitë de tous les heretiques & Sophiſtes, ne pourra faire que la parole de Dieu ne ſoit le glaiue de l'eſprit Eph. 6. & Apocalyp. 1. & Hebr. 4. & ne ſoit toute lumiere, Apocalyp. 1. Pſeau. 19. & Pſeau. 119. Chryſoſt. ſur la 2. à Tiimot. chapitre 3. ſur ces mots: *Quæ inſtruere te poſſunt ad ſalutem, quippe & quæ a-*

genda sunt docent Scriptura, & qua non agenda: audi denique quid alibi hic idem Apostolus dicat, confidis te ipsum ducem esse cecorum, & vides ut lux in tenebris suis qui literas docet? si lux litera est qua occidit, quid erit spiritus qui lucem facit? Si vetus testamentum lux est, quid putamus nouum, ubi tanta reserata sunt? velut enim si quis nihil aliud scientibus quam terram aperiret cælum & qua in eo sunt omnia conspicanda proponeret, tanta est utriusque testamenti differentia. Faute d'auoir remarqué ces tesmoignages, Sponde non seulement se descouure menteur & imposteur, produisant Theodoret, qui chante bien autrement, lib. 1. chap. 7. & notamment ne cele, que Constantin ayant parlé en ces mots au Concile. *Summus ex dictis diuini spiritus explicationes questionum.* La plus grande partie de l'assemblée y a consenti, (his) assensus maxima conuentus partis accessit, & inter se cōcordiam & sanitatem dogmatum constituerunt: mais aussi du mensonge est emporté en blasphème, disant, que le Concile de Nicee composé de tant de saints Peres, ne fust venu iamais à bout des Ariens, par les allegations de la seule Escriture, & qu'autrement il n'eust iamais esté iour parmi tant de tenebres, & n'y eust eu de resolution parmi tant de presumption: qu'est-ce demêtir l'esprit de Dieu & l'accuser de caption & ambiguïté, si cela ne l'est? car Iesus Christ a prononcé, que l'erreur venoit de l'ignorance des Escritures, Matth. 22. vers. 29. combien parle plus droictement & religieusement desdites Escritures saint Augustin liu. 3. *Contra Max. cap. 14. Scripturarum autoritatibus non quorumcunque propriis, sed virisque communibus testibus,*

*res cum re, causa cum causa, ratio cum ratione concertet.*  
 Il desire que la dispute le face & termine par les  
 Escritures, tesmoins communs, & qui ne doiuent  
 estre suspects, ny aux Atrien, ny aux Orthodoxes,  
 en opposant cause contre cause, faict contre faict,  
 raison contre raison. Ce n'est pas donc comme  
 veut Sponde, que dans le conflict que les Catholi-  
 ques ont eu au concile de Nicee, leur dernier &  
 souuerain refuge a esté à la tradition successive  
 de ceste intelligence depuis les Apostres, c'est à  
 dire, que l'Ecriture ne se peut faire entendre el-  
 le-mesme. ce qui a esté refuté auparauant. Item,  
 que le sens & interpretation des passages de l'E-  
 criture obscurs, & desquels on debat, ne se doit  
 confirmer par autres passages, mais qu'il suffit d'a-  
 uoir l'autorité des hommes en leur exposition. Or  
 saint Augustin en ce 3. liu. contre Maximinus, &  
 au mesme chap. escrit, que les Peres y ont bien pro-  
 cédé autrement, *Pater ergo & Filius, unius sunt eius-*  
*demque substantia: hoc est illud homousion, quod in*  
*concilio Niceno aduersus hereticos Arianos, verita-*  
*tis auctoritate & auctoritatis veritate firmatum est.*  
 C'est par la verité que ce passage d S. Iean, Moy  
 & le Pere sommes vn, a esté entendu de l'vnité de  
 substance qui est au Pere & au Fils, & non par sim-  
 ple autorité. Sponde veut dire en fin, que la do-  
 ctine non escrite, qui vient des Apostres par tra-  
 dition & succession, est plus intelligible que la do-  
 ctine escrite: qu'elle est plus certaine & indubita-  
 ble, qu'elle est paruenue pure & entiere iusqu'à  
 nous, & qu'elle est par dessus l'Ecriture, & qu'a  
 icelle l'Ecriture doit estre flechie. Mais comme

nous luy nions toutes ces maximes, aussi faisons-nous qu'il y ait doctrine Apostolique, qui ne se trouue, ou expressement & en mesmes mots escrete, ou qui ne coule & se recueille d'icelle par consequence necessaire, dont la demonstration en est fort aisee: par-ainsi i'affirme, que ceste marque d'exposition, pour sçauoir si elle est bone & vraye, (à sçauoir la tradition successiue de ceste intelligence, ou de ceste-là depuis les Apostres) est à reietter, estant vn vray moyen diabolique pour ietter les hommes en mille erreurs: à ceste cause S. Paul escrit ainsi à ceux de Thessalonique: Or freres nous vous prions, que ne soyez point transportez d'entendement, ne par parole, ne par epistre, comme de par nous, 2. Thessalon. 2. vers. 1. 2. c'est à dire donc que dès ce temps on faisoit courir beaucoup de fausses doctrines, en supposant le nom des Apostres, comme s'ils les eussent enseignees & mises en l'oreille de quelques vns seulement. Que si l'impudence du Diable s'est monstree si effrontee en cest endroit, en la presence & du viuant des Apostres mesmes, qu'aura-il fait apres leur decez? Il n'y a rien plus aisé que de peruertir toute doctrine, si on s'arreste à ces traditions, & qu'on les esleue par dessus les Escritures. La supposition des faux escrits s'en ensuiura, & la corruption des vrais & naïfs, au lieu qu'en toute seureté nous marchons par ces degrez, que ceste est la doctrine Apostolique, qui a esté publiquement preschee & enseignee aux Eglises: & ceste doctrine preschee, est celle qu'ils ont redigee par escrit, & enuoyee aux Eglises distantes & esloi-

gnees d'eux, par missiues : & la marque d'icelles  
 exterieure entre autres est, que mutuellement el-  
 les se confirment & rendent tesmoignage. Ain-  
 si la derniere Epistre de saint Pierre ielle & ca-  
 chette les Epistres de saint Paul, & par vn seul  
 liure saint, l'examen des autres, pour sçauoir  
 s'ils sont vrais ou supposez, naïfs ou corrom-  
 pus, se fait sans crainte aucune de faillir, confe-  
 rant non seulement la matiere & ce qui est traité:  
 mais aussi la façon & style de traiter, de l'esprit  
 de Dieu, qui a le sien propre & peculier, & seant à  
 sa maiesté, & lequel se distingue de soy d'avec  
 toutes autres escritures d'hommes. Cōbien que  
 aussi il ne faille douter, que le mesme Esprit ne ré-  
 de tesmoignage és cœurs des fideles à sa doctri-  
 ne, laquelle il a voulu oster de danger d'estre cor-  
 rompue & falsifiée par l'Escriture fidele gardiēne,  
 tant des mots que des choses, & laquelle aussi im-  
 mediatemēt il nous fait voir, sentir & croire estre  
 du ciel, & de laquelle seule il veut par le ministere  
 & aide des Pasteurs, que nous prenions & puisiōs  
 ce qui est necessaire d'estre sceu à salut. L'infirmité  
 & impuissance de ceste tradition successive,  
 baillee par Sponde pour marque de vraye exposi-  
 tion & intelligēce, a fait qu'il a esté cōtraint d'ad-  
 iouster ceste autre, à sçauoir, le consentement vni-  
 uersel des Docteurs de l'Eglise, lesquels par tāt de  
 siecles, & en tant de lieux se sont tellemēt rencon-  
 trez en vn mesme sens, des plus grāds & douteux  
 passages de l'Escriture qui cōcernent nostre foy,  
 que c'est vn euident tesmoignage de la verité: car  
 il n'y a qu'un esprit, & par cōsequent qu'une seule



& simple intelligence. I'estimoy' que Sponde se deust corriger, mais il, est tousiours semblable à soy-mesme, & au lieu de s'amender, il empire: la precedēte marque estoit telle, qu'il ne bailloit ny n'accordoit rien aux hommes que la tradition: mais en ceste-cy il donne tout aux hōmes, pourueu qu'ils escriuent vne mesme chose. Car quoy qu'ils sentent & disent, à son iugement doit estre tenu pour vray sens de l'Escripture, nonobstant qu'il la combatte & réuerse. S'il ne faut point s'arrester ou faire dependre nostre foy du iugement du plus celebre & œcumenique Concile qui iamaïs ait esté au monde, excepté celuy des Apostres: car S. Augustin disoit à bon droict à Maximinus, Ne m'allegue point le Cōcile d'Arimino, & ie ne t'obiecteray point le cōcile de Nicee, *August. lib. 3. contra Maxim. cap. 14. tom. 6.* non plus le faut-il de plusieurs Docteurs & Euesques, voire de tous: & si des Conciles vniuersels ont erré, l'erreur d'un ne pourra-il point trouuer plusieurs adherens, & en diuers lieux, & en diuers ou mesmes temps? principalement és poincts que la Philosophie & Philosophes conduits de leur raison aueugle, & à ceste cause appelez Patriarches des heretiques, ont enseigné, & ainsi rempli le monde de leur doctrine? Ie sçay bien que ce qui merite le nom de consentement, est vn œuure de l'Esprit de Dieu, qui aussi nous y exhorte, Philipp. 2. vers. 2. *ἵνα ὁμοθυμαδον*: mais pour estre tel, la doctrine Apostolique en doit estre le fondement. Ie sçay aussi que le vray sens d'un passage, ne peut estre qu'un: mais la question est, d'où il faut prendre ceste in-

telligence, ou des Conciles, ou des Docteurs qui s'accorderont, ou bien des Escritures mesmes. Nous l'accordons de celles-cy, & non des autres: parquoy en vn mot, d'autant qu'il a esté parlé és chapitres precedens de cè consentement vniuersel, nous faisons profession avec le mesme sainct Augustin, de ce qu'il enseigne en ces mots : *Omnium scriptorum dicta, iudicanda sunt secundum Diuinam Scripturam, cuius est maior autoritas, quam totius humani generis capacitas: non quòd damnem illustrissimorum Patrum sententiam, sed quòd eos imiter qui proximè Scripturæ accedunt: sed præ omnibus si aperta fuerit Scriptura, eam ipsam amplector.* Où il faut noter, qu'il esleue l'autorité de l'Escriture par dessus la capacité de tout le genre humain, & plus que les hommes ne scauroient comprendre. Item, que ces Peres & Docteurs sòt de tant plus purs & imitables, qu'ils s'approchèt de plus pres de ceste Escriture, qui est la reigle selon laquelle il faut iuger des dictz de tous les escriuains quels qu'ils soyent. En fin qu'és lieux où la parole de Dieu est patente, il la faut preferer à tous autres tesmoignages. Que chacun iuge maintenant si c'est sans autorité mesme des Anciens, que nous-nous reposons du tout sur les Diuins oracles, & encore pouuons-nous dire, que cest appuy qu'il pense trouuer au consentement des Docteurs anciens, pour maintenir les abominations de la Papauté, sera vn roseau cassé qui luy percera les mains, & à ses semblables: Ce qu'il eust peu iuger s'il les eust aussi bien fucilletez & leuz, qu'il en vouloit faire de rempars & cachettes pour s'en couurir, &

defendre par iceux toutes impietez. Or comme il nous reproche, page 115. la profession que nous faisons de vouloir dependre des seuls tesmoignages des Prophetes & Apostres, de mesme veut-il nous oster & à nos Docteurs toute vocation legitime, disant, que ceux qui sont hors l'Eglise Romaine, n'en ont point. Nous ne debattons pas ce qui est tres-vray, qu'on ne peut prescher si on n'est enuoyé, Rom. 10. que tout ce qu'on entreprend en l'Eglise, soit en la doctrine, soit en la police & estat d'icelle sans pouuoir & sans enuoy, n'est que attentat & presomptiō: car l'ordre, la paix & tranquillité, ne doit auoir moins de place en la maison de Dieu, qu'au reste du monde, 1. Corinth. 14. mais nous nions que ceux desquels Dieu s'est serui, pour repurger les Eglises en plusieurs endroits de l'Europe, ayent esté desnuez de iuste vocation à faire ce qu'ils ont fait. Et pour digerer mieux ceste accusatiō, oyons tout premier ce qu'on leur reproche, s'il va ainsi: à fin qu'on ne discorde au fait, qui est ce qui doit tousiours preceder, & puis on examinera si ce fait est iuste & legitime. Ils ont despossédé, dit Sponde, ceux qui possedoyent non par iustice, mais par force. Et qui sont ceux qui ont esté despossédez? les Euesques, Abbez, Curez, Prestres & moines. & de quoy? de leurs charges Ecclesiastiques. Et comment les eussent-ils deboutez d'icelles? car la moinerie, l'Episcopat, Prestreise, Diaconat, tels qu'ils sont en la Papauté, ne sont charges Ecclesiastiques. Quelle vocation est-ce d'estre moine? où en est-il parlé en la parole de Dieu? Si on ne les veut entendre

pour ceux que saint Paul appelle desfreiglez, en ses Epistres aux Thessalon. 2. Thessal. 3. auxquels aussi compete ou à la pluspart d'iceux, ce que le mesme dit des Creteins, Tit. 1. qu'ils sôt mêteurs, mauuaises bestes, ventres paresseux. Quel est cest office d'estre Euesque & Prestre en la Papauté? ne consiste-il point pour tout & pour le plus à chanter messe, matines & vespres? Est-ce la charge des vrais Euesques, Prestres & Diacres? Est-ce ce qui leur est enjoint par la parole de Dieu? leur ordination, si elle estoit faite selon les Canons & reigles de Iesus Christ & de l'Eglise Apostolique, ne les astraint-elle à autres choses, non seulement plus fascheuses & plus penibles, mais bien opposites & contraires? à sçauoir à paistre par predication des saintes Escritures, par administration des saintes Sacremens selon icelles, à corriger, conuaincre, exhorter, & consoler particulièrement, à prier, non moins en priué qu'en l'Eglise pour leur troupeau, pour toutes personnes, & pour toutes sortes, en langue vulgaire & intelligible, à vser des clefs que Dieu a baillées à son Eglise, non seulement pour la conscience, mais aussi pour la discipline. En fin, & pour n'estre plus long, à dispenser les biens des pources, à veiller sur les scandales. Mais presupposons qu'ils fussent ordonnez en l'Eglise Romaine à ces fins: & quelle doctrine enseignent-ils estans ministres de l'Antechrist, que fausses & pleines d'heresies, blasphemcs & mensonges? comment administrent-ils les Sacremens, qu'aucc vn renuersemēt total de l'institution de Iesus Christ, à sçauoir, la sainte Ce-

ne qu'ils ont metamorphosée en leur Messe? l'autre, à sçauoir le Baptême, avec vne infinité de pollutions? Tout heretique, n'est-il point despo-  
 sedé & déposé *ipso iure* des charges Ecclesiasti-  
 ques? 1. Tim. 3. vers. 1. Tit. 1. Act. 20. 2. Tim. 2.  
 Or les Euesques Papaux le font, & cōbien qu'ils  
 fussent indignes d'y estre iamais plus receus, tou-  
 tesfois quād ils ont reconnu leurs erreurs, n'ont-  
 ils point ioui des reuenus? & quād ils ont esté ca-  
 pables d'exercer quelque charge Ecclesiastique,  
 n'y ont-ils point esté admis & promeus? Com-  
 mēt encore sont-ils appelez en ces charges, n'est-  
 ce pas contre & en despit de tous les Canons tant  
 Apostoliques qu'Ecclesiastiques? où est leur do-  
 ctrine & sçauoir és saintes Escritures? où est leur  
 sainteté de vie, où l'examen de ces choses, où le  
 suffrage & approbation du peuple? 1. Pier. 5. Tit.  
 1. 1. Tim. 3. L'argent & les faueurs ne suffisent-ils  
 point pour les vertus? L'autorité & bulle du Pa-  
 pe ne couure-elle point tous les defauts? Je ne  
 vueil parler de l'execution de leursdites charges:  
 car estans renuersees en leur vraye nature, il vaut  
 mieux qu'ils s'employent (i'enten les Euesques &  
 Abbez) à aller à la chasse, ou à la guerre, qu'à des-  
 honorer Dieu par idolatries & superstitions. La  
 façon aumoins, dit Spōde, est tousiours à reprou-  
 uer: car ce n'a esté par iustice, mais par force que  
 on les a deplacez. s'il y a eu cognoissance de cau-  
 se, s'ils ont esté ouïs, ou pour le moins appelez  
 deuēment, si examen des choses predites a pre-  
 cedé, si condamnation s'en est ensuiui & depo-  
 sition, il y a iustice. Or le premier est vray, & a c-

esté fait en tous les lieux où par le soin & diligence  
 du Magistrat on a secoué le ioug de l'Antechrist,  
 remis sus la pureté de doctrine & seruice de Dieu,  
 & restabli l'ordre, police & discipline, selon la pa-  
 role de Dieu & anciens Conciles. Et les histoires  
 publiees me demétiront s'il se trouue autrement,  
 ensemble les registres qui sont deuers ces Egli-  
 ses. S'il demande, comme il fait, qui ont esté les  
 iuges ? & qu'on n'a veu que les parties : Nous di-  
 sons bien comme luy, que c'est Dieu qui est l'au-  
 theur de ce bien, & qui y a procedé extraordina-  
 irement : mais nous adioustons, que c'est par l'E-  
 glise, & par moyens qu'il approuue, c'est à dire,  
 par les fideles & Chrestiens, tant Magistrats qu'au-  
 tres, qui ont esté ces iuges. Je sçay qu'on trouue-  
 ra cecy estrange : mais si ceste maxime est veri-  
 table, que, *Unicuique artifici in sua arte credendum*  
*est*, Il faut qu'un chacun soit creu en sa profession:  
 & que la profession de tous les Chrestiens, est le  
 Christianisme, & la doctrine de la foy : il s'ensui-  
 ura qu'iceux, quelque autre art qu'ils exercent,  
 seront iuges competans des poincts fondamen-  
 taux de la religion. Ainsi a esté pratiqué iadis en-  
 uers Manes heretique, qui estant en vne ville de  
 Perse appellée Caschara, fut tité par Archelaus  
 Euesque du lieu, apres s'estre bien preparé à refu-  
 ter ses opinions : car il auoit beaucoup de sçauoir  
 & cognoissance és choses Diuines, & n'ignoroit  
 point les subtilitez de ce meschant homme, que  
 Tyrbon luy auoit apprinses en dispute publique.  
 Mais voici ce qu'en dit Epiphanius *heres. 66. pag.*  
*280. Prius indicibus delectis ad quaestionis ipsorum di-*

*scussionē Marſipo externa doctrina Philoſopho, Claudio medico & Sophiſta, Egialeo natura Grammatico & Cleobulo Sophiſta, & quign multa verba dicta eſſent ex utraque parte, ipſo Mane fabuloſam doctrinam præ-  
 tendente, Archelao verò velut forti armigero, propria ſua virtute aduerſariorum tela excutiente, tandem vi-  
 ctus eſt Manes, & iudicum iudicio veritas brabeium  
 tulit, &c. De ces propos il appert, que les iuges  
 ont eſté vn Philoſophe, vn Medecin, vn Gramma-  
 rien & vn Dialecticien, qui ont déclaré Manes e-  
 ſtre trefmal fondé, & Archelaus auoir la verité de  
 ſon coſté. Paſſons à la diſcuſſiō des autres repro-  
 ches quinous ſont faites. Les pretēdus reformez  
 ſont ſortis de l'Egliſe, & ont deſchiré ſes entrail-  
 les pour ce faire: car lors qu'ils ſe ſont eſleuez, ce-  
 ſte Egliſe qu'ils combatent, eſtoit ſur pieds, avec  
 face, avec contenance, avec autorité d'Egliſe,  
 c'eſt à dire, que quiconque ſort de l'Egliſe eſt  
 ſchiſmatique au moins, ou heretique & ſchiſma-  
 tique tout enſemble. Or les pretendus reformez  
 ſont ſortis de l'Egliſe. ceſte application eſt tref-  
 fauſſe: car nous nions trois choſes, la premiere,  
 que la Papauté, c'eſt à dire, non ſeulement la do-  
 ctrine Papiftique, qui n'eſt que doctrine controu-  
 uee par les hommes, touchant le ſeruice de Dieu  
 & moyen d'obtenir ſalut, repugnante à la doctri-  
 ne de Ieſus Chriſt & des Apoſtres: mais auſſi la  
 uiſſance & iuriſdiction Papale, & exercice d'icel-  
 le, que tant le chef que ſes membres & ſuppoſts  
 pratiquent, ſoit la doctrine, l'autorité & la for-  
 me en aucune façon de l'Egliſe. La ſeconde, qu'il  
 nous faille auoir & garder communion avec les*



assemblees Papistiques, encore que nous leur laissions pour quelque regard, & à raison de quelques marques generales le nom d'Eglise, laquelle nous separōs & distinguōs d'auec ce qui est de à la Papauté: car ce n'est la vraye espouse de Iesus Christ, ny son vray corps. Et moins encore pouuons-nous dire, que ces personnes qui s'attribuent, ou sont commises à la dispensation des choses sacrees, à sçauoir, telles qu'ils les ont laissees, soit aussi la vraye Eglise ministeriale & representatiue, encore qu'ils s'attribuent seuls le nom d'heritage & Clergé du Seigneur. Car comment les ministres de l'Antechrist peuuent-ils estre ministres de Christ? La troisieme negatiue porte, que nostre separation ne doit estre appelée schisme, nō plus que celle des premiers Chrestiens, ou d'auec les Payens idolatres, 1. Cor. 10. vers. 20. 21. & 2. Cor. 6. vers. 14. 15. 16. 17. ou d'auec les Iuifs superstitieux, Act. 2. vers. 40. & 19. 9. Premieremēt, pource que tout schisme presuppose haine & defaut de charité enuers les prochains, de telle sorte, que là où il y a charité, il n'y a point de schisme. *Charitatem sanctā, que est vinculum perfectionis, nemo potest habere non bonus, nemo qui habet potest esse vel schismaticus vel hereticus, August. lib. 2. contra Cresconium Grammat. cap. 13.* Or ceux qu'on nomme de la religion reformee, ont donné tefmoignage de leur charité: car ils ont exposé & hazardé leur vie pour le salut de leurs prochains, combourgeois & regnicoles, à fin de les retirer du gouffre d'ēfer, & leurs martyres s'opposeront à tous ceux qui voudront dire autrement. Parquoy

quoy nous ne sommes point schismatiques. Thomas en la 2. partie de sa somme quest. 39. artic. 1. dit, que proprement ceux-là sont dictz schismatiques, le quels de leur gré & propre intention se separent de l'vnité de l'Eglise, *qui propria sponte & intentione, se ab unitate Ecclesie separant.* Or il nous est impossible de communiquer avec l'Eglise Romaine : car *paria sunt non posse, vel non honestè posse*, ce que nous ne pouuons faire iustement & religieusement, nous ne le pouuons faire. Or qui pourra se trouuer en aucune assemblée Papiistique, sans se souiller d'idolatries & superstitions, & sans deshonorer Iesus Christ ? par ainsi telle communion ne peut auoir lieu, veu que ce seroit vne chose absurde de renôcer au souverain chef, qui est Iesus Christ, pour estre suiets à ceux qui luy sont inferieurs, & communiquer aux autres membres. Je dy en fin, que, où les Catholiques Romains sont schismatiques, ou nous : or ils le sont : car ceux-là sont schismatiques, qui font le schisme, & ceux-là le font, qui en donnent la cause prochaine & immediate, *paria sunt effectum producere, vel causam immediatè prabere* : & cela font ceux qui se disent Catholiques, par leurs idolatries & superstitions : ils sont donc schismatiques & non point nous. A ce propos a dit tresbien S. Augustin, *Vnde facta sunt schismata? cum dicunt homines nos iusti sumus, quum dicunt homines nos iustificamus immundos, nos sanctificamus impios, nos petimus, nos impetramus* : c'est à dire en vn mot, que les schismes sont procedez de ce que quelques vns s'attribuent à eux seuls ce qui est commun à toute

l'Eglise, & disent : *Ecce hic est Christus, ecce illic, & vellent ostendere eum in parte: qui emit totum & possedit totum, &c. ecce habes Ecclesiam per totum mundum, noli sequi falsos iustificatores & veros precipitatores, &c. August. in 1. epistolam Ioannem tractatu 1.* Apres ceste seconde obiection vient encore ceste troisieme accompagnée de blasphemes: que si les assemblees que nous faisons & auons fait sont ceste Eglise, qui n'auoit iamais esté, ou pour le moins depuis long temps, Iesus Christ doit bien auoir gemi sur son vefuage, & nous rendre vne bonne recompense, de ce que nous luy auons trouué & rendu son espouse, laquelle il aime tant, & ne l'a toutesfois sceu conseruer. L'Eglise est dés tousiours: or nous, ny noz assembléees ne sont point dés tousiours: nous ne sômes donc point l'Eglise. La premiere partie de ceste ratiocination est vraye, avec ces deux conditions ou restrictions: la premiere, qu'on entende, non des mesmes indiuidus & singululiers, c'est à dire, des mesmes personnes, mais d'autres pareilles & semblables en foy & profession de doctrine Chrestienne & Euangelique. L'autre, que ce qui est dit de la perpetuité de l'Eglise, ne se rapporte seulement à l'Eglise visible, ains à toute l'Eglise, ou visible ou inuisible, car elle n'a point promesse d'estre tousiours & en tout temps si populeuse & nombreuse, qu'elle apparaisse entre tous les autres homes: ou si exēpte de persecutonis, qu'elle puisse auoir assembléees publiques en tout tēps. En ceste sorte Iesus Christ n'a iamais esté vef, son Eglise ne s'est iamais perdue, qu'il fust besoin de la luy trouuer & rendre:

il l'a conseruee en despit & maugré les puissances d'enfer, mais non tousiours en mesme estat : non à faute d'impuissance : ( ie suis las de le repeter ) mais par ce que telle est sa volonté, qui ne peut estre injuste, & qui a ses causes ocultes. *Gregor. quod placuit iusto, non potest esse iniustum : aperta causa rationis, est occulta iustitia voluntatis.* En ce sens selon lequel nous auons exposé, que l'Eglise est dés tousiours, il se trouuera faux que nos sainctes assembles, c'est à dire d'hōmes, ayans mesme foy, croyance, & religion que nous, n'ayent continué tousiours depuis les Apostres iusqu'à maintenāt. La difference consiste & gist seulement, que le nombre, ny la cognoissance n'a esté tousiours si grande, & que plusieurs ont gemi souz le ioug pesant de l'Antechrist, duquel Dieu a retité leur col en ces derniers temps. Sponde pour nous fatiguer d'auātage, & continuer sa poincte, demande, si nous ne disons pas, que c'est par voye extraordinaire, que Dieu a choisi en nous, que ceste Eglise qui auoit esté longuement enseuelie, a esté ressuscitee, qui auoit esté inuisible, s'est rendue visible, & prenant l'affirmatiue de ceste question pour responce, tasche la declarer blasphematoire & fausse. Le premier, d'autant que nous imputons vn euenement mauuais, qui est d'auoir despossédé nostre mere de son ancien & legitime heritage, d'auoir esbranlé tout le monde, qui est encore rempli de nos confusions, à vne bonne cause: souz ombre que c'est vne besongne extraordinaire: car tout ce qui est extraordinaire, dit-il, n'est approuué de Dieu. Quand les destructions des

pour les paroles qu'il nous veut faire dire, personne de nous n'y pēsa iamais, à sçauoir, que tout ce qui est extraordinaire, soit approuué de Dieu: au contraire nous recognoissons, que ce qui est ou contre, ou hors l'ordre que Dieu a mis & déclaré, si luy-mesme ne l'oste, ou generally par l'establissement d'un autre, ou en special par derogation & exceptiō, c'est peché, qui n'est que transgression de la Loy (*ἀνομία*) 1. Iean 3. & transgression de l'ordre, 2. Thessal. 3. vers. mais il nous faut mettre difference entre ce qui est extraordinaire au regard de la Loy de Dieu, & ce qui est extraordinaire en la discipline, soit Ecclesiastique soit politique faite par les hommes. c'est bien en ceste derniere façon & sorte, que nous disons qu'il y a eu de l'extraordinaire, principalement pour les loix Papales, en ce reestablissement & reformation de l'Eglise, que Dieu a faite en noz iours: car encore bien que tous hommes doiuent estre suiets à tout ordre humain, 1. Pierre 2. toutesfois quand telle difficulté se presente, que l'ordre des hommes, ou mesme de Dieu, pour les ceremonies, empesche & s'oppose à l'ordre perpetuel & immuable prescrit és commandemens du Decalogue, tant de la premiere que de la seconde Table, lors il faut suivre à ces excellēts commandemens, que l'Evangile nous enseigne, qu'il vaut mieus obeir à Dieu qu'aux hommes, Act. 4. & 5. que Dieu aime mieus misericorde que sacrifice, Matt. 9. vers. 13. que le Sabbat est fait pour l'homme, & non point l'homme pour le Sabbat, Matth. 12. Bref, que Dieu ne veut estre serui par doctrines &

commandemēs d'hommes : & ne nous peut tourner à blasme, d'ensuiure & nous conformer à l'exemple de Iesus Christ & de ses Apostres. C'est vn grand tesmoignage en Sponde de malice, accompagnée de blaspheme contre le S. Esprit, non moindre que de ceux qui mesdisoyēt des miracles du Fils de Dieu, & en faisoÿēt Beelzebub auteur, Matth. 12. car il compare cest œuvre, qui est de l'Esprit de la bouche du Seigneur, par lequel l'Antechrist se desconfit, à vn meurtre : & qui pis est, à vn brigandage, voire à vne esmotion & total renuersement, ie ne diray pas d'un estat & Royaumē, mais de tout le monde. Parquoy reiettant ces accusations comme fausses, ie luy vueil enseigner, que comme il y a de deux sortes d'œuvres, les vnes qui sont bonnes en leur genre, c'est à dire, d'une bonté generale en leur substance, sans aucune consideration des circonstances, & de ce qui rend vn œuvre parfaitement bon : en somme, qui est tel, que les hommes enclinēt plus à iuger qu'il est bon, que non pas qu'il soit mauuais : & en ce rang pouuons-nous mettre ceste action de iusner, faire des aumosnes, prier, &c. les autres qui sont mauuaises en leur genre, qui sont iuger aux hommes, qu'elles sont plustost mauuaises que bonnes, encore que quelquesfois elles se puissent bien faire, l'exemple est en ceste action de tuer, & autres semblables. Comme donques, di-ie, il y a de deux sortes d'œuvres, ainsi y peut-il auoir double difference de ce qui est extraordinaire : car en ceste derniere sorte, L'omission de la moindre circonstance, rend l'action totalement

depravee & detestable, & l'extraordinaire icy ne doit estre receu & auoir lieu, qu'il n'apparoisse bien de la dispense ou derogation du Legislatteur, qui demeure seul libre & exempt de toutes loix. Mais quant à la premiere sorte, cōme est de prescher l'Euāgile, de s'opposer aux idolatries & faux seruices, l'exacte recherche de tout ce qui est de l'ordre legitime, & de toutes les circonstances, est quelquesfois & en temps, où il est besoin de grande celerité, plus à blâmer que non pas à louer. L'exemple est celuy dont il est parlé en saint Marc chap. 9, vers. 38. duquel Iesus Christ prend la defense contre Iean qui luy dit, Maistre nous ations veu quelqu'un qui iette les diables en ton nom, qui ne nous suit pas, & nous l'auons empesché, car il ne nous suit pas. Iesus dit, ne l'empeschez point, car il n'y a aucun qui face vertu en mon nom, & puisse tost mesdire de moy : car qui n'est point contre nous, il est pour nous. Il y a vn autre exemple és Actes à l'onzieme chap. vers. 20. où il est parlé des Cypriens & Cyreniens, lesquels, estans entrez en Antioche, parlerent aux Grecs, preschans le Seigneur Iesus. Or la main du Seigneur estoit avec eux, & grand nombre des croyans s'est conuerti au Seigneur. En fin ie conclu, que ce qui est d'extraordinaire, en ceux par lesquels le Seigneur a esmeu en ce dernier temps le ciel & la terre, est plustost en la vocation interieure, à sçauoir, en vn zele nonpareil à aduancer le regne de Christ, au despens de leur vie, de leurs biens & de tout ce qu'ils auoyent de plus cher & plus precieux, en constance, & hardiesse, plus que



heroiique, à parler, respondre, & se presenter deuant les plus grands du monde, en cognoissance de la parole de Dieu, & en don de langues esquelles les Prophetes & Apostres ont escrit, & vne infinité d'autres dons & graces. Bref, c'est plustosten pieté, foy, saincteté, & amendement de vie, que non pas vocation exterieure, laq̃lle és premiers n'a eu que fort peu de differēce d'avec l'ordinaire & receuë par longue accoustumāce. S'il y a eu de l'extraordinaire en vostre faict, tant soit peu, faites donc, disent nos aduersaires, apparoir de ceste volonte de Dieu si speciale, si propre à vos deportemens: car si vous estiez creus à vostre simple dire, ce seroit occasion à vn chacun d'en dire autant. Nous auōs desia mōstré, que cest extraordinaire est ordinaire quand la necessité le requiert. Il y a des choses tellement extraordinaires, qu'elles n'aduienēt qu'une fois à tout iamaïs, comme la tentation & espreuue d'Abrahā d'immoler son fils vnique, la sortie du peuple d'Israël hors d'Egypte, & introduction en la terre de Canaan: d'autres qui sont tellement extraordinaires, qu'elles reuienēt fort souuent: en ce rang sont les iusnes solempnels de l'Eglise, les vocations aussi à s'opposer aux vices, abus, & corruptions des Ministres ordinaires. La volonte de Dieu se monstre tant (comme nous auons dit) en ce que l'action est pour le moins en son genre bonne, car Dieu veut tout ce qui est bon. Et quant aux circonstances & declaration de la volonte de Dieu speciale, propre & affectee à noz deportemens, les exemples semblables que nous auons en sa parole en grand nombre, nous

seruent de Loy, reigle, & commandement. A ce propos a dit saint Augustin, au liu. du mensonge à Consentius chap. 15. *Diuina Scriptura non solum precepta Dei continent, sed etiam vitam morēque iustorum, ut si forte occultum est, quemadmodum accipiendum est quod precipitur, in factis iustorum intelligatur.* Les Escritures diuines, ne nous enseignent point tant seulement les commandemens de Dieu, mais nous proposent aussi la vie & mœurs des gens de bien, à fin que ce qui est commandé, s'il semble obscur, soit déclaré & rendu intelligible par leurs actions. Si on demande où sont ces exemples, nous les produirons en son lieu pour fuir repetition: & puis promettre qu'ils ne seront point forgés en nostre esprit & faits à plaisir ou presupposez, comme celuy qui se lit en la pag. 119. où on nous fait ceste demande: Si quelqu'un se souleuoit parmi vous, qui changeast vostre ordre & contredit à vostre doctrine, luy demanderiez-vous point son pouuoir, sans entrer plus auant en cognoissance de cause? & s'il vous alleguoit la vocation extraordinaire de Dieu, diriez-vous point que voŕ Eglise ont desia vn ordre, lequel il n'est pas loisible de rompre? nous ne ferions point ces demandes, ains deuant tout autre ceuvre, nous commencerions par l'examen de la doctrine, & entrerions en conference des Escritures pour iuger d'icelle, laquelle estant saine & accordante à la doctrine Apostolique, & cōfession ou symbole de la foy, & par consequent tirée desdites Escritures, nous luy baillerions la main d'affociation, le rendrions d'extraordinaire ordinaire: ce qui se peut

aisément faire, & les articles de nostre discipline le portent ainsi. Mais si estans differens en doctrine, & conferans des Escritures, il ne se pouuoit conuaincre par vn autre passage manifeste, de quel bouclier voudriez-vous defendre vostre interpretation, si ce n'est de l'usage receu en vostre Eglise? Sponde ne se contente d'auoir presupposé en nous vn exemple qui n'aduiendra iamais, s'il ne presuppose aussi en l'Escriture ce qui est du tout impossible: car la parole de Dieu est telle, & bastie en telle sorte, & si bien attrempee par la prouidence de Dieu, que quoy qu'il y ait quelques passages obscurs, toutesfois il y en a à milliers de manifestes, pour conuaincre euidentement toutes fausses doctrines, quelles qu'elles puissent estre, dont saint Gregoire au liu. i. de ses Morales dit, qu'icelle Escriture est en certains passages viade, en d'autres bruuage, *cibus est in locis obscurioribus, quia quasi exponendo frangitur & manducando glutitur: potus vero est in locis apertioribus, quia ita sorbetur sicut inuenitur.* Or comme nous aduertit tresbien S. Augustin au liu. de peccatorum meritis lib. 3. cap. 4. *inherendum est his que in Scripturis sunt apertissima, ut ex his reuelentur obscura.* Il ne se faut departir de ce qui est tresmanifeste és Escritures, ny de ce qui est certain: car ce qui est douteux, doit estre exposé par ce qui ne l'est point, *que sunt dubia, per ea que certa sunt, interpretari debent.* Lyran sur les Iuges chap. 2. sur ces mots, *igitur non ego pecco.* Par tous ces tesmoignages donques il se peut voir, que l'Escriture n'est pour le moins toute obscure & douteuse, & n'est nullement ambiguë, comme blaspheme

Sponde, disant, que la resolution des difficultez qui sortent de son ambiguité, n'est pas certaine par la seule & mesme Escriture : mais cela est tresfaux, & tous les docteurs & saints Peres y cõtredisent, le dire desquels en partie i'ay couché cy dessus. D'où vient donc, demande-il, que tout le monde presque s'y trompe? Le luy respon, de l'esprit trompeur & abuseur. Et qu'il me responde aussi, ie l'en prie, d'où vient que les aueugles ne voyent point la lumiere du Soleil qui est si claire, & ne peuuent iuger des couleurs? S. Paul, s'il l'eust bien fucilleté, l'eust empesché de blasphemer ainsi contre Dieu & les Escritures, 2. Corint. 4. vers. 3. 4. disant, Si nostre Euangile est caché, il est couuert à ceux qui perissent, en ceux ausquels le dieu de ce monde a aueuglé l'entendement, à ce que la lumiere de l'Euangile de la gloire de Christ ne leur esclaire. Sponde retourne encore au poinct principal & se tourmète, à faire entendre ce que tous cognoissent, & à prouuer ce que personne ne luy nie, qu'il est raisonnable que ceux qui entreprenent l'œconomie & la conduite de la maison de Dieu, ayent charge de Dieu. Il doute que nous ayons ceste charge, pourquoy? par ce que nous alleguons la vocation interieure. Et bien, n'est-elle pas la principale, premiere, & qui procede immediatement de Dieu : Ceste est nostre gloire dit S. Paul, que le tesmoignage de nostre conscience, 2. Corint. 1. vers. 12. mais nous ne disons pas qu'elle soit seule, car l'exterieure se trouue pareillement : & quand elle le seroit, & que quelques vns auroient interieurement la declaration de sa volenté touchant

le salut, il ne s'ensuiuroit que Dieu se monstroit contraire au zele qu'il a d'iceluy enuers nous, ou qu'il voulust qu'il nous fust caché : car les choses qui sont de Dieu, sont ordonnees & reiglees, c'est à dire, Dieu procede en ses œuvres & actions en telle sorte, que les choses inferieures sont disposées par les choses moyennes; & les moyennes par les superieures. Denis liure des Noms diuins chap. 4. Dieu donques par vn seul homme qu'il disposera & à qui il aura fait entendre sa volonté, appellera vne infinité d'autres à la cognoissance d'icelle, & au salut qui en depēd, la louage du bien en appartient à luy seul, duquel il est la cause, *operatio enim instrumenti attribuitur principali agenti, in cuius virtute instrumentum agit, est autem minister vel propheta sicut instrumentum.* L'action de l'instrument est attribuee à la principale cause efficiente, par la vertu & efficace de laquelle, la cause instrumentale ouure & agit, Thomas 22. quest. 172. articul. 2. ad 3. Ce n'est rien dit iusqu'icy, si nous ne manifestons ceste vocation interieure, & ne declarons en quoy se fait, & comment la vocation exterieure: car dit Sponde, il ne faut que nous vous croyons sans autre tesmoignage. voyons donc si vous auez des miracles. Mais, respond le mesme, vous-vous moquez si on vous en demande: si est-ce que les miracles sont les ordinaires preuues des actions exrraordinaires de Dieu, & sur tout, quand il est question de renuerser vne doctrine, qu'on croyoit auoir esté establie par tant & tant de miracles de Iesus Christ & de ses Apostres, & d'une infinité de leurs successeurs. Sponde conclud en ceste sorte,

que ceux qui sont appelez extraordinairement de Dieu, sont aussi accôpagnez de la vertu & du don de faire des miracles. Or noz Docteurs sont appelez de Dieu extraordinairement, &c. Je ne puis admettre simplement le premier fondement de ceste conclusion, c'est à dire, ceste maxime generale, car elle n'a lieu en toutes vocations & actions. Qu'on lise le liure des Iuges, & on trouuera que Dieu a suscité plusieurs liberateurs, desquels la vocation n'a esté confirmee par miracle, le seul succez, bonne issue, & assistance de Dieu en l'exercice & execution de leur charge, & deliurance du peuple, obeissance & vœux dudit peuple, enuers tels iuges & conducteurs, a monstté que Dieu les enuoyoit. Qu'on me die quels miracles ont fait Othoniel, Aod, quels Thola, quels Iair, quels Iephté ? Iuges chap. 2. & 10. quels Saul, quels Dauid, quels Ieroboam fils de Nebath ? 1. Samuel & 2. & 1. des Rois. Quât à ceux qui ont eu charge d'enseigner, ce don, & l'usage d'iceluy a esté donné seulement à ces Docteurs, qui ont eu affaire ou à ceux qui n'accordoyent ce principe general des Escritures saintes, & à qui on proposoit vne loy contraire à la raison humaine, & à la chair & au sang, qui estoient Gentils & infideles, 1. Corint. 14. vers. 22. ou à ceux à qui on apportoit l'abolition de la doctrine, & seruice que Dieu leur auoit ordonné pour vn temps, & l'establisement d'une autre doctrine, & seruice qui leur estoit incognu, & tels estoient les Iuis. Bref, quâd il a esté question de planter vne doctrine cômme nouuelle & supernaturelle, c'est à dire, si haute qu'elle ne se

peut recueillir par la raison & sens de l'homme: c'est lors que Dieu a employé les miracles, & ses œuvres extraordinaires, & non autrement. Or d'autant que l'Evangile estoit de ceste sorte & rang: car on a reproché à Iesus Christ qu'il preschoit vne doctrine nouvelle, Marc 1. verset 27. le semblable a esté fait aux Apostres par les Gentils, & iceux aussi ont reconnu que pour certain regard, elle estoit nouvelle, quoy que tres-ancienne en ses effects & figures, Actes 17. vers. 19. 20. 1. Iean 2. vers. 7. 8. & qui apportoit scandale aux Iuits, & estoit estimee folie des Grecs: mais qui est cependant la sagesse & vertu de Dieu en salut à tous croyans, 1. Corinth. 1. vers. 21. 22. d'autant, di-ie, que la raison folle & aveugle de l'homme qui n'est point regeneré, ne peut comprendre les choses qui sont de l'esprit de Dieu, s'en mocque & rit, Marc 5. vers. 39. 40. Act. 17. vers. 32. 33. Que l'Evangile contient des mysteres que iamais œil n'a veu, ny oreille ouï, ny ne sont entrez en cœur d'homme, 1. Cor. 2. Dieu pour faire prester audiēce à ses herauts & ambassadeurs, les a munis de puissance & autorité celeste, & du don de faire miracles, Marc 16. ver. Maintēāt puis que ces mysteres cōtenus en l'Evangile, ont esté des pieça autorisez par vn si grand nōbre de miracles, dōt tant l'histoire sainte qu'Ecclesiastique fait preuve, que nous n'enseignons que ceste mesme doctrine, & ne pourchassons que l'abolition des doctrines & traditiōs humaines: & qui plus est nous conuenons en ce principe general des Escritures: pourquoy est-ce qu'on nous demande miracles,



veu que la foy a esté abondamment confirmée par ces Anciens? Quel besoin est-il que Dieu cōferme la vocation de ceux qu'il a enuoyez en ce dernier tēps, pour desplacer l'Antéchrist par signes? *August. de vera religione, cap. 25. tom. 1. Accepimus maiores nostros visibilia miracula (non enim aliter poterant) sequitos esse per quos id actum est, ut necessaria non essent posteris: nec iam nobis dubium esse debet his esse credendum, qui quum ea prædicent, quæ pauci asséquuntur, se tamen sequendos populis persuadere poterunt*: d'autant que nos deuanciers ont iuiui les miracles visibles qui se faisoient de leur temps, & ne se pouuoient faire autrement. Ils ne nous sont (à nous qui sommes venus après) d'auantage nécessaires, & ne deuōs douter de croire à ceux qui preschant des choses, que peu peuuent entendre, toutesfois par leurs persuasions, ont attiré après eux des peuples. Si nous ne conuenions en ce commun principe du symbole des Apostres, & de tout l'Escripture en general avec les Catholiques Romains, laquelle ils tiennent pour diuine: il nous faudroit monter à vn autre principe, comme aux miracles, ausquels comme œuures extraordinaires de Dieu, & par lesquelles quand elles sont vraies, il parle & declare sa presence, on doit ce respect d'ouïr ceux qui les font & leur croire, après auoir examiné leur doctrine si elle est trouuée estre de Dieu: mais puis qu'ils font semblant de croire, que Dieu manifeste sa volonté és Escriptures, quelle impudence est-ce de demander qu'il confirme icelles par signes? n'est-ce pas le tenter, ou bien estre de faict infidele? Je ren mon dire clair en ceste sorte,

Ceux qui sont fideles n'ont point besoin de signes & miracles, cōme l'Apostre saint Paul enseigne, 1. Cor. 14. vers. 22. nous en auons aussi rendu la raison, prinle de la fin des miracles, qui est elmouuoir & resueiller les esprits & preparer à la foy par leur autorité & maïesté, *August. lib. de utilitate credendi, cap. 16. Dens dupliciter nos mouet, partim miraculis, partim sequentium multitudine, qua non mouent & solua sunt, mira non sunt. Christus dedit Apostolis facendi miracula virtutem, vt in admirationem adducerent, & magis obtemperantes doctrina habeam auditores: Theophyl. in Matth. cap. 10.* Or ceux qui sont fideles, n'ont pas besoin d'estre preparez à la foy; les miracles donc leur seroyent superflus. Le mesme saint Augustin declare par plusieurs raisons, que les fideles s'oublient grandement, demandans miracles d'espreuue & d'experience, car ce faisant, ils tentent Dieu: Confess. liu. 10. cap. 35. qui desire, quē l'esprit du croyant, soit si fort eleué par dessus ce qui est transitoire & muable, que les miracles qui se font par le changement des choses corporelles, ne leur soyent en rien pour les desirer. *lib. 4. de Consens. Euangel. cap. 10. Ihsidorus lib. 1. de summo bono, cap. 27. Ecce signum non est fidelibus necessarium, qui iam crediderunt, sed infidelibus vt conuertantur: nam Paulus, pro non credentium infidelitate, patrem Publij de infirmitate febriem virtutibus curat, infirmantem verò Timotheum fidelem, non oratione, sed medicinaliter temperat, vt noueris miracula pro incredulis, non pro fidelibus fieri.* Il est certain qu'il ne faut iamais auoir recours aux causes accidētaires, & laisser là les essentielles propres &

pres & naturelles: il ne faut aussi s'arrester à ces causes, qui ne peuvent rien d'elles-mêmes, sans l'aide d'autres, pour celles qui peuvent aussi bien seules produire le mesme effect, qu'accôpagnees desdites causes: car c'est en vain qu'on desire deux choses, quand vne suffit. Soimne, c'est pour neant qu'on a recours aux aides & moyēs, quand on a la fin. Or les miracles & les Escritures ont telle habitude, relatō & correspōdance entr'eux, que celles-cy sont la cause essentielle, propre & naturelle de nostre foy, qui peuuent seules nous rendre sages, & rendre vrais & bons Chrestiens, 2. Tim. 3. vers. 16. qui sont la fin où les miracles se rapportent, à sçauoir, la religion, & la vocation, & par mesme raison sont la reigle d'iceux: car la fin impose necessité aux moyens & les reigle, Deuter. 13. vers. 1. 2. les miracles au contraire sont causes accidētaires, subalternes, temporelles, & qui ne peuvent rien seules pour nous amener à salut: Parquoy c'est mal à propos, & non sans marque & flestrissure d'infidelité, qu'on nous demande miracles. Item, on ne se doit s'arrester aux marques qui sont communes aux faux prophetes, & à l'Antechrist leur chef, avec les vrais Prophetes & seruiteurs de Dieu. Or les miracles sont de tels signes, Deuter. 13. vers. 1. Matth. 7. & 24. 2. Theisal. 2. d'autant, dit Theophilacte sur le 3. chap. de la 1. aux Corin. que les signes se rapportent au bien & à la commodité des autres: ce ne sont pas les seuls hommes de bien qui en font, mais aussi les indignes & meschans. Gregoire au liu. 20. de ses Morales chap. 8. feuil. 163. *nonnunquam heretici signa quoque & mira-*

*cula faciūt, &c.* Et plus bas, *nunc sancta Ecclesia etiam si qua fiant hereticorum miracula despicit, quia hac sanctitatis specimen non esse cognoscit.* L'Eglise sainte dit-il, ne tient compte des miracles des heretiques, car elle cognoist que ce ne sont des preuues & enseignes de saincteté. Deut. 13. vers. 1. S'il se leue au milieu de toy vn prophete, ou songeur de songe, lequel te donne signe ou miracle, & que le signe ou miracle qu'il t'a dit aduiant, & qu'il te die cheminons apres autres dieux lesquels vous n'auiez cognus seruans à iceux, tu n'escouteras les paroles de ce prophete, & de ce songeur de songe, car le Seigneur vostre Dieu vous tente, pour scauoir si vous aimez le Seigneur vostre Dieu de tout vostre cœur, &c. Matth. 7. verset 15. 16. Donnez-vous garde des faux prophetes qui viennent à vous en habits de brebis, mais par dedans sont loups ravisans, vous les cognoistrez à leurs fruiets, vers. 22. Plusieurs me diront en ceste iournee-là, n'auons-nous pas prophetisé en ton nom? & n'auons-nous pas ietté hors les Diables en ton nom? & n'auons-nous pas fait plusieurs vertus en ton nom? & lors ie leur diray ouuertement, ie ne vous cognoisques, &c. Matth. 24. verset 23. Si quelqu'un vous dit, voicy le Christ, ou là, ne le croyez point: car faux Christs & faux prophetes se leueront, & feront grands signes & miracles, voire pour seduire les eileus mesmes s'il estoit possible, 2. Thess. 2. vers. 9. duquel meschant, à scauoir l'Antechrist, l'aduenement est selon l'efficace de Satan, en toute puissance, & signes, & miracles de mensonge, & en toute abusion d'iniquité, en ceux qui perissent.

Qui pourroit contredire & desguiser ces passages si clairs? Pour la fin ie fortifie mon dire par ceste raison, que puis que l'Antechrist ne doit estre desconfit par signes & miracles, on ne nous doit point requerir & presser d'en faire. Or le premier est vray, 2. Thessal. 2. vers. 8. le méchant sera manifesté, lequel le Seigneur desconfira par l'esprit de sa bouche, & abolira par la clarté de son aduenement. Le second donques est hors de doute. Isidore au liure 1. du souverain bien, chap. 27. a reconnu que ceste est la vérité. *Antequam Antichristus appareat, virtutes ab Ecclesia & signa cessabunt, quatenus eam quasi abiectiorem persequatur audacius: ob hanc utilitatem cessabunt sub Antichristo, ab Ecclesia miracula & virtutes, ut per hoc sanctorum clareat patientia, & reproborum qui scandala abuntur lenitas ostendatur, & persequentium audacia fortior efficiatur.* Ce qui n'est point nécessaire à la conuersion des hommes, ne l'est point aussi à l'autorisation de ceux desquels Dieu se sert pour les appeler. Or les miracles ne sont nécessaires pour faire croire, & ne sont le seul moyen pour gagner les hommes à Dieu, voicy pour preuue ce qu'en dit saint Chrysostome sur le 2. chap. de la 1. aux Corinth. du temps des Apostres, les hommes n'adioustoyent seulement foy aux signes: car plusieurs ont esté attirez à croire par la vie, suiuant ce qui est dit en saint Matth. chap. 5. Que vostre lumiere luisse deuant les hommes donques, & le cœur de tous n'estoit qu'un, & ils viuoyent la vie des Anges: que si presentement les Chrestiens viuoyent ainsi, nous conuertirions tout le monde sans miracles. l'ay

voulue nfilier toutes ces raisons l'une apres l'autre, à fin qu'un chacun cognoisse, qu'il n'y a nul propos de s'acharner aux idolatries, superstitions & seruices controuuez de l'Eglise Papistique, sous couleur qu'ils ne voyent point de miracles de nostre costé, & i'estime qu'à present ils seront satisfaits: car ce que Sponde met tout consecutiuement, peut estre aussi aisément reietté, qu'il est allégué, sans preuue ny tesmoignage. Iusqu'à ce dernier temps, dit il, nous auons occasion de croire, que nous ne nous estions point esgarez de l'Eglise, en laquelle ces preuues nous auoyent esté donnees: & pour nous faire croire autrement, voulez-vous pas qu'il y aye quelque preuue manifeste de ce que vous faites? si les Catholiques Romains d'aujourd'huy ont la mesme doctrine qui a esté confirmée par miracles Apostoliques, & que nous en enseignions & persuadions vne autre contraire, les miracles nous sont necessaires: mais le premier est faux, le second le sera donc aussi. Et pourquoy; dit-il, pour toute preuue, qu'ils n'ont point occasion de croire qu'ils se soyent esgarez de la vraye Eglise & doctrine d'icelle? le trouue moy qu'ils en ont plusieurs, pour penser qu'ils s'en sont bien fort esloignez: & puis dire pour le sçauoir de vray, que les ministres mesme du Pape qui sont à ses gages, & cōme mercenaires & esclaués de ce tyran cōfessent, cōtraints non par coniectures & occasions seulement, mais par demōstratiōs, que leur Eglise n'est sans beaucoup de lie d'impureté d'abus & desordre. Deuāt quelques annes Corneille Euesque de Bitoute, estāt au Concile de Trēte, n'a pas esté sans



estre poussé de raisons, à pronocer en la face de toute l'assemblée. A la miene volôré que d'un consentement & commune conspiration, on n'eust point d'cliné & degeneré de la religion à la superstition de la foy ! à l'infidelité de Christ à l'Antechrist, de Dieu à Epicure ! Ces marques donques de superstition d'infidelité, d'Antechristianisme, & Atheisme, donnant bien occasion de penser, qu'il n'y a point seulement corruption d'Eglise, mais renuement total : toutesfois ne meslons point les matieres ; retournons aux miracles. Sainct Paul, dit Sponde, fait grand estat des miracles qu'il a faits en sa vocation, combien qu'il ne preschast point autre doctrine que les autres Apostres. Les miracles ont lieu, veut-il dire, és vocations extraordinaires Ecclesiastiques, encore qu'il y ait consentement de doctrine ; car ce qui a lieu en sainct Paul, qui a esté appelé immédiatement & extraordinairement à l'Apostolat, doit auoir lieu en tous les autres qui ont semblable vocation. Or iceluy nonobstant qu'il ne preschast qu'une mesme doctrine avec les autres ses collegues & coapostres, se fortifie des miracles, & s'en glorifie. Par ainsi la conformité de doctrine ne doit empescher la preuue & cōfirmation de l'enuoy par miracles. Responſe, qu'il ne faut confondre ny les temps, ny les personnes, ainsi que fait nostre demandeur de miracles : car au temps du sainct Apostre, que l'Euangile ne faisoit que de maistre, l'usage d'iceux estoit necessaire enuers tous, à fin qu'il print racines, & qu'on vist & cognust par ces tesmoignages & seaux exterieurs, pour plus grande ratification, que



vrayement il estoit du ciel: à fin, di-je, que sur ce commencement de la predication, ceste doctrine fust de plus grande autorité, d'où s'ensuiuoit aussi que d'autant plus que quelqu'un auoit grande puissance de faire des miracles, d'autant plus son ministère estoit autorisé. Mais nous ne sommes plus en ce temps, parquoy l'Apostre aux Romains chap. 15. vers. 19. & en la 2. aux Corint. chap. 12. verset 12. fait mention des signes, merueilles & vertus, que Dieu auoit faites par luy: par ce que le commencement de la predication des mysteres Euangeliques le requeroit ainsi, pour aider à l'infirmité de la foy, & establissement de la doctrine, ainsi que de sia nous l'auons touché: combien que nous pourrions dire, qu'encore que ceux à qui il escrit fussent fideles, toutesfois il n'exprime pas, si ç'a esté deuant ou apres leur conuersion, qu'il a fait lesdicts miracles. Mais donnons que ç'ait esté apres, qui ne sçait que l'Apostre d'une fin plus eslongnee, en ouurant ces miracles entre les fideles de Corinthe, a regardé aux Gentils qui estoient parmi eux & es enuirons, pour les a mener à obeissance, par la veüe & bruit de telles œuvres & vertus? Je nie en outre, que ce qui est signe & marque de l'Apostolat, soit requis en l'Episcopat, ou es autres charges qui sont ordinaires, & qui doiuent durer en l'Eglise iusqu'à la fin des siècles: encore que la façon d'estre appelé en ces charges soit extraordinaire, icelles ne le sont pourtant. Quand vn mesme homme seroit appelé du ciel à estre Euesque d'un troupeau, comme fust saint Paul à estre Apostre, s'ensuiuroit-il,

que les offices, ou les personnes fussent esgales, & que les mesmes choses qui ont esté en l'un, fussent aussi necessaires en l'autre? nenny: car les Apostres qui ont seuls esté appelez à ietter les fondemens, 1. Corin. 3. & à n'edifier sur le fondemēt d'autrui, ains à annoncer l'Euangile, où n'auoit esté faite mention de Christ, Rom. 15. ont eu besoin d'enseignes authentiques, pour rendre leur doctrine autorisée. Bref, on trouuera que l'Apostre ne parle des miracles que Dieu auoit faits par luy, que comme de tesmoignages inferieurs, tant à la doctrine & efficace de la predication d'icelle, Rom. 15. ver. 19. qu'à ses souffrances & martyres pour le nom de Iesus Christ, 2. Cor. 11. & 12. vers. 12. c'est ce qui est à considerer, pour la diuersité des temps de celuy des Apostres & le nostre, les personnes aussi à qui S. Paul parle, & entre lesquelles il a dōné des preuues de son Apostolat, & entre lesquelles il n'en a point donné, sont que nous deuōs nous tenir à la sentence generale du mesme Apostre, que les langues estranges sont pour signe, non point aux croyans, mais aux infideles: car encore que les Corinthiens eussent receu l'Euangile, toutesfois la foy & profession de l'Euāgile n'estoit commune à tous: car plusieurs demeuroyent encore en leurs idolatries & infidelité, auxquels l'Apostre a esgard, & les fideles mesmes fraichemēt appelez, & nouuellement plantez, & encore infirmes iusqu'au bout, & entachez de beaucoup d'erreurs & ignorāces, auoyēt besoin des miracles, pour estre preparez à ouïr & receuoir le reste de la doctrine qu'ils ignoroyent, pour sçauoir faire esuanouir ce

qui leur estoit du Paganisme, ou en la memoire, ou au cœur, & és effets: pour lesquelles causes les miracles leur deuoyent estre communs avec les purs incredulés, & du tout ignorans de l'Euangile: c'est à dire en vn mot, les miracles ont regardé, ou la confirmation & consolation des fideles, ou la conuersion des infideles, & la probation & testification des choses qui estoient dites: mais quād S. Paul a eu affaire aux Apostres, comme ils ne demādent de luy qu'il face miracle deuant eux: aussi ne leur en offre-il point, & ne produit point ceux qu'il auoit faits, pour se rendre leur compaignon, & à fin qu'ils l'estiment rel. Seulement trois ans apres sa vocatiō, il visita Pierre & Iaques, qui estoient Apostres deuant luy, & qu'encore depuis il cōmuniqua avec tous en Ierusalem, de l'Euangile qu'il preschoit entre les Gentils, & leur fit entendre avec quelle efficace & fruiēt Dieu besongnoit par luy enuers les Gentils: dont ces choses seules faites, ouies & cognues, les autres Apostres luy ont baillé la main d'associacion, Galat. chapit. 1. vers. 8. 23. & chap. 2. vers. 2. 7. 8. 9. & donques la cognoissance de la doctrine de verité, qui est selon pieté, le consentement en icelle avec les autres bons seruiteurs du Seigneur, & l'efficace & fruiēt de la predication, sont argumens & demonstrations, que celuy en qui on trouue ces choses, a Dieu pour autheur de son enuoy, de conuertir tant de monde à vous. Poursuit Sponde, ce n'est pas vn miracle, qui verra que les Arriens, les Manicheens, les Donatistes, & plusieurs autres, en ont fait autant & beaucoup d'auantage. Ce que

nous auons dit iusqu'icy des miracles, nous l'auons entendu de ceux qui se font sur le corps, & sont du tout visibles & exterieurs, à sçauoir, la guerison des maladies incurables, le ressuscitement des morts, & autres: & disons que tels ont prins fin, & sont aujourd'huy marques de l'Antechrist. Il ne faut toutesfois conclurre que nous soyons du tout sans miracles, l'entendant de ceux qui sont en leur nature inuisibles, qui se font en l'ame, & esquels gist le salut, à sçauoir la conuersion des hommes, l'illumination, la sanctification, & autres tels benefices spirituels & salutaires de Iesus Christ, & principalement, quand cela aduient à vn grand nōbre de personnes, & à beaucoup de prouinces & païs, & ce soudainement, & outre l'ordre & moyens que Dieu auoit accoustumé de tenir en tels effects. Sponde nie que ce soit vn miracle d'auoir conuerti tant de monde à nostre doctrine, pourquoy? par ce que les Ariens, Manicheens, les Donatistes & plusieurs autres en ont fait autant. Il n'est tant question du faict, que de la façon, laquelle tu deuois monstrier estre semblable de nous & des heretiques dont tu parles. Les medecins guerissent plusieurs fieureux, donques Iesus Christ n'a point fait miracle, quand il a deliuré de la fieure la belle-mere de Pierre. Si ces meschans ausquels tu nous compares, eussent conuerti tout le monde à eux par l'efficace de l'Esprit de Dieu, qui se fust mōstree par la predication de la vraye doctrine Euangelique, par martyres, par saincteté de vie, & que cela se fust fait soudainement, & en moindre temps que

d'ordinaire, & qu'on eust veu les hommes conuertis en vn degré de foy, zele & saincteté nonpareille, ce qui a esté en ceux qui ont embrassé la pureté de l'Euangile par la grace de Dieu, il ne faudroit douter qu'il n'y eust eu miracles en ce changemēt: mais les Arriens, Manicheens & Donatistes, comme aussi Mahomet en Orient, & le Pape en Occident, ont tenu autre voye, & se sont seruis de ces trois moyens principalement pour seduire les hommes, qui ont mieux aimé le mensonge que la verité, acquiescans à l'iniustice, desquels parle l'auteur du traicté de l'Antechrist, qui est entre les œuures de saint Augustin tom. 9. *Antichristus eriget se contra fideles tribus modis, hoc est, terrore, muneribus, & miraculis.* parquoy on peut affermer de nous estre miracle, ce qu'on doit nier des autres. Si Thomas Scholastique au 2. tome de la premiere partie de sa somme, en la quest. 113. en l'artic. 10. ne nie point, que la iustification du meschant ne soit miraculeuse pour ces deux regards: le premier, d'autant qu'elle se fait par la seule vertu diuine, car cest œuvre est miratuleux qui se peut faire par le seul Dieu: le second, quand Dieu touche & esmeut si fort l'ame, qu'incontinent elle vient à vn degré de perfection extraordinaire, ce qui s'est veu en la conuersion de saint Paul. Nous pouuons y mettre ce troisieme, contre l'opinion du mesme Thomas, d'autant que nonobstant que l'ame puisse auoir la foy d'une puissance passiuue, nous ne pouuons que par vne grace supernaturelle, estre idoines au salut & benefice de sanctification: combien donques à plus forte

raison, la iustification de plusieurs tout à la fois, & bien soudainemēt, & qui soyent en grand nombre ? S. Augustin au liure de ses sentences, en la sentence 134. tome 3. fait de deux sortes de miracles, les vns visibles, les autres inuisibles : les visibles, sont ceux qui appellent à l'illumination : les inuisibles, sont ceux qui font voir ceux qui viennent & obeissent estās appelez. Mais ie voudroy que tu me peusses respondre, ou que quelqu'un de tes adherans le fist pour toy, si ceste maxime est veritable, que les heretiques & faux Prophetes ne font point de miracles ? quel si impudent & effronté oseroit desmentir l'Esprit de Dieu, qui en donne des exemples és Escritures saintes ? quel, di-ie, si malicieux de vouloir contredire ouuertement à Iesus Christ & aux Apostres qui l'ont predit ? ie n'estime qu'aucun qui porte nom de Chrestien le vueille debatre. S'il est donc ainsi, ceste consequence n'est-elle pas ou du tout tresfausse, tiree de ce principe faux, que les heretiques ne font point de miracles ? ou qui fait du tout contre luy : car si c'est vn miracle aux Arriens, & Manicheens, & autres, d'auoir reduit à l'estroit toute la Chrestienté, qu'il n'y paroisse plus que quelques personnes publiques, qui fussent orthodoxes, pourquoy non en ceux qui suiuent la vraye & droite doctrine ? la difference donc ne gist pas en la raison, & nature du miracle, qui peut estre commune, mais en la fin qui est diuerse : car les seducteurs & faux Prophetes ne tendent par leurs miracles qu'à acquerir gloire aux creatures, & non pas à Dieu, & authoriser les mensonges, &

non pas la parole de Dieu, à perdre les hommes, les conuertir aux idoles, Dieu donnant ainsi efficace d'erreur à Satan, & non pas à les sauuer & les conuertir au Dieu viuant & à son Fils Iesus Christ. Au contraire, les Apostres n'ont tendu, accompagnez de vertu de l'Esprit de Dieu, à faire signes & miracles, qu'à renger à vne crainte & obeissance de Dieu les hommes, Rom. 15. vers. 18. Je n'oseroys rien dire, que Christ n'ait fait par moy, pour amener les Gentils à obeissance, en parole & en œuvre. Mais il nous faut encore ouir si Sponde a de meilleures & plus fortes raisons, pour persuader son intention, conuertir tant de mode à vous, & subsister entre tant de malheurs, en quelque sorte ne sont pas miracles tels qu'il nous les faut pour signaler vostre pouuoir: ces miracles que nous demandons deuoyent preceder en toutes sortes, comme les lettres patentes & le seau inseparable de vostre vocation. S. Paul au passage susdict des Romains enseigne, que son Apostolat a esté seellé par la multitude des disciples, voire selon le tesmoignage de Chrysostome. Il met ceste marque entre les premieres, encore qu'il parle plustost des signes & miracles: ce sont les mots de ce Docteur, *Quoniā hac nudā quandam habebant sententiam, adiungit discipulorum multitudinem.* Et les mots de S. Paul Rom. 15. v. 19. depuis Ierusalem & à l'enuiron iusqu'en Illyric, j'ay fait abonder l'Euangile de Christ. Pourquoy apres auoir fait mention de la parole, & de la vertu des signes & miracles, adiousteroit-il la puissance de l'Esprit *ἐν δυνάμει πνεύματος καὶ τῆς λέξεως ἐν δυνάμει πνεύματος*



10<sup>e</sup> des. vers. 19. sinon à cause de la vertu & efficace que Dieu donnoit à la predication de l'Evangile & faction des miracles : en quoy, c'est à dire, en ce fruct & effect, apparoissoit autant ou plus la puissance admirable & extraordinaire de Dieu, qu'en l'œuvre du miracle visible. Ne voids-tu point, dit Chrysostome, sur l'epist à Tite chap. 1. comment Paul a conuerti tout le monde, & a fait des choses beaucoup plus grandes que Platon & ses semblables ? Mais peut estre tu diras, que ç'a esté à cause des miracles qu'il faisoit : ce n'a point esté par les signes seulement qu'il a ainsi ouuré, car si tu feuilletes les Actes des Apostres, tu trouueras qu'il a emporté le dessus le plus souuent, par la force de la doctrine, plustost que par la vertu des miracles. Nous pouuons prouuer le mesme, de cest autre œuvre admirable de Dieu, qui nous fait subsister entre tant de malheurs, à sçauoir que c'est vn tesmoignage de nostre approbation : car qui n'admirera que l'Evangile ait triomphé de trespuissans Monarques, desquels les conseils & machinations ont esté dissipées du Seigneur, avec leur honte & moquerie de tous ? Les ennemis mesme ne sont-ils pas contraints de s'estonner, de ce que durant soixante dix ou quatre-vingts ans, ils ne profitent rien par leurs conseils, alliances, guerres tant ciuiles qu'estrangeres, tourmens trescruels, dols & fraudes, contre ceux que nulle autorité ou puissance humaine qui soit, aumoins à esgaler à la leur, n'a defendus ? Je di donc, que si c'est vn miracle que les brebis se conseruent & passent parmi les loups, comme il est, Esaie 11.

vers.6. & chap.65.vers.25. ce n'est moindre signe & vertu, que l'Eglise qui est le petit troupeau du Seigneur, & desuée le plus souuent de tout aide & secours humain, subsiste au milieu des ennemis: parquoy Iesus Christ pour faire voir & remarquer ce benefice merueilleux, & tesmoignage de sa preséce à ses Apostres, leur dit, qu'il les enuoyoit comme brebis au milieu des loups, Matth. 10. & que les portes d'enfer ne pourroyent rien contre son Eglise. Aussi par miracle est-il dit au Psal. 110. que Iesus Christ regneroit au milieu de ses ennemis. Il est vray que ces miracles, comme tous les autres sont communs, & peuuent estre prins & en bonne & en mauuaise part, faits aussi à bonne ou mauuaise fin: mais nous auons la doctrine, à laquelle il faut tousiours venir, & qui est la reigle des miracles; qui les distingue, & nous & tout. Je conclu donc, que nous auons des miracles, & principalement ces trois, 1. les subits changemens en bien, à sçauoir, en cognoissance de Dieu, en pieté, en zélé, en foy, en charité, en dilection, en detestation des idolatries & superstitiōs, en science des bonnes lettres, & langues saintes & necessaires pour l'intelligence des Escritures, de milliers d'hommes. Bref, en lumiere vniuerselle, qui s'est espandue par toute la Chrestienté. S. Paul 1. Tim. 3. vers. 15. appelle mystere, en s'escriant que Iesus Christ ait esté creu au monde. 2. la conseruation merueilleuse des fideles, & 3. tant la constance & force rompareille & indefatigable d'un grand nombre de seruiteurs de Dieu & Ministres de sa parole, à porter les peines, trauaux & fasche-

ries qui se presentoyent en leur charge : soit pour s'opposer aux aduersaires de la verité par escrits, & par disputes & conferences, soit pour instruire les ignorans, & dresser les Eglises en l'ordre & estat qu'on les void auiourd'huy, par la grace de Dieu, que la magnanimité & saincte hardiesse d'une nuee de Martyrs & fideles, tant hommes que femmes, tant de ceux qui faisoient profession de lettres, que des idiots & illiterez, à porter la doctrine de l'Euangile deuant les Empereurs, Rois, Princes, Republiques, Parlemens, Academies, & assemblees de Docteurs, qu'ils ont estonnez par leurs responses & confessions trespertinentes, treschrestiennes, & qui ressentoyent hommes qui auoyent employé toute leur vie à l'estude des saintes lettres, suivant la promesse de Iesus Christ, Mat. 10. v. 17. 18. 19. 20. mais sur tout ceste patience qu'on a veüe en plusieurs, au genre tres-cruel de mort qu'on leur faisoit endurer, qui se monstroient par les Pseaumes & louanges qu'ils chantoient mesmes dans les feux: & ceste volonté deliberée & procedante d'un sens rassis, de porter & subir tout ce qu'il plairoit à Dieu leur enuoyer, deuant que de taire la verité & renier icelle. Suivant & apres cecy, ie di, que ce qui a esté propre pour confirmer l'enuoy des Apostres, & donner autorité à leur charge, est propre aussi pour signaler nostre pouuoir. Or le premier est vray, Rom. 15. vers. 18. 19. 2. Corinth. 12. vers. 12. Luc 24. vers. 19. Le second donques le sera par mesme raison, & ne faut opposer qu'avec ces preuues & tesmoignages, les miracles, signes, prodiges &

vertus sont conioints, & que ceux-là n'auroyent point de poids sans ceux-cy, veu que ceux qui ont escrit contre nous confessent, qu'entre tous les argumens de la presence diuine & de son approbation: si ce n'est vn iugement de Dieu qui donne efficace d'erreur, qui est aisémēt descouuert, comme nous auons desia dit souuent, par la doctrine. La multitude des peuples conuertis, la saincteté de vie, & la patience de ceux qui endurent pour le nom de Iesus Christ, lont des premiers & suffisans pour establir la foy preschee. Thomas sur le chap. 15. de l'epistre aux Romains, *Argumenta fides predicata sunt, bona cōuersatio predicantis, & opera miraculorum, quibus dat testimoniū doctrina predicata: secundum illud Marc. ultimo, Domino cooperante & sermone confirmante sequentibus signis, &c. Sed hoc totum non sufficeret, nisi Spiritus sanctus intus corda audientium ad fidem commoueret: unde dicitur Act. 16. quod loquente Petro verba fidei, cecidit Spiritus sanctus super omnes qui audiebāt verbum.* Sur l'epistre 2. aux Corinthiens chapit. 12. il declare plus clairement le mesme. *Paulus ideo dicit, signa Apostolatus mei, id est, mea predicationis, facta sunt, supra vos à Deo in quantum credentes conuersi estis, 1. Cor. 9. Signaculum Apostolatus mei vos estis. Secundū, per cōversationem, per quam confirmatur fides: quia quādo vita concordat doctrina, maioris autoritatis est doctrina, & virtus predicatoris magis apparet per patientiam, & ideo dicit: In omni patientia. Tertiū quantum ad operationem miraculorum in signis.* Caietan suit, & demeure dans les traces que son maistre luy a frayees. *Manifestat ab effectibus sensibilibus promissis veris Christi Apostolis*

*stolis se esse verum Apostolum, quatuor genera horum apud Corinth. patrata supputat, quorum primum ac precipuum Christi testimonium, est patientia in omnibus, hoc est enim primum quod Christus Apostolis mandauit, deinde miracula, &c. Il est fort facile maintenant de satisfaire à ceux qui avec ledict Sponde, disent, que les miracles qui confirment la vocation, doiuent preceder ces effects, dont nous venons de parler en toutes sortes, cōme lettres parentes & seau inseparable d'icelle: car cela ne peut auoir lieu qu'en la vocation qui procede de Dieu immediatement, comme en sainct Paul Act. 9. & és autres Apostres. Nous auons aussi Valdo qui est de telle sorte. Dieu a declaré par miracles faits en leur personne, c'est à dire, principalement en leur ame, qu'il les enuoyoit, & se vouloit seruir d'eux, & non pas en la vocation extraordinaire, & qui se fait par le moyen des hommes, c'est à sçauoir de l'Eglise. Mais qui a dit à Sponde, que les guerisons des maladies desesperées, les ressuscitement des morts, ayent precedé la predication de l'Euangile és Apostres? ou mesme en Iesus Christ? l'affirmer est chose tresfausse. Ces miracles ont esté conioints, & ont suiui la doctrine, ainsi que l'histoire Euangelique, les Actes des Apostres, & leurs Epistres le declarent: les passages aussi dont nous auons fait mention, le confirment, Marc 16. verset 20. le Seigneur confirmoit la doctrine, par signes qui s'ensuiuoient, Luc 24. v. 19. Christ auoit esté puissant en parole & en œuvre, Act. 4. verset 3. par miracles, le Seigneur rendoit tesmoignage à la parole de sa grace, Rom. 15. ver.*

19. Dieu a amené les Gentils à obeissance par parole & par œuvre. Il n'y a maintenant dequoy regimber, & faut se rēdre, il n'y a nul propos de dire, & ie ne penſe point auſſi qu'il y ait cerueau ſi vuide, qui vueille loger & receuoir pour raiſō, qu'on a conuerti tant de monde, premierement par les execratiōs qu'on a faites cōtre l'eſtat de l'Egliſe, leſquelles les premiers ont aiſément imprimees aux eſprits ſimples & ignorans: car les hōmes ont cela de nature, de ne faire rien q̄ pour quelque fin. Les calōniateurs & faux Prophetes ſe propoſent, ou gain, ou honneurs, ou voluptez & aiſes: & que dira que Iean Hus, Luther, Caluin, Zuingle, Farel, & autres qui les ont ſuiuſ, & leur ont ſuccedé, ayent eu ce but auquel ils pouuoient aiſément paruenir, s'ils euſſent voulu tant ſoit peu preuariquer en la doctrine qu'ils enſeignoient, & ceder au menſonge? Ce que les hommes reçoient en leur eſprit, c'eſt ou par ſouſpçon, ou par opinion & vraye ſemblāce, ou par demonſtration & ſcience: tous ceux donc au dire de Sponde, qui ſe ſont departis de l'Egliſe Romaine, n'ont eu que ſouſpçon contr'elle. Mais eſt-il bien poſſible qu'une apprehenſion ſi flottāte & incertaine, euſt eu ceſte force, de rendre tant d'hommes de l'un & l'autre ſexe ſi reſolus & conſtāts, & que s'ils euſſent douté de ce qu'ils diſoient, ils ne ſe fuſſent dedits au moins en fin, pour la crainte des ſupplices & tourmens où on les mettoit? Qui les contraignoit d'affermir & dire avec aſſurance, ce qu'ils ignoroient? il y a donc eu plus que ſouſpçon. Or l'opinion eſt fondee ſur coniectures, indices, &

vray-semblances : mais encore , qui est cestui-là qui vueille quitter le certain pour l'incertain ? & notamment la vie , qui leur estoit certaine , pour vne opinion simple qu'ils aurôt de quelque chose ? On trouuera sans doute , qu'ils ont eu vraye foy & science,ou cognoissance certaine des abysses de maux,desquels l'Antechrist a presque submergé l'Eglise visible , & les hommes que Dieu luy a liurez par son iuste iugement. Nous auons dit, & la verité est telle,qu'il est menteur, de vouloir restraindre l'efficace de la parole de Dieu preschee par nos Docteurs, aux seuls ignorans & simples , comme s'il eust esté aisé de leur faire recevoir le gris pour le blanc , & le iaune pour le rouge, c'est à dire , vne apparence pour la verité, vne coniecture & accident pour vne vraye cause & propre effect. Qui le iustificera,& ceux qui tiennent semblable langage,d'estre calōniateurs,qu'une dispute?pourquoy donc refusent-ils d'y venir? fuyons-nous à faire voir à vn chacun la sincerité de laquelle nous y auons procedé , & la verité de ce que nous auons enseigné & enseignons ? tous n'ont aussi esté des simples ignorans & idiots,qui ont detesté la doctrine Papale, & receu le pur Euangile de Iesus Christ,il y a eu de Rois, Princes, Theologiens,Euesques,Abbez,moines,Iuriconsultes, Presidens, Conseillers, Medecins, & autres, à qui Dieu a fait misericorde, ainsi qu'on peut lire és histoires tant des Martyrs,que des affaires de l'estat de la religion & Republique de ce temps,ausquels ie m'en remets. Venons à l'autre-moyen que Sponde dit auoir esté tenu de nos



premiers Ministres. Ils se sont serui, dit-il, du premier artifice, dont ce vieux Serpēt seduisit nos premiers Peres : car souz ombre de les faire plus sçauant, il leur fit perdre ceste sçauante ignorance, en laquelle Dieu les auoit establis, & les rendit ignorans du tout. O langue vrayemēt serpentine & diabolique à outrager calomnier & mentir! par promesse de science, ceux qui nous ont deuanteez, ont attiré les hommes à eux. Le desir de science & de s'auancer és mysteres de Dieu, ne peut tomber que là où il y a quelque cognoissance : & si tous ceux qui ont embrassé la vraye religion, estoient si brutaux que Spōde les a faits, pour ne sçauoir distinguer la verité du mēsonge. D'où leur venoit ce desir ? & à la verité aussi durât ces tenebres si espesses, la promesse de lumiere qui regarde l'ame, & est chose inuisible, n'eust eu ceste vertu d'esmouuoir ainsi tant d'hommes, & les rendre desireux d'un tel bien, qui sont plustost allechez par promesses de felicité presente, & par les choses qu'ils voyent : moins vne simple promesse de science, peut-elle rendre sçauant, & chasser les broüillars & obscurité où les hommes estoient plongez. Il y a eu l'effect de ceste promesse, à sçauoir, la clarté de la parole du Seigneur proposee par la predication, accōpagnée de l'Esprit de Iesus Christ, qui a apporté ceste clarté, & aube de la prochaine venue d'icelui, laquelle nous attendons & desirons. Ce n'a esté desir de science & cognoissance de Dieu, qui a fait tresbucher nos premiers Peres, mais curiosité & desir de science prohibee. Et que Spōde monstre si nos premiers

auteurs ont fait de telles promesses : mais on ne  
 trouuera és liures de leurs Docteurs, soit Pres-  
 cheurs, soit Scholastiques seulement des promes-  
 ses, mais de choses presque toutes curieuses : de  
 telle façon que ce Prince de tenebres, a esloigné  
 les hommes de la vraye, solide & salutaire scien-  
 ce, par les deux contraires, curiosité & mépris,  
 ou negligēce & reiection des Escritures, & creue  
 de delpit de ce que les hommes n'ont esté tou-  
 iours entretenus en ceste, que son suppost appelle  
 sçauante, mais plustost sanglante ignorance. Ce  
 que les Ministres & Pasteurs qui sont és Eglises  
 reformees alleguent, pour monstrier la fidelité  
 qu'ils apportent en l'exercice de leur charge.  
 Sponde pour faire paroistre qu'il est en toutes fa-  
 çons calomniateur, l'expose tout autrement, &  
 le tire à la vocation. De nous dire, dit-il, que vous  
 nous preschez la parole de Dieu, ce n'est pas as-  
 sez, il faut auoir charge de la prescher. Nous re-  
 connoissons l'ordre qui doit estre gardé en l'Egli-  
 se de Dieu, pour vne marque d'icelle, 1. Cor. 14.  
 & Coloss. 1. Actes 13. verset 15. & condamnons  
 ceux qui s'ingerēt és fonctions publiques, soit po-  
 litiques, soit Ecclesiastiques, sans y estre deuēment  
 appelez. Mais ce blasme ne nous touche en rien,  
 car nos Pasteurs ont esté & sont appelez legiti-  
 mement en leurs charges, encore que tous ne le  
 soyēt point selon les loix de l'Antechrist, & com-  
 me il voudroit, pour se maintenir tousiours en sa  
 tyrannie. Si au reste nous insistons plus à mainte-  
 nir que nous n'annonçons que la seule parole de  
 Dieu, qu'à declarer nostre pouuoir, c'est tant

pour respondre à ceux qui nous accoulpent d'heresie, & par ce moyen nous veulent rendre odieux enuers tous : car quiconque presche la doctrine Apostolique, c'est à dire, contenue es liures des Apostres, n'est point heretique, ny ne presche heresie : que pour rabattre l'orgueil & vaine iactance de ceux qui se disent Euesques & prelats, & cependant sont desgarnis de la principale partie de leur enuoy, à sçauoir, de la suffisance à enseigner la saine doctrine, & de l'examen touchant icelle, & n'exercent ce deuoir-là, qui est des principaux & premiers : que s'ils preschent quelques-foys & peu souuent, lors il vaudroit beaucoup mieux qu'ils eussent la bouche close, puis qu'ils ne proposent que leurs songes, & que par leurs impietez ils souillent les mots de l'Escripture, qu'ils font retentir à haute voix en leurs temples, en langage incognu. Et que respondroit Sponde à ce que Bonauenture general des Cordeliers, & depuis Euesque d'Albe & Cardinal, a escrit sur le chapitre huietiesme de saint Luc, que prescher n'appartient point seulement aux hommes Apostoliques, mais aussi à tous ceux qui sont gés de bien, lesquels ont esté enseignez de Christ? Je coucheray icy ses propres mots : *Prædicationis opus, non tantum est virorum Apostolicorum, verum etiam quorumcunque bonorum qui à Christo edocti sunt: unde etiam Christus discipulis prohibentibus, quendam in nomine Christi eicere demonia qui Christum non sequebatur, dixit ad illos: Nolite prohibere, qui enim non est aduersum vos, pro vobis est. Bonus enim vir debet dicere quod dixit Moses, Numerorum 11. quis tri-*

*buat ut omnis populus prophetet, & det eis Dominus Spiritum suum? secundum illud, Philipp. 1. dum omni modo siue per occasionem siue per veritatem Christus annuncietur & in hoc gaudeo.* Pour dire ce que i'en pense, certes il ne doit estre permis à tous de parler en l'assemblée de l'Eglise, à fin que la licence n'engendre confusion, ains il y doit auoir certains personnages deputez à cest office, qui soyent en autorité du consentement public : mais il est vray aussi, que ceux qui s'arrestent du tout non tant à la vraye vocation extérieure, qu'à quelques ceremonies vaines, & sont attachez tellement à vn ordre & à certaines personnes ordinaires, qu'ils ne veulēt donner aucun lieu à quelque chose d'extraordinaire sans miracles, ne se soucient guere de profiter en la pieté & religion, & ne demandent que pretexte & couleur pour estoupper leurs oreilles à la voix de Dieu. Et ie demande, prescher, enseigner la parole en public, & escrire des liures en la Theologie, & disputer là des poincts hauts de la foy, & qui sont en controuerse, les mettre en lumière & es mains de tous, ne sont-ce pas choses pareilles & où il faut pareil pouuoir? & qui a donné ce dernier à Sponde? & s'il ne l'a point, pourquoy l'a-il fait? Il ne l'auoit point pour estre moine, Prestre, Curé, Abbé, Euesque, ou Docteur en Theologie, & ainsi son pouuoir à escrire de ces choses n'est point ordinaire: estant extraordinaire comme il est, où sont les miracles selon sa reigle, à fin qu'on croye à ce qu'il enseigne? On me respondra, qu'il a esté approuué en cest œuure des ordinaires qui

l'ont rédu legitime. Mais aussi ie replique, que nō-  
obstant il demeure tousiours extraordinaire, tant  
pour n'estre, comme ils parlent, du Clergé, qu'à  
cause que ç'a esté apres la cōposition, que son li-  
ure esté authorisé: qui est chose aussi extraordi-  
naire, veu que l'ordre accoustumé porte, que la  
vocation aille deuāt l'executiō, & precede le tra-  
uail & la peine, & partant voila commēt il se mes-  
conte en ses conclusiōs: selon lesquelles ceux qui  
ont examiné son escrit, quelque orthodoxe qu'ils  
l'ayent iugé, le luy deuoyent rompre & lacerer,  
*ex de seclū potestatis*, du defaut de pouuoir, duquel  
au moins il n'a point fait apparoir par miracles:  
si ce n'est qu'on mette en ce rang ce qu'il est mort  
(ainsi que l'on dit) par vn iuste iugement de Dieu,  
enragé & forcené. Mais les responses qu'il fait  
à nos argumens declarent, que desia aupara-  
uant il estoit hors de son bon sens. Examinons  
ceste-cy, continuant le mesmē suiet en la page  
124. Les exemples, dit-il, des Prophetes entre  
les Iuifs, ne vous seruent de rien, encore qu'à  
quelques vns les miracles leur ayent manqué.  
Nous disons ainsi, que si la vocation des Prophe-  
tes du peuple d'Israël qui estoit extraordinaire, &  
mesme toute celeste & de Dieu, a esté legitime  
sans miracles: que la vocation extraordinaire des  
premiers qui ont fait la guerre, & se sōt opposez à  
l'Antechrist, ne doit estre estimee illegitime, pour  
n'auoir des signes. Sponde nie la conséquence: car,  
dit-il, les exēples n'ont iamais force ne raison, non  
pas s'ils ne sont approuuez, & n'ont tesmoignage  
d'estre imitables: mais l'estans, ils l'ont: autrement

l'esprit de Dieu qui nous exhorte à imiter Dieu, Iesus Christ, les saincts Prophetes, Patriarches, Apostres, & autres en sa parole, ne scauroit ce qu'il auroit dit. Sainct Paul qui conclud par l'exemple d'Abraham, que nous sommes iustifiez par foy, seroit sans raison. Aristote en plusieurs endroits, met les exemples entre les argumens, *lib. 2. priorum, cap. 29. 30. & lib. 1. post. cap. 1. Quintil. lib. 5. cap. 9. Institut. oratoriæ: Omnis probatio artificialis constat, aut signis, aut argumentis, aut exemplis.* Et encore n'alleguons-nous pas les Prophetes, pour dire que ceux desquels nous parlons, les ayent de leur propre mouuement voulu imiter en leur charge: mais nous disons que si en tout enuoy extraordinaire, les miracles estoient necessaires & essentiels, les Prophetes qui n'ont point fait de signes, seroyent des coureurs & imposteurs. Il nous suffit de môstrer par ces exemples, qui font vne instance, que ceste proposition vniuerselle de Spode est faulse, Que sont les miracles? les ordinaires & necessaires preuues de toutes actions extraordinaires. Or prenôs-le en la maniere que Spode l'entend, c'est à dire, estendons les exemples des Prophetes à Luther, & autres, & disons que comme sans signes & miracles plusieurs d'eux ont bien fait, de s'estre publiquement opposez aux vices des hommes de leur temps, & d'auoir crié contre les Rois, Sacrificateurs & tout le peuple, estans assurez en leur conscience qu'ils estoient appelez de Dieu. Luther, semblablement Iean Hus, & autres sont à louer, & ne doiuent estre reiettez, nonobstant qu'ils n'ayent point fait miracles, d'auoir repris

& en particulier & en public les idolatries, superstitions, simonies, sacrileges, & autres telles meschancetez, qui se commettoient en l'Eglise, & l'ont abastardie & corrompuë. Iamais le semblable, respond Sponde, ne fust la chose mesme. Si faut bien, non pas en tout, mais en ce qu'ils conuiennent & sont semblables: car qu'est-ce que similitude, que participation d'une partie de la forme ou qualité qui est en vn autre? nous ne voulons pas aussi en tout & par tout faire respondre les vns aux autres, mais en ces actions seulement. Il y-a d'auantage, dit-il, ces comparaisons de vous à eux clochent de tous costez. en quoy? ie requier qu'il specifie ces dissimilitudes qui se trouuent en ceste comparaison, au regard du fondement de ce faict, à cause duquel ils sont comparez. Voicy la premiere, dit Sponde: quand les Prophetes ont esté extraordinairement suscitez de Dieu entre ce peuple, ils n'ont iamais fait schisme en l'Eglise, & vous en avez fait? ce dernier ne s'est trouué veritable par les demonstrations que nous en auons faites en ce mesme chapitre, où ie remets le lecteur. Se separer des idolatries & des compagnies, où on ne peut en aucune façon communiquer sans se polluer de mille ordures & abominations, n'est faire schisme. Les Prophetes ne se sont retranchez de la societé de ceux de Iuda, entre lesquels estoit le pur seruice de Dieu, quelques grandes imperfections qu'il y eust, desquels il faut entendre sainct Augustin, *in opere breuicul. collat. 3. Dei, cap. 4.* & non des Israélites. Ses paroles le tesmoignent assez: *Dixerant Donatista in literis suis, non prophetas com-*



*municare illis, in quos mala tanta dixerunt. Responderunt catholici, quod unum templum fuerit quo uniuersi utebantur, nec quenquam prophetarum constituisse sibi aliud Templum, sacrificia, sacerdotes, &c.* Cest vni-  
 que temple ne se peut prédre que de ceux de Iuda,  
 car les Israélites auoyent Bethel, Galgal & autres.  
 La 2. les Prophetes n'ont point basti autel contre  
 autel, & vous l'auiez fait: non pas les Prophetes qui  
 estoient en Iuda, mais ceux qui ont prophetisé en  
 Israël, ont destourné le peuple d'aller ausdicts Be-  
 thel, Galgal, Dan, & autres lieux, & ont fait leur  
 possible à faire demolir les autels, & veaux qui y  
 estoient, & ont dressé & recueilli ceux qui ont  
 obeï au Temple de Ierusalem, pour faire les sacri-  
 fices en l'autel que le Seigneur auoit ordonné: par-  
 quoy ils ont opposé autel à autel, & Temple à  
 Temple. La 3. ils n'ont point dégradé les sacrifica-  
 teurs ordinaires, & ne se sont fourrez en leur place.  
 Et qu'est-ce que degrader vn Pasteur, que de luy  
 oster le troupeau qu'il auoit? & vn Sacrificateur  
 que de luy renuerfer l'autel? & vn Prescheur que  
 de luy abbatre la chaire? Or les Prophetes ont fait  
 cela aux Sacrificateurs de Baal, & autres qui e-  
 stoient en Israël. Il appert donc que nous ne som-  
 mes point dissemblables des vrais Prophetes en  
 tous ces faits. Voyons si en ce 4. au moins nous  
 sommes differens ainsi qu'on pretéd. Nous auons  
 cōuertit, dit-il, la vocation extraordinaire, en voca-  
 tion ordinaire: ce que les Prophetes, desquels nous  
 parlons, ne firent iamais, & ne se sont iamais four-  
 rez en la place des Sacrificateurs qu'ils deposoyēt.  
 Sans doute ils n'ont point laissé le peuple sans con-

duite, sans instruction, sans Sacremēs & sacrifices: & puis qu'ils luy ostoyent les faux Prophetes, & faux Sacrificateurs, ils leur en ont baillié d'autres, & surrogé en la place des premiers, ou pour mieux dire, de ceux qui estoient entrez par la fenestre, les vrais & legitimes. Ils leur ont, di-ie, constitué pour Sacrificateurs, ceux d'Aaron & Leui, qui estoient en Iuda. Les Prophetes voirement qui n'estoyent point ny de la lignee de Leui, ny de la famille d'Aaron, ne se sont point ingerez en la sacrificature: car ils n'estoyent Sacrificateurs pour ceste partie d'offices de sacrificateur, qui gitoit à faire des sacrifices typiques & legaux, ny ordinaires ny extraordinaires, mais bien docteurs, & qui ont exercé leur charge tant qu'ils ont vescu, & ont laissé des successeurs ordinaires en icelle. Elie a appelé Elisee, & Elisee a eu des fils & disciples qui luy ont succédé. 2. des Rois, chap. 4. vers. 38. & par ce moyen la vocation extraordinaire a esté faite ordinaire, & les premiers Prophetes qui immediatement estoient de Dieu, en ont façonné d'autres, qui sont venus par leur entremise & par leur travail, lequel Dieu a benit. Sponde ayant comme il pense suffisamment respondu à vn de noz fondemens pour la vocation de noz pasteurs, nous veut encore fermer la bouche, & nous oster, s'il pouuoit, cest autre, à sçauoir, que ceux que Dieu a suscitez contre l'Antechrist, tel qu'est Luther & autres, auoyent vocation ordinaire, par laquelle ils estoient obligez à precher la verité: s'ils l'auoyent ordinaire, elle estoit legitime, ou nulle ne l'estoit: car vne mesme chose en sa nature, ne peut estre legitime és vns & illegitime

és autres. Il est vray, dit Sponde, ils auoyent vocation de prescher la verité, mais non pas de prescher contre l'Eglise, en laquelle ils auoyent prinse leur vocation: & dès lors qu'ils se sont bandez contr'elle, ils l'ont perduë en effect. l'en suis avec toy, Sponde, & maintien que s'ils se sont esleuez cõtre l'Eglise, & l'ont persecutee, ils n'ont peu retenir qu'à iniuste titre, ce qu'ils y auoyent prins: mais tu demeurez là tout court. Nous scauons que cela ne leur est aduenü : au contraire ils ont maintenu l'Eglise, ils l'ont retiree de la tyrannie de l'Antechrist, ils l'ont repurgee entant qu'en eux a esté, des idolatries, blasphemés, fausses doctrines, superstitions qui luy auoyēt presque coupé la gorge. Elle estoit enseuelie dans les tenebres d'ignorance de Iesus Christ, & du moyen d'obtenir salut, & ils l'ont esclairee par predicatiõs & expositiõs des Escritures pour sainctes. Il me faudroit beaucoup de papier, descrire & de nombrer les benefices que Dieu a fait à ses esleuz & fideles, & à toute la Chrestienté par leur moyen. Les Iesuites, singes de nos Eglises, & tous ceux des prescheurs Romanistes, qui ont bruit & reputation de sçauoir & doctrine, ont prins & prennent leurs catechismes, prieres, sermons, en les desguisant & falsifiant, c'est à dire, y meslant le poison qui est du leur, des œuures de Luther, Melancton, Calvin, & autres. Est-il vray-semblable, replique Spõde, que ceux qui auoyent chargé Luther de prescher la verité, trouuassent mauuais, s'il s'en acquittoit dignement? l'effect l'a monstré, car aussi tost qu'il a ouuert la bouche contre les blasphemés & auarice du Pape de ses que-

fleurs & prescheurs de ses bulles, par lesquelles il promettoit absolutiō de tous pechez, & le Royaume des cieux, moyēnāt certaine somme de deniers qu'il falloit donner: ausquelles le peuple adiouſtoit foy, & croyoit qu'apres ces pardons achetez, on ne pouuoit faillir d'estre sauué: n'a-il pas eu le Tschel, Ekus, Prieras, Horſtrat, & Caietan, qui l'ont pourſuiui à mort? Le Pape meſme Leon, n'a-il pas rugi & eſtendu ſes gryphes tant qu'il a peu contre luy? quelle aſſiſtance en ſi bonne cauſe & verité ſi manifeſte, a-il trouué en Albert de Brandebourg, Archeueſque de Mayence, & depuis Cardinal? Voila comēt ſes piliers de l'Egliſe trouuent bon qu'on preſche la verité! Mais la ſophiſterie qui ſuit mérite d'estre deſcouuerte, Puis que Luther ne tenoit point pour Egliſe, celle donc il ſe ſeparoit: tout ce qui luy auoit eſté conſeré de charge, ne valoit rien du tout, car nul ne donne ce qu'il n'a point, & ce qui n'eſt point Egliſe, quelle charge peut-il donner qui tende à l'Egliſe? Ceſte conſeſſion eſt fondee ſur vne fauſſe preſuppoſition, que nous oſtons toute verité & nom d'Egliſe à la Romaine. Si cela eſtoit ainſi, toutes les charges qu'on prendroit là dedans, ne ſeroyēt nullemēt Eccleſiaſtiques: car il faut que l'effect exprime & participe à la qualité de ſa cauſe. *cauſa eſt qua eſt effectrix exiſtentia cauſati, cum expreſſione ſimili.* *Ariſtotel lib. 10 de Theolog. cap. 17.* Mais nous ne parlons pas ſi auſterement, ains luy laiſſons quelques traiçts & quelque forme d'icelle Egliſe: toutesſois corrompue & tendante à abolition & à mort, pour les raiſons que les chapitres precedens traittent au long.

Suiuant ceste verité, nous ne contredisons, qu'il n'y ait des charges Ecclesiastiques, & que quelques vnes d'icelles ne soyent bonnes, saintes & legitimes en elles, prises en leur vraye nature & vsage, tel que les saintes Escritures les nous depeignent: mais bien maintenons-nous, que les promotions à icelles sont detreiglees, qui se font au rebours des loix que le saint Esprit en a baillées: que pour ce regard tous y paruiennent illegitimement, *Aliud est non habere aliquid, aliud non iure habere & perniciosè habere. Lombardus libro 4. sent. distin. 24. cap. 1. ex Augustino.* Mais à cause que les Chrestiens se sont lousmis, & ont fait ioug à l'Antechrist & à ses ordonnances, & les ont tenues, & encore plusieurs les tienent pour iustes & saintes, selon icelles, les Prestres, Euesques, Curez, peuuent estre dits legitimes en leurs charges: & ce qu'ils font de bien selon le deu d'icelles, estre fait legitimement deuant les hommes, & en ceste Eglise visible & ministeriale, c'est à dire, qui les aduouc & leur donne par consentement tacite la puissance, mais iusqu'à tant qu'ils se les rendent au plus pres legitimes, en ayant ou acquerât ce qui est de l'essence d'icelles, & corrigent par eux-mesmes ces defauts & omisions, qui ont lieu en la simonie Papale, où Dieu leur ayant fait la grace d'auoir les choses requises & necessaires, & qui sont du principal, pour auoir asscurâce qu'ils sont vraiment appelez de Dieu, cesdictes charges leur sont en ruine, & ce qu'ils font est sans fruct & efficace, veu que l'institution du Seigneur est negligee & réuersee en leur ordination, sans lequel il ne faut attendre aucun bien

& benediction. *Vnum & idem potest esse verum & ratum quo ad se : quo ad effectum verò falsum & inane, & in his qui malè tractant illud, & in ijs qui malè suscipiunt, Petrus Lombard. lib. 4. sent. dist. 25. cap. 2.* Il est vray que ce ministère, de soy inutile, par vne grace singuliere de Dieu, est rendu vtile enuers ceux auxquels il a esté exercé: Dieu supplant par son Esprit, & par les moyens qu'il présente à tels, ce qui leur auoit esté osté par l'illegitime vocation des ministres. Parainfi ie conclu, que Luther (& le mesme s'en-ie de tous les autres ses semblables) a eu premieremēt sa vocation externe legitime, deuant les hommes en l'Eglise Papistique: & combien qu'il ait esté appellé illegitimement au regard des loix diuines: toutesfois la faute est en ceux seulement qui luy donnoient vocation: car ayant ce qu'ils eussent deu requerir de luy, il a esté approuué du Seigneur, & en a eu tesmoignage au dedans par le sainct Esprit. Sponde ne pouuant par ce bout degrader Luther, y veut venir par vn autre. Si, dit-il, sa vocaton a esté legitime dès le commencement, renonçant à ceux qui la luy auoyent donnee, il a aussi renoncé à ceste vocation. Je le nie, prenāt ceux qui donnent la vocation, pour les hōmes qui ne sont que ministres & instrumens, pour declarer la vocation diuine: en renonçant donc aux hommes & à leurs fraudes & abus, il n'a renoncé à Dieu, ny à son Eglise. Il est certain pour le dire en general, que s'il aduient que quelques Euesques & Pasteurs soyent entachez d'erreurs & de mauuaises doctrines, qui viennent à estre manifestees, dont s'ensuiue leur degradation

gradation & excommunication par sentēce & iugement de l'Eglise, ceux qu'ils aurōt appelez deuant leur deposition, peuuent renoncer & à eux & à leurs opinions: & neantmoins l'autorité & puissance qu'ils ont receuē par leur ministere, n'en fera de rien amoindrie. La raison est, d'autant qu'ils ne sont que ministres de Dieu, à qui seul l'autorité d'appeller appartient, & de l'Eglise, qui a receu immediatement ce droit d'iceluy: comme ceux qui ont esté baptizez par les heretiques, selon la forme ordonnee par Iesus Christ, & se rangent depuis en l'Eglise, ne renoncēt au Baptēme, ny ne le doiuent faire, qu'il ont receu par eux: car en sa substance, c'est le Baptēme de Iesus Christ, mais bien à leurs heresies & superstitions. Parquoy il n'y a rien de plus clair par ces raisons, que le renoncemēt de l'un, ne tire avec soy le renoncement de l'autre. Or ce que nous disons estant trespuray, voila Sponde decheu de l'une & de l'autre de ses raisons, & par mesme moyen de sa conclusion, qui est, que Luther n'ayant point de vocation, ne la peut donner à personne, car il en a eu: & d'où, dit-il, s'il ne l'a eue des Catholiques Romains? il ne l'a prinse d'ailleurs. Il falloit donc monstrier que toute l'Eglise est Romaine, mais il en va autrement: car ceste Eglise où Luther a enseigné, & laquelle avec soy il a retiree de la tyrānie de l'Antechrist, luy a donné vocation, apres l'auoir ouï en ses raisons & iustifications, sur ses inuectiues & iustes reprehensiōs, & refutatiōs des indulgences Papales, des œuures meritoires, & autres fausses doctrines. Item du tort & iniustice que le Pape &



les deputez & supposts luy faisoient, en la procedure de sa cause. Encore bien donques que son autorité à dresser l'Eglise reformee, procede d'occasion & d'accident, & pour ce regard soit extraordinaire & accidentaire en luy: toutesfois elle n'a esté nullement defectueuse, non pas mesme de la source, & n'a eu besoin d'accomplissement ny perfection en façon du monde, Y a il rien plus? ouy, dit Sponde, page 126. car quand Luther eust eu vocation, il ne l'auoit que limitée: & combien qu'il fust Prestre, il ne pouuoit conferer les ordres de prestrie à personne. Pourquoi? les Euesques auoyent ce seul pouuoir, auquel consistoit la difference d'entr'eux & les prestres. Qui le dit? la reigle introduite par les Apostres, & depuis si rigoureusement pratiquée en l'Eglise primitive. c'est imposer aux Apostres & à l'Eglise. Qui en iugera que les sacrees pages de la doctrine & faits des Apostres, & les histoires & liures du depuis escrits touchant ces matieres? le m'en remets aux auteurs & lieux marquez és chapitres precedens, d'où on iugera combien calomnieusement on nous blasme, du desdain de l'antiquité: & outre, les susdits tesmoignages qui enseignent que l'Euesque ne differe du Prestre, & que l'Episcopat & la prestrie est vne mesme & pareille charge Ecclesiastique: I'ay ces raisons par lesquelles il s'ensuit, que celuy qui est Prestre, peut conferer la prestrie, aussi bien que celuy qui est appelé Euesque: la premiere est, Quiconque dône le signe & ceremonie de prestrie comme ministre, donne aussi l'autorité & la puissance signifiée par ceste ceremonie: autrement

ceste action seroit vne farce & vn ieu d'enfans. Or l'imposition des mains se fait par les Prestres, 1. Tim. 4. vers. 14. Ne neglige point le don qui est en toy, qui t'a esté donné pour prophetiser, avec l'imposition des mains du Presbytere. Non seulement dit Thomas, sur la distinct. 24. du 4. liure de Lombard quest. 1. artic. 1. & 2. l'Euesque met les mains sur les Prestres qui sont ordonnez, mais aussi les autres Prestres presens. Denis au 5. chap. du liure de la hierarchie Ecclesiastique, en la section qui a ce titre, Le mystre des consecrations des sacrees ordres, recite, qu'on ne fait point presque d'autres ceremonies en la consecration de celuy qu'il appelle *ιεραρχης*, c'est à dire (comme l'expose Maximus) Euesque, que de celuy qu'il nomme *ιερεὺς* Prestre, & *λεύτεργος*, Ministre, ou Diacre: sauf que les Escritures saintes, & liures sacrez sont mis sur la teste du seul Euesque en son ordination, qui semble nous signifier que le seul Euesque est cestuy-là qui trauaille en la parole & en la doctrine, que saint Paul appelle aussi Prestre, 1. Tim. 5. vers. 17. & c'est de ceux là aussi que nous parlons: à quoy s'accorde la raison que ledit Denis donc de ce fait en la section qui suit, avec ce titre contemplation, *ἐκὼς ὅτι τῶν ἱεραρχικῶν κεισλῶν ὁπίθεται τὰ θεοπαράδοτα λόγια ὡς τὰ θεοειδῆς ἱεράρχης πσῶν τῶν ἱεραρχικῶν ἱερολογιῶν τε καὶ ἱερευριῶν τὴν ἀληθινὴν καὶ θεοφανερὰν ἐπισήμω ἐκ ἐλλαμφοθησομένων μόνον, ἀλλὰ καὶ ἐπεὶ ἀναλογίαις ἱεραρχικαῖς μεταβάσυνται*, &c. C'est à bon droit, qu'on met sur le chef des Euesques les oracles diuins, par ce que celuy qui est tel, ne doit pas seulement estre esclairé de ceste vraye & celeste co-

gnoissance, qui est de la volonté & des œuvres de Dieu, en ce qui touche la conduite & gouvernement & conseruation de l'Eglise: mais aussi doit enseigner ces choses aux autres, selō qu'il est seant & conuenable à sa charge. Tirons de ceste description ce second argument, celuy qui est Euesque a puissance d'ordonner des Pasteurs. Or le Prestre qui traueille en la parole est Euesque, par le témoignage de Denis, il sensuit donc que le Prestre qui traueille en la parole, peut ordonner d'autres Prestres. Prenant donc l'Euesque en ce sens, Luther a esté Euesque, & non seulement Prestre, parquoy il a peu former, façonner & consacrer d'autres Prestres. Ma troisieme raison est ceste-cy, que quiconque a pouuoir, ou seul, ou avec d'autres, pour corriger les scandales & fautes publiques en l'Eglise, cestuy n'est sans pouuoir, pour donner vocation aux Ministres de la parole. Ce que ie confirme par l'excommunication & deposition, qui sont parties de ceste correction: car quiconque peut déposer de quelque charge, peut aussi appeller en icelle. Or ceux-là qui administrent la discipline de l'Eglise, peuuent déposer & degrader: qui niera donc maintenant qu'ils n'ayent droit de promouvoir és charges Ecclesiastiques? Or aux Anciens & Prestres, à ceux notamment, di-ie, qui traouillent en la parole & en la doctrine, la iurisdiction externe de l'Eglise, est comunise par nostre Seigneur Iesus Christ, qui par l'Eglise entend le presbytere, Matth. 18 vers. 17. comme l'expose saint Chrysost. *dic Ecclesia*, di-le à l'Eglise, c'est à dire, à ceux qui president en l'Eglise. La glose or-

dinaire aussi sur ce passage nous enseigne, que l'excommunication se doit faire par la bouche de l'Eglise, c'est à dire, par le Prestre, avec lequel toute l'Eglise ouure quand il excommunie. *Thomas in catena aurea in Martham.* On peut donc aisément conclure, que celuy qui est Prestre, peut conferer l'ordre de prestise. Par ainsi reuenons à nostre principal : Luther encore qu'il n'ait eu ce titre d'Euesque, ains seulement de prestre, a peu suiuant l'ordre de l'Eglise, & gardant les choses requises, & y appellant ceux qu'il deuoit, a peu, di-ie, laisser apres soy des successeurs en la charge d'enseigner en l'Eglise. Qu'on considere aussi ce que suít, ne dira-on pas que cestuy a puissance de dóner vocation à quelqu'un, qui luy peut donner la volonté, la suffisance, & l'autorité & puissance en quelque charge ? Il me semble que celuy qui a ces trois choses, a vocation legitime en l'Eglise, Matth. 24. vers. 45. Qui est le seruiteur fidele & prudent, que le maistre a constitué sur ses seruiteurs ? cestuy est fidele, qui veut & est plein de bonne affection: cestuy-là est prudent, qui a la suffisance & le sçauoir. L'autorité est aussi deuers celuy qui est ordonné par le maistre, & à qui tous sont assuiettis & veulent obeir. *Bernard. epist. 42. & lib. 4. de consid. ad Eugen.* & ailleurs. Or les Anciens qui trauaillent en la doctrine, peuuent donner ces trois choses ministerialement, la science, par instructions estans Docteurs, & traittans la parole de Dieu : la volonté & l'affection par adiuratiōs, exhortations, sommations, estans ministres de Iesus Christ, Dieu parlant & priant par eux, 2. Corinth. 5. verset 20.

En fin l'autorité par le tesmoignage qu'ils rendent tant à l'Eglise, de la doctrine & vie de celuy qui est designé, proposé, & approuué par eux, qu'à l'esleu de la volonté de l'Eglise, de laquelle ils sont le conseil, les yeux, & la bouche: Parquoy Luther estant vn de ces Anciens & Prestres, il a peu avec ses compagnons & collegues, s'acquitter de ces choses: & pour ceste cause donner vocation à autres. Mais ie m'estonne de la bestise de ces gens, qui veulent bien que les Prestres communs ayent les clefs interieures, à sçauoir, celles qui regardent la seule conscience, & ces iugemens où le coupable est son accusateur: & ne veulent qu'ils ayent les clefs exterieures, ou puissance aucune es iugemens publiques de l'Eglise, qu'ils donnent toutesfois à ceux qui ne sont pas mesme Prestres: cōme si ceux qui ont le principal ne doiuent point auoir l'accessoire, cōme ainsi soit que la iurisdiction publique & qui s'exerce en la congregation des fideles, se rapporte à celle qui se fait en l'ame & au dedans la conscience, qui est la principale & la fin de tout ce qui se fait en l'Eglise, à sçauoir, le salut des ames: car c'est la fin & le fruit de la foy, 1. Pierre 1. vers. 9. toutesfois c'est l'opinion de tous ces messieurs les docteurs, Thomas, Durand, Scot, Biel, & autres, & ne peuuent competer qu'à ceux-là mesme à qui Iesus Christ auoit dit, Qui vous oit, il m'oit: qui vous reiette, me reiette, Matth. 10. Item, Allez, prechez l'Euāgile à toute creature, &c. Matth. 28. Marc 16. à ceux-là mesme, di-ie, ceste promesse est faite. Comme mon Pere m'a enuoyé, ainsi ie vous enuoye, Receuez le saint Esprit. A qui vous

remettez les pechez, ils leur sont remis: à qui vous les retenez, ils leur seront retenus, Jean 20. ver. 21. 22. 23. &c. & apres qu'il a donné ce commandement aux particuliers, de denoncer les rebelles à l'Eglise, il declare tout ensuiuant, quels ils entend par l'Eglise ministeriale, à scauoir, ces Apostres & leurs successeurs qui preschent la parole, & administrent les Sacremens, & non autres: c'est à ceux-là seuls à qui il dōne autorité de lier & deslier, Matth. 18. verset 18. d'où il appert que Dieu approuue ce que l'Eglise lie ou deslie en ce iugement public: veu que quiconque le mesprise, doit estre tenu pour Ethnique & Publicain. Je ne puis tirer la plume du papier, pour la multitude & varieté des raisons qui se presentēt. Je sçay bien ce que dit Isidore ici dessus, au liu. 2. des offices Ecclesiastiques chap. 7. *de Presbyteris*, qu'il n'y a nulle difference entre les Prestres & Euesques: car, dit-il, *his nempe Presbyteris sicut Episcopis dispensatio mysteriorum Dei commissa est: præsunt enim Ecclesys Christi, sed sola propter auctoritatem summo sacerdoti, clericorum ordinatio & consecratio reservata est, ne à multis Ecclesie disciplina vindicata cōcordiam solueret, scandala generaret.* De ces paroles nous recueillons, le mesme que nous auons ailleurs apporté de S. Hierosme, que les Prestres sont esgaulx aux Euesques en charges, sont les mesmes par ordonnāce diuine, & ont pareil pouuoir: l'ordination seulement par police humaine & Ecclesiastique estane laissée aux Euesques, pour entretenir la paix & cōcorde en l'Eglise, & euitier les scandales qui pourroyent soudre en icelle. Par-ainsi

les Prestres ne peuuent estre exclus des consecrations & ordinations, qu'autant que le bien de l'Eglise le requerra. Que si ceste reigle est en scandale, ruine l'Eglise, & empesche son edification, elle doit estre enfreinte, ainsi qu'elle a esté par Luther, & à bon droict: puis qu'elle est seulement des hommes, qu'elle a esté mise conditionnellement, & pour les fins susdites qui cessent. Parquoy ces Pasteurs qui ont eu leur ordination de Luther, c'est à dire, president sur l'election, receuât les voix & suffrages, & imposant les mains, sont legitimes, & sont entrez en la bergerie par la porte. Qui le trouuera estrange, me responde: Pourquoi les Prestres & Diacres de Rome, se sont meslez iadis des ordinations & censures? ne scauoyent-ils pas leur charge & deuoir? ont-ils esté priuilegiez par dessus les autres? Me dire que le Pape peut commettre à celuy qui n'est point Euesque, les choses qui appartiennent à la dignité Episcopale, sans qu'il soit Euesque, n'a vn grain de sel de raison: car qu'est-ce à dire, si non qu'un tel sera Euesque & non Euesque? qui implique contradiction manifeste. Telle est aussi toute la doctrine du Pape, ressentant son auteur, qui est l'esprit de contradiction, *in additionib. ad 3. summa Tho. quest. 38. art. 1. ad tertium.* Si Spode n'a peu de quelque part qu'il se soit tourné, faire trouuer Luther sans vocation, moins peut il les autres Pasteurs & ministres de l'Euāgile en l'Eglise reformee, quoy qu'il y face ses efforts: car nous auons vocation & de Dieu, & de ceux desquels nous-nous sommes separez, & des fideles qui sont sortis avec nous de Babylone, & ont secoué le ioug de



l'Antechrist. Que respōd-il à ce dernier? que c'est vne signalee marque de confusion, vouloir que le droiēt d'eslire ses Pasteurs, appartiene au peuple. Nous voulons que son consentement & approbation y entreuiene, parce que Dieu l'a ainsi ordonné, & luy a donné ce droiēt, que nous ne luy pouuons raur, sans estre trouuez sacrileges, tyrans, & plustost loups & larrons, qui entreriōs par la fenestre, que bōs & legitimes Pasteurs: en quoy n'y a nulle cōfusion, ny marque la plus petite que on puisse penser d'icelle: laquelle quiconque attribue à ceste façon de proceder, cestui-là en fait Dieu par mesme moyē l'autheur. Et qu'on iuge si c'est sans blasphemer, cōme ainsi soit que S. Paul nie, qu'il soit le Dieu de sedition, ἀναστασία, car il l'est de paix, 1. Cor. 14. v. 33. & nul ne puisse estre autheur de confusiō, qui ne le soit de peché. Et ne rougist-il point de parler de confusion? car où est-elle en matiere de vocatiōs & electiōs és charges publiques, que là où est la simonie? & où est la simonie, que là où les Eueschez, Prieurez, Abbayes, Cures, Prebendes, sont à l'enchere au plus offrant, au plus courant, & au plus fauori? & où sont ces reuenus (car ce ne sont plus charges) venaux qu'en la Papauté? où nous faut-il donc chercher la confusion qu'en icelle? L'exception de Sponde à ce que nous disons auoir nōstre vocation de l'Eglise, laquelle nous conduisons, est telle qu'il s'ensuit: Quand ie vous auoy accordé ceste election populaire, vous n'auriez pas pour cela la vocation: car ce n'est pas le peuple qui vous a imposé les mains, comme vous ne luy en donnez

pas aussi le pouuoir, & auparauant vos premiers pasteurs, il n'y en auoit point de legitimes à vostre conte, pour vous departir ceste imposition: & vous estes d'accord, que l'impositiō des mains est vne marque necessaire au Pasteur, &c. Il s'ensuit donques qu'en quelque part que vous puissiez chercher vostre pouuoir, il ne se trouue point cest amas de paroles qui se list en la page 177. pourroit troubler l'esprit des simples & peu vstitez à descouurir les sophisteries, si on ne leur subuenoit en le digerāt, en ceste forme de syllogisme & ratiocination. Ceux qui n'ont point l'imposition des mains, n'ont point vocation legitime: car l'imposition des mains est vne marque necessaire au Pasteur: or vous n'avez point l'imposition des mains, car vous l'auriez ou de vostre peuple, ou des Euesques de l'Eglise Catholique Romaine: mais vous ne l'avez des vns ny des autres, la conclusion est maintenant aisee à faire, laquelle se renuerse aussi aisément par la subuersion de ce qui la soustiēt, qui sont ces deux presuppositiōs? la premiere, que l'imposition des mains est vne marque necessaire au Pasteur, ce que nous nions: mais bien tenons-nous avec l'esprit de Dieu, contre les Docteurs Scholastiques, que c'est vne ceremonie prinse de l'Ecriture, & vne marque de la vocation, 1. Timoth. 5. vers. 22. N'impose point tost les mains sur aucun, & ne cōmunique point aux pechez d'autrui: car ce qui se prend pour l'election & vocation à quelque charge, est vn signe & tesmoignage d'icelle. Or ceste ceremonie d'imposer les mains, au passage de S. Paul, se prend

pour eslire & appeller en l'office d'Euesque ou Prestre : il s'ensuit donc que ceste ceremonie est vne marque de ceste vocation, laquelle aussi avec sainct Paul nous disons n'estre point vaine, mais estre signe de la grace spirituelle de Dieu. Ce qui est à mon aduis bien & claiement exposé par l'auteur de la hierarchie Eccles. souz le nom de Denis au chap. 5. *Manus Pontificis impositio Diuinum præsidium declarat, & ἐξ ἡς καὶ δυνάμει ἱερατικῇ largitur* *us qui cōsecrati sunt, exequi omnia officia & numerā sacri ordinis πῶς τὰς ἱερῶν ἐκτελεῖται τελῶν sub Deo.* Le different donc est touchant la necessité, & si quelqu'un peut estre vray & legitime pasteur, sans qu'il ait esté produit & receu par telle ceremonie. On ne peut plus dōner à ceste ceremonie ou sacrement, si on luy veut attribuer quelque chose, qu'aux autres, qui sont le Baptisme & la S. Cene. Or par le tesmoignage des anciēs & la cōfession propre de nos aduersaires, le Baptisme mesme n'est pas necessaire d'une necessité absoluë pour estre Chrestie, & pour estre sauué, à ceux qui ont la foy & croient. *Bern. in 1. parte epistole ad Magistrum Hugonem de sancto Victore. Si aquam non contemptus, sed prohibeat impossibilitas, credo sola fide hominē posse saluari, cum desiderio percipiendi sacramētum.* Je croy qu'un hōme peut estre sauué par la seule foy, pour ueu que nul mespris, mais la seule impossibilité ait empesché l'eau, & que le desir de percevoir le Sacremēt y soit. Parquoy l'imposition des mains ne sera non plus necessaire d'une necessité absoluë, & le defaut d'icelle n'empeschera, que ceux qui sont de saine doctrine & de sainte vie, qui

sont en vn mot garnis des choses lesquelles sont requises à faire l'office, & de ce qui est signifié par ceste ceremonie, ne soyent vrais & legitimes Pasteurs. Et de fait comme nous auons touché, Thomas en la distinction 25. du 4. liure de Lombard question 1. artic. 1. & 2. nie, que par l'imposition des mains, le caractere, comme il gergonne, de l'ordre de Prestre soit donné, mais seulement la grace qui rend les Prestres idoines à executer leur charge. Voila le premier appuy de l'illation de nostre aduersaire par terre. L'autre, est aussi vne autre fausse presupposition, que nous n'auons point l'imposition des mains. Le denombrement qu'il a tissé, est imparfait : car encore que nous n'ayons l'imposition des mains, ny du peuple & vulgaire des fideles, ny des Euesques Papistiques, nous qui sommes auourd'huy, l'auons de nos premiers Pasteurs, qui auoyent cessé de seruir à l'Antechrist, & porter la marque d'iceluy: en quoy ie ne compren l'imposition des mains, qui est vne ceremonie prinse de l'Escripture. Ils l'ont donques baillee à ceux qui leur ont prochainement succédé, & ceux-cy à autres, par ainsi il nous faut conclure, & à meilleur droict & raison, autrement que Sponde, & en ceste sorte ceux qui ont l'imposition des mains, de ceux qui ont pouuoir de la donner, sont Pasteurs legitimes de l'Eglise, & ont vocation exterieure : or les Pasteurs de l'Eglise reformee, ont l'imposition des mains, de ceux qui auoyent pouuoir de la donner, il ne les faut donc plus tenir que pour Pasteurs legitimes. Or quand mesme ces formalitez n'au-

royent peu estre gardees, veu l'estat où estoit l'Eglise, les Docteurs que Dieu a suscitez en ce tēps, ne seroyent pourtant illegitimes & sans pouuoir: car quand le feu est à la maison, quand l'ennemi est sur les murailles, tout le mōde, voire les moindres, ont assez de vocation pour esteindre ce feu, & pour s'opposer à ces ennemis: car la necessité & peril domestique euidēt & pressant, les excuse du commun ordre: la charité & l'vtilité aussi euidente & opportune de leurs sainctes & iustes actions, leur donne la voix, suffrage & consentement de tous les bons, & qui sont desireux de la gloire de Dieu & salut des hommes. Sponde fait ses efforts en la page 158. à infirmer & obscurcir la solide & claire iustification des actions de nos premiers maistres & enseignants, qui est presque palpable, par les similitudes que nous venons de dire. Qu'est-ce qu'il oppose? que ses cōparaisons ne sont pas du tout veritables pour nostre suiet, c'estoit dōc son deuoir de faire cognoistre la dissimilitude & differēce en la matiere dont il s'agist, & on luy eust respondu: mais puis qu'il le taist, pēsant auoir assez de raison & fermeté en ce qu'il adioust, nous passerons aussi par dessus. Celuy, dit-il, qui pour esteindre le feu, dechasseroit le maistre de la maison, pour s'en rendre le maistre luy-mesme: celuy aussi qui auroit chassé l'ennemi de dessus les murailles, qui s'en voudroit rendre ou le seigneur, ou le Gouverneur, souz ombred'une pitoyable ou necessaire charité, ne commettrait-il pas vne violēte & outrageuse iniustice? L'application de son propos est telle à la fin,

que puis que ces troupeaux où les Ministres sont, auoyent auparauant eux leurs Pasteurs, si lefdits Pasteurs ne faisoient pas leur deuoir, les Ministres ne leur deuoiét pas pourtāt rauir leurs troupeaux, & moins encore s'en rendre les Pasteurs eux-mesmes d'eux-mesmes. Mais est-ce Sponde qui parle? est-il bien possible qu'il soit si dissemblable à soy-mesme? & où est l'esprit, le iugement, la subtilité que j'ay cognu en ses escrits deuant sa reuolte? O Dieu que tu es espouuantable en tes iugemens, sur ceux qui tournent le dos à ta verité! le ne li icy que fausses suppositions, la premiere que les Pasteurs de l'Eglise soyét maistres & seigneurs de l'Eglise. Le contraire est enseigné par sainct Pierre en sa premiere, chapit. 5. vers. 3. La seconde, que les Euesques, Curez, & autres de la Papauté, soyét Pasteurs de l'Eglise, & gouuerneurs d'icelle: car ceux qu'on fait auiourd'huy en ceste Synagogue, ne sont appelez pour paistre le troupeau du Seigneur. I a 3. que les bouteux & ennemis de l'Eglise soyent estrangers & non domestiques, & ceux mesme qui se disent les Ministres de Christ. La 4. que les Ministres de l'Euan-gile se soyent rendus Pasteurs d'eux-mesmes, & ayent soustrait les troupeaux à leurs Pasteurs. La refutation est ici superflue, ie me contenteray seulement de demonstrier la iustice, de ceux qu'il accuse de violence & outrage, & d'auoir fait du mal souz couuerture du bien, ou d'auoir fait du mal à fin que bien en aduinist. Prenant ces propositions vrayes & indubitables, c'est iustice pour esteindre le feu d'une maison, de chasser le boute-

feu qui est dans icelle, & sur tout quand il est l'économe & despensier, qui autrement l'y remettrait tousiours, & merite vne trelgriefue punitiō. Si c'est vne chose iuste de chasser l'ennemi de dessus les murailles, à plus forte raison du dedans de la ville, s'il y est entré, ou qu'il soit des habitans, & plus encore s'il est le Gouverneur d'icelle, celuy sur lequel tous se reposoyent. Or c'est seulement ce qui a esté fait par les premiers, que Dieu a enuoyez pour chasser l'Antechrist de l'Eglise: ils sont donc iustifiez de ces meschantes & diaboliques calomnies, dont Sponde les charge. Item, ceux qui ne sont point Pasteurs, n'ont point de troupeaux: or les Prelats Papistiques ne sont Pasteurs & Euesques que de nom: donques ils n'ont point de troupeaux. En fin ceux qui ont vocation legitime, ne rauissent point les troupeaux d'autrui: or les Ministres de l'Eglise reformee ont vocation legitime: parquoy ils ne rauissent les troupeaux à leurs Pasteurs. P'infere aussi opposant proposition à proposition, & conclusion à conclusion, que puis que nous auons Pasteurs legitimes, nous auons Eglise: & puis que nous auons Eglise, nous auons aussi salut, d'autant que là où est l'Eglise, là est Iesus Christ autheur de vie. Mais tout ainsi que Sponde a fait des irruptions & insultes contre l'Eglise reformee par la vocation, ainsi ayant desia donné plusieurs escarmouches & attaques sur nostre diuorce, d'auec la Papistique Romaine, il reuient encore & nous charge grandement par ces paroles en la pag. 145. Se separer de l'Eglise est vn horrible crime, par le pro-



pre tefinoignage de Caluin, lequel au 4. liure de son Institution chap. 3. feët. 4. prononce, que se separer de l'Eglise, est renier Dieu & Iesus Christ, & violer le sacré mariage, que le Fils de Dieu a daigné contracter avec nous. Or vous-vous estes separez de l'Eglise, &c. Nous nions cela, car se separer de l'Eglise Romaine, n'est se separer de l'Eglise: & encor ne sommes-nous point separez des fideles, s'il en y a aucuns cachez & couuerts, pour encor de peaux de loup, que Dieu descouurira & desueloppera en son tēps. Mais de quelle Eglise entend parler Caluin, quand il a foudroyé contre le schisme & les Schismatiques? de la vraye Eglise: de celle qui a vrayement Iesus Christ pour chef, de celle qui a la foy: & qui a ces deux marques exterieures, la predication de la pure parole de Dieu, & l'administration des Sacremens selon l'institution de Iesus Christ. Non content encore il veut qu'on luy cotte le nom & surnom, de celle à qui ces marques se peüent aujourd'huy accommoder. Je ne craindray point de luy dire, que c'est celle qui est en France reformee, à Geneue, Berne, Bearn, Zurich, Basle, en Angleterre, en Allemagne, Dannemarc, & ailleurs. Qu'obiecte-il encore d'auantage en la pag. 131. Premièrement, que nous auons prins vn mauuais fondement, de ne croire rien que ce qui est expressement porté par l'Escripture. Ce reproche est-il vray? nenny, nous ne parlons point d'expressement ou tacitement, quand nous confessons au 4. & 5. articles de la confession de foy des Eglises du Royaume de France, que la Bible & liures Canoniques, con-

tiennent

tiennent la parole de Dieu , que ceste parole escripte en ces liures, est la reigle trespertinaine de nostre foy & de toute verité , & qu'elle contient tout ce qui est necessaire pour le seruice de Dieu : & qu'il n'est loisible aux hommes ny aux Anges , d'y adiouster, diminuer, ou changer. Ce mot donc (expressément) y est adiousté captieusement, & avec calomnie, par Sponde : car nous tenons pour parole de Dieu, tout ce que l'Escripture enseigne, directement ou indirectement, en termes & mots exprez, ou par equiualét, par simple enonciation, ou par consequence necessaire & ratiocination. En vn mot nous estendons la parole de Dieu, autant que l'interpretation de l'Escripture se peut & doit estendre, & de ceste-cy, à sçauoir, ladite exposition, autant qu'est de l'intention & fin de l'Esprit de Dieu: que nous recueillons des maximes claires & generales, couchees au Symbole des Apostres, Commandemens de Dieu, & Oraison Dominicale, & autres parties de l'Escripture, ainsi qu'ailleurs nous auons déclaré. En apres nostre reüni & recatholiqué nous obiecte le schisme, reiterant vn mesme propos. Vous nous auez tiré de ceste Ierusalem où vous estiez, & nous auez emmenez en Samarie: le corps de l'Eglise estoit malade à vostre opinion, il le falloit guerir, & non pas le desmembrer: qui estoit le rendre plus malade, & tuer ses membres, que vous arrachiez de ce corps. Vne fausse doctrine, qui depend d'une autre, monstre, que celle d'où elle est recueillie, est aussi fausse. Dire que nous sommes schismatiques, pour nous estre separez de l'Eglise Romaine.

ne, est tresfaux : il est donc fort eslongné de la verité, que ladite Eglise Romaine soit Ierusalem, c'est à dire, la vraye Eglise. Sponde qui l'affirme, le deuoit tresbien prouuer, adonc il nous eut contrains à confesser nostre faute : mais il luy estoit autant impossible, que de persuader qu'un singe est vn homme. On peut en ceste sorte decouurer la fallace. Ceux qui se separét de la compagnie des idolatres, & ennemis endurcis de l'Euangile, font schisme, tels demembrent le corps de l'Eglise & le rendent plus malade. Item, tels apportent mort à ses membres, qu'ils arrachent de ce corps. Qui voudra, ie vous prie, souscrire à telles propositions? les Apostres qui ont fait des assemblees à part des Iuifs, ennemis cruels du Fils de Dieu, & de sa doctrine, & endurcis en leur Iudaïsme & pedagogie legale, sont-ils schismatiques? ont-ils delchiré l'Eglise? ont-ils fait mourir ceux qu'ils ont recueillis? nenny: mais au contraire, ont profité aux Iuifs mesmes, en leur ostant toute occasion d'endurcissement, & ont deliuré les fideles Chrestiens, par ceste separation, du danger d'estre infectez, & de participer aux peines & iugemens que Dieu enuoye sur les impies & blasphemateurs. S'il faut fuir vn heretique, & n'estre point pourtant schismatique, apres vne ou deux admonitions, Tite 3. vers. 10. combien plus vne multitude d'heretiques? Si ceux qui excommunient du corps de l'Eglise les scandaleux, impenitens, & qui apporteroient nuisance aux fideles s'ils estoient tolerez, & principalement des heretiques, qui par mesdisances peruerfes, & fausses

accusations de la pure doctrine, pourroyent renuerfer la pieté des infirmes, ne sont point schismatiques: ceux qui appellent & attirent à eux les estrangers de l'Eglise, & les separent, & font diuorcier de la cōpagnie & Synagogue des Turcs, Payens, Iuifs, idolatres, heretiques, ne le sont point: car il y a pareille raison de la vocation ou election, que de l'excommunication, c'est tousiours separation seulement. Il y a telle difference que par ceste-ci nous chassons & sequestrons les meschans des bons, & par l'autre nous separons les bons des meschans. En outre, se separer par le commandement de Dieu, n'est faire schisme: or Dieu commande que les bons Pasteurs se separant des chiens & porceaux, Matth. 7. verset 6. & de ceux aussi qui ne les receuront & n'orront leur parole, Matt. 10. vers. 14. & par consequent qu'ils menent avec eux les brebis, de peur que ceste parole ne leur soit prostitute: ce qui ne se pourroit faire sans vn vilain outrage, si faire schisme est demembrer le corps de l'Eglise, ou sain ou malade, & faire mourir les membres qu'on separe, ou se tuer soy-mesme en se separant. Ceux certainemēt qui delaisent la compagnie de ceux qu'on a experimenté estre d'une obstination & endurcissement desesperē, & auquel il n'y a plus de remede, par ce moyen se conseruent en vie, & font viure ceux qu'ils emmenent avec eux, tels, di-ie, ne sont point de schismes. Or le premier membre de ce propos estant vray, il n'y a dequoy douter du second qui suit: c'est pourquoy S. Paul Act. 19. v. 9. voyant qu'aucuns des Iuifs d'Ephese s'endurcis-

foient, & estoient rebelles, mesdisans de la voye du Seigneur deuant la multitude, se departât d'auec eux, separa les disciples, disputant de iour en iour en l'escole d'un certain Tyrannus. Il en a fait autant à Corinthe, ainsi qu'on peut lire au 18. ch. v. 5. 6. 7. du mesme liure des Act. à cause des Iuifs qui s'opposoyent à ceste doctrine, que Iesus fust le Christ, & blasphemoyent: Si fit les assemblees Ecclesiastiques en la maison d'un nommé Iuste. Or si ceux des Eglises reformees ne font qu'enfuiure les Apostres, & obeir au commandement de Iesus Christ, qui pourra iustement les accuser de schisme? Si on nous respond, que les Romaniſtes ne sont semblables aux Iuifs, ie maintien que la doctrine de ceux-là est pire que de ceux-cy, & qu'ils auoyent du temps des Apostres plus de raison de la maintenir: car ils l'auoyent de Dieu, que n'ont pas ceux avec qui nous debatons auourd'huy, n'ayans que les hommes pour auteurs de leurs doctrines. Si nous venons à l'obſtination de tout le Clergé, sans en excepter que fort peu, on trouuera que leurs oppositions, blasphemés, persecutions, surpassent de beaucoup, celles de tous les ennemis des Chrestiens qui furent iamais. Sponde ne trouue pas bon, que nous alleguions qu'on nous à chassés de ce corps, qu'il nomme l'Eglise Catholique, pourquoy? pource, dit-il, que si ç'a esté avec raison, vous n'avez point de quoy vous plaindre. Et qui en doute? mais deuant que nous condamner comme heretiques, nous brusler, massacrer & bannir, ne falloit-il pas nous ouïr? ne falloit-il pas nous conuaincre? nos par-

ties deuoyēt-elles estre nos iuges? puis que donc on a renuersé tout ordre de iustice, qui est en soy vne iniustice, c'est aussi vne indice que la cause n'est trop iuste. Et ce seul faict de nous auoir chafsez, rend nostre separatiō iuste, & les declare eux-mesmes schismatiques & iniustes : car celuy qui donne l'occasion du dommage, fait le dommage. Si vous n'estiez que des simples membres, dit Sponde, de ce corps, dont vous-vous estes separez, dites-moy, quel corps vous auez peu faire de vous-mesmes? car le corps est composé de tous ses membres-là. Vous n'auiez donc peu faire tout ce corps, au moins entier. De l'iniuste il vient maintenant à l'impossible, pour monstrier que nous ne sommes l'Eglise de Iesus Christ. Le premier argument estoit tel, que les schismatiques, qui renient Dieu & Iesus Christ, & commettent vne infinité d'autres crimes, ne sont l'Eglise : or nous sommes schismatiques au dire & opinion de messieurs les Romanistes, nous ne sommes donc l'Eglise. A ces deux derniers membres qu'on nomme assomption & conclusion, a esté ia respōdu en deux lieux de ce chap. l'autre est, qu'un corps imparfait & defectueux, ne peut estre l'Eglise : or nous ne faisons qu'un corps imparfait, car ce corps est mutilé, qui n'a tous les membres : nous n'auons point tous les membres de l'Eglise. Quand on niera ce dernier, estant tresfaux, quelle confirmation en lisons-nous? nulle. Il n'y a que ce seul mot en la page 131. vous n'estiez pas tous ces membres-là, en quoy ce mot de tous est ambigu, pour trōper, & notifier à vn chacun, de quel

esprit il estoit pouffé. Nous-nous recognoissons n'estre pas tous les membres de l'Eglise vniuerselle, mais nous auons de tous les membres qui sont requis, pour faire vn corps entier d'Eglise visible : car veu qu'elle doit estre composee de membres, de dissemblables qualitez & fonctions, & qu'il s'en y trouuera de toutes sortes, elle est entiere : ce qui se peut mieux voir par cest argument. Où il y a fideles enseignez, conduits, & loingnez, par Docteurs, Pasteurs, Anciens & Diacres, il y a vn corps d'Eglise parfait : or l'Eglise reformee a de ces quatre sortes de fideles, où les vns enseignent, les autres sont enseignez : les vns president, les autres sont conduits : il s'ensuit donc que l'Eglise reformee fait vn corps entier d'Eglise. Sponde se iette derechef sur nostre defect de charité, en ceste separation : ses mots sont en la mesme page que dessus 131. Si vous auez emporté avec vous toute l'ame, & la vie, & les membres de ce corps, de quelle charité auez-vous esté pouffez, d'estre cause de la mort, de ce que vous y auez laissé ? la vie de l'Eglise, c'est la foy, qui ne peut estre enleuee de ceux qui en sont douez : l'ame de l'Eglise visible, c'est la doctrine des Apostres & predication d'icelle, ceste-là est transportee d'un lieu à l'autre, d'une assemblee à une autre, cōme il plaist à Dieu exercer ses iugemens sur les hommes, pour punir leur ingratitude, mespris & reietcion de ce thresor qu'il leur presente. Ceux donc qui non seulement le mesprisent & reiettent, mais qui aussi poursuiuent ensemblement ceux qui le portent : sont cause de leur totale perdition,



estans desia morts : car là où la doctrine de Iesus Christ ne regne, il n'y a que tenebres & froideur. Celuy qui non contēt de ne prédre le pain qu'on luy donne, mais aussi chasse & veut tuer ceux qui luy offrent, & depuis vient à mourir de faim, est cause luy-mesme de sa mort. Le fruiēt des actiōs qui demandent acceptation, depend autant de celuy qui doit accepter, que de celuy qui donne: parquoy la peine & le travail sont inutiles, de ceux qui enseignent & exhortent, s'ils ne sont escoutez, & si les cœurs ne sont dressez: i'enten des auditeurs, à ce qu'ils disent. Or ce sont choses pareilles, d'estre present & faire quelque chose sans profit, ou d'estre absent, & ne faire rien. Par-ainſi quand nous-nous trouuerions en vos assemblees, tout moyen nous seroit osté de vous ranimer, fomentier, & faire fructifier, aussi bien qu'à present que nous auons diuorcié d'icelles, à cause de vostre dureté & obstination. Encore pour vaincre & amollir, s'il nous estoit possible, nous n'espargnōs ny nostre langue ny nostre plume; ny nostre sang, ny nos biens, desirans vous amener à salut par instructions, par liures, par martyres, & tous offices d'humanité & charité. Reste encore cest effort qu'il nous faut repousser en la page 132. dont la somme est, que puis que pour nostre chāgement, nous n'en sommes deuenus ny plus sçauans, ny plus deuotieux, ny plus gens de bien, ny plus alſeurez de nostre salut, nous ne le deuions faire. Je croy que Spōde a voulu faire iugemēt des autres par soy, mais il se trompe: car les maximes & propositions generales, vienēt des inductions & col-

lections de tous, ou de la plus grande partie des  
 particuliers. Mais pourquoy nous accuse-il tous  
 d'ignorance ? pource qu'il y en a vn grand nom-  
 bre d'entre vous : que s'il est questiō d'approfon-  
 dir viuement vne dispute, ils n'ont que du silence  
 & du mespris, sur la moindre difficulté qu'on leur  
 presente. Il estoit question de monstrier, si la re-  
 formation en l'Eglise est idoine à rendre les hom-  
 mes plus sçauans en la cognoissance de Dieu &  
 de leur salut, & non pas si les hommes sont deue-  
 nus tels : car cela procede de leur faute & negli-  
 gence, & tardiueté à ouïr & lire la parole de Dieu,  
 & non pas de la reformation. Nous tenons autres  
 principes que les Theologiens Sorboniques, qui  
 disent, que croire, est ne rien entēdre, moyennant  
 qu'on submette son sens à l'Eglise, c'est à dire, que  
 la foy gist en ignorance : comme ainsi soit qu'Ire-  
 nee la face mere d'heresies, & maladies de l'esprit  
 & de l'ame, liure 3. chap. 5. ausquels aussi con-  
 uient ce que le meisme attribue aux Valentinien-  
 s, d'appeller l'ignorance de la verité, cognoissance,  
 liu. 2. chap. 19. qui est l'excuse de Sponde, que l'i-  
 gnorance des Catholiques estoit couuerte par la  
 science de ces Docteurs : mais n'est-ce pas estre  
 captieux, de nier à quelqu'un le positif ou com-  
 paratif de quelque qualité, par ce qu'il n'a point  
 le superlatif ? c'est à dire, oster à quelqu'un tou-  
 te cognoissance, par ce qu'il n'a point vne par-  
 faite & profonde cognoissance. Si la plus part  
 de ceux de l'Eglise reformee, ne peuuent appro-  
 fondir viuement vne dispute en Theologie, sont-  
 ils sans cognoissance des mysteres de leur salut ?

Ouy, dit-il, car il y en a beaucoup qui ne se defendent que de leurs prescheurs, & faisans contenance d'estre bien resolus en leur foy, n'en scauroyent auoir rendu la raison que souz la foy d'autrui. Et qu'en scait-il? les a-il examinez & catholisez? le n'en sçay point d'autres qui soyent tels qu'il dit, que ceux qui vienēt de ceste nuit obscure de la Papauté en l'Eglise, qui ne scauent pas mesme leur *Pater noster*, ny leur *Credo*, & sont aussi nouveaux en la cognoissance de Iesus Christ, que les Topinambauts. Je croy que ceux qui ont esté esleuez & nourris comme luy en la vraye Religion, ont pour le moins aussi grands aduancemens en la cognoissance de l'Escripture qu'il peut auoir, & scauront par icelle rendre raison de leur foy, de laquelle il a fait naufrage, non tant en la nef de son intelligence que de sa conscience. Il s'en prend à ceste heure à la religion, disant, on a voulu auoir la Bible Françoisse, les Pseaumes en rime, chanter à plein gosier, prier Dieu en François: mais ie n'ay point remarqué que le peuple en soit deuenu plus sçauant, si ce n'est comme on apprend vne espee de iargon à force de coustume. Il reprouue ce moyen de seruir Dieu en langue intelligible, qui est cependant de Dieu, en quoy il le rend vray blasphémateur: car S. Paul prononce tout haut, qu'il aime mieus parler cinq paroles avec intelligence en l'Eglise, que dix mille en langue non entendue, 1. Cor. 14. vers. 19. & quāt à la priere & chāt, ce mesme Apotre au mesme lieu, par son exēple nous baille la reigle de ce qu'il faut faire & suiure, v. 15. Je prieray d'esprit, mais ie prieray aussi d'intelligence, io

chanteray d'esprit, mais ie chanteray aussi d'intelligence. A ceci est conforme le dire de Cassiodore sur les Pseaumes: Nous deuons dire les Pseaumes non seulement en chantât, mais aussi en entendant ce que nous chantons, *nemo enim sapienter quicquam facit, quod non intelligit.* Nul ne fait aucune chose sagement, laquelle il n'entend point. Il trouue illicite & inutile d'auoir la Bible en François, mais puis que les Latins l'ont translatee en leur langue, les Grecs en la leur: pourquoy doiuent estre priuez les François d'un tel bien? *Prophetarium*, dit Chrysostome sur le 2. chap. de la 1. aux Corin. *non reprehendes Prophetias: apud inimicos enim ij libri habentur, & à studiosis Gracis in Grecam linguam traducti sunt*, ce que les ennemis de Dieu ont fait pour en retirer du profit, ne sera-il point permis aux Chrestiens & amis de Dieu? S'il est commandé à tous de lire, sonder & ouïr la lecture des Esçritures, il faut ou que tous entendent ces langues, esquelles est l'original desdites Esçritures, ou qu'elles soyent traduites és lāgues de tous. Or le premier est vray, Deut. 31. vers. 9. Tu liras les paroles de ceste Loy deuant tout le peuple d'Israël. Sainct Paul, sainct Pierre, sainct Iean, & autres enuoyent leurs epistres pour estre leuës sans exception de tous les fideles, de quelque condition, sexe, & aage qu'ils fussent, 1. Cor. 5. vers. 9. 2. Corint. 2. vers. 9. & chap. 13. verset 2. Galat. 1. verset 20. & chap. 6. vers. 11. Philipp. 3. vers. 1. 2. Pierre 3. vers. 1. Apocalyp. 1. vers. 4. Quand ceste epistre, dit sainct Paul, aura esté leuë de vous, faites qu'elle soit aussi leuë en l'Eglise des Laodiceës, & que lisiez aussi celle qui

est venuë de Laodicee, Coloss. 4. verset 16. Sainct Hierosme sur le Pseau. 86. parle ainsi: Les Escritures sont de tout le peuple, & non seulement des Prestres, & tout le peuple peut lire l'Escriture. Le second est impossible aux hommes, à sçauoir, que tous puissent lire & entendre les saintes Escritures en Hebrieu & en Grec. Parquoy le troisieme doit estre fait, c'est que chasque peuple traduise la sainte Bible en sa langue. Si les Apostres preschans l'Euangile l'ont proposé de viue voix en diuers langages, par le don du saint Esprit qui leur fust fait, selon les peuples où ils estoient enuoyez pour leur conuersion: quelle messeance ou profanation trouue-on, que ceste mesme doctrine escripte par les Apostres, soit derechef diuulguee en plusieurs langues, par la version de leurs escrits? Il n'y a donc que l'enuie du Diable, desireux des tenebres & ennemi du salut des hommes, qui fait tenir ce propos à Sponde, & à ses semblables. Mais qu'ils creuent de despit, & dient ce qu'ils voudront en blasmat la lecture des Escritures saintes comme inutile, ils ne gagneront iamais ce point sur les vrais fideles, de les leur faire tomber des mains, qui en sentent le profit, par l'œuure du saint Esprit, qui les scelle en leur cœur, & les leur fait entendre. La cognoissance & memoire du texte, & des paroles les ameine au sens, le sens à la raison, & la raison à l'intention de l'Esprit de Dieu qui parle. Or la vraye & solide cognoissance de verité, qui ne peut estre que par la parole de Dieu, est accompagnée d'assurance du salut & vie eternelle: qui n'est autre chose que la foy, & ceste foy pro-

492      RESPONSE A I. DE SPONDE,  
duit la pieté & religion enuers Dieu, la iustice &  
la charité enuers le prochain, & la sobriété enuers  
nous-mesmes, Tite 2. verset 11. Puis donc que la  
premiere source de tous ces biens est l'intelligence  
des Escritures, & qu'icelles par la grace du Sei-  
gneur en ceste reformation de l'Eglise, ont esté  
mises en veüe & euidence, tant par presches, que  
translations vulgaites, ayans demeuré long temps,  
par l'astuce de l'Antechrist, comme enseuelies &  
esteintes: il s'ensuit que ceste-dite reformation a  
rendu le peuple fidele plus sçauât, plus deuotieux,  
mieux & plus saintement viuant & certain de son  
salut. S'il en aduient autrement à aucuns, c'est seu-  
lement à ceux ausquels le Dieu de ce monde a cre-  
ué les yeux de leur entendement, qui sont les en-  
fans d'infidelité & de rebellion, 2. Cor. 4. vers. 4.  
Or le iugement des choses pour les louer ou blas-  
mer, se prend de leurs propres effects, & non de ce  
qui leur aduient par accident.



## CHAP. XI.

*À sçauoir si ceux de l'Eglise reformee sont idolâtres & heretiques, où est parlé de la reuerence qu'il faut rendre au saint sacrement de la Cene : de l'adoration des images : de la priere pour les morts, & de l'inuocation des saincts.*

**S**I par la grace du Seigneur nous auôs ietté loin de nous, avec verité & iuste cause tout blâme de schisme, d'ot on nous accuse, qui n'a lieu qu'en nos accusateurs, j'espere qu'avec mesme verité, & assistez du Tout-puissant, nous-nous deschargerons de ces retaliatiôs desquelles Sponde vsc; car pour clorre la bouche à nos iustes & veritables reprehensions, des grandes, infames, & plus que payênes idolatries, qui se sont prises petit à petit à tout ce qui est de saint & sacré, sans laisser rien qui n'ait esté rongé cōme par gâgrene, & qu'ô n'aye cōuertî en l'Eglise Romaine au grâd deshōneur de Dieu, & detrimēt du salut des hommes, en pures idoles & faux dieux: dequoy mesme ils sont contraints rougir en leur ame: On veut dire que l'idolatrie est pluſtost entre nous, car nous portons vne singuliere reuerēce au pain de la Cene, comme à la figure du corps de Iesus Christ. Icy Sponde a voulu alambiquant la subtilité de son esprit, se monstrer superlatif en inuentions calomnieuses, captions diaboliques, mais ces filets sont toiles d'araignee, qui d'un souffle se rompent. Il prie le Lecteur de ne se hâster pas, & considerer ce poinct pag. 39. & moy aussi ie l'en sup-



plie, & il cognoistra combien peu de solidité a son obiection, qui se fondra au moindre petit rayon de verité qui apparoiſſe. Disons donc avec luy, Ceux-là sont idolatres, qui esleuent le signe du Sacremēt, de la figure du corps de Christ, à l'honneur mesme de la chose qu'elle represente, à ſçauoir de Iesus Christ. Ceste sentence est vraye, & n'y contredisons. Et pleust à Dieu que nos idolatres à bonne intention en fissent leur profit! Passons outre, & venons à l'application. Or ceux de l'Eglise reformee, esleuent le pain & le vin en la Cene, qui sont la figure seulement, à leur dire, du corps de Christ à l'honneur d'iceluy: toute la quinte essence du cerueau de Sponde quād il viuroit, ne celle du Perron, & autres, ne pourroit suffire à trouuer la preuue de telle calomnie. Nous nions donc que telle soit nostre doctrine, que le pain de la sainte Cene soit seulement la figure du corps de Christ: car nous disons que c'est vn ſeau & gage des promesses de Dieu, accompagné d'efficace & vertu de l'esprit de Dieu, pour y receuoir ce qui est representé, si nous y apportōs vne vraye foy. Non plus est-il vray, que nous esgalions ces signes sacrez de la sainte Cene de Iesus Christ. Si faites, dit Sponde, car avec quelle differēce voulez vous qu'on s'en approche, & qu'on les reçoie? nō avec autre, certes, que celle que Dieu veut, & que la bien-seance cōmande qu'on rende à ces Sacramens: nous y venons pour l'exterieur, & quant au corps, la teste nuë, chantans les louāges de Dieu, ou oyans lire sa parole, nous humilians par quelque inclination du corps, avec modestie d'habits,

gestes, & contenance, & par ordre, c'est l'honneur externe que nous portons au saint Sacrement, qui ne contreuient à la volonté de Dieu : ains faisans autremēt, il nous reprendroit, & serions estimez à iuste raison profanes. Non que ie vueille astreindre toutes les Eglises à ces mesmes signes & tesmoignages de reuerence: mais ie di qu'il y en doit auoir, & qu'en vsant, ce n'est chcoir en idolatrie, honorer ce que Dieu veut estre honoré: pourueu que ce soit suiuant la reigle qu'il en baille, n'est estre idolatre. Si nostre dire estoit faux, ceux qui honorēt leurs Magistrats, peres & meres seroyent idolatres. Iesus Christ qui s'est leué & tenu debout par reuerence lisant l'Escripture, Luc 4. vers. 16. 20. le feroit: & encore à bien & vray dire, l'honneur & reuerēce de laquelle il est question, ne se rapporte au pain & à la matiere du Sacrement, ains à l'action sainte & diuine, & à tout le Sacrement, où il y a, comme dit tres-bien Irenee, deux choses, l'une terrestre, & l'autre celeste, à laquelle noz esprits s'arrestent & sont fichez. Si on prie & demande à Dieu avec reuerence, la teste nuē, & quelquefois prosternez en terre, ses benefices sans estre idolatres, 1. Cor. 11. pourquoy le sera-on, nous presentant pour receuoir, & receuāt aussi avec humilité & tesmoignages d'icelle lestdits benefices es S. Sacremens? Quant à l'honneur interne que nous requerons en l'vſage du mesme Sacrement, il consiste en la foy enuers Dieu, repentance de noz pechez, & charité enuers noz prochains: en quoy il appert, que nostre cœur n'est aux signes, mais à Iesus Christ, qui est la verité d'iceux, & qui se

veut donner à nous à ces conditions, & que ceste reuerence n'est qu'une preparation à l'action & œuvre du saint Esprit par le Sacrement, composé de signes ou elemens & parole. Mais, dit Sponde, vous voulez que qui mange de ce pain, que vous n'estimiez que la figure du corps de Christ, indignement, mange sa condamnation, pource qu'il ne discerne point ce pain, destiné seulement à cest usage sacré, d'auec le pain commun & ordinaire. S'il faut prendre ceste figure avec vn si grand respect, que pësez-vous faire sinon l'esleuer à l'honneur mesme de la chose qu'elle represente? de quoy feroit plus coupable celuy qui n'auroit point honoré nostre Seigneur en sa propre personne, puis que celuy qui deshonne la figure est digne d'estre damné? Sponde veut dire, que tout honneur qu'on rend à quelque chose, avec promesse & esperance à ceux qui l'honoreront, de remuneration de salut & vie eternelle, ou avec menace & crainte de damnation eternelle, à ceux qui ne le feront, est diuin. Or nous rendons vn tel honneur au pain & vin de la sainte Cene, nous les honorons donc diuinement, de là s'ensuit que qui honnore le pain & le vin de la Cene diuinement, les esgale à Iesus Christ: or nous les honorons diuinement, car nous les auons en telle estime, & faisons ce iugement de leur dignité, que ceux qui les prennent indignement, sont coupables du corps & du sang du Seigneur, & mangent leur condamnation. On peut honorer quelque chose d'un honneur diuin, non seulement de parole, de geste, de service externe, de cœur & d'affection, mais aussi de pen-

see, du iugement & estime qu'on fait d'icelle. l'ay  
estendu & amplifié la raison de Sponde si auanta-  
geusement, que ses defenfeurs n'auront iuste oc-  
casion de me calomnier. Mais ie respon aussi pre-  
mierement, qu'il est faux que tel honneur duquel  
il a esté parlé, soit essentiel à la diuinité, c'est à di-  
re, que Dieu seul soit le subiect auquel cest hon-  
neur se rapporte immediatement: car il peut estre  
baillé à autre qu'à Dieu. la charité qui s'exerce en-  
uers les hommes, a promesse de vie eternelle, Mat.  
25. & les homicides, paillardises, larcins, faulx tes-  
moignages sont menacez de mort & damnation,  
1. Corinth. 6. verset 9. & qui voudra dire pour-  
tant que ceux qui le croient, soyent idolatres &  
esgalisent les personnes, ou à qui on fait du bien,  
ou qu'on offense à Dieu. En second lieu, encore  
que nous enseignions suiuant la parole de Dieu, &  
auec le tesmoignage & consentement de toute la  
primitiue, & plus pure Eglise ancienne; que le pain  
ne change point de substance en la sainte Cene,  
neantmoins c'est chose certaine qu'il change d'v-  
sage, estant fait Sacrement du corps & sang de Je-  
sus Christ. Ce changement ne se fait point par la  
volonté ou artifice d'hommes, comme qui feroit  
d'une pierre, ou d'un tronc de bois, la figure d'un  
homme crucifié: mais elle se fait par l'ordonnance  
& institution de Iesus Christ, accompagnée de  
commandement, de promesse, ou de menace, ainsi  
que saint Paul enseigne à l'unziesme de la 1. epi-  
stre aux Corinth. Ce fondement mis, il conste que  
honorer le Sacrement, c'est à dire faire ce que Je-  
sus Christ veut que nous facions, & y apporter ce

qu'il requiert de nous, n'est rien plus qu'honorer Iesus Christ, luy obeir & estre fait capable de l'effect de ses promesses : faisant au rebours, est luy desobeir, & se rendre indigne des benefices qu'il offre à ses seruiteurs qui se rangent à sa volonté. Parquoy en iugeant ceux qui prennent le pain & le vin de la sainte Cene indignement, estre dignes de damnation, & encourir la mort, nous n'auons point ceste estime du pain comme pain, ny du pain comme figure, & entant qu'il signifie simplement le corps de Iesus Christ, comme feroit vne peinture : mais comme reuestu de la parole de Iesus Christ, de son commandement & de sa promesse, d'où aduient que la violation de ce pain, est la violation du commandement de Iesus Christ, qui est autant que deshonorer Iesus Christ en sa propre personne : car c'est s'en prédre à son autorité. Nous-nous seruiron pour exemple du fruiet de l'arbre de science, que mangerent Adam & Eue, duquel ayant ceste estime deuant la tentation, que quiconque en mangeroit mourroit, ils n'estoyent idolatres : car avec ce fruiet, il consideroyent la volonté, defense & parole de Dieu touchant ce fruiet, qui n'estoit que la matiere & suiet de la defense, c'est à dire, Dieu parlant en menaçant, ainsi l'honneur n'estoit fait à l'arbre ou au fruiet, mais à Dieu qui auoit ordonné ce sacremēt : d'où s'ensuiuoit la relation, que ce fruiet auoit avec Dieu, non par l'imagination & seule intention d'Adam & Eue, mais comme il a esté dit, par l'institution de Dieu, & declaration de sa volonté. Or le mesme faut-il respondre & iuger des autres signes & Sa-

cremens, & specialement du pain & vin qui nous  
 sont donnez en la sainte Cene: & c'est ce que dit  
 saint Augustin sur l'Apocalyp. homel. 2. *Interrogo  
 vos fratres & sorores, dicite mihi, quid plus videtur vo-  
 bis, corpus Christi, an verbum Christi? si vultis verè  
 respondere, hoc dicere debetis, quod nō sit minus Dei ver-  
 bum, quàm Christi corpus.* Je vous demande mes fre-  
 res, & sœurs, dites moy, que vous semble estre  
 plus, le corps de Christ, ou la parole de Christ? si  
 vous voulez respondre en verité, vous deuez dire  
 que la parole de Dieu, n'est moins que le corps de  
 Christ. Pour conclusion nous vènerons & hono-  
 rons les Sacremens comme choses religieuses &  
 aides exterieures de nostre salut, ordonnees de  
 Dieu à cest effect, & accompagnées d'efficace en-  
 uers les fideles, mais nous ne les adorons. S'ensuit  
 encore ceste autre boutade de Sponde: Il ne se  
 trouue en part quelcōque de l'Escripture, dōt vous  
 faites tant de bouclier, que le pain de la Cene soit  
 la figure du corps de Christ, & moins qu'il faille  
 porter aucune reuerence à ceste figure: dites-moy  
 donc, où vous avez puisé ceste doctrine? Nous  
 parlons avec autre honneur des Sacremens, que  
 de les tenir simplement pour figures, nous les ap-  
 pellons seaux & cachets des promesses de Dieu, &  
 ainsi parle aussi l'Escripture sainte; sinon expresse-  
 ment de la sainte Cene, au moins syllogistique-  
 ment, à cause qu'elle est Sacrement: & ce qui con-  
 uient & est dit du genre, se doit & peut aussi dire, &  
 doit estre entendu des especes. Or la Circoncision  
 entāt que sacremēt est appelée *σφραγίς*, *signaculum*  
 cau & figure par l'Apostre, aux Rom. c. 4. vers. 11.

& saint Pierre en sa 1. au chap. 3. vers. 21. dit, que le Baptisme est *ἀντίτυπον* exemplaire ou figure respondante à l'eau du deluge, qui a porté l'arche, en laquelle peu d'âmes ont esté sauuees. Puis que le Baptisme est nommé *τύπος* & *ἀντίτυπον*, qui trouuera estrâge qu'on donne ce mesme titre à la sainte Cene? & qui osera nier qu'il n'ait fondement en la parole de Dieu? La preuue & confirmation qu'il demande par l'Escripture, qu'il faille porter reuerence aux Sacremens, & par consequent aussi à la sainte Cene, a esté desia faite: & pouuons encore dire, que saint Paul la nous commande expressément en ces mots: Qui mangera ce pain, ou boira ceste coupe indignement, il sera coupable du corps & du sang du Seigneur, 1. Corin. 11. vers. 27. Qui mange & boit indignement, il mange & boit son iugement, vers. 29. Ce qui a esté recognu par saint Basile en ses briefues questions, & en celle qui est la 172. *Timorem docet nos Apostolus, dicens: Qui edit & bibit indignè, iudicium sibi ipsi edit ac bibit, &c.* Où il y a dignité & sainteté, il faut qu'il y ait reuerence correspondante à ceste dignité. Or les Sacremens sont mysteres & choses hautes, & qui ont dignité, comme l'Apostre le declare: car il n'y a que les choses dignes qui se puissent traiter indignement, il faut donc qu'on en vse avec reuerence. Item toute menace engendre de soy crainte & reuerence, qui empesche son effect: or en la sainte Cene il y a menace, contre ceux qui s'y presenteront mal preparez: la sainte Cene donc demande reuerence. En fin si les alimens communs doiuent estre prins avec soy, crainte, & reuerence de Dieu,



à plus forte raison les alimens spirituels, qui sont les Sacremens. Or le premier est vray: car la sanctification y est necessaire, pour en vser avec profit & deuëment, 1. Timoth. 4. verset 5. par ainsi Sponde a les passages, d'où nous auons puisé qu'il faut porter reuerence aux Sacremens. C'est donc calomnieusemēt qu'il dit, que l'idolatrie est plustost en nostre Eglise qu'en la Romaine, à cause de l'honneur que nous rendons à Dieu en l'vsage religieux du saint Sacrement de la Cene. Mais voyons où il tend: à maintenir certes l'idolatrie Papistique. Il se descouure, quand il conclud en ceste sorte: les Catholiques aussi ne pēsēt pas idolatrer, quād ils portent honneur à la peinture ou sculpture de nostre Seigneur, ou de quelque S. & cependant vous les en accusez. Il ne suffit de pēsē n'estre pas idolatre, si de fait & vrayement on l'est. Nostre penser ne nous excusera. mais il veut dire aussi, que les Catholiques Romains ne le sōt pas, encore qu'ils portent hōneur aux images où peintes ou esleuees en bosse: car si porter honneur à quelque chose estoit en faire vne idole, en honorant aussi les Sacremens nous seriōs idolatres. La difference est grande, car nous auons commandemēt de Dieu d'vser des Sacremens, & ce avec honneur, & reuerēce: & au contraire Dieu defend non seulemēt l'idolatrie & tout seruice de religion fait aux creatures, & à plus forte raison à ce qui n'est qu'ouurage de mains d'hōmes: mais aussi les images qu'ō dresse, ou pour leur faire honneur, ou pour s'en seruir de docteurs en la pieté, 1. Iean 5. v. 21. l'honneur & reuerēce que nous portons aux Sacremens, est bien autre que celuy

qu'ils font à leurs idoles, auxquelles ils adressent leurs prieres, & de quels artedét le fruit d'icelles: ou ils sont hypocrites & menteurs de leur allumer des chandelles, de leur faire des encensemens, & les mettre sur les autels, qui sont les marques des prieres & sacrifices, qu'ils leur font: mais ils ne trompent point, ils ne sont que trop naïfs & véritables en cecy. On ne peut-ils aussi attendre sans pure idolatrie desdites images, ce que Dieu ne leur promet par elles, l'honneur que nous faisons à certaine portion de pain & vin, est les destiner à estre signes au Sacrement de la sainte Cene. L'honneur que nous faisons au Sacrement, gist en nous preparant, les nous rendre viles & profitables, & à nous en servir comme aides & moyens extérieurs de la grace de Dieu. Bref, ie ne vueil apporter que ces deux maximes pour conclusion de ce propos: L'une que tout ce qu'on fait enuers les creatures d'exterieur, par le commandement de Dieu, ne peut estre idolatrie: l'autre, qu'on ne scauroit remuer le bout du doigt, sans parole de Dieu, pour honorer quelque créature, que celle soit pure idolatrie: surquoy fondez, nous vous iugeons à bon droict estre idolatres, qui voyons en cela non en festu mais vne grosse poutre en voyeux, & ne pensons pas seulement, mais sommes certains de n'estre en la reuerence que nous portons aux saints Sacrements, coupables d'idolatrie. Et puis que nous sommes sur ce propos, ie puis m'en prendre aussi bien à Simon Vigor, defunct, & respondre à ses calomnies & inepties, que Sponde & autres ont fait à Calvin apres son tres-

pas, *vbi enim militat eadem ratio, idem ius statui debet.* Que nous obiecte ledit Vigor au sermon du iour de la Circōcision? que si les Papistes sont idolatres en ostant leur bōnet deuant vne image, nous qu'il appelle Huguenots, ou Lutheriens, ne deuons nous exempter moins de ceste mesme faute: car quand on prononce Iesus, vous ostez, dit-il, vostre bonnet. Or ce mot Iesus, & l'image de Iesus crucifié, est vne mesme chose: car qu'est-ce qu'une image, qu'un signe qui represente vne chose laquelle est en nature? *at vox nihil aliud est, quam signum eorum que significare volumus. Voces enim, ait Philosophus, nota sunt eorum que in mente sunt:* la voix n'est autre chose, qu'un signe des choses que nous voulons signifier, d'autant que, comme dit le Philosophe, les paroles sont les indices des choses qui sont en nostre entendement. Parquoy puisque vous ostez vostre bonnet deuant vne parole, & quand on prononce ce nom Iesus, qui n'est qu'un son qui passe, & qui ne fait que représenter celuy qui est mort pour moy, & ne pensez point estre idolatres: vous le deuriez sans scrupule aucun oster deuant vne image, puis que vous l'ostez deuant vne parole, ou si nous sommes idolatres faisant ce dernier, vous l'estes au faict premier. Je respon, que le susdict Docteur en iniures & malice, nous iustifie assez tout ensuiuant: car il se plaint de ce qu'à present nous n'ostons point nostre bonnet, quand on nomme ce Nom Iesus. Il n'a donc point raison de nous reprocher l'idolatrie, veu que les actions qui ne sont point, ne peuēt estre ny bonnes ny mauuaises, ny religieuses, ny superstitieuses.

ses, *non entis enim, nulla sunt qualitates*. Il dit bien que nous auôs cessé, à fin qu'on ne nous viene plus rôpre la teste de venerer les images. Mais si le Iuriconsulte ne respôd point à vne questiô de fait, moins le Theologien, à qui il n'appartient de se traualier, si vne chose a esté faite ou non, de laquelle l'Escripture ne fait mention. Quant à l'intétion & raison de ce qui se fait, Dieu seul en peut estre le iuge, qui est scrutateur des cœurs : toutesfois ie louë & approuue non seulement ceux qui fuyent le mal, mais aussi toute apparence de mal, pour le scandale qu'ils pourroyét donner, & l'occasion pour le danger qui y peut estre. Il est certain qu'oster le chapeau à la prononciation d'un nom plustost qu'au recit & lecture de tout le texte de l'Escripture, semble proceder de superstition, & de ce qu'on attache quelque vertu, force, efficace & dignité à ces lettres & syllabes prononcees, dont s'ensuit la reuerence & descouurement de teste qu'on leur rend, qui est estre, si on l'estime ainsi, idolatre & magicien. A ceci se rapporte le dire de saint Chrysost. *Ubi est virtus Euangelij, in figuris literarum, an in intellectu sensuum? si in figuris, bene circa collum suspēdis: si in intellectu, ergo melius in corde posita, profunt, quam circa collum suspēsa*. S. Hierosme en a dit autāt (*Verba Dei*) *in corde portanda sunt, non in corpore: alioquin & armaria & arca habent libros, & notitiam Dei non habent*. Thomas in caten. in cap. 23. Matth. Toutesfois soit ainsi qu'on oste le bōnet, lors qu'on orra nommer le Fils de Dieu de ce nom Iesus, est-il pourtant cōuenable de l'oster quād on verra l'image d'un crucifix, encore qu'on

die que c'est son image? sont-ce choses pareilles? non certes: car Dieu n'a point ordonné pour aides de nostre foy, & moyens de sa cognoissance, & témoignages de sa presence, que la predication de sa parole & ses Sacrements: or les peintures, sculptures, & images, ne sont l'un & l'autre, & ne sont destinees à faire cognoistre Dieu, & le distinguer des creatures. Parquoy l'honneur qui est deu aux Sacrements, & à la predication de la parole, n'appartient aux images. Itē, il y a differēce entre le Nom de Dieu, & ce qui ne l'est pas: car le premier doit estre prins suiuant la Loy avec reuerence, Tu ne prendras le nom de Dieu en vain. Or ce mot Iesus est le nom de Dieu: car il enseigne la personne & ses benefices; à cause qu'il a esté ainsi ordonné de Dieu par l'Ange, Luc 1. Matt. 1. & l'Apostre nous réuoye à l'Euangile, pour voir Iesus Christ crucifié, Gal. 3. v. 1. & nō à ce qui est l'image d'un crucifix, c'est à dire, à un bois ou pierre faite en forme de croix. On ne peut donc ouïr ce nom Iesus, ou autres semblables, qu'on n'en doieue estre touché de reuerence: mais pour voir vne image, il n'y a cōmandemēt de s'en seruir en religiō. Tiercemēt, on ne doit inuoquer Dieu ou le louer, qu'avec reuerence: or quiconque le nomme ou oit nommer en bonne part, le prie ou le loue: d'oques quiconque le nomme, le doit faire avec reuerence: mais on peut voir vne croix sans louer ou prier Dieu. Et on sçait en outre, que la predication & viue voix a autre efficace à resueiller l'esprit, quelles lettres escrites, ou les images. L'Escripture aussi est plus propre à signifier & declarer les

conceptions que les peintures, ou autres signes. Encore donc que suivant l'argument de Vigor, & la voix & les images soyēt signes, toutesfois ils ne sont souz mesme gère prochain, & ne sont pareils en efficace pour signifier & mouuoir, ny en autorité pour s'en seruir: pourquoy ce n'est de merueille si en oyant ce nom de Iesus, on est plus esmeu & touché au dedans, & qu'on le declare au dehors, par inclination de corps & descouuement de teste, qu'en voyāt vne peinture en croix. Hiero. ad Paulinum, *Habet nescio quid latentis energia vna vocis actus, & in aures discipuli à doctoris ore transfusa fortius sonant*, &c. En fin quiconque oste son chapeau deuant vne croix, rapporte cest honneur immediatement & prochainemēt à la croix sans commandement de Dieu, encores que son intention soit mesme de le faire passer mediatemēt, iusqu'à celuy qui est representé par ceste croix: en quoy il y a tousiours superstition & idolatrie: mais qui oste le chapeau après auoir oui ce nom de Iesus ou de Dieu, estant resueillé par ces mots, esleue son cœur immediatement iusqu'à Dieu, qui est chose louable, & qu'il faut faire, toutesfois que nous lisons l'Escripture sainte, oyans parler de Dieu, ou que nous l'inuoquons: mais qui n'experimente que les choses corporelles & visibles, & qui ont notamment figuré d'homme, ont plus de force de nous arrester à elles pour les honorer, pour y mettre nostre fiance, pour attendre d'elles quelque aide, bien & secours, que les choses qui se peuvent perceuoir seulement par l'ouïe, & qui sont plus spirituelles: & es vnes donc



il y a plus d'occasion d'idolatrie qu'és autres. Or les images sont visibles, & choses du tout corporelles, les paroles au contraire s'approchent des choses spirituelles & sont inuisibles: parquoy en ostant le boihet quand on nôme Iesus, ou Dieu, on ne donne telle apparence d'idolatrie & scandale aux infirmes, que quand on s'agenouïlle, ou on se descouure deuant vne croix: ce qui ne se peut iamais faire, comme a esté desia dit, sans idolatrer, & se moustrer superstitieux. S. Augustin confirme nostre distinction, en l'epistre 49. quest. 3. où il dit des idoles ou images ce qui s'ensuit: *Et idola quidem omni sensu carere, quis dubitet? verumtamen cum his locantur sedibus honorabili sublimitate, ut a peccantibus atque immolantibus attendantur, ipsa similitudine animatorum membrorum atque sensuum, quamuis insensata, & examina afficiunt infirmos animos, ut viuere ac spirare videantur, accedete praesertim veneratione multitudinis, qua tantus & cultus Dei impenditur.* Et qui doute que les idoles ne soyent inanimées? toutes fois estâs mises en ces sieges honorables & hauts pour estre attentiuemēt regardees de ceux qui prient & font des sacrifices, à cause de la semblance des membres animés & organe des sens qu'on voit en elles, qui sont neantmoins sans sens & sans ame, touchent tellement & attirent le courage des infirmes, qu'ils pensent que ce soyent créatures qui ont vie & respiration: sur tout quand vne multitude vient à leur rendre ce grand culte & seruice de Dieu. Le mesme S. Augustin parle plus clairement sur le Pseaume 113. Qui est celuy, dit-il, que quand il prie, s'il regarde



vne image, n'en soit en telle sorte espris, qu'il pense estre exaucé de là, & ne s'attende d'en receuoir ce qu'il desire ? qui est vn des effects qu'on doit craindre en ayant des images : mesme de celles qui sont faites en croix, & en leur ployant le genouil, & en donnant quelque autre tesmoignage d'honneur & reuerence. Parquoy en reprenant l'idolatrie des catholiques Romains, nous n'auons, Dieu mercy, la poutre en l'œil. Et à la mienne volonté qu'il luy pleust que ne vissions qu'un festu au leur, nous serions deliurez d'un extreme regret, qui no<sup>s</sup> afflige plus que cent morts, que Dieu soit si vilainement deshonoré, & qu'ils se rendent si indignes du nom qu'ils portent de Chrestiens. Je finiray icy mon escrit, me deportant de la refutation des poincts de doctrine, que Sponde traite en la declaration contre mon premier dessein : car ayant leu le tout, j'ay trouué qu'il n'apportoit que les mesmes sophisteries, qui ont esté descouuertes vne infinité de fois, & qui sont telles, que les plus simples, nourris en la pure & vraye doctrine, ne pourront estre surpris. J'ameneray pour exēple sa raison fondee, comme il pense, en l'Escripture, par laquelle il veut prouuer la priere pour les morts page 36. ceux qui sont, dit-il, ce que Marthe a fait, ne sont point heretiques : or Marthe a prié nostre Seigneur pour les morts, à sçauoir pour son frere Lazare desia mort : les Papistes donc qui priēt pour les morts, ne sont point heretiques. Luy laissant valoir la premiere partie de son argument, qui ne void la fallace en ce mot de morts, qui a autre sens en la

ſeconde partie de ſon argumēt, & autre en la der-  
 niere, qui eſt la concluſion. Parquoy il y a quatre  
 termes en ce ſyllogiſme, cōtre les reigles de tou-  
 te bōne Dialectique. Marthe a prié pour ſon fre-  
 re mort, c'eſt à dire, pour la reſurrection du corps  
 mort, Jean 11. ver. 22. Les Papiſtes prient pour les  
 morts, c'eſt à dire, pour le ſalut & deliurance des  
 ames de ceux qui ſont decedez & morts, eſtās en  
 leur feu controuué de Purgatoire. Le dilēme qu'il  
 met de ſuite eſt auſſi captieux pour cōclurre, qu'il  
 faut ou que ſainct Auguſtin ſoit heretique, ſi la  
 doctrine d'Arrius qui blaſmoit les prieres & o-  
 blations pour les morts, eſt vraye & orthodoxe:  
 car, dit-il, ou Arrius eſt heretique, qui a dit, que  
 quand quelque viuant prie ou fait des aumofnes,  
*diſpenſationem facit*, celuy qui eſt mort n'en a au-  
 cun profit, ou ſainct Auguſtin qui condamne Ar-  
 rius & le met au rang des heretiques. Or nous  
 n'accordons point ce dernier, veu que nous don-  
 nons le nom de Sainct à S. Auguſtin, qui ne con-  
 uiendra iamais à vn heretique. Ceſt argument  
 peche en la matiere, pour le deſaut du denombre-  
 ment de toutes les parties requiſes, veu que ceſte  
 maxime eſt fauſſe, que tout homme ſoit ou here-  
 tique, ou orthodoxe: car il y a vn moyen entre-  
 deux, veu que tout homme qui erre, n'eſt pas he-  
 retique. Nous diſons donc que ſainct Auguſtin a  
 erré en ce poinct: mais il n'eſt pourtāt heretique:  
 & le meſme auſſi quand il parle d'Arrius au chap.  
 marqué, ne met entre les hereſies, mais entre les  
 dogmes priuez ce qu'il ſentoit de la priere pour  
 les morts: l'hereſie dudit Arrius a eſté le ſeul Ar-

rianisme. Voila comment il parle : *Fertur in Arrianorum heresim lapsus, propria quoque dogmata addidisse nonnulla, dicens: Orare vel offerre pro mortuis oblationem non oportere.* Et de fait Epiphanius, qui condamne Arrius en tous les poincts de sa doctrine, n'apporte point pour le renuersement de celle dont est question, & autre semblables passage aucun d'Escripture, mais seulement la tradition des Peres: *Ecclesia*, dit-il, *necessario hoc perficit traditione a Patribus accepta*, voila tout en l'heresie 75. Surquoy ie forme cest argument, Nulle doctrine qui n'est point contre l'Escripture, mais seulement contre les traditions receuës des Peres, n'est point heresie : or la doctrine qui enseigne qu'il ne faut prier pour les morts, n'est contraire aux escrits des Prophetes & Apostres: parquoy ceste doctrine n'est point heresie. Encore donc qu'Arrius ait esté heretique, toutesfois tout ce qu'il a enseigné, n'a esté ny n'est heresie, & plusieurs heretiques ont bien senti en beaucoup de poincts, & plusieurs Payens & Ethniques ont dit de belles & bonnes sentences. Vn homme qui erre en tous les poincts de la religion Chrestienne, est plustost Apostat qu'heretique. La iustification de l'idolatrie Papistique, en l'honneur qui se fait aux images, n'est que la peinture de Zeuxis pour trôper les oiseaux: car c'est son argumēt en la page 176. celuy seulement qui adore la representation de ce qui n'est point du tout, ou de ce qui n'est pas tel qu'on le represente, est idolatre : or les Papistes n'adorent point la representation de ce qui n'est point du tout, ains de ce qui est, & de ce qui

est tel qu'il est representé : parquoy ils ne sont point idolatres. Auquel ie respon, que Dieu condamne en general le seruice & adoration qu'on rend aux images ou idoles de quelque sorte que elles soyēt, Exo. 20. & ie di aussi, adorer de seruice religieux la creature, est estre idolatre : or toutes images sont creatures: l'adoration donc des images sans distinction aucune, est idolatrie. L'autre argumēt est tel, Ce qui se rapporte à la gloire des ames bien-heureuses, & d'elles à nostre Dieu, n'est point idolatrie : or l'honneur qu'on rend aux representations des Saincts, se rapporte à ceux qui sont representez, & d'eux à Dieu: parquoy l'honneur qu'on fait aux images, n'est point idolatrie. Laisant couler la premiere partie de ce syllogisme, ie nie la secōde : car ne Dieu ne les Saincts ne peuuent estre honorez en ce qui est contre leur volonté: or c'est contre la volonté des saincts que l'honneur qui est deu à Dieu, leur soit baillé, moins encore à leurs images. Ce n'est aussi la volonté des Saincts qu'on les honore en leur dresant des images. Bref, Dieu defend d'adorer par religion, autre que luy seul, Deut. 6. Matt. 3. & ne nous prescrit ce moyen d'honorer les Saincts en sa parole : il s'ensuit donc que tout ce qu'on fait en cest endroit, est pure idolatrie. Je pren ceste maxime accordee par Sponde page 176. quicon sacrifie à autre qu'à Dieu est idolatre: or tout ce qu'on fait enuers les images en l'Eglise, Romaine par cest exercice de religiō, est sacrifice: il s'ensuit dōc que tout ce qu'on fait enuers les idoles, est idolatrie. La demande que Sponde fait, luy

doit estre interinee, disant: Répondez-moy, que faisoit le peuple d'Israël qui adoroit la nuee, qui estoit deuant le tabernacle? Exod. 33. vers. 9. 10. que faisoit Iosué & les Anciës du peuple, enclinez deuant l'Arche & les Cherubins? Iosué 6. vers. 6. Si generalement c'est chose contraire & desplaisante à Dieu de se prosterner deuant les representations des choses saintes, elle ne l'est pas plus maintenant que de tout temps, & Dieu n'estoit pas moins iadis ialoux de son honneur, qu'il est auourd'huy. Je respon que Moyse ne dit pas, que ledict peuple d'Israël ait adoré la nuee, qui estoit deuant le tabernacle, mais que tout le peuple voyant la colonne de nuee s'arrester à la porte du tabernacle, se leuoit, & vn chacun adoroit des la porte de son päuillon. Qu'est-ce qu'adoroit ce peuple? la nuee? nenny. ains Dieu: mais il se leuoit à la veuë de la nuee, & qui en doute? car elle estoit vn sacrement & tesmoignage visible de la presence de Dieu, & de sa grace. Dieu leur offrant ceste aide & ce sacrement, ne falloit-il pas qu'ils en vsassent? & en quoy cōsistoit l'vsage exterieur qu'en la veuë, & contemplation? & comment deuoit-il regarder & vser qu'avec reuerēce & crainte, & tesmoignages d'icelle, tels que sont demeurer debout, ou se prosterner & incliner en terre? ce qui ne se rapporte à la nuee, comme à la cause ou obiect, ains à Dieu. La nuee n'estoit que l'aide & cause instrumentale pour les resueiller, & le suiuet ou obiect de leur veuë, & non de leur reuerēce. Le mesme faut-il dire de l'arche de l'Alliance, deuant laquelle se prosterna Iosué, & les Anciēns

ciens de ce peuple d'Israël : ioint que ceste maxime cloche, Que quiconque se met à genoux deuant quelque chose, & s'encline deuant icellè, l'adore: Oubien, il faudra dire, si simplement elle est vraye, que celuy qui inuoque & prie Dieu, ou deuant vne paroy, ou deuant vn arbre, adore la paroy, adore l'arbre, deuât lesquels il est: ceux qui se prosternent & courbēt leur face en terre prians, adorent aussi la terre. Il y a double façõ de prosterner deuant quelque chose, l'une quād ceste chose ne vient en cõsideration à celuy qui fait la priere, & n'est de l'essence d'icelle, ains luy est accidentaire, comme le lieu, le temps & autres telles choses qui sont necessaires à l'homme, mais non à la priere: l'autre, quand ceste chose vient en consideration à celuy qui prie, & est essentielle à sa priere, comme l'objet d'icelle, ou au moins de son geste & inclination. Et en ceste sorte disons-nous, que les idolatres font la reuerēce, & ployēt le genoüil, & descouurent leur teste deuant les images ou idoles, lesquelles quand nostre hypocrite baise-images, compare aux Sacremens tels qu'estoyent l'Arche & la nuee, ne monstre-il pas qu'il les met en autre rang que pour seruir d'histoire ou de simple representation? car les Sacremens ne sont signes nuds, ains baillent & presentent la chose de laquelle ils sont Sacremens: ce qui ne peut conuenir aux images ou idoles des temples Papistiques, qui n'ont ne promesse ne commandemēt de Dieu. Mais ie ne sçay où Sponde a trouué, que le Cõcile Eliberin defende de peindre ou orner les temples des Chrestiens, de

peintures & images, à fin que les Payens n'eussent occasion d'exercer leur barbarie & cruauté contre lesdits temples : mais si le Concile eust eu esgard à eux, & que c'eust esté vne chose indifferente, n'estoit-ce pas pour l'induire à ordonner d'en parer les temples, à fin que les Payens ne trouuassent le changement de leur religion si estrange? Eust-il falu preferer la conseruation d'un temple materiel, au gain de plusieurs ames, vrais temples spirituels? nenny certes : mais qu'on lise les mots du Canon que sont tels, & on trouuera que la cause que Sponde dit, ne leur a extorqué ce Decret *can. 36. placuit picturas in Ecclesia esse non debere : ne quod colitur aut adoratur, in parietibus depingatur* : Il nous plaist que les peintures ne doivent estre es temples, à fin que ce qu'on sert ou adore, ne soit peint es parois. Suiuant ceste raison du Concile, il ne faudra auoir des images de Iesus Christ crucifié, ce qu'on sert & adore, ne doit estre peint es parois. Or Iesus Christ est celuy qu'on sert & adore : il ne faut donc peindre Iesus Christ. Sponde pour toute defense allegue certains miracles faicts par certaines images & statues de Iesus Christ, les vns mediatement, les autres immediatement, comme ceux de ce faux & supposé Athanase, touchant la passion de l'image de nostre Seigneur, qui ne sont que pures fables & impostures, cōme aussi ceux que recite Eusebe : non pour l'auoir veu de ses propres yeux, il n'en auoit que l'ouïe : ce sont ces mots, *Beneficij Seruatoris in mulierem hamorrhoisam collati admiranda trophæa hædlenus durare ferunt* : mais encore que



mesme ces miracles fussent vrais quāt aux faits, ils doyuent estre neantmoins tenus pour trompeurs & diaboliques quant à leur fin, qui est de confirmer & maintenir l'idolatrie, les idoles, & les images, comme choses religieuses. Or ie m'estonneroy' de ce que Spōde a osé renuoyer le lecteur au passage d'Eusebe mal cotté par luy : car c'est au chap. 18. du 7. liure où il parle de l'image d'airain, à la semblance & representation de Iesus Christ, que foudit ceste femme Hæmorrhôisse Syrophéniciene: Si ie ne scauoy' que Dieu par sa prouidence sècrette conduit tellement & la langue & la plume des faux Prophetes qu'ils se refusent & descouurent eux-mesmes contre leur intention: car Eusebe recite, que les anciens Chrestiens, qui ont voulu honorer Iesus Christ, S. Paul & S. Pierre par images, ont prins ceste façon des Gentils, & de ceste coustume laquelle ils auoyent pratquee deuant qu'estre conuertis, *Non mirum, dit-il, videri debet, eos qui ex Gentibus olim à Seruatore nostro curati sunt, ista fecisse, quando & Apostolorum illius imagines, Pauli videlicet & Petri, denique & ipsius Christi in tabulis coloribus depictas asseruari vidimus, quòd veteres ex Gentili consuetudine cos quos seruatores putarunt, ad hunc modum honorare soliti fuerunt.* Ceux qui honorent Iesus Christ & les Apostres à la façon & selon la coustume des Gentils, non approuee par la parole de Dieu, sont reprehensibles: or ceux qui font des images à Iesus Christ & aux saincts decedez, le veulēt honorer à la façon des Gentils: tels donc sont reprehensibles & non imitables. Leuit. 18. vers. 24. 30. ne soyeꝝ

soüillez en toutes ces choses, en toutes lesquelles les gens se sont soüillez, Exod. 34. vers. 13. 14. Iosué 23. verset 12. Dieu apres toutes ces defenses se courrouce & reproche à la lignee de Iuda, de ce qu'elle auoit fait toutes les abominations des Gentils. S. Paul repete ce mesme commandemēt Ephes. 4. vers. 17. Je di donc & vous adiure par le Seigneur, que vous ne cheminiez plus comme le reste des Gentils chemine, en la vanité de leur entendement. Or non plus & non autrement que d'Eusebe, à sçauoir, autant mal à propos que contre luy, se peut seruir Sponde de Sainct Augustin au liure 20. contre Fauste Manich. chap. 22. il ne dit rien plus *Non illi Patres nostri sola Gentium simulachra dimiserunt, sed neque terra neque cuiquam terrena rei aliquid immolarunt*: dont s'ensuit, que si les Chrestiens mettent les images des saints en la place des simulachres des Payens, & leur font le mesme honneur que ceux-ci faisoient aux leurs, ils sont idolatres. Or cela se fait par les Papistes, que pouuons-nous donc inferer, sinon qu'ils sont idolatres? voire qu'ils sont sans religion: car Lactance a tresbien dit, qu'ou il y a simulachre, la religion en est bannie: *Religio nulla est, ubicunque simulachrum est*. lib. 2. cap. 19. Ce ne sont donc des iniures, ce sont de vrayes & fermes raisons, auxquelles il doit ou ses semblables adiouster foy. Des images & idoles il vient à ceste sorte de signes, qui sont gestes: & à cestui-cy quand on fait courir la main de la teste iusqu'à la poitrine, & du costé gauche iusqu'au costé droit, ou bien quand on fait ce mesme geste du doigt sur le front. Que

dit-il de ceste ceremonie? qu'elle est fort ancienne, que c'est vne coustume vſitee en l'Eglise du tēps de Iustin & de Tertullian & autres qui ont ſuiui. Nous le ſçauons auſſi bien que luy. Et que veut-il conclurre de là? que ce ſigne a eſté fait pour honorer la croix, page 41. quoy? le bois où Ieſus Chriſt a eſté crucifié, & il eſt maudit? car ſi ce bois par lequel iuſtice eſt exercee, eſt benit de Dieu, Sapience 14. verſ. 17. celuy qui ſert à iniuſtice, eſt maudit de Dieu, & tel eſt le bois de la croix où Ieſus Chriſt a eſté crucifié au regard des hommes. quoy? pour honorer la ſorte de mort que Ieſus Chriſt a enduree. Elle luy a eſté commune avec les brigands & pluſieurs autres, deſquels la mort ſera auſſi bien en ceste ſorte honoree, que celle de Ieſus Chriſt. Les Anciēſ en ce ſigne ont eu autre fin & eſgard que ne dit Spōde, à ſçauoir la confeſſiō de Ieſus Chriſt, laquelle ils ont voulu faire deuant les ennemis de Ieſus Chriſt, non ſeulement de bouche, mais auſſi de main: & la premiere leur eſtāt empeſchee, ou par baillonement ou par coupure de langue, ils ont eu recours à ceste-cy. Depuis, ceste façō de faire a eſté receuē entre tous indifferēment ſans ſuperſtitiō, laquelle en fin ſ'y eſt attachee avec opinō d'efficace & vertu qu'on luy attribue: voire iuſqu'à chaffer les diables. Mais c'eſt vn grand cas, que Ieſus Chriſt, ſainct Paul, ſainct Pierre, S. Iaques, qui parlent des moyens de la veindre & ſurmonter, ayent obmis ceſtui-ci, Luc 22. Ephes. 6. 1. Pierre 5. Iaques 5. & Ieſus apres ſa reſurrection beniffant ſes Apoſtres, preſt à monter au ciel, n'vſe d'autre ceremonie que de

l'elevation des mains, Luc 24. ne leur faisant aucun signe de croix au front, non plus qu'aux petits enfans, sur lesquels seulement il imposa les mains. Je di donc pour ceste raison, que les Demons & malins esprits apparoiſſans à Iulien, qui ont fait semblant de craindre, & de s'enfuir au ſigne de la croix, qu'il a fait & mis en son front, se ſont ainſi iouëz de ce malheureux, pour l'amuser, & le faire arreſter à ceste vaine ceremonie. Et voila la reſpoſe au miracle, dont noſtre autre Iulien, s'il euſt eſté Empereur, ſe veut preualoir, prins du 3. liure de Theodoret, chapit. 3. Si le diable craignoit & s'enfuyoit pour le ſigne de la croix fait de la main d'un infidele, il s'enſuiuroit que les hommes pourroyent eſtre ſauuez & deliurez du diable ſans foy : choſe abſurde & contraire aux ſainctes Eſcritures. Quant au preiugé des Peres & Docteurs, nous pouuons dire, qu'ils n'ont iamais penſé que le ſigne fuſt vne ceremonie eſſentielle aux Chreſtiens, & qu'on ne la peut abolir, ſi abus, idolatrie, ou ſuperſtition y ſuruenoit. On a bien aboli ce qu'on donnoit à gouſter du laiçt & du miel à ceux qui auoyent receu le Baptême, & autres obſeruâces que Tertullian au liure de la couronne du gendarme met, & eſleue en meſme rang & degré que ce ſigne & ceste ceremonie de ſe croiſer. Nous ne nions pas, que ces bons perſonnages n'ayent ſeu les Eſcritures, mais nous diſons qu'ils ſe ſont quelquesfois endormis, ou en l'expoſition, ou en la pratique d'icelles. En maintenant l'intuocation des Sainctes, il ſe monſtre auſſi inépte. Ses raiſons ſont celles-cy page 177.

Il faut inuoquer ceux qui sont vnīs avec nous d'une tresardente charité : or les Saincts qui vivent au ciel, sont vnīs de tresardente charité avec nous : il les faut donc prier. Au contraire, les membres d'un corps n'ont point besoin d'estre priez, pour aider ou à tout le corps, duquel ils sont membres, ou aux autres parties de ce mesme corps, avec lesquelles ils sont conioints : or les Saincts qui sont au ciel, sont membres de l'Eglise & de tous les fideles : ils n'ont donc point besoin d'estre priez par eux. Item, s'il est permis d'auoir recours aux Saincts qui sont encore au monde, le recours enuers les Saincts qui sont au ciel, ne doit estre defendu : or le premier est vray, le second ne peut estre donc aussi que vray. Responſe, rien n'est licite & permis que ce que Dieu commande, & cela est illicite, que Dieu defend : or Dieu ne commande point d'auoir recours aux Saincts trespassez, ains defend d'auoir recours aux morts, Deuter. 18. vers. 10. 11. Nul en toy ne sera trouué demandant aduis aux morts, Esaïe 8. vers. 19. le peuple ne s'enquerra-il point de son Dieu, aller pour les viuans aux morts ? Item, si on ne fait point tort à Iesus Christ qui est nostre seul Intercesseur, de prier vn hōme mortel, qu'il prie Dieu pour nous, on ne luy en fait pas, quand on prie les Saincts recueillis au ciel, de prier pour nous. Responſe, Il n'est questio de l'intercession, mais de l'innocation, laquelle est permise enuers les viuans : si nous ne mettons point nostre fiancé en eux, par ce que Dieu les a ordonnez pour instrumens de ses graces & benefices, & non les ames qui sont au ciel.

& d'autant qu'il veut que nous eschauffions & allumions la charité des fideles viuans en ayant recours à eux avec humilité & priore: mais les ames bien-heureuses n'ont point besoin de telles aides, & aussi n'entendent point nos requestes. Sponde qui insiste au cōtraire, se mesconte de beaucoup. quel argument est-ce là ? Si les Anges, dit-il, n'ignorent point ce que nous faisons & disons en ce monde, ces esprits n'en sçauront-ils point autāt ? Responce, tous les Anges ne sçauent point ce qui se fait au monde, mais seulement ceux que Dieu y enuoye, & ceux-là ne sçauent pas tout, mais seulement ce qui se fait ou dit où ils sont. Et Sponde finement, ne dit pas aussi, qu'ils sçachent ce que nous pensons & désirons page 178. qui est tout ce que nous faisons en priant, d'où ie di, que ceux qui ne cognoissent point nos pensees, ne peuuent cognoistre nos prieres: or les Anges ne peuuent cognoistre le cœur qui est de l'essence de la vraye priere: car ce qui est dit qu'ils sçauent la conuersion d'un pecheur, ne regarde que les repentances publiques qui se font en l'Eglise, ou les particulieres qui se declarēt par marques & signes extérieurs. Il y a en outre, que les esprits des saincts ne sont esgaux aux Anges: car ce qui est dit par Iesus Christ au 22. de S. Matth. vers. 30. que ceux qui ressusciteront, seront comme les Anges de Dieu au ciel, ne regarde nullement les offices & inspections auxquelles ils sont destinez, mais les qualitez & conditions de gloire & l'estat d'immortalité, où les enfans de Dieu seront receus: entre lesquelles est ceste-cy, de n'auoir besoin non

plus de mariage, que de mâger & de boire, 1. Cor. 15. Et n'est-ce pas aussi estre captieux d'appliquer & donner en ce tēps & apres la mort aux ames, ce qui est dit de tout l'homme apres la resurrection? N'est-il pas faux aussi de dire, que les Saincts sont ordinairement en la compagnie des Anges, veu que quand ceux-cy sont en terre, & que c'est par ce moyen qu'ils cognoissent l'estat des hōmes, les ames ne descendent avec eux? & ô bon Dieu, quelle raison voicy! Si S. Pierre, dit-il, par la reuelation du S. Esprit a percé dans le cœur d'Ananias & de Sapphira, Act. 5. vers. 3. Pourquoy le mesme saint Esprit ne luy reuelera-il point & nos prieres & nos intentions? Et que me respondra-il, si ie luy demande, si saint Pierre a eu vertu du saint Esprit de faire mourir Ananias & Sapphira pour auoir menti à l'Esprit de Dieu, & auoir soustrait les biens sacrez & dediez à l'usage des pàuures : pourquoy le mesme saint Pierre, ne fait-il mourir auourd'huy tous les menteurs & sacrileges? ne sont-ce pas choses qui ont esté baillees esgalement à S. Pierre par le saint Esprit, & la cognoissance & la puissance miraculeuse? Si la premiere luy est ordinaire par reuelation, pourquoy non l'autre, par l'operation & vertu du saint Esprit? mais ne faut-il pas distinguer ce qui a esté fait vne fois par miracle, & ce qui est propre & ordinaire pour tousiours? nous pouuons adapter à ce propos tresbien ceste sentence de saint Hierosme, escriuant à Vital, au tom. 3. de ses epistres, La nature ne peut faire loy & reigle ordinaire, de ce qui a esté fait par miracle & signe & prodigieusement, *quod pro mira-*



*culo, signo atque portento fit, legem natura facere non potest.* disons nous aussi, *quod pro miraculo signo atque portento factum est, legem Deus non fecit.* Or quand nous ne voudrions debatre de la difference des temps, des faits, & des lieux, mais laissant passer à Sponde ce qu'il demande, que gagnera-il autre chose, sinon que ceux seulement ont reuelation au ciel qui en ont eu en terre, & faut-il conclurre que si Dieu reuele là haut au ciel ou aux Anges ou aux ames bien-heureuses quelques faits, qu'il leur manifeste aussi toutes choses? toutes les pensees, tous les souhaits, toutes les prieres des hommes? mais Sponde ne s'arreste pas à la reuelation, il estime que la cognoissance qu'ont les esprits bien-heureux, de ce qui se fait icy bas, est par la vision qu'ils ont de la clarté interieure de Dieu tout-puissant: c'est suivant l'opinion de Gregoire, duquel les mots sont tels: *Anima sancta, quia intus Omnipotentis Dei claritatem vident, nullo modo credendum est, quia foris sit aliquid, quod ignorent*, chap. 13. liure 12. des Morales, parce que les ames bien-heureuses voyent au dedans la clarté de Dieu tout-puissant, il n'est pas croyable qu'elles ignorent rien de ce qui est au dehors: mais ceste sentence est fausse, que les ames saintes cognoissent tout ce qui est hors l'essence de Dieu, comme est euident de celle de l'auteur du liure de la Virginité attribué à Basile, qui a escrit: *Nullus sanctorum spirituum patrum est qui non ubique omnia videat, ipse quidem corporalibus oculis non cernens, verum incorporali visu vniuersa in cognitione comprehendens.* Il ny a nul des saints esprits des Peres, qui par tout ne voye toutes choses.

Cestuy-cy amene vne autre cause de ceste cognoissance de toutes choses que Gregoire, à sçauoir, la route-presence d'un chacun de ces esprits, & semble qu'il conclue en ceste sorte. Celuy qui est par tout, cognoist toutes chose: or chascun esprit & ame separee du corps & esleuee au ciel est par tout: si cela estoit vray, ie ne pourroy' nier la conclusion. Mais quel mesme des Papistes voudra consentir à vn tel blaspheme, de bailler à l'ame ce qui est propre à la diuinité, de remplir le ciel & la terre & estre par tout? Esaie 66. vers. 1. Ierem. 23. vers. 4. ie retorque donc ainsi la conclusion. Ce qui n'est point par tout, ne peut cognoistre & voir toutes choses: or l'ame d'un homme, mesmes apres estre separee du corps, n'est en tous lieux: elle ne peut donc voir & cognoistre tout. Or d'autant qu'on pourroit encore excuser ledict autheur rapportant ce mot, (par tout) non aux esprits, mais aux choses qui se font, disent & pensent. Espluchons l'autorité de Gregoire, laquelle a pour contraire le texte exprez de l'Escripture, qui nous enseigne, que les saincts qui s'ont au ciel, ne voyent ny ne cognoissent par aucune voye ce qui se fait au monde, & les viuans qui y sont. Esaie parle ainsi au chapit. 63. verset 16. Tu es nostre Pere, combien qu'Abraham ne nous ait point sçeu, & Israël ne nous ait point cognu. Sainct Augustin au liure du soing qu'on doit auoir des morts, chapit. 13. sur ce passago a escrit ainsi, Si ces grâds personnages ont ignoré ce qui se faisoit autour du peuple qui a esté engendré d'eux, ausquels ce peuple mesme a esté promis, comment est-il possible que les morts se

messent de prendre la cognoissance, & aider aux affaires des viuans ? comment disons-nous qu'il est aduenü bien à point à ceux qui sont decedez, de mourir auant que les maux aduinssent, qui sont suruenus apres leur decez ? Si ainsi est que mesme apres la mort ils sentent toutes ces choses qui aduiennent en la calamité de la vie humaine, seroit-il bien possible que nous errissions en disant & pensant ceux-là estre en repos, qui sont tormétez de la vie des viuans, qui est pleine d'inquietude ? Qu'est-ce dōc que Dieu promist au tressainct Roy Iosias, pour vn grand benefice ? c'est qu'il mourroit deuant les maux qui deuoyent aduenir à ce lieu & à ce peuple : & cela à fin qu'il ne les vist. Et Albert Euesque de Ratisbonne, maistre de Thomas d'Aquin, en vn petit liu. qu'il a fait touchāt le moyen d'estre conioint avec Dieu, chapit. 8. Les saincts trespassez, dit-il, ne maniēt point les affaires de ce siecle, & ne se soucient point de l'estat de ce mōde, ne de paix, ne de guerre, ny de temps ferein, ny de pluye, ny en somme de personne qui soit icy bas, mais ils sont totalemēt attachez à vn Dieu, & tous bādez & occupez à se trāsformer en luy. Son disciple, duquel nous auōs parlé, pour establir ceste doctrine de l'inuocation & intercessiō des Saincts, se sert biē du tesmoignage de Gregoire, mais il le restrainct, & ne dit pas qu'ils cognoissent en la clarté diuine interieure, à l'essence, tout ce qui est hors icelle : mais seulemēt ce qui est decenr & conuenable à leur excellence, qu'ils sachent en quoy il met toutes les prieres qui leur sont faites de parole ou de cœur seulement, 22. quest. 83. art. 4. ad 2. mais

quelle chose leur peut estre seãte, qui sera contraindre à la gloire de Dieu, honneur de Iesus Christ & à leur volõte ? or les prieres qu'on leur fait sont telles. Et quia dit à Thomas, que Dieu leur manifeste avec choix & distinctiõ ? car Gregoire dit, que c'est en voyãt au dedãs de la clarté diuine. Et le mesme Thomas aussi au mesme article & question, *in verbo manifestatur illud, quod decet eos cognoscere*. Comparant le regard de l'essence diuine, au regard d'un miroir où du soleil, qui represente & qui esclaire necessairement & naturellement ce qui se met au deuant, & le fait voir à tous ceux qui ont des yeux. Or ce qui se fait naturellement & necessairement, ne se fait pas avec choix & election. Mais que les fauteurs de ceste idolatrie caillent tant qu'ils voudront, & forgent des distinctions à leur poste, ils ne sçauroyent prouuer la cognoissance desdits saincts es choses humaines, & des prieres à eux adreesces, prinse de la veuë de la gloire de Dieu essentielle, par l'Escripture. Je leur demande en outre, Toutes les prières de tous les hõmes qui leurs sõt faites, sont-elles bien conuenables à leur saincteté & estat ? Il faudra qu'ils disent que non : car il y en a de fort desreiglees, & puis Dieu ne les exauce pas toutes, ie dy mesme celles qui sont faites comme il faut. Dieu qui cognoist mieux que nous ce qui nous est necessaire, ne baille pas aux hommes tout ce qu'on luy demande, notifiera-il donc aux S. qui sont au ciel ces prieres-là qu'il ne voudra pas exaucer, quand elles luy aurõt esté faites par iceux à la sollicitation des viuans ? Ceste manifestation que leur apporteroit-elle, que creue-cœur, des-

plaisir & deshonneur, si Dieu ne leur rendoit raison de son refus? A quoy il sembleroit que les hommes le cōtraignissent en s'adressant à ces intercesseurs. Comment sçaura celuy qui prie, quelles prieres Dieu aura deliberé d'ouïr & d'y répondre, si on n'en est certain? que si on ne le peut estre, c'est sans foy qu'on prie: or tout ce qui est sans foy, est peché. parquoy telles prieres faites aux Saints, non seulement sont superflues, mais desplaisantes à Dieu. Thomas Caietan in summam Thomæ Aquinatis part. 22. quæst. 83. artic. 4. ad 2. dit, que les Saints voyans nos oraisons, ne sçauēt s'il faut prier Dieu simplement pour ceste demãde, c'est à dire, ignorent si ce qui est demandé est expedient, ou comment il sera accōpli, & si ceste chose plaist à Dieu. Or ils apprenent ces choses par reuelation: parainfi l'Eglise prie Dieu, qu'il face prier les Saints pour nous, disant: Nous te requérons, ô Seigneur, de nous accorder, que tous les Saints prient incessamment pour nous. Et si les Saints ne peuvent prier pour nous sans reuelatiō, laquelle nous deuons demander à Dieu pour eux: à quels autres Saints aurons-nous recours pour l'obtenir? Si nous-nous retirons tout droit à Dieu de premier abord en vne demande si grande & si importante, pourquoy non és autres? Si l'Eglise militante aide les Saints qui sont au ciel en leur cognoissance, quels intercesseurs sont ceux-ci, qui ne suffisent à leur charge d'eux-mesmes, & ont besoin enuers Dieu de ceux pour qui ils intercedent? Retournons encore au principal, & à ce que dit Gregoire: Quiconque void la gloire de la face de Dieu

au dedans, void toutes choses: Je le nie, car les An-  
 ges voyēt la face de Dieu tousiours au ciel, Matth.  
 18. vers. 10. & toutesfois ne scauent toutes choses,  
 car ils ignorent le dernier iour, Marc 13. vers. 32.  
 De ce iour & heure nul ne le sçait, non pas mesme  
 les Anges qui sont és cieux. Aussi la grace de  
 Dieu en Iesus Christ enuers les Gentils leur a e-  
 sté cachée, Ephes. 3. vers. 10. 1. Pier. 1. vers. 12. c'est  
 à sçauoir, ceste sapience admirable, par laquelle il  
 a conioint les Gentils avec les Iuifs. Comment  
 l'ont-ils cognue en fin? elle ne leur a esté manife-  
 stee en ceste clarté de la face de Dieu: mais en l'œu-  
 re & en l'action mesme. Quelle est cest œuvre?  
 L'Eglise en laquelle les Anges contéplent ce grād  
 mystere, pour lequel S. Paul s'escrie, 1. Tim. 3. ver.  
 16. S'il estoit autrement, pourquoy diroit-il que  
 ceste sagesse diuerse en plusieurs sortes, est mani-  
 festée en l'Eglise? Et saint Pierre, que les Anges,  
 par maniere de parler se courbent estans en lieu  
 haut pour regarder ces choses qui se font en bas.  
 si leur regard estoit seulement tourné vers la face  
 diuine, que seroit-il besoin de s'abaïsser? il faudroit  
 plustost qu'ils se dressassent: & les Apostres n'vse-  
 roient du temps present (ἡ νῦν ὥρα) ou passé,  
 mais du temps qui est plus que parfait, auquel  
 sont exprimez toutes les œuvres de Dieu conside-  
 rees au decret d'iceluy: & à plus forte raison quād  
 elles auroient esté cognues en leur cause qui est  
 ceste lumiere diuine, laquelle saint Paul appelle  
 inaccessible, 1. Tim. 6. v. 16. par toutes ces raisons  
 chacun iugera, cōbien il est facile de refuter ce qui  
 est amené sans tesmoignage & autorité de l'E-



scripture. mais il semble qu'il en vucille alleguer:  
 car, dit Sponde, si le mauuais riche voyoit du mi-  
 lieu du torment de l'enfer, la dissoluë vie que me-  
 noient ses freres au monde, & en a eu du soin, que  
 doivent faire les saincts au ciel? N'admettant la  
 cōdition, sur laquelle est bastie ceste raison, il faut  
 de necessité qu'elle s'esuanouisse. Où a-il leu, que  
 le mauuais riche vist du milieu des tormens en en-  
 fer, la dissoluë vie de ses freres? est-il mesme dit  
 par Iesus Christ qu'ils fussent melchans? n'est-ce  
 point par precaution, & pour aller au deuant du  
 mal, qu'il veut que Lazare leur soit enuoyé? Et  
 quand il seroit cōme il pretend, ce mauuais riche,  
 ne se pourroit-il souuenir de ce qu'il auoit veu  
 & sceu estant au monde? mais il est certain qu'il  
 n'y a autre chose d'histoire, en ce qui est recité par  
 Iesus Christ de ce mauuais riche, que la dānation  
 d'iceluy, qui a esté tel qu'il est descrit en S. Luc,  
 chap. 16. & pour ses pechez, pour son intemperan-  
 ce, luxe, & pour son inhumanité, a esté ietté és en-  
 fers, qu'il y a eu aussi vn pauvre Lazare qui a esté  
 porté au sein d'Abraham. Le reste est parabole, si-  
 militude & allegorie, de laquelle la reddition &  
 application est tresuraye & certaine. Sainct Gre-  
 goire qui a mis ceste sentence par forme de corre-  
 ction, que nous venons d'examiner, venoit de dire  
 ce qui est, tresuray, & qu'il ne deuoit retracter,  
 pour ceux qui voyent Dieu. *Sicut y qui adhuc vi-  
 uentes sunt, mortuorum anime, quo loca habeantur,  
 ignorant: ita mortui vitam in carne viventium, post eos  
 qualiter disponatur nesciunt, quia & vita spiritus, longè  
 est à vita carnis: & sicut corporea & incorporea diuersa  
 sunt*



*sunt genere, ita etiam cognitione.* Tout ainsi que ceux qui vivent, ne cognoissent l'estat des ames de ceux qui sont decedez, ainsi aux morts est incognue la façon de viure, de ceux qui demeurēt apres eux en la chair: car la vie de l'esprit, est fort esloignée de la vie de la chair, & comme les choses corporelles & spirituelles sont differentes & diuerses en nature, ainsi aussi en cognoissance: Gregoire liure 12. cha. 13. des Morales. Il n'y a donc lieu icy d'argumenter du moindre au plus grand, car l'un & l'autre est tresfaux. Or combien que par la negatiue de la cognoissance des saincts qui sont en Paradis, se recueille l'inutilité & vanité des prieres qu'on leur adresse, toutesfois quand elle seroit telle que Sponde l'imaginer, il ne faudroit pourtāt conclurre, qu'il les faille prier. Les Anges cognoissent beaucoup de choses qui se font en la terre, ou d'autant que Dieu leur manifeste, ou par ce qu'ils le voyent estans presens pour le ministere qu'ils exercent. Enuoyez de Dieu, il n'est pourtant licite de les inuoyer & prier. Mais pourquoy, dit Spode, page 179. n'employerons-nous la pureté qui est es Saincts qui sont au ciel, lesquels sont exempts de peché: car rien n'y entre qui soit souillé, Apocalyp. 21. vers. 2. pour nous seruir de plus facile accez enuers Dieu? Responce, pource que leur sainteté qui est voirement sans tache & souilleure, depuis la destruction de leur chair, n'est toutesfois en aucune sorte idoine & suffisante d'appaiser l'ire de Dieu, & l'induire à nous bien-faire: & celle de Iesus Christ ne nous peut estre vtile, si nous la meslons & conioignons avec autre, estant par ce moyen, entant

qu'en nous est, altérée. Il est nostre seul & vnique Mediateur, par le tesmoignage de saint Paul, 1. Tim. 2. nostre Intercesseur, Rom. 8. Heb. 7. & 9. nostre vnique Aduocat, 1. Iean. 2. Bref, celuy qui est la seule voye pour aller, & nous approcher de Dieu, Rom. 5. Iean 14. Nul aussi ne peut inuoyer les Anges, ou les hommes, pour mediateurs & intercesseurs enuers Dieu sans foy, & sans se fier en eux. Vous croyez en Dieu, dit Iesus Christ, croyez aussi en moy, Iean 14. autrement toutes noz prieres ne seront que cris de doute & desespoir. Si celles que nous adressons à noz aduocats & moyenneur sont incertaines, celles aussi que nous présenterons à Dieu seront sans foy: car tel qu'est le fondement, tel est l'edifice: s'il branle & est mobile, & l'edifice aussi. Or le fondement de la priere que nous faisons à Dieu, est celle des mediateurs, parquoy il faut se fier en eux. Mais que dit le Prophete? Maudit est l'homme qui met sa fiance en l'homme: le di doncques, que nul ne peut estre nostre Mediateur, qui ne soit vray Dieu, 1. Pierre 1. Or les saints decedez & les Anges, ne sont que pures creatures, que sont donc ceux qui s'y fient & les inuoquent? qu'encourir la malediction de Dieu, & reietter les benefices de Iesus Christ nostre seul Mediateur, qu'ils dégradent? Mais oyons Sponde qui se mesle de desarmer nos raisons. Ce que Iesus Christ, dit-il, est nommé seul intercesseur, doit valoir pour les viuans aussi bien que pour les morts: si donc on luy fait tort d'auoir recours aux saints decedez, ne luy en fait-on pas par la mesme raison, de prier les hommes qui sont encore

mortels, qu'ils prient Dieu pour nous ? Le respon-  
 cōbien que l'idolatrie se puisse cōmettre aussi bien  
 enuers les hōmes qui sont au mōde viuans, qu'en-  
 uers les saincts qui iouissent de la presence de Dieu,  
 & du repos biē-heureux, toutesfois ceux qui priēt  
 les hommes encore mortels, de prier pour eux, ne  
 sont idolatres, ny ne font tort à Iesus Christ, quand  
 ils le font non de desfiance, ains eu esgard seule-  
 ment que Dieu le leur commande. Le commande-  
 ment est expres de prier mutuellement tandis que  
 nous viurons. Sainct Iaques chapitre 5. verset  
 14. parle ainsi, que les anciens de l'Eglise prient  
 pour le malade, & au verset 16. Priez, les vns  
 pour les autres. Sainct Paul se recommande aux  
 prieres des fideles, & les recommande aussi par  
 les siennes à Dieu, Rom. 1. vers. 9. 10. Ephes. 1. vers.  
 16. Je ne cesse de rendre graces pour vous, faisant  
 memoire de vous en mes oraisons. Il y a vn grand  
 nombre de tels exemples & prieres, qui ne sont à  
 parler proprement intercessions, mais supplica-  
 tions, par lesquelles nous exposons nostre desir,  
 ou de nostre amy fondé en equité, à celuy qui ad-  
 ministre iustice. *Beza in Roman. ex Iulian. lib. 1. ti-  
 tu. de postulando*: car quant aux intercessions, ce  
 sont effects d'un seul Mediateur & Redempteur, &  
 sont prieres qu'on fait tousiours pour autrui, la  
 dignité, estime, interinement desquelles, n'a autre  
 fondement, que le merite & excellence de celuy  
 qui prie, & non la personne de ceux pour lesquels  
 la priere se fait. Les saincts certes, soit viuans soit  
 decedez, ne peuuent estre nos intercesseurs en-  
 uers Dieu: car il n'y a qu'un Mediateur, 1. Timot.

2. verset 5. qui doit estre qualifié de ces marques, que premierement il soit plus agreable à celuy qu'il prie, que ceux pour lesquels il prie : ce qui conuient à vn seul Iesus Christ, quand il est question de Dieu, Matth. 3. & 17. Ephes. 1. Iean 3. En second lieu, qu'il soit tousiours exaucé, & obtienne tout ce qu'il demande : or de qui est-il dit que du Fils bien-aimé, que le Pere l'exauce tousiours? Iean 11. verset 41. 42. Hebr. 5. verset 7. estant aussi tousiours d'une mesme volonté avec Dieu son Pere. En troisieme lieu, qu'il n'ait point besoin d'autre Mediateur & moyëneur, estant sainct, iuste impollu, separé des pecheurs, & esleué par dessus tous les cieux, Hebr. 7. verset, & subsistant de foy-mesme; & de ses forces deuant la face de Dieu, Ro.m. 8. verset 34. & Hebr. 9. verset 24. lesquelles sentences sont couchees, lors qu'il est parlé de nostre grand & souuerain Sacrificateur. Que si quel-qu'un n'est encore satisfait, de tant que l'experience avec l'Ecriture nous enseigne, que Dieu exauce plustost aucuns qu'autres. Exemple, Abraham, qu'Abimelech, Genes. chapit. 20. Iob, que ses amis. Iob 42. les gens de bien, que les pecheurs, Iean 9. l'Eglise en corps, que les particuliers, Matt. 18. & qu'il semble par ce moyen que tels soyent mediateurs & aduocats: Iceluy doit se souuenir de ce qui a esté dit, que Dieu commande à ses enfans de prier les vns pour les autres, & de se recommander mutuellemēt aux prieres les vns des autres : en quoy il appert, que la dignité ou merite des personnes n'est considerée, quand Dieu exauce telles prieres; mais la seule obeissance, charité & miseri-

corde, laquelle gratuitement selon ses promesses fondees en Iesus Christ, 2. Corinth. 1. il remunere en nous respondant. Quand, di-ie, par compassion nous-nous mettons en la place de ceux pour qui nous prions, pleurâs avec ceux qui pleurent, Rom. 12. & nous déclarans vrais & vifs membres d'un mesme corps, desquels quand l'un endure, l'autre n'est exempt de peine, 1. Corinth. 12. verset 26. cela fait que Dieu exauce non moins les prieres pour autrui, que pour nous-mesmes, & prians ainsi que dit Crysosto. homel. 13. *in caput 5. Matth. fol. 756.* pour nos ennemis, que pour nos amis. Touchât les prieres de toute l'Eglise, promesse d'interinement leur est faite, en saint Iaques chap. 5. verset 14. à cause du consentement & accord lequel Dieu demande entre les enfans, & s'y plaist, Mat. 18. ver. 19. comme effect & tesmoin certain de nostre amour & dilection mutuelle, d'autant qu'il est le Dieu de charité & de paix, 2. Corinth. 13. vers. 11. ayant en haine toutes diuisions & discordes, *qui eiusdem sunt cordis, etsi multi fuerint oratores unus sunt, quia unus spiritus in omnibus est, sicut dictum est Actorum 4. omnium credentium erat cor unum. & in Matth. cap. 6. homel. 14. in opere imperfecto.* La question est maintenant, de ce que dit le mesme saint Iaques chap. 5. verset 17. Que la priere du iuste vaut beaucoup: & de ce qui est dit en saint Iean chap. 9. que Dieu n'exauce point les pecheurs: car Dieu regarde-il à la iustice & merite de celuy qui prie? Le respon, que iustice se prend pour repentance & amendement de vie, & que celuy est dit iuste, qui a la foy ouurante par bonnes œuures: or Dieu regar-

dant la foy, regarde à foy-mefme, qui a mis fes conditions en la priere: & la foy eftant és vns, & non és autres, il exauce auffi ceux-là, & non ceux-cy, cōme on void en Abraham & Abimelech: & de tant qu'elle eft plus grande és vns qu'és autres, les vns auffi font pluftoft exaucez que les autres, ainfi qu'on ſçait de Iob & de ſes amis. Et en vn mot, Dieu confiderant la foy, charité, & obeiffance de ceux qui le prient, n'eſt point eſmeu pour ceſt œuvre ouurée à leur répondre, mais à cauſe de ſon Fils, obiect de noſtre foy, de laquelle puis apres immédiatement decoule & procede la charité & ſaincteté de vic. Parquoy il n'y a que Ieſus Chriſt qui ſoit noſtre Mediateur & Interceſſeur enuers Dieu: combien que cela ne nous doive faire meſpriſer les prieres de nos freres, & principalement de toute l'Egliſe: moyennant qu'elles ne nous retirent de noſtre Mediateur Ieſus Chriſt, & n'obſcurciſſent ſa grace. Et cecy eſt remarquable pour vne concluſion generale, que Dieu ou immédiatement ou par ſes Prophetes, ne réuoie iamais les viuans aux morts: car Abimelech Roy de Gerar, n'a eſté enuoyé à Noé, mais à Abraham qui viuoit & eſtoit en ſa court: ny les amis de Iob, à autre qu'à Iob. Et S. Iaques qui parle des prieres d'Elie ne dit, priez-le, mais bien priez les vns pour les autres. Ce que Sponde adiouſte en la meſme page 179. eſt digne de riſée. Nous faiſons icy grâd cas, dit-il, des interceſſions de l'Egliſe militante, les malades, les affligéz, les pecheurs y ont leurs recours, & celles de l'Egliſe triomphante. ſeront idolatries? Quelle concluſion eſt ceſte-cy? voyez



la consequence : Ceux qui prient en quelque façon que ce soit les morts & saints decedez, sont idolatres: donc les saints qui sont au ciel, qui s'adressent à Dieu & le prient, le sont, & leurs prieres sont idolatries. Du premier ne peut se recueillir le dernier: & quiconque dit & afferme l'antecedent, ne dit toutesfois & ne parle comme Sponde: car l'obiet est bien differēt, veu que nul ne peut prier le vray Dieu, & estre idolatre en le priant: & au contraire, quiconque inuoque & appelle pour intercesseurs les saints qui sont au ciel, veu qu'il n'a ne commandement ne promesse de Dieu, ny exemple approuué en la S.Écriture, ne peut estre autre que vray idolatre: car où il n'y a point de foy, il y a idolatrie & infidelité, & où il n'y a point de parole de Dieu, là n'y peut auoir aucune foy. Sainct Paul aux Romains chap. 10. vers. 17. la foy est de l'ouïe, & l'ouïe par la parole de Dieu. La fin & conclusion de ceste matiere, sera la responce aux anciens Docteurs, qui ont prié les Saints. Or pour le premier, qui est saint Cyprian, il n'enseigne aucunement, ny ne parle qu'il faille prier les Saints qui sont au ciel. Il exhorte Corneille de prier s'il alloit deuant, & estoit appelé le premier au Royaume des cieux. Mais il viuoit encore en chair, quand il est exhorté: & saint Cyprien s'exhorte aussi soy-mesme: *Si quis hinc nostrum prior diuina dignationis celeritate precesserit, perseueret apud Deum nostra dilectio, pro fratribus & sororibus nostris, apud misericordiam Patris non cesset oratio. lib. 1. Epist. 1. Cornelio fratri.* Et selon Spode, ceste maxime seroit vraye, que toutesfois tout homme de



plus petit iugement prononcera quand & quand  
estre tresfausse, à sçauoir, que quiconque prie les  
viuans, de prier lors qu'ils seront au ciel, prie les  
ames bien-heureuses. Les propos de Nazianzene à  
la fin de son epitaphe, & harangue funebre à la  
louange de saint Basile, doiuent estre prins par  
protopopée, qui nous permet & porte pour es-  
mouuoir d'auantage, que nous parlions à ceux  
qui ne nous oyent, ny ne nous voyent ou cognois-  
sent, comme s'ils estoient presens. L'excuse qu'il  
luy presente, s'il ne l'a dignement loué, le tesmoi-  
moigne, suiuant la façon receüe entre les homes,  
qui louient en face *οὐ γὰρ θαρρῶνόν περὶ σέ· λόγον ἐνε-  
σηοίμην*, m'assurant de vous, i'ay entrepris de par-  
ler de vos louanges. Et on ne parle en ceste sorte,  
qu'aux hommes qu'on veut rendre bien-vueillās,  
& ces attraiets peuuent-ils auoir lieu à ceux qui  
sont au ciel? Et puis il allegue pour cause de ce  
qu'il a esté si maigre & peu disert & eloquent en  
le louant, sa vieillesse, sa maladie, & le regret de la  
mort dudit Basile, qui l'auoyent abatu: ce sont ex-  
cuses qu'on fait aux hommes qui cherchent seule-  
ment d'estre louez des hommes, & desirer de  
mots enflés & vn style haut & esleué, à fin qu'ils  
soient de tant plus en estime entre le vulgaire.  
Mais les Saints qui sont au ciel, se contentent que  
les hommes sçachent simplement les graces qu'ils  
ont receuës de Dieu, pour l'en louer avec eux, &  
les imiter, à quoy suffit vne simple narration. Le-  
dit Nazianzene auoit auparauant assez declaré  
commēt il parloit, *ταῦτά σοι παρ' ἡμῶν ὁ βασιλεὺς ἦς ἡ  
δύσις σοί ποτε γλώττης*, ces choses te sont offertes par

nous, ô Basile, & par ceste langue qui t'a esté tres-  
 agreable iadis. Basile n'oyoit donc plus ceste lan-  
 gue qui discourt, & n'en receuoit plus delectatiō  
 en ses oreilles. Je di en fin, que prendre sans figure  
 ce qui vient apres, sera commettre vn grand blas-  
 pheme: ce sera attribuer aux hommes ce qui est  
 propre au seul Dieu, *τὸ δὲ ἡμᾶς ἐπιπλέυεις ἀνωθεν*: tu  
 nous regarde, dit-il, d'enhaut, & à qui est propre  
 de ce faire qu'à Dieu? Pseaume 33. ver. 13. 14. 15.  
 Pseau. 34. v. 15. 16. & Pseau. 113. v. 5. c'est donc  
 vne figure & representation de ce qui n'est point.  
 Que si quelqu'un s'opiniastre à soustenir que  
 c'est vne pure & simple priere adreesee à S. Basile,  
 qui craindra d'accuser Nazianzene d'erreur en  
 cest endroit, veu qu'il ne peut estre excusé de fau-  
 te en ses demandes, s'il en attēd l'effect dudit Ba-  
 file, principalemēt en celles-cy? *ὁν πέντε ἔϊον διεξα-  
 σις πρὸς τὸ λυσιτελεῖσθαι, εἰ δὲ μετὰ τὴν μὲν δέξαιο κακείδεν*  
*ἡμᾶς ταῖς σκαυτῶ σκηναῖς*. Dresse, dit-il, toute nostre  
 vie, à ce qui est tres-vtile, & reçooy-nous estans  
 transportez d'icy en tes tabernacles. c'est à Dieu  
 seul à nous donner patience, à reigler & dresser  
 nostre vie à salut, & à nous recueillir au ciel, &  
 donner la vie eternelle, laquelle n'est point à au-  
 tre qu'à luy seul. Ce que nous auons dit de Na-  
 zianzene, & des façons de parler figurees. Il nous  
 faut entendre de S. Hierosime, lequel en l'epita-  
 phe de Paule mere d'Eustochium vierge, conclud  
 ainsi, *Vale, ô Paula, & cultoris tui ultimā senectutē ora-  
 tionibus iuua, praesens facilius quod postulas impetrabis*.  
 Prie-il par ces mots Paule? nenny: mais il declare  
 ce qu'il desire qu'elle face, ou ce qu'il estime qu'el

le faisoit : ainsi parle-il à ceste Paule , la consolant du trespas de Blefille: *Blefilla pro te Dominũ rogat*: autre chose est desirer, autre prier. En toute priere, il y a desir, & non au rebours : car pour prier, outre l'affection & desir, il est besoin que la raison, l'esprit, & la langue quelquefois, traouillent à disposer ceux qui nous sont superieurs ou esgaux, à faire ce que nous desirons estre fait, & à nous donner ce que nous leur demandõs : ainsi Marthe à proprement parler, quoy que cy dessus nous l'ayons laissé passer, ne prie pas Iesus Christ pour la resurrection de son frere Lazare, iacõit qu'elle la desire, & donne de tresgrandes demonstrations de son souhait, Jean 11. vers. 22. Seigneur Iesus, si tu eusses esté ici, mon frere ne fust pas mort. Mais maintenant ie sçay, que tout ce que tu demanderas à Dieu, il te le donnera. Parquoy aussi ne S. Hierosme ny autres des Anciens, ne prient point les Saincts, encore qu'en apparence ils semblent les prier. Nous saluons les presens seulement, ou les absens par lettres, à qui elles paruiennent : on ne saluë point les morts, & à quel propos ? comme ainsi soit qu'ils n'ayent plus de communication d'exercices extérieurs avec nous, & que leur charité n'aye plus besoin de telles aides : & toutesfois S. Hierosme a escrit, tournant son propos à Paule, *Vale*, à Dieu. Si quelqu'un veut inferer qu'il faut prier les Saincts decedez de ce monde, d'autant que saint Hierosme a mis en son oraison qui sert d'epitaphe à Paule, qu'icelle l'ajde par ses prieres, ie diray aussi qu'il faut prier pour les Saincts qui sont au ciel: chose que nos aduer-

faires n'accorderont : car quiconque saluë quel-  
 qu'un prie pour luy. Or S. Hierosme saluë Paule,  
 & luy dit à Dieu, S. Hierosme donc prie pour  
 Paule, & nous deuons aussi prier suiuant cela, pour  
 S. Paul, & pour les autres Apostres. Il y a donc  
 des acyrologies & improprietez és escripts des Pe-  
 res, où il est bésöin d'apporter vne exposition  
 prinse de tout le corps de leursdits escripts, qui a-  
 doucisse & amollisse quelques mots & loquu-  
 tiöns, qui sont vn peu dures, & desquelles les enne-  
 mis de la verité abusët, pour maintenir leurs ido-  
 latries, faux seruices, & mensonges. Cccy se void  
 encore en sainct Basile, en l'homelie des 40. Mar-  
 tyrs: car ayant dit fort improprement *ὁ θλιβόμενος ἐπὶ τὰς τεωραχόνας καταρεύγει*, celuy qui est affligé,  
 a son refuge aux 40. expose tout de suite ce qu'il  
 entend, & en quel sens il a parlé en ceste sorte:  
*μετὰ μαρτύρων ἡμῶν τὰ αἰτήματα ὑμῶν*, que vos prie-  
 res se facent avec les Martyrs, lesquels pour ce-  
 ste raison ce mesme S. Basile appelle *δήσας συνεργούς*,  
 qui trauaillent avec nous en la priere: si c'est  
 bien dit ou non, & si les ames celestes sont telles  
 que le mesme authcur les décrit, à sçauoir, parti-  
 cipantes de nos soins & sollicitudes, & communes  
 gardiennes du genre humain: l'ay desia fait voir  
 ce que sainct Augustin en a prononcé suiuant la  
 parole de Dieu: & ne vueil point pöur le present  
 renuer d'auantage ceste pierre. Je me contente  
 qu'on cognoisse que sainct Basile n'a point tenu  
 l'inuocation & priere des Saints, & n'a iamais  
 creu ce qui en est enseigné en l'Eglise Romaine.  
 Si Ambroise estant encore apprëtit, & receu nou-

uellement en l'Eglise, qui auoit commencé plu-  
 tost d'enseigner que d'apprendre, ainsi qu'il dit  
 luy-mesme de soy-mesme: voire qui auoit com-  
 mencé d'enseigner ce qu'il n'auoit appris, liur. I.  
 des Offic. chap. i. a esté de ceste opinion, au liure  
 des vefues, qu'il falloit prier les Anges & les  
 Martyrs, & s'appuye de raisons si foibles & debi-  
 les, qu'il n'y faut pas grand sçauoir pour les rom-  
 pre: mais le susdit estant plus exercé en la lecture  
 des Escritures, & desuelpé de tout ce qui luy  
 restoit du Paganisme, duquel il ne faisoit que sor-  
 tir, enseigne bien autre doctrine: car en ses com-  
 mentaires sur le premier chapitre de l'epistre aux  
 Rom. il refute l'idolatrie des Payens, qui adorent  
 leurs dieux, disans que par iceux on pouuoit aller  
 au vray Dieu, tout ainsi que par les Comtes on  
 paruenoit iusqu'en la presence du Roy: car, dit-  
 il, la raison pourquoy on vient & on s'approche  
 du Roy, par les Magistrats inferieurs & Princes,  
 est par ce que le Roy n'estant qu'homme, ignore  
 à qui il se doit fier au manienient & administra-  
 tion de la republique: mais enuers Dieu qui sçait  
 tout & cognoist les bien-faits d'un chacun: pour  
 l'auoir propice, il ne nous est ia besoin d'aucun  
 qui nous aide & fauorise, de son suffrage, il suffit  
 d'un cœur zelé: en quelque part qu'un tel parlera  
 au Seigneur, il luy respondra. Ne doutons pas  
 qu'il n'accepte Iesus Christ, non seulement vray  
 homme, mais aussi vray Dieu, & qu'il ne l'oppose  
 à tous les Anges & ames des Saincts qui ne sont  
 que creatures, desquelles il parle expressément  
 en ce passage. Ses sermōs qu'on list sur S. Laurens,

cōme plusieurs autres, inferez au tom. 10. des œuvres de S. Auguft. ne font de ce ſainct perſonage. Plusieurs l'ont iugé deuant moy, & ce ſeroit auſſi eſtre priuez de iugemēt de ne le ſentir & flairer en les liſant, ſi on a eſté nourri en la lecture des vrais eſcrits de ce Docteur. Et ie ſupplie vn chacun de voir ce qu'il ſent & enſeigne des prieres mutuelles que nous faisons les vns pour les autres, au liure 2. contre l'epiſtre de Parmenian chapit. 8. où il reprend Parmenian qui diſoit, que l'Eueſque eſtoit mediateur entre le peuple & Dieu: & reprēd auſſi avec ledict Parmenian tous les Donatiſtes.

*Lacus detriti fumofam aquam iſtorum ſuperbiam ſerunt, & Spiritum ſanctum continere non poſſunt, ut ſeruet unitatē Spiritus in vinculo pacis, & in omnibus orationibus ſuis de vno Mediatore ſecuri ſint.* Ces ciſternes rompues contiennent bien l'eau fumeuſe & imaginaire de ceux-cy, à ſçauoir, leur orgueil, & ne peüent contenir le ſainct Eſprit pour garder l'unité de l'Eſprit par le lien de paix, & ſe contenter d'un ſeul Mediateur en toutes leurs oraiſons. Ces mots percent-ils iuſqu'à la mouëlle des forgeurs de Mediateurs & inuenteurs de nouueaux dieux. Où eſt ceſte diſtinction de Mediateur de redemption, & Mediateur d'interceſſion? où eſt ceſte cauillation que toutes les prieres qui ſe font aux Saincts qu'ils prient ſe finiſſent ainſi, *per Dominum noſtrum Ieſum Chriſtum*? ce n'eſt ſe contenter d'un ſeul Mediateur en nos prieres. Mais la concluſion eſt notable, qui eſt telle: *Sic oratio pro inuicem membrorum omnium adhuc in terra laborantium, aſcendat ad caput quod preceſſit in cœlum, in quo*



*est propitiatio pro peccatis nostris.* En ceste sorte l'oraison mutuelle de tous les membres qui trauail-  
lent encor en terre, doit monter au chef qui est  
precedé au ciel, auquel nous auons remission de  
nos pechez. Où faut-il que nos oraisons mōtent,  
aux Anges, ou aux ames decedees? non, non, dit S.  
Augustin, mais au chef, & deuāt luy Irēnee, *Est al-  
tare in cœlis, illuc preces nostræ & orationes nostræ di-  
rigantur*, lib. 4. cap. 34. Et on vouldra maintenant se  
seruir de l'autorité de S. Augustin pour mainte-  
nir les Letanies & Kyrielles Papistiques? iamais  
il ne pensa de commettre telles abominations.  
C'est donc ignoramment parlé à Sponde, dire  
que les anciens Docteurs ayent ignoré, que la  
priere faite aux Anges ou Saincts fust idolatrie:  
& tresmal conclu à lui, de vouloir fermer son ame  
à la cognoissance de certains poincts, qui ont esté  
tenus tout autrement par les Anciens, d'autant  
qu'ils ont esté sauuez avec ceste ignorance: car si  
Dieu a supporté quelques vns, qui n'auoyent  
point eu moyen d'estre bien & suffisamment in-  
struits en toutes choses, & qui ne pechoyent par  
malice & ingratitude, tous se doiuent-ils promet-  
tre vne telle misericorde? notamment ceux qui  
veulent fermer les yeux à la lumiere qui les es-  
claire? Ceste ignorance affectee sera tresgriefue-  
ment punie.



## CHAPITRE XII.

*De la Messe.*

**V**IS que ie suis entré en plusieurs poincts de doctrine definis par les Papistes, contre toute verité & parole de Dieu, & encore auiourd'huy opiniastrément soustenus, & ay decouvert l'inualidité des pretendues raisons desquelles ils se couurent: ie ne doy conuiuer aux mensonges & sophisteries desquelles la Messe est defendue, avec sa Transsubstâtiation, par Sponde: qui se promet luy apporter des appuis & boulevards inexpugnables, de distinctions à nos argumens inouies, & d'autoritez & tesmoignages qui sont pour nous faire rougir. Or ça donc, commençons par ceux-cy. Il nous obiecte Berengarius, & le met au front de l'armee page 45. Mais loué soit Dieu, de ce que luy-mesme infirme l'autorité dudit Berengarius, par les trois inconstances qu'il luy reproche: en ce mesme suiet: Croiray-ie à vn homme qui se desdit si souuent? combien que ie n'appelle point ses repentances inconstances, ny ses renoncemens foy ancienne: mais defaut d'esperance & tesmoignage d'une trop grande crainte mondaine, tant pour les menaces de mort qu'on luy presëtoit de la part de Nicolas second, à la sollicitation de Lanfrancus & autres ses ennemis, que pour le mauuais traitemēt qu'on auoit fait à ses deux clefs qu'il auoit enuoyez defendre sa doctrine en vn Cōcile à Verscil, où ils furent mis en prison du tēps de Leon 9. Croiray-ie

donc à vn homme, & fuiuray-ie le dire de celuy qui a parlé de crainte, & par force contre son iugement? mais laissons la personne, fuiuray-ie la confession telle qu'on la list és decretz de Gratian *dist. 2. de consecrat. can. Ego Berengarius.* qui a besoin de saine intelliēge, selon la remarque du glossateur de ce Canon: de tant qu'il dit, que non seulement le Sacrement, mais le vray corps & le vray sang de nostre Seigneur Iesus Christ, est sensuellement & en verité manié des mains du Prestre, rompu & brisé des dents des fideles. Or le vray & naturel corps de Christ, ne peut estre desmembré, *De Christi corpore partes non facimus*: & enseigner autrement, ou penser que cela se face au sacremēt de l'Eucharistie, est vne heresie. Il ne faut donc suivre l'abiuration de Berengaire, ny la doctrine en ce poinct de ceux qui luy ont dicté ce formulaire: par ainsi c'est fort imprudemment fait à Sponde, de nous donner de tels maistres & Docteurs. Or cōbien que le susdict glossateur ait bien iugé que les paroles de Berengarius, instruit par le concile de Latran & le Pape Nicolas estoient heretiques, & ait dit: *Nisi sanè intelligas verba Berengarij, in maiorē incidēs heresim quā ipse & alij sunt*: il se mesprend, d'estimer que Berengaire & autres aient entendu par le vray corps de Christ, qu'ils disent estre rompu & brisé des dents des fideles, les especes & les accidens: car que sont ces especes, que ce qu'ils appellent les signes & le Sacrement? Or Berengarius oppose le Sacrement à ce corps, qu'il dit estre palpé & touché des mains des Prestres, *Profiteor me tenere panem & vinum quæ in altari*

altari ponuntur post consecrationem, non solum sacramentum, sed etiam verum corpus & sanguinem Domini nostri Iesu Christi esse & sensualiter non solum sacramentum, sed in veritate manibus sacerdotum tractari, frangi, fidelium dentibus atteri. Sa confession precedente estoit, Panem & vinum, qua in altari ponuntur post consecrationem, solummodo sacramentum, & non verum corpus & sanguinem Domini nostri Iesu Christi esse, & non posse sensualiter nisi in solo sacramento manibus sacerdotum tractari vel frangi, aut fidelium dentibus atteri. Oû il faut noter encore, qu'il prend pour vne mesme chose ces mots (sensuellement & veritablement) dequoy ie tire ces arguments. Ce qui se fait vraiment sensuellement au vray corps de Christ, ne se fait seulement en l'espece du pain, qui a esté mis sur l'autel. Or selon l'a profession de Berengarius, la fraction se fait sensuellement, & en verité au vray corps de Iesus Christ: il s'ensuit donc, qu'elle ne se fait seulement en l'espece ou accident, & que Berengarius ou les Docteurs, ne l'ont entendu que du vray & naturel corps de Iesus Christ. Ce que i'ay fortifié deuant de ceste autre raison, à sçauoir, que si Berengarius eust entendu parler seulement des especes, il eust entendu parler du Sacrement: mais il le nie ouuertement, repetant maintesfois ces mots. (*non solum sacramentum.*) Ie di encore, que si Berengarius a entendu parler de la fraction des especes du pain, & effusion des especes du vin, & non du vray corps & sang de Iesus Christ, il ne s'est point corrigé quand au sens: car toute correction emporte changement de mal en bien, ou de bien en mieux:

546 **RESPONSE A I. DE SPONDE,**  
d'où s'ensuit, que celuy qui se corrige en doctrine, la change aussi, & ne demeure en son opinion premiere. Or Berengarius ne change point de doctrine ny d'aduis, s'il pense que traicter, rompre & macher des dents le corps de Christ, soit faire ces choses seulement aux accidens du pain: car sa doctrine precedente estoit, que le vray corps de nostre Seigneur Iesus Christ ne peut sensuellement estre entre les mains des Prestres, & moulu des dents des fideles, sinon au seul Sacrement, c'est à dire, comme l'expose l'abbreuiateur des Cōciles, Bartholomæus Carranza (duquel nous auons parlé cy dessus) au signe & en la figure fol. 317. Parquoy ie conclu, que la doctrine touchant le sacrement de l'Eucharistie n'a esté telle du temps dudit Berengarius, qu'elle est à present entre nos Transsubstantiateurs, & comme elle a esté establie au concile de Latran institué en l'an 1215. L'autre autorité que Sponde estime seruir, à maintenir tant la messe que la Transsubstantiation, est d'Ignace, le dire duquel il a prins de Theodoret dialogue 3. car il ne se trouue és epistres qui sont attribuees audit Ignace. Mais soit, recitons la sentence, Les heretiques ne reçoient point les Eucharisties & les oblatiōs, pource qu'ils ne confessent point que l'Eucharistie soit la chair de nostre Sauueur Iesus Christ, qui a souffert pour nos pechez, & laquelle le Pere a ressuscité par sa bonté. De quels heretiques parle-il? des Messaliens, qui disoyent, que ceste diuine viande de laquelle le Seigneur Iesus Christ dit, Qui mange ma chair & boit mon sang viura eternellement, ne profi-

toit ny nuisoit à aucun. *Theod. lib. 4. hist. cap. 11.*  
 mais quelle conuenance y a-il de ceste opinion  
 avec nostre doctrine? ou comment fait ce tesmoi-  
 gnage d'Ignace cōtre nous, qui gardons diligen-  
 ment l'institution de la sainte Cene, & mainte-  
 nons la communication au vray corps de Christ?  
 Execrable sont quicōque sent avec les Messaliēs,  
 & pareillement avec les Simonien & Valenti-  
 niēs, du temps desquels a esté Ignace, & d'où sont  
 sortis les Marcionistes, Manicheens, & sembla-  
 bles: qui nians l'humanité de Iesus Christ, le pain  
 de l'Eucharistie ne leur pouuoit estre sacramen-  
 tallemēt la chair qui a souffert pour nos pechez:  
 ou tenans aussi Iesus Christ n'estre le Fils de Dieu  
 createur du ciel & de la terre, & n'estre luy-mes-  
 me createur du pain & du vin, qui s'offroyent &  
 estoient donnez en ce Sacrement. L'Eucharistie  
 ne leur pouuoit estre profitable, ny leur estre ga-  
 ge du corps & sang de Iesus Christ: car les signes  
 & Sacremens ne doiuent estre moins en la puis-  
 sance de celuy qui les institue, que les biēs qu'ils  
 signifient: & on ne peut communiquer à aucunes  
 marques, qu'on ne participe à celuy à qui elles  
 sont & appartiennent. Si les signes donc de la sain-  
 te Cene sont propres à vn autre Dieu que Iesus  
 Christ, on ne cōmunique point à luy en l'Eucha-  
 ristie, mais à cest autre Dieu. C'est d'Irenee que  
 ie pren mon dire au 4. liure chapit. 34. contre les  
 Valentinien. Les paroles duquel i'allegueray fi-  
 delement, *Judai iam non offerunt, non enim receperūt*  
*verbum per quod offertur Deo, sed neque omnes hereti-*  
*corum Synagoga, &c.* Les Iuifs ne font plus d'offer-

tes, car ils n'ont point receu ceste parole, par laquelle on fait des sacrifices à Dieu: mais aussi toutes les synagogues des heretiques ne font point des sacrifices: non qu'ils ne prissent le pain & le vin, & ne fussent signes de ce sacrement. Mais Irenee & deuant luy Ignace veut dire, qu'ils ne font point des sacrifices à Dieu, ny ne font la sainte Cene, estans imbus de ces fausses opinions: car celuy qui deshonne Dieu en luy offrant quelque chose, ne luy fait point de sacrifice. Or les Valentinienens en offrant à Dieu le Pere des creatures visibles, le deshonnent: car ceux qui disent que le Pere est autre que le Créateur, & luy offrent neantmoins des creatures terrestres, *cupidum alieni ostendunt eum*, le blasphement sans doute comme desirieux du bien d'autrui. Ceux aussi qui disent, que ces choses qui seruent à l'homme sont procedees de defect d'ignorance & de passion, en offrant tels fructs, à sçauoir, d'ignorance, d'infirmité & de bouillôs de la chair à Dieu, pechèt contre le Pere, *Contumeliam facientes magis ei quam gratias agens*. Il continue de monstrier aussi, que tels renoncent à l'Eucharistie & à la nature & vray effect d'icelle, *Quo modo constabit eis eum panem in quo gratia acta sint corpus esse Domini sui & (suple vinum) calicem sanguinis eius, si non ipsum fabricatoris mundi Filium dicant, id est, verbum eius per quod lignum fructificat, &c.* Que veut-il dire? que ceux qui nient que Iesus Christ soit le Fils de Dieu qui a créé le monde, & qu'il soit luy-mesme celuy par lequel tout arbre fructifie, & qui donne premierement l'herbe, & puis l'espi: & en fin le plain &



parfait froment en l'espi, ne peut estre assureé que le pain de la Cene soit le corps de Christ. La raison est, d'autant que c'est de la dignité & essence de celuy qui est Dieu, de n'ouurer par les instrumens d'autrui, & de s'approprier que ce qui est à luy: veu qu'autremét il seroit indigent & diseteux, & ne trouueroit en soy-mesme toute suffisance. Par-ainsi à bonne & iuste cause, Irenee fait ce dilemne, *Ergo aut sententiam mutant, aut abstinent, offerendo quæ predicta sunt.* Et peut estre que ces heretiques pour couper broche à tels argumens, reiettoient tous les Sacremens, & auoyent cessé de les administrer. Voila cōment donc, ny du temps d'Ignace, ne d'Irenee, ne de Theodoret, la dispute n'estoit point avec les heretiques sus-nommez, si le pain de la sainte Cene est changé au corps de Iesus Christ: ny ce n'est pas aussi pourquoy Ignace a dit, lesdits heretiques ne receuoir *εὐχαριστίας* & *αὐτοπροσώπου*, mais pour errer en la personne du Pere & du Fils, & en l'œuvre de la creation. Ne fait contre nous que par ledit Ignace, l'Eucharistie est appelée chair du Sauueur Iesus Christ: car c'est au mesme sens qu'Irenee a dit, & nous venons de l'escrire, que le pain où on a rendu grâces, est le corps de Christ, c'est à dire, est l'Eucharistie. *Qui est à terra panis, dit-il, percipiens vocationem Dei, iam non communis panis est, sed Eucharistia, ex duabus rebus constans, terrena & cœlesti:* le pain qui est de la terre, receuant la vocation de Dieu, n'est plus pain commun, mais Eucharistie, composee de deux choses, l'une terrestre, l'autre celeste. Je di suiuant cela, que l'Eucharistie est appelée la



chair de Christ, & selon ceste partie qui est terrestre, d'autant qu'elle en est le signe: & à plus forte raison selon l'autre partie, qui est celeste, qui n'est autre chose que le vray corps, & le vray sang de Iesus Christ. Or les heretiques desquels parle Ignace, ne le croient point: car nians que Iesus Christ soit vray homme, ils nient par mesme moyen que l'Eucharistie soit la chair de nostre Sauueur, qui a souffert pour nous, & laquelle le Pere a resuscité pour nous, d'autant que ceste est la vraye chair de Iesus Christ qui a vrayement souffert, & qui a esté printe de la substance de la Vierge Marie: parquoy, quiconque se feinct vne autre nature qui n'ait point enduré, & n'ait point esté extraite de la Vierge, ne croit point la chair de Christ: d'où s'ensuit aussi, qu'il nie l'Eucharistie, mesme en ce qui est de l'analogie & conuenance du signe avec la chose signifiée. L'autorité d'Ignace est suiuite d'une raison autant peu concluante, que la sentence du susdict Pere, a esté tirée du vray sens & de son intention. L'argumentation est donc telle, Iustin, Irenee, & les autres Peres, exposent ce que le Prophete Malachie a escrit au premier chapitre touchant l'oblation qui deuoit estre offerte en tous lieux par les Gentils du sacrifice de l'Eucharistie: par-ainsi ils l'interpretent du sacrifice de la Messe, c'est conclurre le contraire par son contraire: en affirmant, c'est à dire, affirmer le contraire de son contraire: pour ne tomber point en ceste absurdité & inconsequence, il estoit de besoin monstrier, que le sacrifice de la Messe est le sacrifice de l'Eucharistie, duquel parle Ire-

nee & les autres Docteurs : mais il s'en faut beaucoup qu'il soit ainsi, car la Messe est vn sacrifice pour expier les pechez, & la sainte Cene pour rendre graces à Dieu. En la Messe le vray corps & sang de Iesus Christ y est offert, selon l'opinion d'Innocent 3. de son Concile, & en la S<sup>te</sup> Cene on y offre tant les prieres que les aumosnes, qui sont appellees oblations. Or qu'Irenée parle du sacrifice d'action de graces au chapitre 34. du 4. liure. quiconque le lira, en pourra iuger, s'il ne ferme l'ame au sens & intelligence que les paroles rendent. Que veulēt dire ces mots: *Paulus Philipp. ait, Repletus sum acceptis ab Epaphrodito quæ à vobis missa sunt odorem suauitatis, hostiam acceptabilem, placentem Deo: oportet enim nos oblationem Deo facere, & in omnibus gratos inueniri fabricatori Deo in sententia pura & fide sine hypocrisi, in spe firma, in dilectione feruenti, primitias earum quæ sunt eius creaturarum, offerentes ei hanc oblationem: Ecclesia sola puram offert fabricatori, offerens ei cum gratiarum actione ex creatura eius:* le sacrifice que l'Eglise offre, & que le Seigneur a enseigné d'offrir par le monde vniuersel, est tel, que le sacrifice dont parle S. Paul en l'Epiistre aux Philipp. chap. 4. ver. 18. Or le sacrifice des Philippiens est vn sacrifice d'action de grace, parquoy le sacrifice de l'Eglise est de mesme nature. Item, ce sacrifice est d'action de grace, qui se fait pour n'estre point ingrats enuers Dieu, & pour luy faire recognoissance: or le sacrifice de l'Eglise se fait à ceste fin, *ut grati inueniamur*: donques le sacrifice de l'Eglise n'est qu'action de grace. *Ecclesia offert Deo cum gratiarum actione*, ce sacrifice est.

Eucharistique, où on offre des biens & creatures du Seigneur, à sçauoir, pain, vin, & autres choses pour l'usage de toute l'Eglise: ce qui se fait quand ces biens seruent à l'administration & usage de la sainte Cene, ou des pources & des Pasteurs de la dicte Eglise. Or les sacrifices dont parle Irenee, ne sont autres, & n'est faite mention aucune d'offrir Iesus Christ, ny le sacrement de la Cene, pour obtenir remission des pechez. *Sacrificia in populo, sacrificia in Ecclesia, sed species immutata est tantum, quippe cum iam non à seculis, sed à liberis offeratur: unus enim & idem Dominus, proprius autem character seruis oblationis & proprius liberorum vii, & per oblationes ostendatur iudicium libertatis, & propter hoc illi quidem decimas suorum habebant consecratas, qui autem perceperunt libertatem, omnia quæ sunt ipsorum ad dominicos decernunt usus, hilariter & libere dantes eas, &c.* Iusqu'icy Irenee n'a parlé que du sacrifice d'action de graces, qui gist en aumosnes & liberalité, de laquelle l'exemple est monstre en ceste pauvre vesue, laquelle donna toute sa substance, *quia totum victum suum misit in gazophilacium Dei:* ce qu'il adioute, ne parle que du mesme sacrifice, mais qui cōsiste à craindre Dieu, aimer le prochain, & cesser de mal faire, *si qui solumodo secundum quod videtur, munde & recte & legitime offerre tentauerit, secundum suam animam, non recte diuidat eam quæ est ad proximum, communionem, neque timorem habeat Dei: non per id quod recte foris oblatum est, sacrificium ad se ducit Deum, intus habens peccatum: neque oblatio talis proderit ei aliquid, sed cessatio mali, quod est intus conseptum,* Suiuant ces paroles, c'est le sacrifice inte-

rieur & la mortification du peché procedante de la crainte de Dieu, qui luy est agreable, plus que tout autre oblation exterieure: & à fin qu'on cognoisse qu'en tout ce chapitre, ce personnage ne parle point de sacrifice expiatoire, il auoit dit auparauant, *sacrificio non placatur Deus*, Dieu n'est point appaisé par sacrifice. Et en vn autre endroit, *sacrificia non sanctificant hominem, sed conscientia eius qui offert sanctificat sacrificium pura existens*: ce ne sont point les sacrifices qui sanctifient l'homme, mais la conscience de celuy qui sacrifie, sanctifie le sacrifice, estant pure. Disons donc, ces sacrifices ne sont point expiatoire, qui n'appaisent point Dieu, & ne sanctifient point l'homme & la conscience d'iceluy: or les sacrifices desquels parle Irenée sont tels, qu'ils n'appaisent point Dieu, ny ne sanctifient l'homme: parquoy il s'ensuit qu'il ne parle des sacrifices d'expiation. La fin du chap. est si claire, que personne ne peut estimer que ce S. personnage parle d'un sacrifice où on offre à Dieu Iesus Christ son Fils. Nous offrons à Dieu, dit-il, en l'Eucharistie, les choses qui sont à luy, & preschons conformément à icelle la communication & vnion de la chair & de l'esprit: or nous luy offrons, non comme à celuy qui a besoin de quelque chose, & pour subuenir à son indigence, mais pour luy rendre graces de ses dons, & sanctifier sa creature: car combien que Dieu n'ait point besoin de chose que nous ayons, toutesfois il nous est necessaire de luy offrir. Salomon le dit, Qui a pieté du pauvre, baille à vsure au Seigneur. En la parole il a donné commandement à son peuple de faire des oblations, à

fin qu'il aprint de luy seruir, aussi veut-il de mesme que nous offrions sans intermission des presens à l'autel: & c'est autel est és cieux, là noz prieres & noz oblations sont adressees. Si en la sainte Cene nous offrions Iesus Christ, nous n'offririons les choses qui sont à Dieu, mais Dieu luy-mesme: or par le tesmoignage d'Irenee, nous offrons & presentons à Dieu, les choses qui sont à luy seulement & ses creatures, & les presens, les dons, & les aumosnes, ne sont Iesus Christ. Or en la sainte Cene on offre seulement des presens, des aumosnes, c'est à dire, dons que les homes font aux pources, poussez de misericorde, donques en la sainte Cene on n'offre & on n'immole Iesus Christ. Tous les sacrifices qui se font au ciel, sont actions de graces: or tous les sacrifices des Chrestiens se font au ciel, car où est l'autel, là se font les sacrifices. Or l'autel des Chrestiens est au ciel, donques les sacrifices des Chrestiens, ou se font au ciel, ou sont adressez & entoyez à cest autel qui est au ciel: par ainsi les sacrifices des Chrestiens ne sont qu'Eucharisties, ne sont qu'oblations ou dispensations des biens du Seigneur, prieres, actions de graces, & autres telles choses. Quand Sponde eust eu encore l'esprit plus aigu qu'il n'auoit, s'il n'eust voulu combattre la verité à son escient, il n'eust peu tirer autre doctrine & confession d'Irenee, que celle que ie vien de dire: laquelle comme on a peu remarquer, est contraire, tant à la transsubstantiation, ou changement de substance du pain & vin de la Cene, qu'au sacrifice que les Papistes pensent faire de Iesus Christ en leur Messe, pour la remission des pe-

chez. Sainct Augustin au liu. 19. de la cité de Dieu, chap. 23. n'entend non plus que le susdict, autre sacrifice, par celuy qui deuoit estre offert par les Gentils, en tous lieux, que le sacrifice d'action de graces. Ce sont ces mots: *Huius autem (Dei) praeclarissimum atque optimum sacrificium nos ipsi sumus, haec est ciuitas eius, cuius rei mysteriū celebramus oblationibus nostris quae fidelibus nota sunt, cessaturas enim victimas, quas in umbra futuri offerebant Iudaei, & vnum sacrificium gentes à solis ortu vsque ad occasum, sicut iam fieri cernimus oblaturas per prophetas Hebreos oracula increpuere diuina.* Et nous sommes le tref-bon & tref-excellent sacrifice de Dieu, c'est la cité d'iceluy, de laquelle chose nous celebrons le mystere par noz oblations, qui sont cognues aux fideles. Les oracles diuins font s'ôner haut par les Prophetes Hebrieux, que les sacrifices des bestes que les Iuifs offroyent, en figure & representation de celuy qui estoit à venir, cesseroient: & que les Gentils sacrifieroyent vn sacrifice depuis le soleil leuant iusqu'au soleil couchant, en la maniere qui il se fait maintenant, ainsi que nous voyons: ce qu'il nomme sacrifice des Gentils, a esté dit auparavant oblations des fideles. Qu'est-ce qu'il leur donne, que par icelles nous celebrôs les mysteres du sacrifice de nous-mesmes, & de la cité de Dieu. Ie conclu donc ainsi, ce qui est le sacrifice de nous-mesmes ou tesinoignage de ce sacrifice, n'est que sacrifice d'actions de graces: or le sacrifice des Gentils duquel parle Malachie, & les oblations des fideles, ne sont autre chose, il s'ensuit donc que ce sacrifice que les Gentils conuertis au Sei-



gneur & faits Chrestiens, offrent, n'est que sacrifice d'action de graces, par lequel ils s'offrent eux-mesmes, & non sacrifice de satisfaction, par lequel Iesus Christ soit offert. Il l'entend ainsi au liure 18. du mesme œuure, chap. 35. où il enseigne, que ce sacrifice & ceste oblation nette dont nous auons parlé, est offerte par la sacrificature de Christ, selon l'ordre de Melchisedech. Quelle est ceste sacrificature? celle qui est donnee à vn chacun Chrestien, 1. Pierre 2. verset 5. Apocalyp. 1. verset 6. De ce passage donc du susdict saint Augustin, ie tire ceste raison: les sacrifices qu'un chacun Chrestien fait, sont sacrifices d'actions de graces: or le sacrifice dont parle Malachie, est le sacrifice qu'un chacun Chrestien doit offrir, parquoy le sacrifice dont parle Malachie, est le sacrifice de recognoissance & d'action de graces. Certes selon le tesmoignage de saint Augustin, Malachie parle de ce sacrifice qui se fait en vertu de la communication de la sacrificature sainte de Iesus Christ, selon l'ordre de Melchisedech, à laquelle tous Chrestiens sont appelez, & non les seuls Prestres, Euesques, ou Ministres de l'Euangile, ainsi que saint Pierre & S. Iean l'enseignent, & qu'il se peut recueillir de ses propos: car tout ce qui est vniuersel & general, en matiere de religion & seruice interieur quant au lieu, l'est aussi en mesme sorte pour les personnes: or le sacrifice des Chrestiens est vniuersel, à raison du lieu, car il ny a anglet où on ne puisse sacrifier, Malachie 1. vers. auquel passage il semble que S. Paul fasse allusion, 1. Timoth. 2. vers. 8. Ce sacrifice donc est commun à toutes personnes: par ainsi



Malachie n'a iamais entendu parler d'un sacrifice qui effaçast les pechez, & qui meritaist la vie éternelle, tel qu'on fainct estre le sacrifice de la Messe: œuvre de certaines personnes, à qui on a fait vne couronne en la teste. Mais d'un sacrifice duquel nous sommes le sacrificateur & le tēple, & l'autel est nostre cœur. De ces réponses resulte encore, que Sponde a prins peine & s'est tormēté en vain, voulant prouuer par presque infinies autoritez des Peres, que l'oblation nette qui deuoit estre sacrifice à Dieu entre les Gentils, est le sacrifice de l'Eucharistie: car nous ny contredisōs, & ne nions qu'icelle ne soit sacrifice, mais d'action de graces, qui est offert par tous ceux qui y communiquent, & non d'expiation. Nous maintenons aussi, que le Prophete n'a entendu parler de ce seul sacrifice. Le saint Baptisme, les prieres, aumosnes, & bonnes œuvres y sont aussi comprises, selon que nous auons peu comprendre d'Irenee. Iustin contre Tryphon, ayant recité les paroles du Seigneur, parlant par Malachie, conclud ainsi: Nous tous les Gentils assemblez, celebrons Dieu: car il nous a aussi visitez, il luy a semblé bon & luy a pleu ainsi d'embrasser de sa bien-vueillance les gens, & *sacra nostra*, dit-il, *libentius quàm vestra suscipit*, & reçoit plus volontiers noz sacrifices que les vostres. Il parle aux Iuifs, & parle au plurier. Il recognoissoit donc plus que d'un sacrifice. Je n'ignore pas qu'en vn autre lieu de ce mesme traitté, & plus bas, il n'expose ce qui est dit du sacrifice, qui est offert en chascun lieu par les Gentils, du pain & coupe de l'Eucharistie: mais non pour en exclurre les autres

parties du seruice de Dieu : mais d'autant qu'entre les Sacremens , il nous represente mieux & plus plainement les benefices de Iesus Christ , & nostre deuoir enuers iceluy : d'où s'ensuit , que par l'vsage legitime d'iceluy , le nom de Dieu est grandement glorifié. C'est donc pourquoy il a parlé en ceste sorte page 34. *De sacrificio quod offertur in omni loco, à nobis gentibus, id est, Eucharistia, tum pane, tum poculo ibidem (nempe Malachias) pradicat, dicens, nos clarificare nomen eius, quod vos profanatis.* Or il ne faut laisser passer ce que ce sainct Docteur auoit dit de ce sacrement, quelques lignes deuant pag. 40. à fin qu'on cognoisse qu'il ne le met qu'au rang des sacrifices de recognoissance. Il dit ainsi : *Simila pro mundatis à lepra solet offerri ex more figuratè, significans panem Eucharistia, quem in memoriam passionis sue purgantis ab omni peccato animas hominum, Iesus Christus, Dominus noster tradidit posteris, ut interim gratias agamus Deo, tum pro mundo, propter hominem creato, cum ceteris quæ hoc continentur, tum pro redemptione, qua liberati sumus à peccatis, principatibus ac potestatibus in uniuersum debellatis.* Ce qui se fait pour renouueller & celebrer la memoire de quelque benefice, est action de graces. Or la saincte Cene sert à ceste fin , elle est donc sacrifice de remerciement , telle qu'est la fin de la saincte Cene, tel sacrifice est-elle aussi : or sa fin est de rendre graces à Dieu , tant pour la creation, que pour la redemption & deliurance que Iesus Christ nous a acquise des pechez, & des principautez & puissances spirituelles . la saincte Cene donc n'est que sacrifice d'action de graces. En fin ce qui n'est que

la memoire & commemoration de ce qui purge  
 noz ames de noz pechez, ne nous laue & ne nous  
 purge point, & ce qui ne nous nettoye de noz pe-  
 chez, ne peut estre sacrifice expiatoire : or la sain-  
 ète Cene est la memoire des souffrâces & passion  
 de Iesus Christ, qui deliure noz ames de tous pe-  
 chez, & non la purgation elle-mesme. Il faut donc  
 de necessité dire, qu'elle n'est point sacrifice de  
 purgation: telle qu'est la figure, telle est la chose  
 figuree & representee. Or, dit Iustin, la fine farine  
 appelee en Latin, *simila*, qui estoit la representa-  
 tion typique de la sainte Cene, s'offroit ordinaire,  
 non pour nettoyer les lepreux, mais pour ceux qui  
 estoient nettoyez de lepre. La sainte Cene donc  
 ne sera qu'oblation de recognoissance & d'actions  
 de graces, de ce grand & noppareil benefice, que  
 nous ayons esté faits nets de la lepre de nos ames,  
 Par-ainsi qu'a fait Sponde alleguât Irenee, Iustin,  
 & autres des anciēns escriuains & Docteurs de l'E-  
 glise, que descouurir la turpide de celle qu'il vou-  
 loit defendre, & monstrier l'impudence & audace  
 du Pape, qui a osé contre tant de siecles & si grand  
 nombre de saintes Docteurs, fonder és saintes  
 Escritures, dire tout le contraire de ce nous qu'ils  
 ont enseigne touchant la sainte Cene ? Il nous  
 veut imposer la reiection de ce nom de sacrifice,  
 parce que l'Escriture ne la nôme pas ainsi speciale-  
 ment: mais nous ne sômes si scrupuleux iusques là:  
 car puis que ce Sacremēt est appellé action de gra-  
 ces, ou chose qui vaut autant luy est attribuee, &  
 que toute action de graces fait à Dieu, est appellé  
 sacrifice, qui fera doute de l'appeler sacrifice? mais

le tēps nous appelle, tant à cōsiderer ses repliques aux argumens de nos Docteurs, qu'à esprouuer la force des rampars de la Messe, desquels il s'estime (toutesfois en destournant de soy tout soupçon d'ostentation) estre l'inuēteur. Je m'en y vay apres auoir dit vn mot sur ces Rabins, qu'il veut faire prognostiqueurs de la Transsubstantiation, qui se fait en ce sacrifice. Je vueil prendre le dernier, Dauid Kimhy, qui suffira pour tous. Lisōs-le dōc sur le huiētiēme verset du 14. chap. d'Ozee, cotté par nostre demy Rabin en croyance. Il y en a, dit-il, qui exposent ces mots, יֵחַיִן דָּגָן *iechain dagan*, qu'il y aura changement de nature au froment à l'aduenir, quand le Redempteur sera venu : car ils le viuifieront à la façon d'vne vigne : si qu'il ne sera point besoin de le semer qu'vne fois, non plus que ladicte vigne, & autres choses de mesme sorte. Est-ce tout? O preuue digne de tel subiet! puis qu'il n'y a rien plus, & qu'on n'y lit en substāce autre chose. Quād i'auray ouy ce subtil Philosophe, & qu'il m'aura mōstré les finesse cabalines & Rabiniques, qu'il scait en ces futurs miracles & conformité d'iceux avec la transsubstātiatiō, laquelle se fait aussi biē, que les autres sont aduenus, leur estre & leur fondement estant pures chimeres, ie luy respondray adonc : cependant de peur de perdre vn fort long tēps en l'attente de l'ouuerture de ces mysteres, ou refutation d'allegations si pueriles, qu'il n'est ia mestier d'en parler. Reprenōs nos premieres erres touchant le sacrifice: l'Antechrist de Rome avec tous ses supposts, ont enyuré le monde de ceste opinion, que la Messe est vne hostie

stie de satisfaction pour auoir Dieu propice, que c'est vne espeece d'expiation pour satisfaire à Dieu des offenses tant des viuans que des morts. Caluin la combat, & luy coupe, tranche, & abat ses racines, par ceste coignée trespuissante de la parole de Dieu, de laquelle il tire plusieurs raisons, & entre autres celles qui s'ensuiuent. La premiere est en la section 2. du chap. 18. & 4. liu. de son Institution. Si la Messe estoit sacrifice & oblation pour oster & abolir les pechez, les Prestres seroyent sacrificateurs subrogez à Iesus Christ, comme ses successeurs & vicaires, luy estant decedé: or ce dernier est faux, le premier donc le sera aussi. La preuve est telle, à celuy qui est immortel, il ne faut point substituer de vicaire, & la prestrise & sacrificature de celuy qui a vne vie immortelle, ne peut point estre mortelle: or Iesus Christ est de duree eternelle, sa prelature & sacrificature aussi ne doit iamais prendre fin, il ne luy faut donc point substituer de vicaire. Si aucun doute de ce que nous auons mis pour fondement, qu'il lise ces passages, & autres semblables, en l'epistre aux Hebreux. Pseau. 110. verset 4. & Hebr. 5. vers. 6. Tu es sacrificateur eternellement selon l'ordre de Melchisedech. Et aux Heb. 7. vers. 24. Iesus Christ par ce qu'il demeure eternellement: a vne perpetuelle sacrificature, dont il peut parfaitement sauuer ceux, qui par luy s'approchent de Dieu, tousiours viuant pour interceder pour eux. De là il s'ensuit, que les hommes par la subrogation qu'ils font de leurs sacrificateurs à Iesus Christ, pour sacrifier tous les iours, non seulement luy rauissent sa prerogative

de prestrie eternelle, mais ils s'efforcent de le re-  
 ietter de la dextre de son Pere. La raison est, d'autāt  
 qu'il y est assis, ayant donné immortalité à sa natu-  
 re humaine, à ces fins qu'il demeure prestre eter-  
 nel, & qu'il intercede eternellement pour nous:  
 parquoy, *sublato fine, tolluntur media, ad finem & fini*  
*coherentia*: c'est à dire, quiconque luy oste cest  
 office, & nie la fin de son assiete à la dextre du Pere,  
 rendant mortelle sa prestrie, renuerse les articles  
 de nostre foy, touchant sa resurrección & ascende  
 aux cieux, desquels il le deboute, comme aussi de  
 sa Royauté, qui est conioincte à sa sacrificature. A  
 ces argumens (qui ne sont des consequences for-  
 gees à plaisir, & tirces par les cheueux, dequoy  
 l'art qui nous enseigne, à raisonner & conclurre,  
 doit estre iuge.) Sponde oppose deux respōses, l'v-  
 ne feinte & de ieu, l'autre serieuse. Touchant la  
 premiere, que me respondra Calvin, dit-il, page  
 182. à vne pareille consequence, quand ie diray  
 que nostre Seigneur est le pasteur & Euesque des  
 noz ames, dans sainct Pierre, & que partant on  
 luy fait tort de luy en substituer d'autres? c'est à di-  
 re, si on fait tort à Iesus Christ de luy substituer  
 des Sacrificateurs, on luy fait tort de luy subroger  
 des Euesques. Or le dernier est faux, veut dire  
 Sponde, ce que ie luy nie: car iaçoit que plusieurs  
 loient Euesques & pasteurs en l'Eglise, toutesfois  
 ils ne sont que Ministres de Iesus Christ, & dispen-  
 sateurs des mysteres de Dieu, 1. Corin. 4. vers. 1. 2.  
 Cor. 5. v. 19. 20. 21, &c. Et ne sont point mis en la  
 place d'iceluy pour suppleer à son defect, mais  
 seulemēt pour la cōmodité des hōmes, ausquels il



s'abaisse, donnant autorité à ceux qu'il appelle, de paistre ses brebis, desquelles neantmoins il a tousiours le soin, & desquelles il demeuré souverain Euesque, ouurant interieurement au cœur d'icelles, accompagnant le ministere des hommes de l'efficace de son esprit. Si les Papistes alleguent, que ceux qui disent la Messe, ne sont aussi que Ministres de Iesus Christ, & suffragans de son eternelle prestrise, laquelle ne laisse point pour cela de consister en son estat: ie respon, qu'ils ne peuuent eschapper par ceste raisõ, pour l'opiniõ de merite & vertu satisfaictoire, qu'ils attribuent à leur sacrifice: car puis qu'il est de telle dignité & efficace, que de leur rendre Dieu propice & fauorable, n'est-ce pas le mettre en la place de la croix de Ies<sup>s</sup> Christ, & le subroger au lieu de sa mort, laquelle est opprimée & enseuelie, quand le fruiet d'icelle est attribué à la Messe? Que si l'un sacrifice est substitué à l'autre, & la vertu & efficace de l'un à l'efficace de l'autre, il faudra dire le mesme de la sacrificature, & par consequent aussi des Sacrificateurs. C'est donc autre chose, estre ministres de la prestrise de Christ: car & les sacrificateurs Leuitiques ont serui à icelle, & les vrais Pasteurs & Euesques de l'Eglise n'ont autre charge, que de seruir à Iesus Christ nostre Roy, Prophete & Sacrificateur autre chose d'estre successeurs de la prestrise d'iceluy: ce qui ne se peut dire sans blasphemie. Tous les bons & fideles docteurs de l'Euangile, sont bien successeurs des Apostres & Prophetes, quant à prescher & administrer les Sacremens, mais non de la prophetie & Royauté de Iesus Christ: car



ne peut estre le vray & le mesme que Iesus Christ a offert, & qui a aboli les autres : car en icelle Iesus Christ ne s'offre soy-mesme (accordant mesme qu'il soit là corporellement) & ne s'offre en mourant & espendant son sang en la croix. Elle ne peut estre aussi sacrifice figuratif & typique, car tels sacrifices ont cessé par la verité presente. De quelle sorte sera donc la Messe? de ceste sorte, dit Sponde, qui est selon l'ordre de Melchisedech. Mais selon c'est ordre, il n'y a que deux sacrificateurs, l'un qui a esté la figure & a benit Abraham : l'autre, qui a esté le vray Melchisedech, à sçauoir, nostre vray Roy de iustice & de paix, que deuiendront donc tant de sacrificateurs, qu'il y a en la Papauté? Si l'Apostre eust parlé spécialement de la Messe, dont il est question, & de l'ordre Ecclesiastique, dit Sponde, nous n'aurions que redire. Et quoy? dans la these, l'hypothese n'est-elle point cōtenue? n'est ce pas tout vn, dire, tout sacrifice qui deroge au sacrifice de la croix est damnable & à reietter, Hebr. 10. vers. 9. ou dire, la Messe qui aneantist le sacrifice de la croix est damnable? ne sont-ce point sentēces equipolētes de dire, que par le seul & non autre, vnique & non reiteré sacrifice de la croix, l'ire de Dieu est plainemēt appaisée & eternellemēt? Hebr. 5. vers. 6. & 7. vers. 25. 27. & 9. vers. 14. 26. 28. & 10. vers. 1. ou dire, la Messe, les holocaustes & autres sacrifices, que faisoient les luifs, n'appaisent & n'appaisoient point l'ire de Dieu: & tout ce que les hommes pourroyēt faire à ceste fin, est non seulement superflu, mais blasphematoire. Le dernier effort contre ce premier argumēt de Caluin est, que

l'Apostre ne parle point du sacrifice de la Messe, pour l'opposer au sacrifice de la croix, mais il oppose celuy de la croix aux Iudaïques. le demande, quelle est la raison de l'opposition? n'est-ce pas l'imperfection de ceux-cy & la perfection de cestui-là, ainsi qu'entr'autres lieux, le dixiesme chap. de ceste Epistre l'enseigne? Si donques ceste mesme cause & raisõ demeure & se trouue en la Messe, comparee avec le sacrifice de la croix: qui voudra nier, qu'elle ne soit comprise en l'oppositiõ avec les sacrifices Iudaïques? L'autre argument contre la Messe, tiré de la mesme epistre, & de l'effect & efficacie qui dure sans fin, du sacrifice par lequel Iesus Christ s'est offert soy-mesme en la croix vne fois, auquel Sponde fait semblant vouloir respondre, est tel: Ce sacrifice, qui nous acquiert vne eternelle redemption, qui efface, destruit & abolist le péché pour tousiours, n'a non seulement besoin d'estre reiteré, mais aussi fait cesser toutes autres oblations faites pour la satisfaction du peché, & pour le rachat des fautes deuant Dieu. Or le sacrifice que Iesus Christ a fait vne fois en la croix, a vertu d'eternelle sanctification & purgation, Heb. 9. verset 26. & 10. verset 10. nous sommes sanctifiez par l'oblation vne fois faite du corps de Iesus Christ, c'est à dire, a vertu eternelle de purifier de macules les pecheurs; les restituer en iustice, & les remettre en grace avec Dieu: parquoy ce sacrifice ne se doit plus reiterer; & n'est succedé d'autres sacrifices tendans à mesme fin: car en iceluy seul & vne fois fait, est parfait & accompli tout ce, qui appartenoit à nostre salut. Il eust fallu, que Spon-

de eust respondu, ou à la premiere partie de ceste raison, ou à la seconde, mais ie ne voy point qu'il l'ait fait. Il se contente d'amener vne distinction de sacrifices, & qu'elle vaille ce qu'elle voudra, ou pour la proposition, ou pour l'application: Je croy que ce luy estoit tout vn, pourueu qu'il eust iecté de la poudre aux yeux, pour donner couleur à sa reuolte. Le sacrifice sanglant, dit-il, apres lequel Iesus Christ a protesté si hautement, que tout estoit consommé, n'a plus besoin d'estre reiteré: mais que pour cela le sacrifice non sanglant soit defendu, il le faut prouuer par d'autres passages. S'il y a deux sacrifices de propitiation, ou chacun d'eux est suffisant, ou tous deux sont requis & necessaires. Or l'Apostre nous enseigne, qu'une seule oblation de Iesus Christ suffit, Hebr. 10. vers. 14. Par vne seule oblation Iesus Christ a consacré, à perpetuité ceux qui sont sanctifiez, vers. 18, où il y a remission, il n'y a plus d'oblation pour le peché: l'autre dōc qui se fait du mesme Iesus Christ, est superflue, & enseuelit la premiere. Mais à laquelle nous tiendrons-nous? à celle qui est sanglante, ou à celle qui se fait sans sang? L'Apostre le definit, & le vuide encore, disant: Que sans effusion de sang, ne se fait point de pardon, Hebr. 9. vers. 22. Ce sacrifice où il n'y a point effusion de sang, ne nous rend point Dieu propice & favorable, & ne nous laue point de nos pechez. Or le sacrifice de la Messe, où selon l'opinion des Papistes, Iesus Christ est offert, se fait sans sang, elle n'a donc point ceste vertu de nous acquerir remission des pechez deuant Dieu: par-ainfi il

se faut tenir à ce sacrifice, où se fait effusion du sang de Iesus Christ: & c'est le sacrifice de la croix, & non autre. Qui a enseigné à Sponde, que nostre Sauueur soit offert & sacrifié à Dieu en deux façons? l'une en espendant son sang, l'autre en ne l'espendant point? car ceste derniere façon se fait, ou par Iesus Christ mesme, ou par les hommes. Si luy-mesme s'offre & se sacrifie, il n'est besoin que les hommes y mettent la main, & ainsi la Messe ne peut subsister: Si c'est par les hommes qu'il est offert, ie demande, puis qu'ils ne luy espendent point son sang, & ne le crucifient derechef, & ne le font mourir en sa personne (combien que certes ils le font, entant qu'en eux est:) en somme, ne luy donnent point occasion de monstrier son obeissance enuers Dieu par patience, son humilité & sa charité enuers les hommes: & quand ils le feroient, ils ne feroient pourtant Sacrificateurs, mais bourreaux ou bouchers. qu'est-ce qu'ils font, & en quoy mettēt-ils la force de leur sacrifice? Est-ce au manger & boire? c'est au Sacrement, où Iesus Christ se donne à nous par la manducation du pain: ce n'est pas l'offrir à Dieu, mais le receuoir de Dieu: ce n'est pas aussi en le tenant entre les mains & l'esleuant en haut: car quel cōmandemēt y a-il de l'offrir ainsi? Et puis qu'il est question de satisfaire, qui leur a dit, que Dieu recevra ceste esleuation en payement, & cest œuure luy sera vn sacrifice de soueue odeur? mais le Prestre pourroit-il plus hausser Iesus Christ, qu'il s'est esleué luy-mesme, estant monté par dessus tous les cieus, & apparoissant

tousiours en la face de Dieu pour nous ? Hebr. 1. verset 3. & 4. vers. 14. & 6. verset 19. 20. & 8. vers. 1. & 9. vers. 24. Iesus Christ est entré au ciel mesme, pour maintenant comparoir pour nous deuant la face de Dieu, Ephes. 4. verset 10. Celuy qui est descendu, c'est le mesme qui est monté sur tous les cieux, à fin qu'il remplist toutes choses: & partant ceste distinction est frivole, sans tesmoignage aucun de l'Escripture, & apportee par quelques autheurs Grecs, en autre sens & fin, qu'elle n'est employee par nostre medecin de la Messe, à qui, estant blessée à mort, il vouldroit prolonger la vie, s'il luy estoit possible. Mais ces remedes sont plustost destructifs, que propres à consolider & guerir. En voicy vn, page 187. Nostre Seigneur a luy-mesme accompli apres la celebration de la Pasque Iudaïque, le sacrifice de Melchisedech, quand il donna son corps & son sang, par le pain & par le vin à ses Apostres, & a sacrifié pour lors luy-mesme, & a commadé à ses Apostres qu'ils en fissent autant, *hoc facite*, faites ceci, Tel qu'est le sacrifice, dit Spöde, que Melchisedech a offert à Dieu, tel & semblable doit estre offert par Iesus Christ, à fin qu'il soit Sacrificateur selon son ordre. Je nie ceste ptopositiõ, car la conuenance de Iesus Christ & Melchisedech, ne gist en la matiere des choses sacrifiees, mais en l'ordre & en la vocation: or Melchisedech a offert des sacrifices non sanglans, il faut donc que Iesus Christ aye offert des sacrifices aussi non sanglans. Nous accordons tout ce, qui est de reste de cest argument, à sçauoir, & que Iesus Christ & Melchise-

dech ont offert des sacrifices non sanglâs, & neâtmoins nous nions, que Iesus Christ ait seulement accompli en la sainte Cene, ce qui estoit de la sacrificature de cest ordre, en ce qui regarde les sacrifices non sanglants; car toutes les prieres que Iesus Christ a faites à Dieu, & toutes les œuvres de misericorde qu'il a exercees, & autres actions de sa vie, sont sacrifices de ceste sacrificature. Mais, dit Sponde, comme Melchisedech a offert du pain & du vin à Dieu, il est necessaire aussi, que Iesus Christ l'aye fait. Je le nie, veu que l'Apostre ne met la conuenance en ces choses. Or quand nous ne contredirions pas qu'ainsi fust, & que Melchisedech eust offert du pain & du vin à Dieu, quel gain de cause pour la Messe? sont-ce choses pareilles, offrir du pain & du vin à Dieu, & sacrifier le corps & sang de Iesus Christ? ou, selõ Sponde, il y a sacrificature de mesme ordre, il n'y peut & n'y doit auoir sacrifice de diuerse nature. Or Iesus Christ & Melchisedech ont esté Sacrificateurs d'un mesme ordre, parquoy ils ont sacrifié choses semblables en nature. Si donc Melchisedech n'a offert que du pain & du vin, comme dit Spõde, Iesus Christ n'aura offert autre chose, que du pain & du vin, pour estre Sacrificateur selon son ordre. Si on replique, qu'il suffit que les sacrifices de l'un & de l'autre ne soyent point sanglants, qui ne void le contraire? car ceux qui estoient appelez en la loy *Mincha*, se faisoient sans sang, & c'estoyent neantmoins sacrifices selon l'ordre de Leui & d'Aaron: parquoy Spõde se contredit manifestement, & son argument se trouue aussi cor-



nu, que la teste d'un cerf volant. Je scay bien, qu'il se cachera en disant, que la difference des sacrifices des deux ordres, n'est point en ce, que ceux de Leui estoient typiques, & ceux de Melchisedech ne l'estoyent point : & par-ainsi, combien que Melchisedech n'ait offert que la figure, & Iesus Christ la verité, ces sacrifices ne doiuent estre esteimez de diuers ordre : car il est vray-semblable, que Melchisedech a sacrifié des bestes, figures de Iesus Christ, aussi bien qu'Aaron & Eleazar sont fils. Je respon aussi, que la sacrificature de Melchisedech, a esté aussi bien accomplie, lors que Iesus Christ a esté crucifié, & a enduré la mort, & espendu son sang pour nous, que celle de Leui : car l'accomplissement & verité de tous les sacrifices n'a esté qu'en la croix, où seulemēt Iesus Christ a dit, & non en la Cene, tout est consommé. Aussi S. Paul attribue la source & la cause de toutes nos benedictions, à la malediction, laquelle Iesus Christ a soustenuë, & où principalement qu'en la croix, Galat. 3. vers. 13. 2. Cor. 5. vers. 21. Je ne desire, dit-il, sçauoir entre vous qu'un Iesus Christ & iceluy crucifié, 1. Corint. 2. Et ia n'aduiene de me glorifier, qu'en la croix, Galat. 6. Mais, dit Sponde, cela n'empesche que Iesus Christ ne se soit sacrifié en la Cene. Qu'on espluche, dit-il, les mots de tous les Euāgelistes, on trouuera qu'ils se rapportent tous à ce sens : Cecy est mon corps, qui est donné pour vous. Cecy est mon sang, qui est respendu pour vous, ou donné ou respendu : non pas en la croix, car il n'y estoit point encore : mais souz le pain, mais souz le vin. S. Luc est du



tout hors du danger de repliche quelconque, quand il dit du sang: Cecy est le calice de mon sang, lequel (calice) est respãdu pour vous: Qu'on voye le texte Grec, on trouuera ces mots *τὸ πρῶτον ἐκχυνόμενον*, qui ne se peuuent entendre de l'effusion du sang faite en la croix, mais de celle qui se faisoit à l'instant mesme, que Iesus Christ prononçoit ces paroles, page 191. En proposant ce beau argument, qui commence dès la page 185. Sponde ose dire en la marge de son liure, que s'il est bien entendu, il est sans response, page 187. Pour le bien entendre, il le faut bien examiner: & pour ce faire, il faut considerer son intention, & la fin où il tend, & la conclusion qu'il fait, qui est telle, que la Ste Cene celebree par Iesus Christ, est vn sacrifice pour la remission des pechez; où il a offert son vray corps & son vray sang. En ceste proposition, il y a deux choses que nous accordons: l'une, que le Fils de Dieu administrant ce Sacrement, a donné son corps & son sang, non charnellement & pour estre prins avec la bouche & les dents, ains par foy, le S. Esprit œurant, & nous conioignant par sa vertu secrette avec iceluy, pour estre os de ses os, & chair de sa chair. L'autre, que Iesus Christ administrant ce Sacrement, a fait vn sacrifice, entant que toutes les actions faites en foy à la gloire de Dieu, commandees par iceluy, sont sacrifices: mesme que generalement tout ce, qui est de l'office d'un Sacrificateur, peut estre dit sacrifice: auquel sens, enseigner la doctrine celeste, prier, & administrer les Sacremens, sont sacrifices, d'autant que ces

choses se faisoient par les Sacrificateurs, combien qu'elles ne leur fussent propres, ains communes avec plusieurs autres. Or si nous conuenons en ces deux chefs, nous discordons aussi en deux ou trois autres poincts: car premieremēt nous nions, que ce sacrifice, qui gist en l'institution & administration de ce Sacrement, auquel Iesus Christ s'est donné à ses Apostres, ait vertu d'expier les pechez, & satisfaire pour iceux: mais Iesus Christ s'y est donné, ouy pour viande & nourriture en la sainte Cene, mais non pour satisfaction & prix: car autrement, veu qu'il se baille tous les iours à nous, il s'ensuiuroit, que tous les iours la satisfaction se feroit, & que Dieu ne seroit encore appaisé & reconcilié enuers les hommes. Mais ceste action de Iesus Christ estant agreable à Dieu, aura-elle esté faite en vain? non: toutesfois la perfection d'icelle, comme de toutes les autres, qu'il a faites en toute sa vie, depend de ceste obeissance, & de cest vnique sacrifice, qu'il a rendu à Dieu en la mort de la croix, qui comprend vniuersellement toutes ses actions & souffrances. C'est donc vne fallace, vouloir du genre conclure en affirmāt vne espee, ou d'une partie inferer le tout: c'est à dire, parler en ceste sorte, Iesus Christ s'est donné pour nous en la sainte Cene, dōques il s'est donné là pour appaiser l'ire de Dieu, & satisfaire à sa iustice. Item, administrer la parole de Dieu & la Cene, sont actions agreables à Dieu, & témoignages d'obeissance & recognoissance, dōques c'est ceste souueraine & totale obeissance, laquelle Dieu demandoit d'iceluy, comme Mediateur

& pleige des hommes : qui ne void ensemble & l'obliquité, & la fausseté de ses illations? En outre, nous contredisons aussi à ce poinct, que le corps de Iesus Christ aye esté donné & offert corporellement par iceluy en la Cene, qu'il aye aussi espandu son sang corporellement en icelle. Il semble à Sponde, qu'il y ait raison de l'estimer ainsi, d'autant que Iesus Christ a dit, Cecy est le calice de mon sang, lequel (calice, c'est à dire, lequel sang, contenu dans le calice) est respandu pour vous, Luc 22. ver. 20. dequoy Sponde se veut preualoir, pour maintenir que ce mystere que Iesus Christ fit avec ses disciples, en la nuit qu'il fut liuré, a esté vn pareil sacrifice propitiatoire à celuy de la croix : veu qu'au premier non moins qu'au dernier, Iesus Christ a espandu son sang, & ne dit qu'il le donne pour breuuage, ains qu'il l'espand. Or la raison du corps, est pareille du tout à celle du sang. Responce, les mots dont vsé Iesus Christ sont tels : *ὅτι τὸ πνεῦμα ἢ καὶ διὰ τοῦ αἵματος μου τὸ ἑσθῆν ὑμῶν ἐκχυνόμενον*, c'est à dire, ceste coupe est le nouveau testament en mon sang, qui est espandu pour vous, qui monstrent, que ceste effusion, se peut rapporter ou à la coupe & sang de Iesus Christ, prins par foy au Sacrement, & considéré entant que Iesus Christ le donne, pour la nourriture de nos aines, & non comme espandu inuisiblement sans estre donné : car l'Esprit de Dieu nomme ordinairement vne donation abondante effusion. Ainsi Ioel au chap. 2. vers. 28. introduit Dieu parlant, l'espandray de mon Esprit sur toute chair (*ἐκχεῶ*, Act. 2. vers. 17.) ou bien ceste effusion se

rapporte au sang, considéré hors l'usage du Sacrement & de la coupe, étant ceste effusion vne partie des passions, souffrances de Iesus Christ, & qui a esté suiuiue de la mort, en laquelle il a déclaré & fait preuue de son obeissance, patience, humilité & dilectiō enuers nous: de laquelle i'estime qu'il faut entendre le dire de Iesus Christ, car il la conioint avec le testament. Or où il y a testament, à fin qu'il soit ferme & sorte son effect, la mort du testateur doit entreuenir, Hebr. 9. vers. 16. 17. le testament n'a point encore de vertu durant que le testateur vit. Iesus Christ entend donc de ceste vraye & naturelle mort, de ceste vraye naturelle, corporelle & passible effusion de son sang, qui a esté faite & au iardin des oliuiers, & en la croix: Mais, dit Sponde, elle n'estoit encore faite par la violence des clous, quand Iesus Christ l'a dit, & ce au temps present. Nous deuōs donc estimer, que elle se faisoit à l'instant, qu'il prononçoit ces paroles. Ceste responce pourroit, peut-estre, troubler ceux qui ne sont excercez en la lecture des Escritures, mais elle n'a nulle force enuers ceux, qui ont leu quatre pages dans les Prophètes, où les changemens des temps sont frequens, & tels qu'ils prennent le passé ou present pour le futur, & celui qui est aduenir. Je vous enuoye, dit Dieu, par Malachie chapit. 4. vers. 5. le Prophete Elie, c'est à dire, ie vous enuoyeray Iean Baptiste. Ce qui n'a esté fait de fort long temps apres ceste prediction: si donques vne chose si lointaine a esté dite comme presente: à combien plus forte raison, ce qui se doit faire bien tost, sera-il estimé

present *paria sunt aliquid iam esse, vel de proximo sperari.* En ceste sorte Iesus Christ a dit, Iean 17.v.4. Pere, i'ay consumé l'œuvre, que tu m'as baillé à faire, tout n'estoit encore acheué: restoit le principal, qui estoit la mort de la croix: & toutesfois il a prononcé en priant, i'ay consumé l'œuvre *ἐργὸν ἐτελείωσα*: & ainsi suiuant l'Escripture, & par les paroles de Iesus Christ, i'expose ces mots: Ceste coupe est le nouueau testament en mon sang, qui est espandu, c'est à dire, qui sera espandu. Si quelqu'un opiniaistrement veut maintenir la lettre, qu'il pense en quels abysses d'absurditez il se iette. Si le sang de Iesus Christ a esté espandu corporellement en la Cene, le corps de Iesus Christ aura esté aussi rompu corporellemēt & materiellement en ceste mesme action: car, dit Sponde, la raison du corps est du tout pareille à celle du sang: or qui osera l'affirmer, contre la sentence de l'Esprit de Dieu, qui a prononcé, Que mesme nul des os d'iceluy ne seroit cassé? Iean 19.verf.36. Si corporellement le corps de Iesus Christ a esté rompu, & le sang espandu en la sainte Cene, & qu'en ceste sorte il se soit sacrifié en sacrifice d'expiation & satisfaction, Iesus Christ aura enduré la mort, & les peines deuës pour les pechez des hōmes deux fois, voire autant de fois que ce Sacrement s'administre: *Nam per sola opera pœnalia propriè fit satisfactio, Durandus in 4. dist. 45. quest. 4.* Or Iesus Christ s'est offert en sacrifice pour le peché vne seule fois, Hebr. 7.verf. 27. Il nous failloit vn tel souuerain Sacrificateur, saint, innocent, sans macule, qui n'eust point necessité d'offrir

frir tous les iours sacrifices, premierement pour  
 ses pechez, puis apres pour ceux du peuple: car il  
 a fait cecy vne fois, s'estât offert soy-mesme. Il ne  
 pouuoit aussi mourir & estre rompu de douleurs  
 qu'une fois, Rom. 6. vers. 10. Christ estant ressu-  
 scité des morts, ne meurt plus, la mort n'a plus de  
 domination sur luy: car ce qu'il est mort, il est  
 mort pour vne fois à peché. C'est donc contre  
 toute raison tirée des Escritures, que ceste effu-  
 sion de sang, & ce sacrifice satisfactoire, fait lors  
 que Iesus Christ institua la sainte Cene, sont mis  
 en auant. Quoy plus? n'est-ce pas se contredire,  
 affermer que Iesus Christ faisant & ordonnant la  
 Cene, a accompli le sacrifice selon l'ordre de Mel-  
 chisedech, qui est sacrifice non sanglant: & dire  
 puis apres, qu'en ce mesme sacrifice, & en ceste  
 mesme action, il y a eu effusion de sang? qu'est-ce  
 contradiction, que dire, que quelqu'un n'a point  
 ce qu'en mesme temps ie lui attribue pour le mes-  
 me regard, & en la mesme sorte que ie luy auoy  
 nié? Il ne peut eschapper, en disant que ceste effu-  
 sion de sang se fait souz l'espece du vin: car puis  
 que la definition de sacrifice sanglant est telle,  
 qu'en iceluy le sang vray & naturel d'une beste  
 ou d'un homme est espandu corporellement, de-  
 quoy peut seruir au renuersement de la nature de  
 ce sacrifice, que ceste effusion se face ou inuisible-  
 ment & d'une façon imperceptible aux sens: c'est  
 à dire, que le sang soit couuert & caché de quel-  
 que liqueur, comme qui le verseroit dans un mui-  
 d'huile, ou l'huile qui monte en haut le couuri-  
 roit sans s'y mesler, ou visiblement & qu'il auoit



veu & exposé aux yeux de tous, iamais le iugement des choses ne se doit prendre de ce qui leur est accidentaire : & telle est la cognoissance, & veüe des choses qui subsistent vraiment hors l'ame & l'esprit. Voila comment ceste opinion ne peut subsister, estant assaillie & renuersee en tant de façons. Gregoire Nissene ne fauorise nullement à ceste opinion, à sçauoir, que Iesus Christ se soit sacrifié en la Cene pour la remission des pechez : car iaçoit qu'il die en sa premiere oraison de la resurreccion de Iesus Christ, qu'iceluy par sa disposition & administration a anticipé l'effort violent des Iuifs, qui l'ont assailly en vrais brigands, & qu'il s'est offert en oblation & sacrifice pour nous, (estant tout ensemble le Sacrificateur, & l'agneau de Dieu qui oste les pechez du monde) lors qu'il a baillé à ses domestiques son corps pour estre mangé, & son sang pour estre beu : toutesfois il expose, comment ce sacrifice a esté fait, à sçauoir, dit-il, *ineffabili arcanoque & qui ab hominibus cerni nequit, sacrificij modo*, d'une façon ineffable, secrette & inuisible. Il adiousté encore : *que iam latenter pro potestate mysterium administrantis corpus immolatum erat ineffabiliter & inuisibiliter, & anima illic erat ubi eam potestas administrantis collocauerat, cum immixta sibi Diuina virtute in loco illo terra, cordis obuersans* : c'est à dire, desia en secret selon la puissance de celuy, qui administroit le mystere de la Cene, le corps de Christ estoit immolé inuisiblement & ineffablement, & son ame estoit là, où selon sa puissance il l'auoit mise, à sçauoir, en ce lieu du cœur de la terre accompa-



gnée de la vertu Diuine. Or combien que ce propos soit dur, que l'ame de nostre Sauueur fust séparée de son corps, lors qu'il le bailloit en viande & nourriture, en la celebration de la sainte Cene, d'autant que selon qu'il dit, *non ad edendum idoneum esset corpus victimæ animatum*, toutesfois ie ne voy en quelle sorte ce tesmoignage puisse faire pour authoriser la Messe, ou qu'il fauorise à l'opinion de ce sacrifice, que Spōde dit auoir esté fait, lors que Iesus Christ fit la Cene: car premiere-  
ment, ceste leçon se trouue & est la plus receuë, *τὸ εἶναι* (& non pas *τὸ ἔσθαι*) *perfectam & absolutam factam esse immolationem*, qu'en figure & representation l'immolation estoit faite. En apres, saint Gregoire ne separe le sacrifice fait en la Cene, d'avec celuy qui a esté immolé en la croix, il n'en fait qu'un, qui a commencé dès ce vespere, auquel l'agneau de Pasques fut mûgé par Iesus Christ avec ses disciples, & a fini seulement à l'heure de sa resurrection: car tout autant de temps l'humiliation & aneantissement extreme de Iesus Christ, & demeure d'iceluy selon son corps au ventre de la terre, a duré. *Si quis ab eo tempore ex quo hostia Deo oblata est à magno Pontifice, qui suum agnum pro communi peccato ineffabiliter & inuisibiliter sacrificauit, numeret tempus in corde terra immolationis, is à veritate non aberrabit.* Et plus bas, *Vesperis Sabbathorum, est tibi hora resurrectionis, secundum Euangelij vocem, hic est terminus in corde terra conuersationis.* Par-ain-  
si, puis qu'en la croix & au sepulchre Iesus Christ n'a fait que cōtinuer & consommer ce, qu'il auoit commencé en la sainte Cene qu'il bailla, il n'y

peut auoir deux sacrifices: car où il y a vne mesme forme essentielle, mesme fin, mesme effect, il y a vne mesme chose. Où sont dōques ces deux sacrifices forgez par nos aduersaires ? l'vn, qui soit la perfection de celuy de Melchisedech, l'autre de ceux de Leui ? s'ensuit-il que si Iesus Christ s'est reellement & de faict sacrifié soy-mesme, que le Prestre le doieue ou puisse faire ? Iesus Christ a separé son ame de son corps selō Gregoire de Nisise, en mesme temps qu'il administroit le pain & le vin de la sainte Cene, & estoit en certain lieu au cœur de la terre, se pourmenant: en quoy s'il la entendu simplement & sans figure, faul le respect que ie luy doy, il s'est mesconté, d'autant que Iesus Christ n'a rendu son esprit qu'une fois, & son ame n'est iamais descendue au cœur de la terre, mais bien montee au ciel sans corps vne fois, & depuis apres la resurrection avec le corps d'où nous l'attendons: combien qu'à la verité i'estime que dés lors il a commencé à gouster la mort, & entrer es apprehensions d'icelle, & endurer en son ame. Quel donc Sacrificateur ou Prestre pourra faire ceste separation & immoler Iesus Christ ? est-il à present capable de mort, ou de ceste separation d'ame & de corps ? Ce sacrifice, dit Gregoire, a esté inuisible, & d'une façon inenarrable & cachée: or le sacrifice de la Messe, ne se fait-il pas visiblement & manifestement ? le mesme Gregoire ne distingue-il point tellement le sacrifice d'avec le mystere de la Cene, que toutesfois il dit cès deux choses auoir esté faites ensemble par Iesus Christ, le seul sacrement estant visible ? car il

l'appelle mystere. mais quoy? le sacrifice de la messe ne se fait-il point sans la Cene? ou pour mieux dire, n'a-on point transformé ce sacremēt en ce sacrifice? Voila quel grand suiet Greg. de Nissene a donné à ces Sacrificateurs de Baal, d'establi leur beau sacrifice: car cōme gēns qui se noyēt, ils empoignēt tout ce qui se presēte à eux, soit fort, soit foible, le danger du naufrage les y contraint, & à ceux-cy leur mauuaise cause. Ce qui se voit encore par le passage de Chrysost. duquel ils se veulent seruir, Ses mots sont tels en l'homel. 24. sur le 10. chap. de la 1. aux Corinth. *Quare addit quem frangimus? hoc in Eucharistia videre licet, in cruce autem minimē, sed omnino cōtra: Os enim eius, inquit, non conteretur, sed quod in cruce passus non est, id in oblatione patitur, & propter te frangi permittit.* Sponde veut recueillir de ces mots, qu'en la sainte Cene il y a sacrifice, ou que ce Sacremēt est vn sacrifice d'expiation: mais quand ainsi seroit, que fait-il pour sa Messe? Où il y a fraction du corps de Christ, il y a sacrifice d'expiation: mais en la sainte Cene, il ny a fraction du corps de Christ. Donques qu'est-il besoin que ie nie, ce que nostre missotier n'accorde, que pour les especes du pain & du vin seulement? Par ce moyen donc luy-mesme renuerse son argument, & est très certain que par metonymie Chrysostome attribue à la chose signifiée, ce qui est fait au Sacrement: c'est à dire, aux signes du pain & du vin. S. Augustin es sentences de Prospere, peut seruir de garent à nostre exposition, lequel parle ainsi: *de Conf. dist. 2. can. Hoc est x. Item sicut. Et sicut ergo coelestis panis qui Christi caro est,*

*suo modo vocatur corpus Christi, quum re vera sit sacramentum corporis Christi, illius videlicet, quod visibile, quod palpabile, mortale, in cruce positum est, vocaturque ipsa immolatio carnis, que sacerdotis manibus fit, Christi passio, mors, crucifixio, non rei veritate, sed significante mysterio.* Le pain celeste, dit-il, qui est la chair de Christ, est appellé par vne certaine façon le corps de Christ, qui est à la verité le sacrement du corps de Christ, à sçauoir, de ce corps qui est visible & palpable, & estant mortel, a esté mis en la croix : & ceste immolation de la chair, qui se fait par les mains du Prestre, est nommée la passion, mort & crucifixion de Christ : non point qu'elle le soit en verité, mais parce qu'elle le signifie par vn sens mystique & secret. La glosse de ce Canon pour oster tout ce qui pourroit rester de doute, expose que veut dire le pain celeste, qui est la chair de Christ, *panis cœlestis, id est, cœleste sacramentum, quod verè representat Christi carnem, dicitur corpus Christi, sed improprie, & ut sit sensus, vocatur Christi corpus, id est, significat.* Le pain celeste, c'est à dire, le sacrement celeste, qui represente vraiment la chair de Christ, se nomme le corps de Christ improprement : car le sens de ces mots du Canon, est appellé le corps de Christ, n'est autre sinon, qu'il signifie le corps de Christ : & pour conclurre ce poinct du sacrifice de Melchisedech, chacun peut iuger, que quād mesme il auroit offert du pain & du vin à Dieu en sacrifice figuratif d'un autre chose : toutesfois tresfausse, & qui apparoistra telle de soy-mesme, à ceux qui prendrôt la peine de lire ces deux passages du Genes, chap.

14. & de l'epistre aux Heb.chap.7. & les conferer ensemble, nonobstât tout ce qui est dit par Sponde au contraire, à quoy a esté mille fois respondu, n'est de besoin aujourd'huy de le repeter, veu que la clarté du Sauueur a chassé les ombres, & sa verité & presence les figures, ceste exception ne les exéptera de coulpe & de Iudaïsme qu'ils n'offrēt le pain & le vin: mais non le vray corps & sang de Iesus Christ: car par leur propre cōfession, ne sacrifient-ils point les especes? & que sont-elles que figures qu'ils esleuent en haut, qu'ils monstrent par dessus l'espaule, & qu'ils rompent mystiquement? faisans beaucoup d'autres ceremonies, qu'ils ne rapportent eux-mesmes au corps de Christ, mais aux seuls accidens: parquoy il est euident, qu'ils en font des sacrifices, qui n'estans point la verité, mais la figure, ils ne peuuent estre que figuratifs, pour le moins à tout rompre en partie. l'allegueray donc icy, & transcriray les propres mots de Sponde contre luy-mesme, pour la fin de cest argument, que la venue de Iesus Christ n'auroit rien apporté de parfait, si nous estions encore dans les imperfections. l'ay honte de descouurir l'imbecillité d'esprit & iugemēt de Sponde, & m'arrestero'y icy: mais puis qu'il est certain que c'est approuuer l'erreur auquel on ne contredit, & que maudit est celuy qui fait l'œuvre de Dieu frauduleusement: venons aux autres preuues sur ce mesme suiet, le corps & le sang de Iesus Christ sont en l'Eucharistie, encore qu'ils n'y soyent ny veus, ny touchez grossierement: il entend estre en l'Eucharistie, estre

souz les accidens du pain & du vin en la Messe & en leur communion. Je ne sçay ce qu'il veut dire, pour estre vëu grossièrement & touché grossièrement, sinon qu'il face de deux sortes de veuës & touchement corporel, l'un grossier, l'autre subtil. Je croy que ceste distinction a esté incognue jusqu'à present à tous les Theologiens & Phisiciens, que les yeux du corps puissent voir vne chose en deux façons, grossièrement & subtilement, que les mains aussi puissent toucher quelque chose en deux manieres. Parquoy ie presse ainsi Sponde, quiconque accorde la veuë & touchement corporel, mais subtil de quelque chose, accorde le touchement & la veuë corporelle d'icelle. Or Sponde accorde le premier du corps & sang de Iesus Christ souz les especes. Il admet donc le dernier, surquoy ie fonde & basti à bon droit cest argument: Si le corps & le sang de Iesus Christ sont corporellement souz les especes du pain & vin, on les y void & touche corporellement, mais subtilement. Or ce dernier est faux, le premier le sera donc aussi. Or ie m'esbahi qu'il parle de croyance, ayant aduouë la veuë & le touchement: car ce qu'on croit, on ne le void point, Rom. 8. Hebr. 11. vers. 1. or on void le corps & sang de Iesus Christ selon Sponde, en la Messe, & en leur Pasque, on ne l'y croit donc point. Parquoy il se priue de ceste benediction: Bien-heureux sont ceux qui croient, & n'ont point veu. Or quand mesme il ne se contrediroit de la façon, toutefois qui appellera iamais foy ou croyance, ce qui n'a la parole & volonté de Dieu pour fonder



ment ? Ceux-là sont heureux , qui croient sans voir. Je l'accorde : Or ceux qui estiment que le corps de Iesus Christ est sous les especes du pain & du vin croient, ie le nie , pour la raison susdicte, laquelle au bon plaisir de Dieu, nous examinerons en la page suiuaute 192. cependant oyons vne repliqué digne d'un tel Theologien, à ce que nous obiections, qu'un corps ne peut estre en vn lieu sans estre veu. Si ce qui est, dit-il, inuisible se peut voir, ce qui est de sa nature visible pourra il point estre reduit à vne inuisibilité ? Dites-moy, vn Ange inuisible, comment se peut-il faire voir ? c'est à dire, si vn Ange qui est esprit inuisible, se peut rendre visible : le corps de Iesus Christ qui est visible, ne se pourra-il point rendre en vne inuisibilité ? Or le premier est vray. Quoy ? que les Anges ayent changé leur nature spirituelle & inuisible, en vne nature corporelle & visible ? Qui ne scait que iamais tel changement & transsubstantiation n'a esté faite ? S'il estoit vray, ils auroient cessé d'estre Anges. Qu'est-il donc aduenü ? qu'eux prenans des corps, sans changer leur nature, se sont fait voir. En ce sens dernier est-il vray, que ce qui est inuisible se peut rendre visible, & qu'en la sorte que nous venons de dire, les Anges ont esté veus. Aussi gardans l'analogie qui doit estre en effects, qui desirent pareille puissance de cause : nous accordons que Iesus Christ mesme en son corps a esté rendu inuisible, non en le transformant en vn esprit, & luy ostant ses quantitez & dimensions : mais en aueuglissant ceux desquels il ne vouloit estre veu : ou retenant leurs



yeux pour n'estre point recognu, ainsi qu'il a fait à ceux, qui le venoyent prendre, lean 18. à deux de ses disciples, qui s'en alloyent en Emaus, Luc 24. vers. 16. 31. Parquoy puis que Sponde vouloit argumenter par la puissance de Dieu, & luy attribuer quelque effect, duquel on doute, il le falloit prouuer par vn autre effect, ou pareille puissance fust requise. Mais il y procede autrement par captation: car ayant dit que les Anges se peuuent voir, il conclud, qu'un corps peut estre reduit en inuisibilité. C'est autre chose estre veu, autre estre reduit en corps: autre chose est, n'estre point veu, autre, estre reduit en inuisibilité. Et que les plus rudes en iugent hardiment: neantmoins il est icy question de la puissance de Dieu, laquelle nous croyons estre infinie, & pouuoir tout ce qu'elle veut: mais de sa volonté, qui n'est point, que le pain & le vin se transsubstantient au corps & sang de son Fils. Si Iesus Christ l'a dit, il le veut, mais il ne l'a iamais dit, & n'y a mot en l'institution de l'Eucharistie & sainte Cene, selon que saint Paul & les Euangelistes la recitent, qui en approche. Il dit, allegue Sponde, que ce qu'il baille est son corps, & vous dites que non. Nous ne disons, ny n'auons iamais dit, que le pain de la Cene, ne soit le corps de Iesus Christ: mais nous disons, que ce pain n'est point transsubstantié au corps de Iesus Christ. Si tu ne veux comprendre la façon, en laquelle le pain est le corps de Iesus Christ, faut-il auoir recours à deux opinions contradictoires & blasphematoires? l'une, que le pain change sa substance, en la substance du corps

de Christ, & le vin aussi la sienne, en la substance du sang de Christ? & que nonobstant que le pain & le vin retiennent leurs vrayes & essentielles proprietéz, qualitez & quantitez, le corps de Iesus Christ perdant ses proprietéz & qualité essentielles, se change en esprit: & que neantmoins il soit vray corps, & le corps de Iesus Christ: Ne sont-ce pas propositions contradictoires? le corps de Iesus Christ est vray corps, & le corps de Iesus Christ n'est pas vray corps, ou, qui est tout vn, n'a point les qualitez & quantité essentielle d'un vray corps. Ce pain est vray pain, ou qui est tout vn, a les qualitez & quantité essentielle d'un vray pain: & ce mesme pain n'est pas vray pain, ou qui est tout vn, n'a point de l'essence & substance de pain: n'est-ce point blasphemer, dire, que Dieu veut la verité de telles sentences, qui se contredisent & se dementent ainsi en mesme temps? n'est-ce pas faire Dieu menteur & inconstant? menteur, qu'il vueille vne chose estre, ce qu'elle n'est point: inconstant, qu'il y ait en luy oui & non tout ensemble? contre le tesmoignage que luy rend l'Apostre 2. Corint, 1. 2. Tim. 2, &c? Mais ce blaspheme, surpasse tous les autres, que Iesus Christ ait cessé d'estre vray homme, ayant vn corps humain phantastique, tel qu'imaginoit Marcion. Je m'attendoy d'ouïr quelque response, sinon solide, aumoins subtile, en cest argument inexpugnable, qui est fait contre la transsubstâtiation, que pour son hōneur, certes, il ne deuoit coucher, s'il en vouloit vser ainsi: car ce luy a esté vn nœud, qu'il a mieux aimé, & luy a esté aussi plus aisé de couper, que desnouër,

c'est la solution. Il faut croire simplement, ie le  
vucil, mais quelle doctrine est plus simple, celle  
qui pour enseigner la communication au corps &  
sang de Iesus Christ, parle d'un moyen, controuué  
par les hommes, & qu'on ne peut croire sans ietter  
son esprit en un abyssine d'estranges opinions &  
questions, sans blasphemier, deroger au symbole  
de nostre foy, sans renuerfer la nature du Sacre-  
ment, & sans se contredire : ou celle qui enseigne  
ce mesme effect & ceste mesme communication?  
& ne parle d'autres moyens, que d'vser du Sacre-  
ment & croire aux promesses de Iesus Christ, qu'il  
accomplira par sa puissance & vertu diuine. Ce  
moyen est controuué, qui n'est nullement promis  
do Dieu. Or ce moyen de communiquer à Iesus  
Christ par la transsubstantiation, n'est nullement,  
ny en aucune part promis, il est donc controuué.  
Ie scay bien ce qui a esté dit par Iesus Christ, Cecy  
est mon corps. Tu ne veux point que nous glos-  
sions là dessus, & ne gloses-tu point? que fais-tu  
donc en disant, Cecy, c'est à dire, ce pain: Ce pain,  
c'est à dire, ces accidens du pain: Est, c'est à dire,  
contienent: mon corps, c'est à dire, un esprit, ou  
bien ce pain, c'est à dire, la substance sans les acci-  
dens du pain, est; c'est à dire, se transsubstantie,  
mon corps, c'est à dire, en mon corps. La glose ny  
peut encore atteindre: il faut adiouter, Et quoy?  
qui descend du ciel, se met sous les accidens du  
pain, & se rend esprit. Qu'on compare ces gloses  
auec l'exposition que nous baillons de ces mesmes  
paroles, Cecy est mon corps: qui n'est autre, sinon  
que le pain signifie le corps de Christ, ou que le

pain est le corps de Christ sacramentel, & en la  
mesme sorte que la coupe est le nouveau testamēt  
au sang de Iesus Christ. *August. 19. lib. contra Adi-  
matum cap. 12. non Dominus dubitauit dicere, hoc est  
corpus meum, quum signum daret corporis sui.* Qu'on  
iuge sans passion, où il y a plus de simplicité & fa-  
cilité. Or l'impudence & ignorance tout ensemble  
de cest hōme, n'est-elle pas grande, d'affirmer que  
tout autant qu'il y a eu de Docteurs dans les cinq  
cens premieres annees, sont pour les Papistes?  
Quand à la reelle presence du corps de Christ en  
l'Eucharistie, c'est à dire, quand à la transsubstan-  
tiation: & quand au sacrifice de l'autel, c'est à dire,  
de la Messe, il pēte s'estre acquité d'vne iuste preu-  
ue, par l'allegation de trois passages de saint Au-  
gustin, lesquels non seulement sont bien esloignez  
du sens qu'il leur impose, mais sont contre luy. Il  
interpelle donc Calvin par ces mots; pag. 194.  
Pource que tu as actoustumé de te targuer de S.  
Augustin, ie te demande deux poincts, l'vn, s'il a  
iamais creu & escrit, que les meschās mangeoyent  
le corps de nostre Seigneur: l'autre, s'il a dit, qu'il  
faillloit adorer nostre Seigneur en l'Eucharistie.  
Pour le premier, tu ne le scaurois nier, car il dit  
notamment en l'epistre 162. que nostre Seigneur  
mesme endura Iudas son Diable, son larron, & son  
vendeur, & luy laissa prendre parmi ses autres di-  
sciples innocents, son prix, que les fideles cognois-  
sent. Quel est ce prix-là Calvin? diras-tu que c'est  
le pain? non, mais le corps reel & essentiel de Je-  
sus Christ, que Iudas a receu de ses mains & man-  
gé à sa condamnation. Puis qu'un si meschant gar-

nement l'a receu & mangé, il estoit donc souz l'espece du pain, & non pas au ciel. Ce qui est dit communément, se void en ceste trainee de consequences, que, *dato vno absurdo, multa sequuntur*: & *error parvus in principio, fit magnus in fine*. Tu presupposes, Sponde, que saint Augustin par le prix de Iesus Christ, a entendu le vray, reel, essentiel & naturel corps de Christ: mais tu te trompes, car par le prix, il ne veut dire autre chose en ce lieu, que le sacrement du prix. Et ie ne vueil, que ce que tu en as transcrit du mesme autheur sur le Pseaume 163. nostre Seigneur a souffert que son traistre, qui auoit desia receu son prix, demeurast avec luy entre les innocens, iusqu'au dernier baiser de paix, auquel il n'a point teu, qu'il y auoit entr'eux vn homme si meschant. (*tanti sceleris*) & toutesfois il donna en commun à tous, le premier sacrement de son corps & de son sang, Iudas n'estant encore sorti (*nondum Iuda excluso*.) Ne vois-tu pas, que S. Augustin appelle sacremēt du corps & du sang de Christ, ce qu'il auoit nommé prix de Iesus Christ? & pour te mieux faire, voir ou à tes semblables s'ils ne le scauent ou pechent malicieusement, que tel a esté l'intention & sens de ce bon Docteur: tu trouueras ces sentēces en ses escrits. Les Apostres mangeoyent le pain, qui est le Seigneur, & Iudas mangeoit le pain du Seigneur, contre le Seigneur. *tratt. 59. in Ioann.* Note bien ceste distinction entre le pain, qui est le Seigneur, & le pain du Seigneur: Iudas a prins cestui-cy, qui n'est que le signe & symbole, & non l'autre, qui est la chose signifiée. Item, parlant du mesme Iudas sur le Psaume 10. le

Seigneur luy a baillé la premiere Eucharistie faite de les mains & recommandee de sa bouche, c'est à dire donc le Sacrement, comme aux autres disciples, ce qu'il nomme là Eucharistie sur le Pseume 3. il l'appelle figure de son corps & de son sang. *Ipsa Domini nostri Iesu Christi tanta & tam miranda fuit patientia, quod Iudas, quum eius cogitationes non ignoraret, adhibuit ad cōuinium, in quo corporis & sanguinis sui figuram discipulis commendauit.* Et comment fauoriferoit ce saint Docteur à vne telle opinion, que Iudas ait mangé le vray essentiel & naturel corps de Christ, qui a escrit si clairement, *Sacramentum unitatis corporis & sanguinis Christi, de mensa dominica sumitur, quibusdam ad vitam, quibusdam ad exitium, res verò ipsa, cuius & sacramentum est, nulli ad exitium quicumque eius particeps fuerit, August. super Ioannem tractatu 26.* Le Sacrement est prins par les vns en salut & vie, par les autres en ruine & damnation. Mais la chose signifiee n'apporte iamais mort à celuy, qui y participe : Parquoy, si Iudas n'a participé qu'au signe, prenant le Sacrement, le corps de Iesus Christ n'estoit souz les accidens & si Iudas n'a receu que mal en sa manducation, il n'a communiqué au vray & reel ou essentiel corps de Iesus Christ, qui n'est iamais que bon, & qui est salutaire à tous ceux qui le recoyuent. Tu veux prouuer le second point, à sçauoir, que saint Augustin a dit, qu'il falloit adorer nostre Seigneur en l'Eucharistie par ce, qu'il a escrit sur le Pseume 99. Quand ce saint personnage auroit parlé ainsi, il ny a rien de mal, & ne se peut de là tirer le presence du corps & du sang de Iesus



Christ corporelle souz les especes. C'est autre fait adorer Iesus-Christ en l'action de la sainte Cene, & lors que nous celebrons ce mystere, & participons à ce saint Sacrement, autre de tourner son cœur & ses yeux au pain, & adorer Iesus Christ là dedans enclos : mais au Pseaume sus mentionné, il n'est faite nulle mention du lieu où est Iesus Christ, & où il le faut adorer : mais seulement de l'adoration qu'il faut rendre à sa chair, laquelle il appelle le scabeau des pieds de Dieu, qu'il est licite d'adorer, & non les signes du pain & du vin, ny autre telle chose. Ces mots sont tels : Je suis perplex, ie crain d'adorer la terre, de peur que celuy qui a fait le ciel & la terre, ne me condamne. De-rechef, ie crain de n'adorer le scabeau des pieds de mon Seigneur : car le Pseaume me dit, Adorez le scabeau de ses pieds. Je demande, quel est ce scabeau ? & l'Escripture me respond, que c'est la terre, estant ainsi flottant, ie me toutne vers Christ, parce que ie le cherche icy, & ie trouue comment sans impieté la terre est adoree, & sans impieté le scabeau de ses pieds est adoré. Il a prins la terre de la terre, pource que la chair est de terre, & qu'il a prins chair de la chair de Marie, & pource qu'en ceste chair il a marché icy, & nous a baillé ceste mesme chair à manger pour nostre salut, & que personne ne mange ceste chair, qui ne l'ait premierement adoree, on a trouué comment on adore le scabeau des pieds du Seigneur. Qui iugera de ces paroles, que saint Augustin parle d'adorer Iesus Christ souz les accidens du pain & du vin ? y a il le moindre trait qui s'y approche ? Est-ce bien  
 . apprins



conclu, il faut adorer la chair de Christ deuant  
 que la manger? il la faut donc adorer enclose dans  
 vn morceau de pain. Je ne sçay, Sponde, où tu auois  
 apprins d'argumenter, ou bien si tu voulois decla-  
 rer, quand tu faisois ta declaration, que tu auois  
 mesme perdu le sens & la raison cognue. O si tu  
 eusses voulu lire, & en lisant entendre & recognoi-  
 stre ce, que ce Docteur t'eust enseigné en ce mes-  
 me Pseaume, quelques lignes apres ton allegatiō,  
 tu eusses apprins l'exposition de ces mots! Qui ne  
 mangera ma chair, n'aura point de vie eternelle, &  
 que tu ne deuois imaginer autre effusion corpo-  
 relle de sang, soit visible soit inuisible, que celle  
 qui a esté faite en la croix: car il introduit Iesus  
 Christ parlant ainsi à ses disciples. *Spiritualiter in-  
 telligit, quod loquutus sum, nō hoc corpus, quod uidetis,  
 manducaturi estis, & bibituri illum sanguinem, quem  
 fusuri sunt qui me crucifigent: sacramentum aliquod  
 vobis commendavi spiritualiter intellectum, viuificabit  
 vos, & si necesse est illud visibiliter celebrari, oportet ta-  
 men inuisibiliter intelligi.* Entendez spirituelle-  
 ment ce que i'ay dit, Vous ne mangerez point ce  
 corps, que vous voyez, & ne boirez point ce sang  
 que ceux qui me crucifieront, doiuent espandre: ie  
 vous ay recommandé vn Sacrement, si vous l'en-  
 tendez spirituellement, il vous viuifiera: & com-  
 bien qu'il soit necessaire de le celebrer visiblement,  
 il le faut neâtmoins entendre inuisiblement. Quas-  
 tu maintenant à repliquer à vn passage si exprez,  
 la foy de saint Augustin, & de toute l'Eglise de  
 son temps, est notoire pour l'intelligence de ces  
 mots: Cecy est mon corps, & presence & māduca-

tion corporelle que tu affermes, & laquelle il nie. Ne fais donc point bouclier de saint Augustin, & ne le pren pour aduocat d'une si mauuaise cause: toutesfois & quantes que tu le fais, il te dement en dix mil endroits. Tu voudrois faire tomber Calvin, s'il t'estoit possible, en contradiction, mais en ergotisant, comme tu fais, ie ne m'esbahi pas, si tu es tombé-toy-mesme en ceste abiuration de la verité, & pur seruice de Dieu. Tu as bon aduis vrayement, de prier les Chrestiens d'examiner le peu que tu dis de ceste matiere, en la page 195. car apres auoir bien consideré & espluché tes consequences, que'peux-tu acquerir que blasme, d'une grande ignorance, & d'un esprit despourueu de tout iugement? puis que tu demâdes cest examen, ie le feray au bon plaisir de Dieu. Calvin, tu nous veux faire croire (ce sont tes termes) que tu reçois reellement la substance de ce corps, mais s'il n'y est point present, comment le reçois-tu? Calvin te respondra, & qui t'a dit, Sponde, en quelle escole Chrestienne reformee as-tu ouy, en quelle part de mes liures as-tu leu, que Iesus Christ soit absent de la sainte Cene? Si i'ay enseigné que son corps & son sang ne sont enclos dedans le pain & vin, est-ce nier sa presence en la celebration du mystere, qu'il a ordonné? & où il preside, & ouure par sa grace & vertu ineffable de son esprit? si son corps n'est present aux signes, ne le sera-il point à ceux pour lesquels l'un & l'autre son destine? A qui doit estre present le corps de Iesus Christ, & tout Iesus Christ mesme, qu'à celuy qui est capable de son salut & efficace? ce n'est point le pain, ce n'est point

le vin, & tu ne le peux nier. Avec qui a promis d'estre le Fils de Dieu iusqu'à la fin des siècles? est-ce avec le pain & le vin consacrez? n'est-ce pas avec les fideles? Matth. 28. où dit saint Paul, que Iesus Christ habite? n'est-ce pas en noz cœurs? Eph. 3. verset 17. Si i'ay presché, dit encore Calvin, que Iesus Christ n'est point present icy bas à nos corps, selon la presence de son corps, ay-ie nié toute sorte de presence? ay-ie trouué ceste distinction de moy-mesme? n'est-elle point du souverain maistre? Saint Augustin ne me l'a-il point declaree en son traicté 50. sur saint Iean? Ce que Iesus Christ a dit, Voicy ie suis avec vous tous les iours, est accompli selon sa majesté, selon sa providence, selon la grace ineffable & inuisible: Et ce que le mesme a dit aussi: Vous ne m'aurez point tousiours, n'est-il point accompli selon la chair, que la parole a prinse, selon ce qui est né de la Vierge, & pourquoy? parce qu'il a conuersé quarante iours avec ses disciples selon la presence du corps, & eux le regardans par forme & conuoy, & non suiuaus, il est monté aux cieus, & n'est point icy. Te reste-il à present, Sponde, aucun scrupule? ouy, dis-tu, car si des substâces si separees l'une estant au ciel, & l'autre en la terre, à sçauoir, le corps de Christ, sont reellement conioinctes par le saint Esprit, ou en quelque autre façon que ce soit, ne nous fais-tu pas vn corps inuisible: & neautmoins reellement conioinct à toy? Et quoy, Sponde, sont-ce choses contraires ou contradictoires, estre reel & estre esprit? estre reellement conioinct, & estre conioinct d'un lien inuisible & spirituel? La conio-

ction de nostre ame avec nostre corps, n'est-elle point réelle, quant à la substance, & spirituelle & inuisible? quant à la façon, la conioction du mariage n'est-elle point vraye & réelle, encore que le mari soit bien esloigné de la femme, & autant qu'il y pourroit auoir de l'Orient en l'Occident, demeurans conioincts par vn lien inuisible? Mais tu te trompes en cest autre point, estimât que puis que le corps de Christ est conioinct avec nous, qui sommes si fort esloignez d'iceluy, il faille qu'il soit rendu spirituel, c'est à dire, conuerti en substance spirituelle & Angelique: mais tu deuois dire aussi, infini, car deux substances mesme spirituelles, si elles sont esloignées de lieu, ne peuuent estre conioinctes substantiellement & essentiellement, c'est à dire, estre infuses l'une dans l'autre, si elles n'ont vne substance infinie, pour estre par tout. Or ie te dy, que mesme deux corps distans & separez de lieu, peuuent estre conioincts d'une conioction vraye, réelle, & spirituelle, sans changer de substance, par vne vertu secrette & inuisible: la sympathie, qui se trouue es choses naturelles, est vne conioction spirituelle & naturelle, tu le deuois auoir aprins. Si donc vne vertu créée, que Dieu a donnée à quelques corps, les conioinct ainsi estans bien separez de demeure & de lieu, pourquoy doutes-tu de ceste vertu supernaturelle, qui est le saint Esprit, qu'elle ne puisse se cōioindre & vnir, avec Iesus Christ, sans aucun sien changement, & te donner sa substance? car sans doute qui communie à la substance du corps de Christ, communie au corps d'iceluy, veu qu'une chose n'est

que sa substance: mais qui participe au corps de Christ, ny participe pourtant, d'une façon corporelle ou naturelle, ou par vne comprehension de personnes, celle de Christ estant infuse dans la nostre, c'est à dire, dans nostre corps, ou dans nostre ame: mais ceste vnion est spirituelle, supernaturelle, & par laquelle l'humanité de Christ occupe tousiours son propre, visible, & peculier lieu & situation, separez des nostres. Tu n'approuues point la similitude du soleil, par laquelle ie declare l'effect du S. Esprit à nous faire vns de corps, d'esprit, & d'ame avec Iesus Christ, à faire descendre iusqu'à nous tout ce, que Christ est, & possede, & à nous vnir ensemble. Pourquoy ne la trouues-tu point bonne, toy qui te mets au rang des mieux aduisez? Elle est telle, si nous l'apperceuôs à l'œil, que le soleil luisant sur la terre, qui enuoye par ses rais aucunemēt sa substance, pour engēdrer, nourrir, & vegeter les fruits d'icelle: pourquoy la lueur & irradiation de l'esprit de Iesus Christ seroit-elle moindre, pour nous apporter la communication de sa chair & de son sang? *lib. 4. Institut. cap. 17. sect. 12.* La doctrine te desplait-elle, à sçauoir, que par le saint Esprit nous iouissions de la presence & benefices de Christ, & la vertu & nature de ceste participation soit reduite & se refere à l'esprit? ce n'est vne imagination mienne, S. Paul aux Rom. 8. declare, que Christ n'habite autrement en nous, que par son Esprit: & ceste sentence du mesme est notable, declarant en quelle sorte Iesus Christ se donne à nous, tant au Baptisme, qu'en la sainte Cene, 1. Corinth. 12. vers. 13. Nous sommes tous

baptisez en vn esprit, pour estre vn corps, & sommes tous abreueuez d'un breuuage en vn mesme esprit. Parquoy Chryso. a bien dit en la 1. homel. qu'il a faite du S. Esprit, tom. 5. *Spiritus sanctus ipse cibus est diligentium Christum, quo nunquam satiantur: ipse potus est animarum filiorum Dei, spiritus sanctus copula est unionis nostra in Christo.* Et en l'hom. 2. *idem est*, dit-il, *Christum adesse, & Spiritum adesse, & idem est spiritum Dei dicere, & spiritum Christi:* C'est tout vn que Christ soit present, ou que le S. Esprit soit present. La viande de ceux, qui aiment Christ, est le saint Esprit, duquel ils ne sont iamais soulez. Le breuuage des ames des enfans de Dieu, est le mesme Esprit. Et que veux-tu de plus clair? L'oy bien ce que tu grôdes contre la similitude, à cause que nous voyons les rayons du soleil, & non pas la substance du corps de Christ, prendre des similitudes du soleil en ceste matiere & subiect, n'est chose nouuelle. Chrysostome duquel nous venons de parler, la fait deuant moy en l'une des susdictes homelies. *Spiritus sanctus spiritualis mentalium oculorum nostrorum sol est.* Mais dequoy te plains-tu en fin? quels sont tes desirs & tes volonteiz? que les choses semblables soyent les mesmes, & que les similitudes conuienent en tout: & ne scais-tu pas, que ce ne seroyent plus similitudes? Si le corps du soleil se void, faut-il que la nature du S. Esprit soit visible? Si le soleil enuoye ses rayons visiblement sur nos corps, le S. Esprit doit il œuurer aussi & agir visiblement en nos ames? Si nous pouuons comprendre l'œuure & action de cestui-là, le pourrôs-nous de cestui-cy? Tu me re-



proches, que ie conuerti la matiere du corps en esprit, d'autât que ie dy, que nous ne voyons la substance du corps de Christ, de laquelle le S. Esprit nous viuifie, mais que n'adresles-tu ces regrets à tes sophistes? Si tu ne peux voir le corps de Christ, qui est present selon ton aduis, sous les accidens du pain, avec sa stature, & toutes les parties & figures d'un vray corps humain, telles qu'il a au ciel, & qu'il auoit cōuersant au monde: pourquoy demandes-tu que la substance de ce corps & de ceste humanité, à laquelle nous participons par la vertu du saint Esprit, te soit visible? L'accorde que tout corps est perceptible par les sens corporels: toutesfois tous corps ne peuuent estre veus, si l'empeschement & distance du lieu y est. Mais, dis-tu, si le S. Esprit enuoye la substance de Iesus Christ, qui est corporelle iusqu'à nous, cōme le soleil enuoye ses rayons, ne se verra-elle point aussi? Je te respon, que tu abuses encore de ceste similitude, laquelle ne tend à autre fin, qu'à nous monstrier, que le lieu & distance de l'humanité de Christ, qui est au ciel, n'empesche que ne communiquions vraiment à icelle, à cause du lien de ceste conionction, qui est infini & tout-puissant, à sçauoir, le S. Esprit. As-tu dōc raison, ne toy, ne ceux de ta sorte, de nous imposer vne manducation imaginaire & auide? Il te fache de ce que nous disons, qu'elle est spirituelle, & S. Paul n'appelle-il point les Sacremēs viande & breuuage spirituel? 1. Corint. 10. tu fais semblât malicieusement de n'entendre que veut dire, que ceste manducation se fait spirituellement, comme si nous mettions au lieu de l'effect, imagination &



pensee, & non pas que ce fust nostre intétion d'en-  
 seigner, que ce mystere, quant à la façon, surmôte  
 en la hautesse tout ordre de nature : n'auons-nous  
 point cest aduertissement de S. Paul, qui ayant par-  
 lé de ceste mystique conionction de Christ avec  
 l'Eglise, & mēbres d'icelle, par laquelle nous som-  
 mes membres de son corps, de sa chair, & de ses os,  
 s'escrie : ce secret est grand ! Ephes. 5. vers. 32. Tu ne  
 peux porter, qu'en ceste mādication nous réque-  
 rions la foy comme la bouche de l'ame : ne scais-tu  
 pas que c'est à ceste condition, que tous les biens  
 salutaires de Dieu nous sont offerts & dōnez, c'est  
 à dire, pourueu que nous croyons & soyons cer-  
 tains que Dieu nous aime, & nous veut bailler ce  
 qu'il nous promet en sa parole, à cause de son  
 Fils, Matth. 21. Marc 11. Iaques 1. Jean 7. vers. 38.  
 Qui croit en moy, comme dit l'Escripture, fleues  
 d'eau viue decouleront de son ventre. Sainct Paul  
 aussi n'a-il point escrit, qu'il viuoit en la foy du  
 Fils de Dieu ? Galates 2. vers. 20. Et parlant aux E-  
 phesiens, ne leur mande-il pas, que Iesus Christ  
 habitoit en leur cœur par foy ? Ephes. 3. verset 17.  
 Serois-tu bien si impudent, de maintenir, que  
 sainct Paul parle en ces lieux d'une demeure, ha-  
 bitation & communication phantastique ? Quand  
 tu en viendrois là, j'ay de quoy te serrer & con-  
 traindre de venir à raison : car ce qui consiste en  
 imagination, peut-il apporter vie ? or la con-  
 ionction que nous auons avec le Fils de Dieu,  
 par foy, nous apporte vie : elle ne gist point donc  
 en simple & nuë apprehension, que nous man-  
 geons Iesus Christ, ou que nous sommes con-

ioincts avec luy. Et en cest endroit, comme és autres, monstres-tu ton ignorâce, définissant la foy, apprehension, c'est à dire, cōme tu t'exposes imagination de ton ame : mais tu deuois apprendre de l'Apostre aux Hebreux, que c'est vne subsistance, Hebr. 11. verset 1. & persuation certaine, fondee és promesses de Dieu, & non vne simple pensée : d'où est aduenü, que, quoy que la foy ne soit pas ceste cōionctiō mystique de Iesus Christ avec nous, mais le lien & l'instrument, par lequel elle se fait pour nostre regard : toutesfois plusieurs des Peres & Docteurs anciens parlent ainsi. Pourquoy apprestes-tu les dents & le ventre? croy; & tu as mangé. Manger le pain de vie, c'est croire en Iesus Christ. Qui croit en luy, le mange, & est engraisié inuisiblement. *August. tract. 25. & 26. in Joann. Bernard serm. 76. in Cantica. Credere inuenisse est, norunt fideles Christum habitare per fidem in cordibus suis, quid propius est?* *August. serm. 60. de verbis Domini. Christus fide tangitur,* Christ est touché par la foy : tant plus que nous croyons, dit le mesme, tant plus touchons-nous le Seigneur. *de consens. Euangelist. lib. 2. cap. 20.* tu prens pour contrarietez, quand ie di tantost, que la foy nous esleue en haut, tantost que la chair de Iesus Christ descend en nous. Tu t'en prens par mesme moyen aux Apostres & à toute l'antiquité, qui non seulement ont parlé d'une descente, & venuë de Iesus Christ en nos cœurs spirituelle, mais aussi d'une ascende de nostre esprit iusqu'au ciel, aussi spirituelle & par foy. Ils ont estimé que l'une n'empeschoit l'autre, ains que toutes deux estoÿent neces-

faires. Nous sommes arrousez du sang de Christ,  
 dit saint Pierre, 1. Pierre 1. verset 2. Et où ? tan-  
 dis que nous sommes en ce pelerinage, commet-  
 par le saint Esprit, puis que c'est tout vn selon S.  
 Chrysostome, que Christ soit present, ou le S. Es-  
 prit : si cestui-cy descend, on pourra dire à bon  
 droict, que Christ aussi descend. S. Paul est-il con-  
 traire à saint Pierre ? nous exhortant de monter  
 en haut, & chercher les choses qui sont en haut, à  
 sçauoir Iesus Christ, son corps & son sang, Coloss.  
 3. vers. 1. nenny: Celuy qui a dit, Iean 14. vers. 18.  
 Je ne vous laisseray point orphelins, ie viendray  
 vers vous, promet pareillement, qu'estant enleué  
 de la terre, il tirera tous hommes à foy, Iean 12.  
 vers. 32. Parquoy il est hors de doute, qu'en ceste  
 manducation, en mesme temps Iesus Christ de-  
 scend à nous, pour nous donner son corps & son  
 sang : il descend, di-ie, par son esprit, & par iceluy  
 nous offre, presente, & baille ceste viande sainte  
 & spirituelle de nos ames, couuerte de promesses,  
 lesquelles il scelle en nos cœurs: & nous montons  
 aussi par foy là haut au ciel, pour chercher & auoir  
 nostre nourriture en luy, où les promesses nous  
 appellent: l'un n'est contraire à l'autre, veu que ce  
 dernier depend en ordre du premier : car encore  
 que le saint Esprit parle à nous en la terre, tou-  
 tesfois il nous attire au ciel, & nous donne cest  
 instrument de foy, par lequel nous y montons. Il  
 faut que là où est nostre thresor, la soit aussi no-  
 stre cœur, Matth. 6. & là où est nostre cœur, que  
 là soit aussi nostre foy. A ceste cause l'Apostre aux  
 Hebr. parlant d'icelle, non moins que de nostre

esperance, dit, que c'est vne ancre seure & ferme de l'ame, & qui penetre iusqu'au dedans du voile, Hebr. 6. v. 19. Bernard au sermon de l'Aduent, Il y a vn aduenement, dit-il, de Iesus Christ qui est caché, par lequel les seuls esleus le voyent en eux-mesmes, & leurs ames en sont sauuees & se fait en esprit & vertu. Chrysostome au sermon 24. sur la 1. aux Corinthiens. *Ubi cadauer, inquit Christus, illic & aquila: cadauer Domini corpus propter mortem: nisi enim ille cecidisset, nos non resurrexissimus. aquilas autem appellat, ut ostendat ad alta eum oportere contendere, qui ad hoc corpus accedit, & nihil cum terra debere & esse commune, neque ad inferiora trahi & in eis repere, sed ad superiora semper volare; & in solem iustitie intueri, mentis que oculum acutissimum habere, aquilarum enim non gracculorum hac mensa est.* Ceste table n'est point pour les gens, mais pour les aigles: il faut que celui-là se guide aux choses hautes, qui s'approche de ce corps, ne rempant point és basses, & n'ayât rien de commun avec la terre. Tel, di-ie, doit voler en haut, & regarder en ce soleil de iustice, si bien qu'il aye l'œil de l'ame tres-aigu, *aquila facti in hac vita*, auoit-il dit en quelques lignes deuant, *ad ipsum cælum euolemus, vel potius supra cælum.* Si tu'eusses esté nourry en ces saines paroles, tu ne m'eusses iamais accusé de contradiction, & encore ne te contentant point de ceste calomnie, tu me charges de m'estre empestre és absurditez, que ie trouue en la doctrine de la Transsubstantiation: ta raison est, Si tu reçois le corps de Iesus Christ tout entier, & vn million de personnes encore, chacune tout entier, en mesme

tēps, vn mesme corps est-il pas en mesme tēps en diuers lieux? Je trouue que tu es defectueux en tes antecedēs; pour en tirer la conclusion que tu fais. Tu deuois t'estre souuenu de ce mot, corporellemēt, ie t'eusse estimé lors braue Theologiē, Physicien, & Logicien: tu deuois donc dire ainsi: Tout corps qui est receu corporellemēt en mesme tēps d'un millier de personnes, & de chacune tout entier, est en mesme tēps en diuers lieux: d'autāt que ceste maxime est vraye, celle qui suit est fausse, qu'un mesme corps, qui est receu spirituellement tout entier d'un millier de persōnes, soit en mesme temps, en diuers lieux corporellement. Dix mille personnes auront leur cœur en vn mesme tresor, qu'ils possederōt d'esprit, tous en mesme tēps, sans que l'un sache de l'autre ce tresor: sera-il pourtāt ailleurs qu'en vn lieu en mesme temps corporellement? Or puis que ie n'ay entendu iusqu'icy en tous tes discours que sophisteries, avec quelque apparence de pointe, qui se rebouche à la belle premiere resistance, ie te quitte, iugeant ceux-là auoir les yeux bien chassieux & malades, qui ne se plaisent, qu'en telles tenebres: ce qui aduient specialement aux reuoltez & vrais Apostats, lesquels ne trouuēt repos en leurs consciences, que lors qu'on desrobe la verité de leur esprit, par ces petites subtilitez & puerils ergotismes. Mais malheur à ceux, dit le Seigneur, Ierem. 23. qui seduisent mon peuple, en leurs mensonges & en leurs erreurs. Toutesfois oyons encore Sponde, établissant la doctrine de la Transsubstantiation, par quels argumens? par l'autorité du Concile de

Latran tenu sous Innocét 3. où il fait parade d'un grand nombre d'hommes, deux Patriarches, 70. Metropolitains, quatre cens Eueſques, douze Abbez, huit cens Prieurs de Conuent: i'attendoiy quelque texte d'Eſcriture, ie croy que le bõ homme en eſtoit pour l'heure delgarny, quand il y aura mieux penſé, peut eſtre en trouuera-il. Parlons ſerieuſement, ny a-il autre antiquité ou fondemēt de ceſte doctrine, que depuis l'an 1215. ou quelque centaine d'annees pluſtoſt? ſi a, elle eſtoit long temps deuant, mais le mot de la Tranſſubſtantion a eſté reſolu audit Concile, & non autre choſe ſur ceſte matiere. Le Canon dement vn tel menſonge qui porte, *Verum Chriſti corpus & ſanguis in ſacramento altaris, ſub ſpeciebus panis & vini, veraciter continentur tranſſubſtantiatu pane in corpus, & vino in ſanguinem, poteſtat. Diuina.* Eſt-il parlé du mot de Tranſſubſtāiation ſeulement? la choſe n'y eſt-elle point definie? qu'on me trouue en tous les autres Conciles generaux precedés, ſemblable Decret en ſubſtāce, que l'erreur de l'impānation, ou conſubſtāiation, c'eſt à dire, de la préſence corporelle de Ieſus Chriſt ſouz le pain & ſouz le vin, eſtoit bien deſia du temps de Berengarius & Nicolas Pāpe 2: mais non de l'aneantiſſement de ſubſtāce du pain & du vin: ce qui ſe recueille du Canon d'un autre Concile de Latran, tenu deuant ceſtui-cy, quelque centaines d'annees: *Ego Berengarius.* C'eſt l'antiquité de laquelle ces bons Prelats eſbloüiſſent les yeux du poure peuple, & l'entretiennent en ſes idolatries & ſuperſtitions. On peut voir de cecy qu'elle do-



Ètrine est plus ancienne, celle que nous enseignons,  
 qui est Apostolique & tirée des Écritures, ou cel-  
 le qui n'a autre fondement, qu'un Concile nou-  
 veau. Il y avoit force hommes, dit Sponde, & qua-  
 si une armée sainte de Dieu, qui se reserue à mil-  
 liers, des hommes qui ne ployent point le genouil  
 devant Baal, n'auroit-il point gardé quelque bon  
 soldat en ceste troupe, qui eust prins sa cause en  
 main? & quoy? es-tu si ignorant de l'histoire que  
 de ce temps ne fussent les Albigeois. L'Abreuiat-  
 teur des conciles grand Thomiste, & de sa reigle  
 te l'auoit cotté, parlant du susdit Pape Innocent  
 3. Du temps de cestui-cy, dit-il, une heresie, (ainsi  
 appelle-il ceste doctrine sainte suivant les traces  
 des Pharisiens, qui appelloient la doctrine de Ie-  
 sus Christ secte, Act. 24. vers. 14.) se leua es enui-  
 rons de Tholose, laquelle S. Dominique fit cesser  
 à la sollicitatiō dudit Pape Innocent. Qui ne void  
 qu'il parle des Albigeois, qui s'opposoyent à l'i-  
 dolatrie de la Transsubstantiation? tu ne deman-  
 dois qu'un champion de Iesus Christ, en voicy  
 force qui prennent la cause de Dieu, qui sont per-  
 secutez par ce bon S. Dominique, & de fait, & de  
 parole, contre lesquels l'Antechrist fait publier  
 une croisade. Bref, il y en a eu plus de cinq cens  
 de bruslez en ces quartiers du haut Languedoc.  
 Tu voudrois que c'eust esté quelque un du conci-  
 le mesme, mais Dieu n'est attaché ny aux couron-  
 nes, ny aux croffes, ny aux chaperons. Je ne doute  
 pas aussi, qu'il n'y en eust plusieurs qui gemis-  
 soient en leur ame, & sentoient autrement: mais  
 n'osoient contredire à ceste beste à trois couron-



nes, souz la patte de laquelle ils estoient. Le soleil, dit tresbien S. Bernard, n'eschauffe tous les lieux qu'il esclaire, là où est la science, n'est tousiours la magnanimité & cōstance de ceste autorité generale. Spōde vient à vne particuliere de S. Cyprian, reculant de temps d'environ mille ans, combien que selon le iugemēt des hōmes doctes de nostre temps, ce traitté des œuures cardinales de Iesus Christ, où est le sermon de la Cene, ne soit point du susdict Cyprian: toutesfois de quel qu'il soit, parlons à luy, & examinōs ceste sentence fauorable à nos alchymistes Transsubstantiateurs, *ce pain que le Seigneur presentoit à ses disciples change, non pas en sa semblance, mais en sa nature, a esté fait chair par la toute-puissance du Verbe.* Sponde s'arreste & fonde sa raison sur le mot de nature: car, dit-il, qu'appelles-tu la nature du pain, sinon sa substance? il veut conclurre, que quiconque a changé de nature, a changé aussi de substance: à quoy vrayement ie seroy contraint d'acquiescer, si ce mot de nature se prenoit tousiours, pour l'essence & substance de la chose dont est question: mais le contraire est enseigné par tous les Philosophes, & notamment par Aristote, lequel au liure 4. de sa Metaphysique chap. 4. donne trois significations à ce mot (*nature*) qu'il dit signifier maintenant la conception ou naissance de quelque chose, c'est à dire, les causes efficientes & instrumentales, qui donnent estre à quelque chose: maintenant l'essence ou la substance d'icelle, à sçauoir, la matiere & forme dont elle est composée: maintenant & en fin les qualitez naturelles.

En ce dernier sens a dit l'auteur du sermon de la Cene du Seigneur, que le pain a changé de nature, c'est à sçavoir, de vertu, propriété, qualité & vsage. Il n'est peut, dit Spode, que nature en ce lieu signifie propriété naturelle, pourquoy non? d'autant que Basile dit notamment, qu'és enseignemens de l'Eglise, la nature & la substance sont mesme chose. Il est vray quelques fois, comme és autres choses, mais non tousiours. Or quand Basile l'auroit escrit ( ce qui est tresfaux, car en son œuvre du Saint Esprit adressede à Amphilochius, il n'est faite nulle mention de ceste reigle, ny de la difference ou conuenance de ces deux mots, nature & essence, & n'y a point autre epistre dudit Basile à Amphilochius : la parole de Dieu y repugne, laquelle prend souuent nature (qui se dit en Grec *φύσις*. ) en la premiere & dernière signification. Saint Paul enseigne Ephes. 2. que nous sommes enfans d'ire, de nature, il n'y a que les Manicheens qui rapportent ce mot à l'essence de l'homme: car aussi l'Apostre ne veut dire, sinon, que nous auons la malediction & corruption hereditaire de nos peres, & qui commence dès le moment de nostre conception, transmise par la generation. Saint Pierre nous propose en sa 2. Epistre chap. 1. que nous sommes faits participans de la nature Diuine, Qui pourra prendre ce mot de nature, que pour les qualitez celestes & Diuines, que Dieu cree en nous? Si quelqu'un le rapporte à l'essence de Dieu, il est Platonique, Schvvenfeldien, & tombe en vne infinité d'absurditez. Parquoy ceste reigle de Sponde, ou de son Basile fainct, & son

commentateur

commentateur Anastase, qu'en dogmes de la foy ces mots de nature & substance sont mesme chose, est bien oblique & tortue, & ne peut que produire iugemens cornus & estranges. Et pour reuenir à l'auteur, il se declare assez, par la suite de son propos: car il dit, que comme en la personne de Iesus Christ se trouue l'humanité visible, & la Diuinité inuisible, ainsi il y auoit deux choses, le sacrement visible, & la diuine essence insule dans iceluy. Je ne vueil point defendre ceste opinion qui est erronnee, mais ie maintien, que s'il eust voulu parler de quelque transmutation de substance, la similitude prinse de la personne de Iesus Christ, n'eust fait nullement à propos: s'il n'eust esté des disciples de Marcion, qui aduoüoit à Iesus Christ vn corps humain en apparence, tel qu'est le pain des Papistes en leurs mysteres, ou s'il n'eust esté Eutychien, qui conuertissoit la Diuinité en l'humanité, cōme selon l'aduis de ce magnifique concile de Latran, le pain se chāge au corps de Iesus Christ. Mais l'auteur le declare encore és pages precedentes, où il dit, *Inconsumptibilem cibū Magister apponit discipulis, immortalitatis alimonia datur, à communibus cibis differens corporalis substantia retinens speciem, sed virtutis Diuine inuisibili efficientia probans adesse presentiam*. Ceste viande d'immortalité qui estoit donnee aux disciples par Iesus Christ, retenoit la nature (*speciem*) d'une substance corporelle, telle qu'est le pain. Il adiousté puis apres, *Manducauerant & biberant de eodem pane secundum formam visibilem, sed ante verba illa cibis ille cōmunis tantum nutriendo corpori commodus*

*erat, & vite corporalis subsidium ministrabat.* Il n'entend point vne forme accidentaire, mais substantielle: car il poursuit, *quotiescumque his verbis & hac fide actū est quod Christus praecepit, hoc facite in meam commemorationē, hac est caro mea, hic est sanguis meus panis iste substantialis, & calix benedictione solemni sacratus, ad totius hominis vitam salutēque proficit.*

Que veut dire pain substantiel, est-ce vn pain qui n'a que la blancheur & la rondeur? ce seroit exposer les mots tout au rebours par antiphrases, & tromper les hommes, à quoy cest autheur ne pensa iamais. Parlant de Iudas en ceste mesme page, & de la difference des viandes corporelles & spirituelles, il oste toute occasion de douter de son intention. *Vbi sacrum cibum mens perfida tenet, & sceleratum os panis sanctificatus intrauit parricidalis animus, vim tanti sacramenti non sustinens quasi palea de area exuflatus est.* Ce qu'il auoit dit viāde sacree, il le nomme pain sanctifié, & non changé & transmué: s'il n'estoit vray pain, il ne seroit point sanctifié. Et que les Papistes me respondent: s'ils ne mettent difference entre leur pain d'hostie, & leur pain benit. Or ce mesme autheur, à fin que nous ne doutions de son intention, appelle ce pain sanctifié, dons & presens sacrez, ce qui ne se peut rapporter au vray & naturel corps de Iesus Christ. *Hi, dit-il, qui verbo tenus corde sicci & mente aridi sacris intersunt, vel etiam participant donis, lambunt quidem petram, sed inde nec mel sugunt, nec oleum, qui nec aliqua charitatis dulcedine, nec Spiritus sancti pinguedine vegetantur, nec se iudicant, nec sacramenta dydicant, sed sicut cibus communibus irreuerenter, sacris v-*

*tuntur muneribus.* Ceux qui n'ont que paroles, & ont le cœur sec & l'esprit arride, quoy qu'ils soyent presens de corps en la celebration des mysteres, & participēt aux dons, ne font que lecher la pierre, sans en succer ny huile ne miel, ils ne sont vetegez d'aucune douceur de charité, ny graisse du S. Esprit, à cause qu'ils ne se iugent, ny ne discernēt les Sacremens, mais sans reuerence vsent de ces saincts dons cōme des viandes communes. Presque icy autant d'argumens que de mots contre la Transsubstantiation : car outre le nom de presens & dons, qui ne peut competer aux accidens, le mot aussi d'usage avec irreuerence, & le mot de Sacrement leur seroit tref-qu'impromptu : ioint qu'il poursuit que Iesus Christ cree, sanctifie, & benit ce tref-veritable, & tressainct sien corps, & le diuise à ceux qui le prennent sainctement. Changer de substance, n'est creer, ou estre créé : car quiconque est transsubstantié, est fait ce qu'il n'estoit point de quelque chose : ce qui ne peut estre dit aussi de son vray naturel corps, lequel est parfait & glorifié, & non créé tous les iours de nouveau. A quel propos aussi cest epithete de veritable en ce lieu ? parquoy ceste sentencē se rapporte au pain, qui n'est transsubstantié, mais créé à raison de la nouuelle qualité & nouuel usage qu'il reçoit, & duquel il est marqué, estant fait le corps de Christ par seau & cachet : ce qui ne procede de la substance & nature du pain, mais de la seule volonté de Dieu par dessus l'ordre de nature. Il est aussi à bon droit appellé veritable, à cause que ce n'est point vn signe vain. Qui pourra donc main-

tenant lisant tant d'expositions & sentences sur ce sujet, douter de ce que nostre auteur a voulu dire : lequel encore à la fin distingue entre le Sacrement & la chose du Sacrement, remontrant que par l'un & l'autre estans faicts le corps de Christ, nous sommes vnis à nostre chef. Or ce ne sont point les accidens du pain & du vin qui sont les Sacremens. Il parle donc de la substance du pain, qui n'est ny changée ny alterée corporellement, ny anichilée autrement. En quelle sorte l'infirmité de nostre foy seroit-elle enseignée par un argument sensible, que les Sacremens visibles sont aides & causes secondes à la vie éternelle, ou pour mieux dire encore, & autrement que nostre auteur, que Iesus Christ soit la nourriture de nos ames? *Panis iste communis, in carnem & sanguinem mutatus, procurat vitam & incrementum corporibus: ideoque ex consuetudo rerum effectu adiuta infirmitas, sensibili argumento edocta est, visibilibus sacramentis inesse vite aeternae effectum.* L'autre témoignage qui est de Chrysostome sur S. Matthieu homel. 83. où il dit, que ce ne sont point les Ministres qui sanctifient le pain & le vin de la Cene, mais Iesus Christ luy-mesme qui les sanctifie, & les transmue, n'est plus aduantageux pour la Transsubstantiation que le precedent. Toute transmutation n'est changement ou delaissement de substance. Sponde dit, que Chrysostome & les autres Docteurs Grecs qui parlent de mutation, ne le rapportent qu'à la substance: car s'ils entendoient parler d'un changement d'usage au pain & vin, entant qu'ils sont destinez pour signifier & estre



l'arre & le seau du corps de Iesus Christ. Ils di-  
 roient que ces elemens sont alterez, & appelle-  
 roient ce changement alteration ἀλλοιῶσιν, mais  
 ils nomment ceste conuersion μετασχιώσιν, qui  
 est changement d'un element en vn autre, ou bien  
 μεταπίησιν, qui est quand d'une creature se fait vne  
 autre creature. Responſe, ie trouue que Chryſo-  
 ſtome vſe de ce verbe μεταβάλλειν, en ſa Liturgie, en  
 la 2. oraiſon ſecrete apres le Symbole, il prie ain-  
 ſi: *Emitte Spiritum tuum ſanctum ſuper nos, & ſuper  
 propoſita dona hac, Amen, fac panem hunc pretioſum  
 corpus Chriſti tui: quod verò in calice hoc pretioſum  
 ſanguinem Chriſti tui tranſmutans Spiritu tuo ſancto  
 ea μεταβαλὼν ἰῶ πνεύματι σὺ ἰῶ ἁγίῳ.* Et il ne dit pas  
 μετασχιώων, ou bien μεταποιων: & quand bien il au-  
 roit vſé de l'un de ces participes, ils ſignifient plu-  
 ſtoſt & le plus ſouuent changemēt de qualité que  
 de ſubſtance, car ils ſe diſent des choſes qui n'en  
 ont point, ainſ ſont purs accidens: les exemples  
 ſont recueillis és cōmentaires de la langue Grec-  
 que de Budee page 161. pour le verbe ποιῶ, & pa-  
 ge 245. pour le verbe μεταβάλλω, & pag. 581. pour  
 le verbe σχιῶ, où les lecteurs entendus en ceste  
 langue pourront recourir. Ceste demonſtration  
 qu'il donne preſentement, de n'entendre la pro-  
 priété des mots Grecs, fera que ſes commentaires  
 ſur Homere ſeront deſcriez: mais comment eſt-il  
 poſſible, que ce mot de tranſ-elementation prins  
 en ſa propre ſignification, puiſſe eſtre adapté à  
 ceste conuersion de ſubſtance, veu qu'il eſt que-  
 ſtion non d'une ſimple & naturelle, telle que ſont  
 les elemens, qui ſe tranſmuent les vns és autres,



comme l'air en eau, & l'eau en air : mais d'une composée ou mixte & encore artificielle, telle qu'est le pain cuit. Or laissant la dispute des mots, on peut tirer d'une infinité de lieux, le sens de ce Docteur, qui n'a jamais pensé, parlant du pain & vin de la sainte Cene, d'autre conuersion que d'usage & d'efficace. Il appelle le breuuage qu'on prend en ceste sainte action, sang mystique, *homel. 45. in Ioan. hic mysticus sanguis Dæmones procul pellit angelos, & angelorum Dominum ad nos allicit, ce sang mystique chasse loin les diables & attire à nous les Anges, & le Seigneur des Anges, ce qui est mystique n'est naturel, & ce qui vient à nous n'a esté prins avec la bouche corporellement. Et en l'homel. 46. du mesme œuure, Carnale est dubitare, quo modo de cælo descendit, & Joseph filium arbitrari, & quo modo possit nobis carnem suam dare : hæc omnia carnalia, que mysticè & spiritaliter intelligenda sunt, c'est à dire, il faut entendre & la descente de Iesus Christ du ciel, & la manducation de sa chair mystiquement & spirituellement. Le mesme ce qu'il auoit appelé permutation & sanctification en l'homel. 85. sur saint Matthieu, l'appelle en l'homel. 2. de la 2. à Timothee sur la fin, consecration & sanctification seulement qui se fait par Iesus Christ present en ceste sainte action, laquelle consiste en foy. *Non oblationem, dit-il, sanctificant homines, sed Christus qui illam ante sacrauerat, Christus, nunc etiam adest atque operatur & omnia in fide consistunt.* Or y a-il rien qui face tant cõtre Sponde & son opinion, que l'Eglise ancienne a reconnu le mystere de la Transsubstantiation, que ce qu'il*

prend pour preuue & fondement toute l'antiquité a inuoué le Sainct Esprit en ceste action. Le l'accorde : pourquoy ? à fin que ce qui est prins des fruiets de la terre, nous soit sacrement. *Augustinus lib. 3. de Trinitate cap. 4. corpus Christi & sanguinem dicimus illud, quod ex fructibus terra acceptum, & prece mystica consecratū ritē sumimus ad salutem spiritalem in memoriam pro nobis Dominica passionis, quod quoniam per manus hominū ad illam visibilem speciem perducitur, non sanctificatur, ut sit tam magnum sacramentum, nisi operante inuisibiliter Spiritu Dei.* Ce n'est point le corps naturel de Iesus Christ qui est consacré par prieres, mais bien le pain mystique, que saint Augustin appelle le corps de Christ. Le Sainct Esprit n'est pas dit aussi ouurer inuisiblement, pour changer la substance de ce pain en la chair naturelle du Fils de Dieu : mais à fin qu'il soit vn si grand Sacremēt : car l'efficace ne vient pas de ceux qui ont fait ce pain, pain, & luy ont donné ceste forme essentielle, qui est appellé en ce lieu spece, mais du Sainct Esprit. S. Chrysostome au liu. 3. de la sacrificature, *Ad nostratia sacra te conser, adest sacerdos, non ignem gestans, sed Spir. sanctum, is preces diurnas fundit, non quo flāma coelitus dilapsa sacra apposita absumat, sed ut gratia in sacrificium influens per illud ipsum omnium animos inflammet, & puriores reddat argento igni excocto.* Le Sainct Esprit est enuoyé du ciel, non pour consumer les choses saintes qui sont apposees. Or changer & conuertir la substāce de quelque chose en vne autre, ou la reduire à neant, est la consumer : mais à fin que par ce sacrifice il en-

flambe les cœurs de tous, & les rende plus purs qu'argent espuré & recuit au feu. Nous auons desia examiné le passage d'Irenee du liu. 4. chap. 34. duquel il ne conste autre chose, sinon que la sainte Cene est vn sacrifice, à quoy, Dieu mercy, persõne de nous ne s'oppose, mais c'estoit à Spon de prouuer, que tel sacrifice soit le mesme & pour la mesme fin, & avec la mesme efficace, & les mesmes effects à celuy que le Fils de Dieu a offert en la croix. Or il n'y a Docteur plus contraire à telle doctrine qu'Irenee, & ie l'ay fait voir par les propres paroles de ce bon Euesque, touchant saint Cyprian. I'estime & croy fermement qu'il se leuera en iugement & son traitté qu'il a fait du Sacrement du calice du Seigneur au 2. liure des Epistres qui est la 3. contre les inuenteurs de la Messe, chanteurs d'icelle (qui sont vrais enchanteurs) auditeurs, & Transsubstantiateurs. Ceste sentence generale ne faire point le mesme que le Seigneur a fait, est reietter les propos, & mespriser l'instruction d'iceluy : quãd quelqu'un desrobe les paroles & faicts de nostre Seigneur de la verité Euangelique, corrompt & falsifie les commandemens Diuins, il commet & perpetre des larcins & adulteres non pas terriens, mais spirituels, ne compete-elle point à ceux dont nous venons de parler, qui sont vrais adulteres & larrons? car où est-ce que Iesus Christ a commandé d'auoir des autels, où a-il dit offrez ce pain & ce vin, & l'esleuez en haut? c'est à dire, mon corps & mon sang voilez & couuerts de accidens du pain & du vin, pour la remission des pechez? où a Iesus Christ en-

seigné, qu'on se contentast de regarder ceste oblation? où est-il porté en l'institution de la sainte Cene, qu'un mangeast pour tous? Est-il escrit par aucun Euangeliste, qu'on adorast ce pain & ce vin, ou Iesus Christ enclos dans le pain & vin monstre par dessus la teste ou l'espaule. S'il faut faire seulement ce que Iesus Christ a fait en ceste sainte action, n'est-ce pas se forger vn nouveau Euangile? dire que Iesus Christ a esté l'auteur au Sacremēt de ce que les sacrificateurs de la Messe representent en leur autel. O sacrilege abominable & insupportable entre les vrais Chrestiens! *Si nec minima de mandatis dominicis*, dit le mesme Cyprian, *licet soluere, quanto magis tam magna, tam grandia, ad ipsum dominica passionis & nostra redemptionis sacramentum pertinentia, fas non est infringere, aut in aliud quam quod diuinitus institutum sit humana traditione mutare?* S'il n'est permis de rompre des moindres commandemens du Seigneur, combien plus est-il defendu, ou d'enfeindre ceux qui sont si grands & si hauts, & lesquels appartiennent au Sacrement de la passion du Seigneur & de nostre redemption, ou de les conuertir en autre chose, qu'en ce qui a esté ordonné de Dieu? encore donc que la sainte Cene soit vn sacrifice, ceste qualité ne peut estre tiree iusqu'à la Messe, d'autant qu'en icelle non seulement l'institution de Iesus Christ y est corrompuë, mais aussi renuersée & abolie: & qui plus est, cōme la forme du vray Sacrement y a esté falsifiée, aussi est la matiere qui est le pain & le vin, desquels on veut persuader que la substance s'enuole: ce qui n'a iamais esté creu, enseigné ou escrit par saint

Cyprian, au dire duquel ces mots, *hoc idem*, cela mesme, a grand poix. *Christus obtulit hoc idem quod Melchisedech obtulerat, id est, panem & vinum, suum scilicet corpus & sanguinem*: le Fils de Dieu a offert la mesme chose que Melchisedech, c'est à dire, le pain & le vin. Et si le pain eust esté transsubstantié en la premiere Cene, Iesus Christ n'eust offert ou pour mieux dire, n'eust baillé la mesme chose que Melchisedech, qui de vray ne presenta aucun fantosme de pain à Abraham: toutesfois dira quelqu'un, Cyprian ayant exposé ces paroles, *hoc idem*, le pain & le vin, fait ceste autre glose, à sçavoir, son corps & son sang. Soit, faut-il recueillir pourtant que le pain cesse d'estre vray pain? nostre souuerain Sacrificateur le consacrant, n'a il peu sans conuersion de substance offrir & dōner son corps? Y a-il rien en toute ceste epistre, mesme en ce lieu que Sponde a trouué le plus fauorable pour ceste fausse doctrine, qui dōne la moindre signification, que changement de substance se fasse ordinairement en la sainte Cene, ou ait esté fait en celle que le Seigneur administra luy-mesme? Cyprian dit bien, que Iesus Christ, qui est la plenitude, a remply la verité de l'image du sacrifice figuree auparavant: image, dit-il, consistant en pain & en vin, mais aussi il n'obmet pas que le parfaissant & accomplissant, il offrit le pain & le calice meslé de vin: si bien qu'il n'entend autre chose, que la conioction de la verité avec le signe, c'est à dire, que le sacrifice ou Sacrement de Melchisedech n'a esté qu'une figure, & que cestui-cy a eu au parus le corps. Or ces paroles du mesme auteur n'ostent-

elles point toute occasion de dispute ? *Inuenimus calicem mixtum fuisse quem dominus obtulit, & vinum fuisse quod sanguinem suum dixit*: Nous trouuons que le calice que le Seigneur a offert a esté meslé, & que ce qu'il a appelé son sang a esté vin. Et à fin qu'on ne philosophe sur les verbes, que disent les Grammariens? ils sont en mesme temps, à sçauoir, au passé, parfait, *dixit, obtulit, fuit*, &c. Il a dit, il a offert, il a esté. Quelques lignes apres il ne laisse aucune ambiguité : Comment, dit-il, boirons-nous avec Christ au Royaume de son Pere du vin nouveau de ceste creature qui est la vigne, si nous n'offrons du vin au sacrifice de Dieu le Pere & de Christ & par ordonnace du Seigneur ? ne mesloirs le calice d'iceluy selon S. Cyprian. Il faut offrir le vin, & non la seule representation du vin qui soit en substance, tel que le Fils de Dieu a beu apres sa resurrection avec les Apostres, Act. 10. les lecteurs trouueront grand nombre de seinblables sentences en cest ceuvre, & qui non moins abolissent, si on l'en veut croire, tout changement inuisible, & imperceptible à tous les sens, du pain & vin, que la transformation de la sainte Cene, qui n'est que sacrifice d'action de graces, en sacrifice de reconciliation. Il nous est commandé, dit-il, par le Seigneur, & cela mesme nous est confirmé & baillé par son Apostre, que toutesfois & quâtes que nous boirons, nous facions ce qu'aussi le Seigneur a fait en cômémoration du Seigneur. Et ailleurs, Si Iesus Christ nostre Dieu & Seigneur, est ce souuerain Sacrificateur de Dieu le Pere, & iceluy a le premier offert sacrifice à Dieu, & a commadé que cela fust



fait en memoire de soy: certainement ce Prestre tient vrayement la place de Christ, qui imite ce que Iesus Christ a fait. Où il y a commemoration d'un benefice passé, il y a action de graces, & non satisfaction & merite, qui sont choses opposees: or en la sainte Cene, il y a commemoration de Iesus Christ, c'est à dire, de sa mort & de sa croix, & il y a donc action de graces & non satisfaction. La cōmemoration de ce benefice, par lequel Dieu esté appaisé enuers nous, & par lequel noz pechez nous sont remis, telle qu'est la sainte Cene, n'est point la remission des pechez, ny l'expiation d'eux. Item ces actions où les hommes ne sont que Ministres de Iesus Christ, & seruans à sa sacrificature & prophetie, ne sont point satisfactoirs en tout ny en partie, tant parce qu'elles ne se rapportent point immédiatement à Dieu, mais aux hommes, la foy, penitence & recognoissance desquels elles aident, que d'autant aussi si elles auoyent ceste vertu & efficace de satisfaire, les hommes ne seroyent plus causes purement instrumentales, mais principales, ou en tout, ou en partie. Or en l'administration de la sainte Cene, les hommes sont seulement seruiteurs de Iesus Christ, parquoy le Sacrement prins, & receu, & administré, n'a ceste force de nous absoudre au iugement de Dieu. Si on dit, que Iesus Christ y est offert & sacrifié, ainsi parle Cyprian, *in sacrificio quod Christus est, non nisi Christus sequendus est*. Le canon aussi 14. du premier concile de Nicee, parle d'offrir sacrifice en l'Eucharistie, & d'offrir & bailler le corps de Christ. *hi qui offerendi sacrificij non habent potestatem,*



his qui offerunt corpus Christi non porrigant. Je respon  
qu'il le faut prendre ainsi que saint Augustin l'ex-  
pose, confondant quelquefois ces deux mots, Sa-  
crifice & Sacrement ainsi qu'il fait sur le Pseau. 33.  
conc. 1. *Erat sacrificium Iudaorum secundum ordinem  
Aaron in victimis pecorū, nondum erat sacrificium cor-  
poris & sanguinis Domini: quod sacrificium nunc diffu-  
sum est toto orbe terrarum, sublatum est sacrificium  
Aaron, & coepit esse sacrificium secundum ordinem  
Melchisedech, ergo mutauit vultū suum, quis est iste?*  
*notus est Dominus noster Iesus Christus, in corpore &  
sanguine suo voluit esse salutem nostram, vnde com-  
mendauit corpus & sanguinem suum? de humilitate sua,  
nisi enim esset humilis, non manducaretur nec biberetur.*  
Le sacrifice d'Aaron est aboli, celuy qui est selon  
l'ordre de Melchisedech a commencé, c'est le sa-  
crifice du corps & sang du Seigneur, qui est espan-  
du par toute la terre. Il dit que ces sacrifices & sa-  
cremens sont la face de Christ, parquoy il compa-  
re le changement à la mutation de la face d'un  
homme. On peut de là recueillir, qu'il parle aussi  
bien des Sacremens que des sacrifices, veu que non  
moins ceux-là que ceux-cy ont esté changez: &  
cependant il ne les nomme point distinctement,  
qui monstre qu'il les comprend souz les sacrifices,  
& leur laisse ce nom general. Ceste autre raison est  
apparente, qu'ayant parlé du seruice du corps &  
sang du Seigneur, il ne baille autre moyen de cele-  
brer ce sacrifice, que de manger & de boire, qui  
est toute la nature & vraye raison de la sainte Ce-  
ne & du pain & vin d'icelle, qui n'ont point d'autre  
vsage en ceste sainte action. Parquoy saint Au-

gustin par synecdoche & prenant le genre pour l'espece, appelle sacrifice ce qui n'est que sacremēt bien souuent. Ce mesme autheur declare, qu'ordinairement en l'Eglise par metonymie, & prenant le signe pour la chose, signifie la sainte Cene, s'appelle sacrifice & immolation de Iesus Christ, d'autant qu'en icelle ce benefice yest celebré. Voicy comme il parle en l'epist. 23. à Boniface. *Dicitur illo die fieri propter sacramenti celebrationem, quod non illo die, sed iam olim factam est, nonne semel immolatus est Christus in seipso? & tamen in sacramēto non solum per omnes paschæ solemnitates, sed omni die populis immolatur, nec utique mentitur qui interrogatus, eum responderit immolari.* Sponde a translaté ce passage, & mis en sa declaration, mais en le falsifiant & corrompant: car il met ces mots, non seulement, *non solum*, deuant ces autres mots, *in sacramento*, au sacrement, au lieu de le mettre apres. Il faut donc dire ainsi, Iesus Christ n'a-il point esté immolé vne fois en luy-mesme? & toutesfois au Sacrement, non seulement par toutes les solemnitez de Pasques, mais aussi tous les iours il est immolé au peuple: & celuy-là ne ment point, lequel respōd, qu'il est immolé, quand on le luy demande. Sponde vouloit faire trois sortes de sacrifices pour se sauuer, l'vne en la propre personne de Christ, l'autre au sacremēt, & le dernier au peuple: toutesfois ceste doctrine seroit blasphematoire, attribuant & baillāt le sacrifice à autre qu'à Dieu. La raisō que ce Docteur touche, pourquoy on ne ment point, disant que Iesus Christ est immolé les iours qu'on celebre ce Sacrement, est telle, que les Sacremens

pour la semblance qu'ils ont avec les choses dont ils sont Sacremens, prenēt les noms d'icelles. Je di dōc que le Sacremēt du sacrifice de Christ se peut dire vrayemēt sacrifice & immolation. Or la sainte Cene, est le Sacrement du sacrifice de Christ. Tu audis, dit le mesme saint Augustin, *quod quoriscunque offertur sacrificium, mors Domini, resurrectio Domini, eleuatio Domini significetur & remissio peccatorum. de verbis Domini, serm. 28.* toutes & quantesfois que le sacrifice se fait; on signifie & on donne entendre la mort, resurrection & ascension du Seigneur, avec la remission de nos pechez. La conclusion est à ceste heure euidente, & on void pourquoy & saint Cyprian & saint Augustin, & les autres Peres donnent ce nom de sacrifice & à la sainte Cene, & à Iesus Christ qui se donne à nous en icelle. Ces paroles de Chrysostome sont notable sur l'Epist. aux Hebr. chap. 10. *Nōne per singulos dies offerimus? offerimus quidem, sed ad recordationem facientes mortis eius.* Et plus bas, *Hoc quod facimus, in commemorationem quidem fit eius quod factum est: Hoc enim facite (inquit) in meam commemorationem, non aliud sacrificium sicut pontifex, sed id ipsum semper facimus, magis autem recordationem sacrificij offeramur.* Tout ce que nous faisons, se fait en commemoration de ce qui a esté fait: car Iesus Christ a dit, Faites cecy en memoire de moy. Nous ne faisons point vn autre sacrifice comme sacrificateurs, mais tousiours le mesme, ou plustost nous ouurons la commemoration du sacrifice. Il n'est pas possible de parler plus intelligiblement que saint Augustin au 20. liure con-

tre Faulste chap. 21. ce sacrifice de la chair & sang qui estoit promis en similitude par le sacrifice des bestes, a esté rendu en la passion de Christ par la verité mesme, & est celebré après l'ascension d'iceluy par le Sacrement de memoire. S. Ambroise ne dit point, que Iesus Christ soit offert icy bas aujourd'huy, autrement qu'en mystere & figure. *Hic Christus in imagine offertur, illic verò in veritate, ubi apud Patrem pro nobis quasi advocatus interuenit. lib. 4. de Officijs. cap. 48.* Ces deux raisons & causes de ce nom de sacrifice, du corps de Christ donné au saint Sacremēt de la Cene, sont suiues de ceste troisieme, que l'Eglise est le corps de Christ, laquelle s'offre, & se sacrifie à Dieu en celebrāt ce mystere: où il y a immolation, il y a sacrifice: & où le corps de Christ est immolé, là est le sacrifice de l'immolation du corps de Christ: & où l'Eglise s'immole, là le corps de Christ est immolé. Or ces choses se font au saint Sacrement de la Cene: il n'y a donc point d'inconuenient qu'elle soit appelée sacrifice du corps de Christ: & toutesfois ceux-là se trompent, qui le prennent de l'immolation de la personne de Iesus Christ, ainsi que nous l'auons appris de S. Augustin, & qu'il enseigne encore au liu. 22. de la cité de Dieu, chap. 10. *Vni Deo & martyrū, & nostro sacrificium immolamus, ipsum verò sacrificium corpus est Christi, quod non offertur ipsis martyribus, quia hoc sunt & ipsi.* Nul, excepté Iesus Christ, ne peut estre tout ensemble le sacrifice, & celuy à qui le sacrifice est fait. Or les Martyrs sont le sacrifice, car ils sont le corps de Christ, ou partie d'iceluy: il ne  
leur

leur appartient donc point qu'on leur en face. L'infere de ceste raison, que les Anciẽs, disans que le corps de Christ estoit sacrifié en l'Eucharistie, n'ont entendu parler que des fideles, qui offrent à Dieu leurs corps & leurs ames, & lesquels protestent de ceste oblation: la repetent & reiterent, s'approchans de la saincte table, & participans au Sacrement. August. en l'Epist. 59. le confirme encore disant: Toutes les choses qui sont offertes à Dieu, sont vouees, principalement l'oblation du sainct Autel, par lequel Sacrement vn autre nostre vœu tresgrand est publié, à sçauoir, celuy par lequel nous auons voué de demeurer en Christ, & en l'assemblage du corps d'iceluy. Si donc on considere la façon en laquelle Iesus Christ est sacrifié en la Cene, telle que mesme les tesmoins, produits par nostre aduersie partie, deposẽt: il n'y a autre sacrifice que d'action de grace, & de recognoissãce qui nous reste. C'est au corps de Christ, ou l'Eglise immole à Dieu sacrifice de loüange, dit S. *August. lib. 1. contra adu. leg. & Prophetas. cap. 20.* Tout le reste de ses liures est semé de semblables tesmoignages: & que ceux qui entendent les langues, puissent eux-mêmes de la source, ceux qu'ils trouueront en ceste resposẽse, où ie n'ay rien desguisé de l'intention des auteurs, selon que ie l'ay peu comprendre, non de quelques mots ou sentences tronquees, mais de tout leur traitté, rapportant & conserant par ensemble, leurs dits: & si ie m'y suis porté autrement que ie le dy, qu'on m'estime vn imposteur & outrageux à la verité, que i'auroy' voulu maintenir par menson,

ge & faux donner entendre : mais puis-je asseurer par la mesme verité, que ie n'ay eu nulle occasion de ce faire, les ayant trouuez en armes, & bandez ouuertement, non moins contre ceste non miraculeuse, mais monstrueuse trassubstantiation, qui seroit mieux dite, transcension & l'outrepasse de toute verité, & le souuerain degré de cōtradiction: que contre cest execrable sacre & sacrifice, qui par enuie diabolique ou desacrifie Iesus Christ, qui a esté sacrifié vne fois en la croix, pour nostre redemption, ou le sacrifice impieusement & cruellement. De-rechef, i'en dis autant de ces autres tresgrandes & tres-importantes questions, touchât la grace, predestination, franc-arbitre, iustification, peché, bonnes œuures, Escriture, Sacremens, que i'ay trouuees seulement touchees & non debatues, en ce desfi de nostre nouueau champion de l'Antechrist, aux affirmatiues duquel i'oppose aussi seulement des négatiues, non mené d'un esprit de contradiction, ou honteux d'auoir esté enseigné par luy, ny enuieux de son erudition : mais ainsi que ie prens Dieu en tescmoin, & appelle le ciel, la terre, & tout ce qu'il y a de creatures pour me dementir, s'il y a aucune verité qui ait esté, ces doctrines qu'il a par-cy par-là entassees en son escrit, qu'il propose pour iustes raisons de sa transmigration de Hierusalem en Babylone, de la vraye Eglise de Dieu en la Synagogue de l'Antechrist, sont tres-fausses: car qu'est son liure, que i'ay leu avec autant d'attention qu'il eust peu desirer, & non plus pre-occupé de passion, que si i'eusse voulu lire ses meditations, ou quelque autre de ses escrits, que sont,



di-ie, ses raisons, qu'un petit corps & abbrege, tant de calomnies contre nous, que sophisteries, pour abatre & suprimier la verité, recueillies des aduersaires d'icelle, & deserteurs du parti & cause de Dieu, comme luy, selon qu'il les a leués en leurs traittez, ou ouies de la bouche de ceux qui viuent aujour d'huy, desquels ce miserable s'est laissé abuser par un iuste iugement diuin: dont tant le mespris de l'usage des aides, que Dieu a ordonné pour entretenir & fomentier nostre foy, que la mauuaise vie, vanitez, curiositez, adulteres, presumption, luxe, pompes, ambition, sont en ceste façon punies, ainsi que l'Apostre en la 2. aux Thess. chap. 2. le declare, descriuant l'Antechrist, aussi bien par les moyens que le Diable luy a fait tenir, pour paruenir à cesté Apostasie vniuerselle, qui sont cōmuns à tous ses mēbres: que par l'estat, auquel il est apparu, & s'est declaré manifestement. Or qui pis est, il a voulu encore deceuoir les infirmes, desireux d'auoir des compagnons en sa cheute, peut estre pource que le mal d'autrui luy apportoit quelque soulas & consolation: mais en quelle sorte a-il tasché d'y paruenir? en se seruant autant malicieusement d'une infinité d'impostures, que cautelement il a voulu couvrir son impieté & hypocrisie, d'execrations, son despit, mescontentement & desir de se venger, de douces & moins aigres reprehensions & exhortations, son ambition & profit, qui l'a poussé à escrire, de zele & compassion de nous, qu'il disoit desuoyez, sa mauuaise conscience de confession d'ignorance, quand il a esté conuaincu, & protestation de se vouloir instruire:



mais ces pretextes & fallaces n'auront ne lieu ny effect, qu'enuers ceux qui volontairement & de gayeté de cœur les embrasseront, veu qu'il n'apporte rien de nouveau, & à quoy on n'ait vne infinité de fois suffisamment satisfait: & sans qu'il puisse respōdre à ces responses, sans vne incroyable & inouïe audace de forger de maximēs, desquelles il tire telles conclusions que bon luy semble: par lesquelles il pense auoir obtenu la victoire, & sur lesquelles puis apres il bastit ses imaginaires triumphes: mais ces fondemens ne sont qu'arene, & les principes, le mensonge mesme. Sponde à eu dequoy se promettre bon & heureux succez, en ses seductiōs, s'il est raisonnable qu'on face plus d'estime de luy que de Christ, auteur & maistre de la verité: mais si c'est folie de le desirer, & chose trop inique de le faire, i'espere qu'enuers ceux de mediocre iugement, qui ont esté nourris en la saine doctrine, & aiment Iesus Christ de cœur, il ne profitera de rien par ses friuoles raisons. Le Dieu & Pere des lumieres, Docteur vniue de la sagesse celeste, nous doint son Esprit, à fin que l'ignorance chassée, toutes fallaces & erreurs descouuers, & acquiescēt à la doctrine des Prophetes & Apostres, contenuē es Escritures S<sup>m</sup>, & fermans les oreilles à la voix de l'Antechrist & des faux Docteurs, nous cognoissions le seul vray Dieu, & celuy qu'il a enuoyé Iesus Christ: auquel avec le Pere & S. Esprit soit louange & gloire, es siecles des siecles, Amen.

Acheué de composer par la grace du Seigneur, auquel seul en soit l'honneur, ce 20. Iuliet, 1595.



# INDICE DES CHA- PITRES.

**D**E la subsistance & generalité de l'Eglise,  
où est monstré qu'il y a Eglise au monde,  
& n'est qu'une. pag. 19.

De la cognoissance & venüe passive de l'Egli-  
se, où est debatue, si l'Eglise est tousiours  
visible. pag. 28.

Des marques de l'Eglise. pag. 47.

De la duree & perpetuité de l'Eglise, où est  
debatue, si l'Eglise peut perir & errer en la  
doctrinne de la foy. pag. 111.

Des ordres de l'Eglise, charges en icelle, voca-  
tion, & election pour y paruenir. pag. 154.

De la puissance de l'Eglise, & des biens & pos-  
sessions temporelles d'icelle. pag. 196.

De l'Eglise Romaine & Papistique, où est trait-  
té si c'est la vraye Eglise. pag. 200.

Des prerogatives de saint Pierre, entre tous  
les autres Apostres, & de la primauté du  
Pape. pag. 243.


De l'Antechrist, où il est monstré que le Pape

- l'est en qualité de chef, de ce Regne Aposta-  
tique, opposé à celui de Ies. Christ. pag. 315.*  
*De l'Eglise Reformée, à sçavoir si c'est la vraye  
Eglise: si en icelle est le vray service de Dieu,  
& si elle est schismatique. pag. 361.*  
*De ceux de l'Eglise Reformée, à sçavoir s'ils  
sont idolâtres & heretiques, où il est parlé  
de la reuerence qu'il faut rendre au saint  
Sacrement de la Cene, de l'adoration des  
images, de la priere pour les morts; & de  
l'inuocation des Saints. pag. 493.*  
*De la Messe. pag. 544.*

F I N.

BIBLIOTHECA NAZ.  
ROMA  
VITTORIO EMANUELE

15.  
 16.  
 17.  
 18.  
 19.  
 20.  
 21.  
 22.  
 23.  
 24.  
 25.  
 26.  
 27.  
 28.  
 29.  
 30.  
 31.  
 32.  
 33.  
 34.  
 35.  
 36.  
 37.  
 38.  
 39.  
 40.  
 41.  
 42.  
 43.  
 44.  
 45.  
 46.  
 47.  
 48.  
 49.  
 50.  
 51.  
 52.  
 53.  
 54.  
 55.  
 56.  
 57.  
 58.  
 59.  
 60.  
 61.  
 62.  
 63.  
 64.  
 65.  
 66.  
 67.  
 68.  
 69.  
 70.  
 71.  
 72.  
 73.  
 74.  
 75.  
 76.  
 77.  
 78.  
 79.  
 80.  
 81.  
 82.  
 83.  
 84.  
 85.  
 86.  
 87.  
 88.  
 89.  
 90.  
 91.  
 92.  
 93.  
 94.  
 95.  
 96.  
 97.  
 98.  
 99.  
 100.









10-3-2

